

The Ohio State University



3 2435 031148885

Hunlarn, Turklerin, Mogollarn v
D141G8159

001
V6

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	07	26	02	7	02	016	6

LIBRARY
OHIO STATE UNIVERSITY

A NOTE TO THE READER:

Because of its value and condition
this volume has been microfilmed
to preserve its content.

Please check the Libraries' catalog
for location of a copy of that
microform.

Thank you,
The Preservation Of

4/28/1993
Dag

هونلرك ، توركلرك ، موغوللرك ودها سائر
غربي تاتارلرك تاريخ عموميسي

آل تخبی جلد

تأليف و ترجمه انجمن طرفندن قبول ايدلمشدر

مؤلفك مؤنولك ودهائلك
مؤلفك مؤنولك ودهائلك

نسخه مکتوبه
نسخه مکتوبه
نسخه مکتوبه


مترجمی :

مسین ماهم

محرری :

دو کینی Deguignes

6



استانبول

طنین مطبعه سی — ۱۹۲۴

STX

D141

G8193

1923

V.6

هونلرك تاريح عمومىسى

اون یدنجی کتاب

۱

ایران موغوللاری

منکو خان تاتارستان ایمپراطور اغنه نائل اولدیغی زمان
برادری هولاکو ۱۱۱۱ یی غربی آسیایه یعنی ایران و سوریه
طرفلرینه کوندردی و خوراسان حکومتی اویراتلر عشیرتندن
آرغون آغایه ویردی . آرغون آغا بو مقامده اون سنه
قالدقن صوکره وفات ایتدی یوقاریده سویله دیکمز وجهله
هولاکو ملاحده یاخود اسماعیلیه مذهبنی محو ایتدی . مشهور
بغداد شهرینی ضبط ایله دی ، ذی قدرت خلیفه لر ایمپراطور لغنی
ده ویردی . منکو خانک وفاتندن صوکره هلاکو بو غرب
ملکترلرنده قالدی . تاتارستان بویوک خانی برادری قبلائی ، جلوس

۱۱۱ هایتون کندیسنه هائولون دیور . باشقه لری ده هالسون نامی

ویریورلر .

براتی کرک کندیسی کرک خلفری تاتارستان خانلرندن آلمق شرطیله کندیسنه او الکلری براقدی . تاتارستان خانلری بوتون ملتک حکمدارلری کی تلقی اولونیوردی . فقط تاتار ایمپراطورلغنک غایت واسع اولماسی تاتارستان خانلرینک کندی عائلهلرندن سائر اوزاق ممالکتلرده یرلشمش حکمدارلراوزرنده ادعا ایتدکلری حکم ونفوذدن اوزون مدت استفاده ایتهلرینه مانع اولدی . قبلایک وفاتندن سوکره بونلرک هپسی بویوک خانلردن مستقل برر حکمدار اولدیلر . بویوک خانلر چینده یک مشغول اولدقنری جهتلله اونلری دائره اطاعتیه ادخال ایچون اوغراشه مایورلردی . بالخاصه هلا کوایرانده برایمپراطورلق تأسیس ایتدی . خلفری زماننده بو ایمپراطورلق دهه وسعت بولدی . موغول حکمدارلری عراق عرب ایله عراق عجمه ، خوراسانه ، کرمانه ، فارس ولایتنه ، آذربایجان ، اران ، ری ، جبال ، دیاربکر ، دیار ربیعہ Diar-rabi ، دیار جزیره ، ارمنستان الکلرینه ، کورجستانک و آناطولینک بر قسمنه صاحب بولونیورلردی . تبریز بو کنیش ایمپراطورلغک پایتختی ایدی . سائر موغول خانلری کی ایران خانلری ده باشلیجه ایکی قرارگاهه مالکدیلر . بری موسم صیفه مخصوصدی ، قاره باغده ایدی . دیگر قیشه مخصوصدی ، اوجان Oudgian ده ایدی . بعض دفعه ده بغدادده اوتورورلردی . بوولایتلرک چوغنده موغللر وقتیه

حراکشی

اورالرده حکمران او ن حکمدارلری محافظه ایله مشلر، اونلری بر
ویر کوتادیه سنه اجبار ایتشلردی .

هرات ، کرمان ، اران حکمدارلری ودها سائرلری ایشته
بوقیلدندی . موغوللر یالکیز کیلان ولایتی تحت اطاعته
آلامادیلر . بولایتده سکیز قرال [۱] واردی . بربرلرینه
او قدر صیقی مربوط ایدیلر که بریسی هجومه معروض قالسه
در حال امدادینه قوشاوردی . کندیلرینی تحت انقیاده
آلماق ایچون کوندریلن متعدد موغول اردولری احماییدیلر .
بوقوملر حریتلرینه او قدر دوشکون ایدیلر که مملکتلرندن
اسارتک کولکه سنی بیله اوزاقلاشدیرمق ایچون آرالرینه اسیر
قبول ایتزلردی . یانلرینه التجا ایدن اسیرلر در حال نائل
حریت اولورلردی . بوصورتله هر کس وطنک مدافعه سنه
مساوی صورتده علاقه دار بولونوردی . باشقه هر یرده
اسارت آلتنده ایکله مک فلاکتنه اوغرایانلرک کافه سی بوراده
نائل حریت اولدقلری جهتله دولته قارشى برحرکتده
بولونمالری ایچون هیچ بر بهانه یوقدی . اکتساب حریت

[۱] بوقرالر لاهجان Lahejan ، سهام Saham ، رشت ،
صافات Saphat ، یومین Joumin ، توایم Toulim ، کسکر
Kesker ، یتفاس Yanfas حکمدارلری ایدیلر . اک مهملری
تولیم ، یومین ، کسکر ورشت حکومتلری ایدی .

ایچون بر طاقم اختلال و انقلابلره اشتراك ایتمه لرینه ده حاجت قالمامشیدی . خانك بر برنجی وزیرى واردی که عینی زمانده اردولرك باش قوماندانی ایدی . اولوس Alous قوماندان اکبری یاخود بکلربکی عنواتی حائز ایدی . کندیسندن صوکره درت اولوس قوماندانی کلیردی . بونلرك اسملری یرلیغلرك و فرمانلرك اوزرینده وسائر وثائق رسمیه ده خانك اسمندن صوکره یازیلیردی . بغدادك ضبطندن صوکره [۱] ، سوریه ده حکمران اولان حکمدارلرك کافه سی ، اوزمانه قدر برسد کی تلقی ایدیلن ، سایه سنده بوتون آسیا راحت یاشایان خلیفه لر ایپراطورلغنی محو ایتمش اولان موغوللارك سطوتندن اندیشه یه دوشدیلر . بغداد محاصره سی ایچون هلاکویه ایسته مش اولدیغی قوای معاونه یی کوندرمکه مسارعت کوسترمه مشلردی . چونکه بغدادك ضبط ایدیلمه سی منفعتلری اقتضاسندن ایدی . موغوللارك بورایه صاحب اولدقلرینی کورنجه کندیلرینی تسکین ایچون مسارعت کوستردیلر ودها اول عرض اطاعت ایتدکارندن دولایی مختلف بهانه لرله معذرتلر سرد ایتدیلر . آتابکلره خلف اولمش بولونان موصل ملکى بدرالدین او او هیسنندن اول برمفرزه عسکریه ایله اوغلی صالح اسماعیلی کوندردی . بوقوه امدادیه برآز کچ

سنه

۱۲۵۸

ابوالفدا
ابوالفرج

اولدینگی ایچون هلاکو موصل ملکنی باردانه قبول ایتدی .
دیدى که : « بزه قارشى کوستره جککىز حرکتى تعیین
ایچون اوزون مدت تردد ایتدیگىز . کیمک موفق
اولاجنى زمانک سزه کوسترمه سنى بکله دیکىز . صوکره
قوتلىنک طرفنى التزام ایده جکدیگىز . خلیفه غالب کلسه
ایدی بو کون امداد مزه کوندردیککىز عسکر بزه قارشى
دونه جکدى » . دها بعض مؤاخذاتدن صوکره هلاکو صالح
اسماعیلی موصله اعاده ایتدی . بوتون دولتک سلامتی ایچون
قورقان بدرالدین لوئو خزینه سندن الک قیمتدار انجیلری ،
الماسلری ، البسه لری آلدی ، چوجوقلرینک و مستفرشه لرینک
مجوهراتی ده بونلره علاوه ایتدی و بونلره برلکده هلاکونک
نزدینه کیتدی . هلاکو او زمان همدان طرفلرنده ایدی .
حرب یورغونلقلرینی چیقارییوردی . موغول خانى ، بدرالدینک
یاشنه حرمتله ملتفتانه قبول ایتدی . تحت حمایه سینه آلدی
و مملکتلرینه عودتی ایچون مساعده ویردی . بدرالدین لوئو
هلاکونک عظمت و قدرته نه قدر حیران ایسه نائل اولدینگی
التفاتندن ده او قدر ممنون بر حالده موصله دوندى .

سوریه نك سائر بعض حکمدارلری بو حرکته امثال ایتدیله .
موغوللره مقاومت ایده بیله جکلرینی امید ایده جک قدر کندى
قوتلرینه اعتماد ایدیورلردى . فقط آرالرنده اتحادک فقدانى

باعث فلاکتاری اولدی . بعضاری بو قدر مدهش بردشمنك
تقربندن قورقه رق عمومك منفعتنه خدمت ایچون چالشمغه
جسارت ایدمه دیلر . اونلرك ضعفی یوزندن سائرلرینك دکرلی
حرکاتی ده عقیم قالدی . یالکیز میافارقین شهرینه صاحب
بولونان اشرف [۱] الك ابتدا موغوللره قارشى بایراق قالدیرمق
جسارتی کوستردی . حلب ملکى ناصرده سوریه نك مدافعه سی
خصوصنده کنديسنه النحاق ایتمه سنی تکلیف ایله دی . فقط
ناصر بو طرفی التزام ایتک شویله دورسون ، میافارقین ملکینه
حدتی کوستره جک تعبیرات محقرانه ایله جواب ویردی .
اشرف ، کووندیکی بر قوؤ معاونه دن محروم قالمش اولمقله برابر
شهرینه عودت ایدنجه ابتدا اوراده بولونان بوتون موغول
ضابطلرینی قوغدی و هلاکونك امرلرینی حامل اولدیغنی ادعا
ایدن بر راهی آسیدیردی . بر قاچ کون صوکره هلاکونك
اوغلی یاشموت Yashmout کلوب قلعه یی قوشاندی ، سپرلر
قازدیردی و بونلری بر سور ایله تحکیم ایتدی . بر طاقم
مانجینیقلر قورارق بونلرله میافارقینه هجوم ایله دی . فقط اهاالینك
شدتی مدافعه سی کنديسنی بو هجوملری کسمکه مجبور براقدی .

[۱] ابن غازی ابن عادل (صلاح لدین عائله سندن) . [میافارقین
حکمدارلری ایچنده اشرف لقبی طاشیان هیچ بر حکمدار یوقدر .
او تاریخده شهر مذکورده ملک کامل محمد بن غازی حکمدار بولمقده
ایدی . هولاکویه عرض اطاعت ایتمین و اوزون برمدافعه دن صوکره
عرض تسلیمیه مجبور اولوب اعدام ایدیلن ملک کاملدر : مکرمین]

محاصره‌ی آبلوقه‌یه چه‌ویردی . قلعه‌ی آچلق تأثیریه ضبط ایتمک
فکرنده ایدی . سائر سوریه حکمدارلری مقاومتی ایله موغوللری
یوران اقربالری اشرفه امداد ایده‌جک یرده هلاکویه هدیه‌لر
کوندیره‌رک اونى تسکین ایتمکه چالیشیورلردی . شام‌ملکی ناصر
یوسف هلاکویه اوغلی عزیز محمدی برچوق هدیه‌لرله کوندردی .
مسلمانلر آراسنده حکمران اولان بو نفاق کندیلرینک
هائتون
انقراضنی تعجیل ایدیورلردی . صلاح‌الدینک اللرندن آلدیغی
ارض مقدسی قورتارمق ایچون خرس‌تیانلرده مسلمانلرک
انقراضنه علاقه‌دار اولیورلردی . خرس‌تیانلر ، کندیلرینی
خرستیان کوسترمک ایسته‌ین موغوللرله برلشمش‌لردی .
موغوللرده عینی زمانده هم مسلمانلر هم خرس‌تیانلرله محاربه
ضرورتنده قالماق ایچون خرس‌تیانلق ادعا ایدیورلر وسوریه
خرستیان حکومتلرینی اسلامیتک احسانه تشویق ایله‌یورلردی .
او زمان ارمنستانده هائتون حکمدار ایدی . ارمنستان غایت
معمور بر حکومت ایدی . اون بیک سواریدن و قرق بیک
پیاده‌دن مرکب بر اردو چیقارابیلیردی . مزوپوتامیاده رها
شهرینی محاصره‌یه کله‌سی ایچون هلاکوهائتونی چاغیرمشدی .
صوکرده ارض مقدسی ضبط ایددجکلردی . هائتون
موغول خانک نزدینه واصل اولدیغی زمان حلبه دوغرو
یورومه‌سی دها مناسب اوله‌جغنی سویله‌دی . او زمان قدس
حلبه تابع ایدی . حلبک ضبطی وقتیه خرس‌تیانلره عائد

بولونان دىكر بوتون شهرلر كده ضبطنى انتاج ايدى جكدى .
هلا كو [۱] ، ارمنستان حكمدارينك فكرينى تماماً تعقيب
ايمىدى . اولجه حلب حكمدارى ناصرى كوزلاكله جلبه
وعرض اتقياد ايتديرمكه موفق اولوب . اولامايه جغنى تجربه
ايتك ايستىدى . بو مقصدله برمكتوب يازدى . بونده بوتون
فتوحاتنى برتفصيل حكايه ايتدكن صوكره كنديسنه مقاومت
جراآتى كوسترمش اولانلر ك دوستدكلرى عاقبتدن اجتناب
ايچون درحال تسليم اولماسى لازم كلديكنى ، اردولرينك بر
فائده و يرمه يه جكنى ، چونكه جناب حقك موغوللرى حمايه
ايلديكنى بيلديردى . حلب ملكى بومكتوبى آليز آلماز مجلسنى
طوپلادى . بوراده موغوللره تسليم اولماغه قرار ويريلىر .
فقط اونلرى تسكين ايچون ملكك اوغلى عزيز بر طاقم
هدايايله هلا كو نرينه اعزام ايديلدى . فى الحقيقه ، عزيز
كيدوب هلا كويى بولدى . بوتون قيش خانك نرينده قالدى .
حلبه دونه رك ، ممالكنى استيلايه معروض كورمه مك ايسته يورسه
على العجله موغوللر نرينه كيتمه سى لزومنى پدرينه آكلاتدى .
ناصر تعقيب ايدى جكى طريقى تعيينده متردد ايدى . هلا كونك
امرلرينه اطاعت ايتمكه تمايل كوسترييوردى . فقط حلب اكبرى
مقصدينه دائماً مخالفت ايتديلىر .

بونك اوزرينه هلا كو درت يوز بيك كشيلىك بر اردو

ایله سوریه کیردی [۱] ، حران وره شهرلرینی ضبط ایتدی .
 بونلر کندیلکلرندن تسلیم اولدقلری جه تله هیچ بر فئالق یامادی .
 تسلیم اولمقدن امتناع ایدن سروج سکنه سی کاملاً قلیچدن
 کچیریلدی . بوتون مزوپوتامیا عرض انقیاد ایتدی . آمد محاصره
 اولوندی . مصرده حکم سورن اغتشاشات سببیه مصردن بر
 امداد آلامادی . هلاکو فرات اوزرینه بری ملاطیهدن پک
 اوزاقده اولمایان قلعه الروم قربنده دیکری قرقیسیا جوارنده
 اولق اوزره ایکی کوپرو قوردی . بوتون موغوللار بونهری
 کچدیلر ، کیدوب منبج شهرینی تخریب ایتدیلر . اوراده متعدد
 قوللره آیریلدیلر . هلاکونک اوغلی یاشموت حلبه یاقلاشدی
 [۲] . اوراده صلاح الدینک اوغلی توران شاه یکنی ناصر حسابنه
 قوماندان بونونیوردی . حلب عسکری توران شاهک فکری
 خلافتده اوله رق درحال قارشى چیقنجه باب الله نامی ویریلن
 قانی قربنده پوصو قورمش اولان موغوللار بانقوسا جوارنده
 کندیلریله حربه طوتوشدیلر و اونلری شهردن دها زیاده
 اوزاقلاشدیرمق ایچون برآز کرى چکیلدیلر . صوکره محاربه
 تکرار باملادی . مسلمانلر مغلوب اولدیلر . پریشان بر حالده
 حلبه قاچدیلر . بر چوق ضایعات ویردیلر . عسکرک بر قسمی

[۱] ابوالفرج بوقعه نك ۶۵۸ تاریخ هجریسنده جریان
 ایتدیکنی سوبله یور .

[۲] ۶۵۷ سنه سی ذی الحجه سنده .

محاربه ده مقتول دوشدى . بر قسمى ده شهر ك قاپىسندن كىر دىكن
ازدحامدن بوغولدى . موغوللر اورادن كىدهرك اعزاز شهرىنى
ضبط ايتدىلر . شهر كندىلكىندن تسليم اولدى . دىكر بر
قون معره ، حما و حمص شهرلرىنى تخرىب ايتدى . موغوللرك
او كنده بوتون حكمدارلر فرار ايدىيورلردى . حلبه ياقلاشقلرى
دويولونجه حما ملكى منصور شامه التجا ايتمشدى . شام ملكى
ناصر يوسف ده قاقش اولدىغى جهتلە اوراده اوزون مدت
قالمادى . ناصر يوسف زوجه سى ، چوجوقلى و بوتون
قيمتدار اشياسيله برلكده برييه چكىلمشدى . خلاقك وعسكر ك
بر چوغى ده اورايه قوشدىلر [۱] .

سنه
۱۲۶۰

هلاكو حلب محاصره سنه باشلامادن اول توران شاهه
موغوللره مقاومت اميدىنىك يهوده اولدىغى ، صالحى ترجيح
ايدىرك موغوللرك شهرده و حصارده برر ضابطى بولونماسنى
قبول اتمه سى لازم كلدىكنى بىلدىردى . توران شاه بوتكليفانى
رد ايتدىكىندن شهر محاصره ايدىلدى [۲] . دهاىلك هجوملرده
مسلمانلر پك چوق ضايعات وىردىلر . هلاكو بوتون مانجىنيقلرىنى
عراق قاپىسى طرفنه نقل ايتدىردى . اوراده استحكاماتك
دها ضعيف اولدىغى فرق ايتمشدى . بر قاچ كون صوكر [۳]

[۱] ۶۵۸ سنه سنده .

[۲] صفر ك ايكىسنده .

[۳] صفر ك دوقوزنجى بازار كونى

سورلرک بر قسیمی ییقلیدی . متعدد موغوللار بو کدیگدن ایچ
حصارہ قدر کیردیلر . شهر ضبط و آلتی کون یغمايه ترک
ایدیلدی . بوقتالده بغداد محاصره سنده اولدیغندن زیاده آدم
تلف اولمشدر . خرسیتیانلرک کلیسالرینه ، حاورالرہ ، جامعلرہ
وسربست حرکت ایدہ بیلہ جکلری موغوللار طرفندن تأمین
ایدیلش بعض امیرلرک اولرینه قاجش اولان الی بیک کشی
قالدن قورتولدی . اهالی آراسنده کی نفاق شهرک ضبطنه پک
چوق یاردیم ایتشدی . ایچلرندن بر قسیمی محاصره ائناسنده
عمیان چیقارارق موغوللرلہ مناسبتدار ظن ایتدکلری باشلیجه
ضابطانک بعضیارینی [۱] اولدیرمشلردی . موغوللار حلبہ
صاحب اولدقدن صوکرہ ایچ حصاری ده محاصره ایتدیلر
و ایکی آی صوکرہ الہ کچیردیلر [۲] .

هلاکو بو شهرک اداره سنی قزوینلی عمادالدینہ ویردکدن
صوکرہ عرض انقیاددن امتناع ایتمش اولان سائر سوریه قلعه لری
اوزرینه یورومکە حاضر لانیوردی . حلب محاصره سی ائناسنده
بعض ملککرمذا کرہ ایچون کلوب کندیسنی کورمشلردی .
بالخاصہ حاسکئنه سی حلب شهرینک ضبطنی خبر آلتجه ضابطلرندن
برینی اوزمان شامده بولونان ملککری منصور نزدینہ کوندره رک تسلیم
اولغه کندیسنی تشویق ایتدیلر . بوملک تسلیم اولمقدن ایسه حمایی ترک

[۱] حلب قوماندانی صفی الدین ایله نجم الدین ابن عبدالعزیز .

[۲] ربیع الاولک اون برنده .

ایتمکی ترجیح ایلدی. بونک اوزرینه اوضابط حلبه کیدرک همانک
آناختارلرینی هلاکویه تسلیم ایتدی و خانک اورایه بروالی
کوندرمه سنی رجا ایلدی. خسرو شاه نامنده بر ایرانلی
کیدوب کرک شهری کرک حصاری تسلیم ایتک ایچون امر
آلدی. مجاهدالدین قیماز بونلری هلاکونک وکیلنه تسلیم
ایلدی. منصور ایله برلکده شامده بولونان حلب ملک
ناصرده دولتنک محو اولدیغنی خبر آنجه شامدن چیتارق
اردوسیه برلکده مصره دوغرو چکیلدی. ابتدا نابلسه
کیدرک اوراده بر مقدار عسکر براقدی. اورادن غزه یه
کیتدی. وقتیه دشمنی اولان برطاقم مملوکلر ایله اوغلی
غازی غزه ده کنديسنه النحاق ایتدیله. موغوللار ناصری
تعقیب ایله نابلسی ضبط ایله دیله. بوخبر ناصری عریشه
چکیمکه مجبور ایتدی. اورادن مصر سلطانی قوتوزه خبر
کوندردک امداد ایسته دی. ناصر، توقف ایدیلک قورقوسیه
مصر سلطاننک حدودلرینه کیرمکه جسارت ایده میوردی.
بوتون اروسى و برلکده گلش اولان بوتون شهرزاده لر قطیه ده
ناصری ترک ایتدیله، مصره کیتدیله. ناصر، معیتنده
قالان بر مقدار کشی ایله فلسطینه چکیلدی. بواشاده، حمص ملک
اشرف موسی ۱۱۱ هلاکونک نزدینه کیتدی. هلاکو
کنديسنه حسن قبول کوستردک ناصرک وقتیه الندن آلمش

اولدینگی حمصی اعاده ایتدی . شامک اکابر مأموریتندن اولان
محی الدین ده بو مثالی تعقیب ایله هلا کودن سوریه قاضیسی
عنوانی آلدی . شامه عودتنده خلّک افکارینی موغوللاری
حسن قبول ایتمه حاضرلادی . بوده بر آرزو کرده وقوعه کلدی .
صو کره ، هلا کو حارم حصاری اوزرینه یورویره رک
تسلیم اولمغه دعوت ایتدی . تکلیفانه هیچ اعتماد ایدمه یین اهالی
عفت و استقامتی ایله معروف اولان حلب حصاری والیسی
فخرالدینک کندیلرینه اعزام ایدیله - نی ایسته دیلر . هلا کو
بوکا راضی اولدی . فخرالدین اونک نامنه خلّقه ایتدیکی یمینده
هلا کونک هیچ بر فنالق یا پمایه جغنی تأمین ایله دی . بو یمیندن
صو کره اهالی قاپیلری آچق خصوصنده هیچ مشکلات کو سترمدیلر .
فقط هلا کو حصاره صاحب وضعیتده بولونور بولونماز ابتدا
فخرالدینی اولدیرته رک یمیندن قورتولمق ایسته دی . صو کره
قلعه بی یغمایه ترك ایلدی . ارککار ، قادیلر حتی مّمده کی
چوجوقلر بیله قتل اولوندی . بو سفردن صو کره هلا کو
شرق یولنی طوتدی ، سوریه نك اداره سنی کر بوغایه [*] ویردی
ومعیتده اون بیک سواری براقدی . سوریه دن ایرلادن اول
حلبک و دها سائر قلعه لرک استحکاماتی ییقیدردی . او زمان
اشرف موسا هلا کونک نزدندن مفارقتله حمایه کیتدی وحما
قلعه سی حقنده هلا کونک ویرمش اولدینگی امرلری اجرا

[*] کتیرغا اوله حقده - مکرمین

ایندی . یالکز ، همانک جوارده کی فرانقلرک تجاوزاتنه مقاومت
ایده بیلیمه سی ایچون الزم اولدیغی بهانه سیله شهرک استحکاماتی
محافظه ایلدی . فقط بو سبیله بر مقدار پارده علاوه ایتمه سی
هلا کونک بو فکره اماله ایدلمه سینه دها چوق تاثیر اجرا
ایتمشدر . اشرف موسا اورادن حصه کیتدیسه ده خانک
اوامرینی اجراده پک مسارعت کوسترمدی . چونکه بو شهر
کندیسنک ایدی . شام کندیله کنندن تسلیم اولمشدی . برآز
مقاومت کوسترمش اولان ایچ قلعه کو کنندن ییقیلدی [۱] .
هلا کوتل باشر طریقله حرکت ایتمشدی . اوراده ، میافارقین
ملکی اشرف [۲] حضوریته کتیرلدی . هلا کو اونی قتل
ایتدی . میافارقین شهری ایکی سینه محاصره یه مقاومت
کوسترمشدی . اهالینک قسم اعظمی وبادن وقیطلقدن تلف
اولمشدی . اشرفک باشی بر مزداغک تپه سنده تکمیل شهرلرده
دولاشدیریلهرق نهایت شام قاپیلرندن برنده تشهیر ایدیلدی .
میافارقین حکومتی عبدالله اسمنده بر امیره ویریلدی . هلا کو
ماردین قرینه مواصلته بو شهر ملکینی عرض تسلیمیته دعوت ایدی .
ماردین ملکی دشمنک انه تسلیم نفس ایتمه که جسارت ایده میهرک
وقتیله هلا کونک خدمتنده بولونمش اولان اوغلی مظفرالدینی

[۱] جاذی الاول آینده .

[۲] ابوالفدا بو نقطه ده کندیسنندن کامل محمد ابن غازی نامی

آلتمده بحث ایدیور .

کوندردی . فقط موغول حکمداری ممنون اولمادی . ملک
بالذات کله سنی ایسته دی . مظفرالدین باباسنک بوتون حدتنه
معروض قالدی . باباسی موفق اولامادیغندن دولایی کندیسنی
توبیخ ایدرک حبسه آتیردی ومدافعه یه حاضرلاندی . شهر
او قدر ای تحکیم ایدیلشدی که ایکی سنه دن زیاده محاصره یه
تحمل ایده یله جک کبی کورونیوردی . فقط وبا ظهور ایدرک
اهالینک بویوک بر قسمنک وبالذات ملک سبب وفاتی اولدی .
بونک اوزرینه مظفرالدین بوتون خزائن ايله برلکده شهر
موغوللارده تسلیم ایتدی . اولارده حکومتده کندیسنی ابقا ایتدیلر .
هلا کو شرقه دوغرو دها زیاده اوزاقلاشدیغی صیراده
کتبوغا ۱۱۱ سوریه ده والی عمومی صفیله قالمشدی . موغول
قوماندانی بعلبکی ضبط ايله قلعه سنی ییقدی . بعلبکی اوکاسعید [۲]
تسلیم ایتمشدی . سعید موغول طرفنی التزام ایتش ومسلمانلره
تعدیاتده بولنه رق حیثیت وناموسنی لکه دار ايله مشدر . موغوللار
صوکره عجلون اوزرینه یورودیلر . شهر دن شهره قاچان وحجازه
کیتمکه حاضرلانا حلب ملک ناصر بو محاصره اثناسنده
کندی آدملرینک خیانتی یوزندن اله کچیریلشدی . بونلر

هایتون
ابوالفدا
ابوالفرج

[۱] هایتون بوکا کی بوغا Guiboga دیور . دربلو ایسه
کلت بوغا نامی ویریور .
[۲] ابن عزیز ابن عادل (صلاح الدین عائله سندن) . حبیبه
ملکی ایدی .

کربوغایه ناصرك التيجا کاهنی خبر ویرمشاردی . ناصر ، کربوغانك قارشیسنه کتیرلدیکی زمان عجلون مدافعارینه تسلیم اولمالرینی امر ایتدی . بونك اوزرینه موغولار بوراسنی تخریب ایتدیلر . کربوغا ناصری او زمان تاq 1*1 داغلرندە بولونان هلا کویه کوندردی .

او وقته در خرسیانیلر موغوللارله غایت ای کچنمشاردی . کربوغا کندیلرینه دائماً حسن معامله کوسـتریوردی . فقط ارض مقدسك استیلاسنه حاضرلاندیغی صیراده صیدا ایله بوفور حصاری خرسیانیلرندن بعضیلری موغوللاره ویرکو ویرن بعض مسلمان کویلرینی تخریبه کیتمك ایچون طویلاندیلر . جوارده قوماندان بولونان کربوغانك یکنلرندن بری اغتشاشی تسکین ایچون درحال آتنه بیندی ، مسلمانلرك سربست براقلماسنی طلب ایتدی . خرسیانیلر اطاعت ایتمك شویله دورسون ، بالعکس سلاحه صاریلدیلر ، موغوللاره هجوم ایتدیلر ، رئیسلرینی اولدیردیلر . کربوغایکنتك وفاتندن حدتله نهرك درحال صیدایه کیتدی ، سورلرینی ییقدی . بعض خرسیانیلری قتل ایتدیردی و دیگر خرسیانیلری حمایه ایتمکدن واز کچدی . دیگر طرفدن ، شام اهالیسی موغوللاره قارشى یورو مك اوزره مصردن بویوك براردو کلکدر اولدیغنی خبر آنجه [۱] عصیان ایتدیلر . موغوللار

[*] الدقاق در . مکرمین

[۱] ۶۵۸ سنه سی شعبانك ۱۵ شنده .

رنجیر بند ایتمش اولدقلری شام حصارى قوماندانك و وکیلنك
باشلارینی کسديرمش اولدقلری جهته اهالی پك زیاده دلکیر
ایدی . موغوللارک حمایه سندن دولایي پك کستاخ برحاله کلمش
اولان خرسیتیانلره هجوم ایدهرک کایسارینی یغما ایتدیلر [۱] .
مصر عساکری [۲] فی الحقیقه مواصلت ایتدی . اردویه
بالذات قوتوز قوماندا ایدیوردی . صلاح الدین عائله سینه منسوب
شهرزاده لردن منصور محمد ایله افضل علی ده کندیسنه رفاقت
ایتمکده ایدیلر . کربوغا درحال بوتون عسکرلرینی طویلادی ،
مسلمانلره قارشى یورودی . حبیبه ملکی سعیدده [۳] یاننده
ایدی . ایکی اردو، طبریه [۴] قربنده عین جاوت [۵] موقعنده
قارشىلاشدیلر . موغوللار تمامیه مغلوب اولدیلر . قوماندانلری
مقتول ، اوغلی اسیر دوشدی . سوریه ده اوغرادقلری ایلك
هزیمت بودر . شرق طرفنه دوغرو قاچدیلر . مسلمانلر متصل
یشلرندن کیدیورلردی . بو هزیمتدن صوکره ، وقتیه موغوللار
طرفنی التزام ایتمش اولان حمص ملکی اشرف موسا اونلری
ترك ایله مسلمانلر جهته کچدی و مسلمانلرله صلح یاپدی .

[۱] ۲۷ رمضانده .

[۲] رمضان ابتداسنده مصردن حرکت ایتمشلردی .

[۳] ابن عزیز بن عادل (صلاح الدین عائله سندن) .

[۴] هایتون بموقعه هریالهق دیور .

[۵] رمضانك ۲۵ نجی جمعه کونی . سانوته نظراً ۱۲۶۰ سنه سی

تشرین اولنك اوچنده .

سانوت
ابوالفدا
هایتون

بومظفریت سایه‌سندہ سوریه‌نک بویوک بر قسمی موغوللارک
الندن آندی . موغوللر ارمنستانہ دوغرو قاچدیلر . فقط
چوق کچمہ دن تکرار کلدیلر . مصر سلطانی یکی اردو طوپلامق
اوزره مملکتہ دونمشدی . موغوللر در حال حلبہ یاقلا شہرق [۱]
شہری الہ کچردیلر . بوتون اہالیسنی دیشاری چیقارارق
اقرنیا [۲] دنیلن بر موقعہ طوپلادیلر وہپسنی قتل ایلدیلر .
جو کندیار لقبیلہ یادیلن حلب حصاری قوماندانی حسام‌الدین
قوہ محافظہ ایلہ برلکدہ حما ملک منصور محمدک یانہ چکیلمشدی .
موغوللارک تقریبی اوزرینہ بو حکمدار ، قاروشی افضل علی و امیر مبارزہ
الدین ایلہ برلکدہ حمائی ترک ایدہ رک حص طرفلرینہ کیتدیلر ، اورادہ
حص ملک کی اشرف موسا ایلہ برلشدیلر . ہپسی بردن موغوللارہ
قاروشی یورو مکہ قرار و یردیلر . موغوللار عددجہ کثیرا و لمقلہ
برابر فرارہ مجبور اولدیلر [۳] . مسلمانلر بر چوق اسیر
آلدیلر . موغوللار ایلاک تلاشلری کچنجه سلمیہ قربندہ
طوپلانہرق اورادن کیدوب حمائی محاصرہ ایتدیلر . منصور
ایلہ برادری افضل علی بورایہ قاپانمشاردی . موغوللر بر کون
لہہ شکاھندہ قلدیلر . صوکرہ اورادن آریلہرق افامیہ بی
محاصرہ یہ آلدیلر . اولجہ بر مقدار عسکر ایلہ بورایہ چکیلمش
اولان سیف‌الدین [۴] اسمندہ بر مملوک او قدر ای

[۱] ۶۵۸ سنہ سی نہایتلرینہ دوغرو .

[۲] مقرر انبیادہ محرر .

[۳] ۶۵۹ سنہ سی محرمک بشنجی جمعہ .

[۴] لقبی دنیلی الاشرفی در .

داوراندى که موغ-ولار شرقه دوغرو چکيلمک قرارى
 ویردیلر . هلا کو بوايکی محاربه نك غائب ایدیله سنه او قدر
 قیزدی که حلب ملکى ناصر ایله قارداشی غازى بی حضوریته
 جلب ایدهرک بوتون سوریه اللرنده بولوندیغنى ادعا ایتمک
 صورتیه کندیسنى اغفال ایتدکلرندن دولایى مؤاخذه ده
 بولوندى . ناصر جواباً تبریزده قاپالى قالدیغى جهتله سوریه
 اردولرى اوزررنده بر حکم ونفوذى اولامادیغنى سویله دی .
 هلا کو افراد عائله لرینه منسوب شهزاده لرك کافه سی ایله
 برلکده بونلری قتل ایتدیردی . یالکیز کنجلیکی حسبیله ناصرک
 اوغلى عزیزه دوقونمادی .

سنه
 ۱۲۶۱
 ابوالفرج

بوايکی بویوک مظفریته رغماً سوریه موغوللارک آقینلرندن
 قورتولمادی . همان بر آرز صوکره موغوللار تکرار سوریه یه ،
 حمص جوارلرینه [۱] کلدیله . رئیسلى کوکالیکى نك فنا
 اداره سنده او طرفلرده بر چوق تخریباتده بولوندیله . جوار
 قرا وقصبات اهالیسنک قسم اعظمى حلبه قاچیلورلر ، اوراده
 کندیلرینی تحت امنیتده ظن ایدی-ورلردی . حلب او زمان
 موغوللارک الده ایدی . موغوللار سفردن هودت ایتدکلری
 زمان بونلرک حلبدن چیقمالرینی امر ایتدیله . صوکره
 منسوب اولدقلری کوی وقصبه لره کوره خلقی طاقم طاقم
 آیردیله . کندیلرینی یرلرینه اعاده ایتمک ایسته یور کی

داورانىورلردى . فقط بر آز اوزاقلاشيراوزاقلاشماز ، موغوللار .
 دوست اولسهلردى قاچازلردى بهانه سيله هپسنى اولديرديلر .
 بو صيرالرده موغوللار بو حواليدن اوزاقلاش-دقلرى جهته .
 مسلمان عسكەرلى تكرر س-وريه يى اله كچيرديلر . فقط
 چوق كچمه دن موغوللار ك مزوپوتاميا طريقه تكرر كلكده
 اولدقلرى خبرى آلدى . علم الدين س-نجر درحال موصلدن
 چيقدى . كوردلرده كنديسنه التحاق ايتديلر . علم الدين
 موغوللار قارشى يورودى . فقط مغلوب اولدى ،
 افراد عائله سيله برلكده مقتول دوشدى . بر مدت صوكره ،
 موغوللار قوماندانى سامادغو موصله ياقلاشه رق
 فقط صالحك س-وريه دن عودت ايتديكى خبر آنجه شهر ك
 حكمدارى اولان بو ملكك اچرى يه كيرمه سى اچون موصلى
 ترك ايتدى . صوكره همان عودت ايله شهرى محاصره آله
 آدى . صالحى ۱۱۱۱ آلتامق فكريله اوكا بعض تكيلفارده
 بولوندى . بو صيراده امير بارلوا Barlouna بر اردو ايله
 مواصلا ايدنجه موغوللار چكىلدیلر ، سنجار قربنده امير ايله
 حربه كيريشديلر . اميرى بوزديلر ، سلاحلرىنى و آغىرلقلرىنى
 اله كچيرديلر . صوكره ، بر چوق مواعد ايله صالحى كنديلرينه
 جلب ايتديلر . صالح بر چوق موسيقيشناس و قايتجى ايله
 برلكده كيدرك موغوللار تسليم اولدى . بوملك سامادغونك

نزدندە بولوندىغى اتنادە موغوللار شەرە كىردىلەر، يىغمايتدىلەر.
 صوكرە شەرك ادارەسى كىندىلەرنى بو حوالى يە دعوت ايتىش
 اولان صالحك امىرلەردىن يونسك اوغلى شەمس الدىنە وىردىلەر .
 صوكرە ۱۱ ابوامىر، زكى * ۱ طرفدن پك چوق ارتىكاباتدە بولونمقلە
 اتىام ايدىلدىكىندىن قتل ايدىلدى، حكومتى زكى Dzaki يە وىرىلدى .
 زكى ارلجە ارىل چارشىسندە دلال ايدى . مؤخرأ موصالە
 عسكرلك ايدىيوردى .

سنه
۱۲۶۲

۱۲۶۴
 ھايتون
 ابو الفدا
 سيوطى
 ابو الفرج
 ابن شىحنە
 مراکشى
 دربلو

بو تارىخدە سوريەنك قسم اعظمى ، خرسىتيانلەر عابد
 بولونان دكىز كىنارندەكى شەرلر مستىنا اولمق اوزرە ، مسلمانلار
 تحت حكمنە كىرمىشىدى . بورالرىنى استرداد ايتەيى دوشونن
 هلاكو ارمنستان و كورجستان قرالارىلە سائر خرسىتيانلەرە مصر
 ساطاننە هجومە كىتمەك اوزرە حاضرلانىملارى ايچون امروىرمىشىدى .
 فقط مراغە شەرى قىرىندە وفاتى وقوعەكادى [۱۳] . حقيقتدە ،
 چىندە حكمران اولان برادىرى قبلالەك و كىل عمومىسى ايسەدە ،
 تقريبأ اون سنە قدر حكمران اولمشىدى . اون بش چوجوق
 براقىيوردى . هلاكو علمائى پك چوق سوردى . بويوك بر
 نفوذ نظرى واردى . سوريە فتحىندن صوكرە مراغەدە زمانك
 اك مشهور منجملەرنى طويلالەرق كىندىلەرنە يوكسك معاشلار
 تىخصيص ايتىشىدى . بو شەردە بر رصدخانە بنايتدىرمىش ،

[۱] ۶۶۱ سنە سەندە .

[۲] ۶۶۳ سنەسى ربيع الاولنك ۷ سنەدە . ابو الفرج ۶۶۴

تارىخندە وفات ايتىدىكىنى سويلەيور .

[*] زكى الاربلى - مكرمين

و رصدات فلکیه ایچون بر چوق آلتار یایدیرتمشدی . طوس
شهرنده مشهور نصرالدین بو هیئتک رئیسی ایدی . هلاکونک
زوجهلری آراسنده خرسیتیان مذهبنه منسوب دوقوز خاتونده
واردر . خرسیتیانلره پک بویوک خدمتی دوقونمشدی . هلاکو
خرستیانیلری حمایه دن خالی قالمامشدر . بو زوجهسی بوتون
سفرلرنده هلاکونی تعقیب ایتدی . احتیاط وبصیرتندن دولایی
پک چوق مدح ایدیلمشدر . هلاکودن سوکره آز وقت معمر
اولدی و مراغهیه دفن ایدیلدی .

اجتماع ایدن بوتون موغول پرنسارینک موافقتیه آباقا
ایلخان پدرینه خلف اولدی . قبلایدن توجیه حکومت فرمانی
آلدی . استانبول ایمپراطورینک دیپلوبا تاجیندن پیدا ایتدیکی
غیر مشروع کریمهسی ماری ایله اولندی . بو قیز قیمتدار
هدیه لرله هلاکویه کوندرلمشدی . اونکله اولنه جکدی . فقط
مواصلت ایتدیکی زمان موغول حکمداری وفات ایتش بولونیوردی .
آباقا تخته چیقار چیقماز برادری شاماتی [۱] قاپچاق قوملارینک
آقینلارینی منع ایچون دربند بوغازینه کوندردی . و، سیدیا دنیلن
بر محله بویوک تحکیمات یایدیردی . قاپچاق خانلری عن اصل
موغول اولمقله برابر مصر سلطانلریله معاهده عقد ایددرک ،
آباقا نه زمان مصره وسورییه سفر یامغه قارقارسه دربند بوغازی
طریقیه تجاوزه کچمکی تعهد ایله مشلردی . ایشته بو معاهده

هایتون
ابوالفرج
ابوالفدا
پاهیمره
دربلو

یوزندن خرسیانیلر مصر سلطاننك قوتلرینه مقاومت ایدهمیهرك
 آنطاکیه ایله سوریهدده متصرف اولدقلری سائر شهرلری غائب
 ایلدیلر . آباقا ، سونجاق نویانه اردولرینك باش قوماندانی
 و بوتون ایمپراطورلغكده وکیل عمومیسى عنوانی ویردی .
 شمس الدین محمد وزیر اعظم ورئیس مجلس ، بووزیرك اوغلی
 بهاءالدین اصفهان وزیرى تعیین ایدیلدی . علاءالدین عطاء
 الملك Athalmouk بغداد وزیرى اولدی . آباقانك زمان
 سلطنتنده مسلمانلر مسعود اولدیلر . بوتون خلق اونك
 رحم و عدالتدن استفاده ایتدی . موغوللری دها انضباط
 دائره سنده یاشامغه اجبار ایله دی . عطاءالملکك همیله بغداد
 شهرینی تعمیر ایتدیردی . بغدادی هلا کو تخریب ایتشدی .
 هر شیده حکمدارك آرزوسنه مظاهرت کوسترن بو وزیر
 بغداده بر چوق اهالی جلب ایتدی . علوم و فنونك ، صنایع
 نفیسه نك رقیسنه چالیشدی . چوق کچمهدن بغداده اسکی
 شرف و شعله سنی اعاده یه موفق اولدی . بهاءالدین ایسه
 بالعکس اصفهان اهالیسنه قارشى کوستردیکی معامله شیدهدن
 دولایى هر کسك شکایتی دعوت ایدیوردی . معصوملرله
 مجرملر چوق کره عینی فلا کته اوغرایورلردی . خلقك مرجع
 شکایتی اولان پدرینك نصیحتلری ده بهاءالدین دیکله میوردی .
 بهاءالدینك کنج یاشنده وفاتی اصفهان سکنه سنی چکدکلری
 فلا کتدن قورتاردی .

در بلو

آباقانك بدايت سلطنتنده [۱] ، قاچاقده حکمران اولان
بركه خان [۲] دربند طریقیله ایرانه کیرمك ایستهدی .
شامات بوچیهدده کنديسنه قارشى قويدی ، پریشان ایتدی .
چکیلیمکه مجبور براقدی . بومغلوبیتته رغماً قاچاق خانى برآز
صوکره اوچ یوز بيك سواریدن مرکب براردو ایله تکرار
کلدی . دربندی زورلامش ، قور یاخود سیروس نهري
ساحلرینه موصلات ایتشدی . آباڤا، بویوك برفلاکت تهديدی
آلتنده قالان ممالکنى محافظه ایچون درحال ایمپراطورلغك
تکمیل قوتلریله سفره چیقدی ، کورجستانك پایتختی اولان
تفلیسه کیتدی ، مصادمهیه کیریشیله جکی صیراده بركه خان
وفات ایتدی . بونك اوزرینه بوتون اردوسی داغیلهرق
قاچاقده دوندی .

۱۲۶۷

آباڤا صوکره ۱۳۱ چغتایده حکمران اولان افراد غایله-
سندن پرنسلره قارشى دورمق مجبوریتنده قالدی . براق
اوغلان ، تبریک بهانه سیله مسعود بك نامنده برقوماندانی آباڤا
نزدینه کوندردی . فقط وظیفه سی کیزلیجه تدقیقاتده بولونمق
وايرانه کیرمك ایچون تعقیب ایدیله جك طریقى استکشاف
ایتمکدی . مسعود بك کافی درجه ده ماهرانه حرکت ایدهمدی .

[۱] ۶۶۴ تاریخ هجریسنده

[۲] ۱۲۱ در بلو بونی جغای نسلندن کوسترمکله خطا ایتشدر .

تولیك احفادندن ایدی .

[۳] ۶۶۶ تاریخ هجریسنده

بر عسکر مقصدینک نه اولدیغنی آکلادی و کیفیتی وزیر اعظم
 شمس الدین بیلدیردی. اوده بیلمز کی کورونه رک مسعود بکی
 اعزاز و اکرام ایله قارشیلادی. توقیف ایتدیرمک ایچون
 عودتی بکله یوردی. مسعود بک عرض و داع ایچون آباقادن
 ملاقات ایسته یه رک نهایت یوله چیقدی. دها اول هر طرفده
 منزل حیوانلری ترتیب ایتدیرمک کی برتدیر اتخاذا ایتشدی.
 بوسایه ده او قدر سریع یول آلدی که وزیرک توقیف ایچون
 کوندردیکی آدملرک الندن قورتولدی. ایرانک احوالندن
 مسعود بک واسطه سیله خبردار اولان براق اوغلان اردولرینک
 باشنده ایرانه کیتمه حاضر لانیوردی. یوز بیک سواری
 ایله جیحونی کچدی [۱]، تکمیل خوراسان قطع سنی ضبط
 ایتدی. بوراده پک آاز بر مقاومت مصادف اولمشدی.
 آذربجانه قدر کیردی. فقط آباقا بک بوولایتده مالک اولدیغنی
 عظیم قوتلر موغوللرک پیشدار قوتلرینی دور دیردی. آباقا
 اونلره قارشى یورودی. هرات قربنده کن دیلریله قارشىلا-
 شدی [۲]. اوراده بویوک بر محاربه وقوعه کلدی. اوزون
 مدت ظفرک هانکی طرفده تجلی ایده جکی مشکوک قالدی.
 نهایت آباقا احراز غلبه سعادتنه نائل اولدی. دشمنک بوتون
 آغیرلقلرینی اله کچیردی. براق اوغ ن غایت پریشان بر حالده
 جیحون نهرندن اوته طرفه کچدی. بو بویوک مظفریتدن صو کره

[۱] ۶۶۷ تاریخ هجریسنده.

[۲] ۶۶۸ تاریخ هجریسنده.

آباقا بو ولايتلرده بويوك قوتلرله برادري بشيني براقدي
واذريجانه دوندى .

آباقا بو بويوك سفردن عودتده آرتق يالكز سوريه نك
مدافعه سيله مشغول اولدى . مصر سلطاني بېرس [۱] سوريه ني
تخريب ايدوب دوريووردى . آباقا سوريه ني ده موفقيتله مدافعه
ايدى بيلمك ايجون خرستيان حكمدارلرينه از جمله فرانسه قرالى
سن لوييه ، سجيليا قرالى شارله ، آراغون قرالى ژاقه سيفرلر
يوللايه رق اونلرى اتفاقه دعوت ايتدى . اعزام ايتديكى سيفر
بوتون بو خرستيان حكمدارلرينى بېرسك مظفرياتندن عيني
صورتده تلاش ايجنده بولدى . بونلرده سوريه خرستيانلرينه
يارديم ايجون شرقه كلكه حاضر لانيورلردى . بېرس ، موغوللره
تابع اولان آناطوليه ده تجاوز ايتمىدى . آناطولى واليسى
بولونان پروانه Brouana ده آباقيه قارشى عصيان بايراغنى
قالديرمىدى . آباقا او قدر سرعتله آناطولى يه يتيشدى كه اون
بش كونده قرق كونلك يولى قطع ايتدى . بېرسك عسكرلرى
در حال توركيه يي ترك ايتديلر . موغوللر مصر قربنده كنديلرينه
يتيشديلر . دمدمار فرقه سندن ايكي بيك كشي يي اسير آلديلر .
يك چوق غنائم اله كچيرديلر واوراده اقامت ايدن بش بيك
[۱] بندقدارى لقبيله ياد ايديليردى . بوندن دولايى بزم مورخلر من
كنديسنه بندقدار ديرلر . اصل اسمى بېرسدر . دربلو بو حربك
مصر سلطاني قلاون زماننده وقوعه كلديكى سويليور . فقط بوتون
بو حكايه سى يا كلشدر .

برژرون
هايتون
ابوالفدا
ابوالفرج

سنه
۱۲۷۰

کرد عائله سنی آلدیلر [۱]. فقط موغوللر آلیشقین اولمادقلری
شدت حرارتدن چکینه رک مصره کیرمدیلر . آباقا تورکیه
طرفه کچهرک اوراده عاصیلری تحت انقیاده آلدی . پروانه
توقیف ایدیلهرک بلندن دستره ایله کسیدلی . صوکره پارچه
پارچه کسیدیلهرک خانه واکابر ملت ویریلن یمکلرک ایچنه
قاریشدیریلدی . آباقا تورکیه حکومتی ارمنستان قرالنه ویردی .
فقط کندی موقعنده زور دورابیلن ارمنستان قرالی قبول
ایتمدیکندن موغول خانی اورالرده تأسیس سکون ایتدکن
صوکره کیدوب قیشی بغدادده کچیردی [۲] . بغدادده بویوک
بر قیطلق چیقدی . فقط آباقانک اردوسی سوریه ده قالدی .
عینتاب ، رها Rouh ، وافامیه قربنده قوستون جوارلرینه
یایلدیلر . بر مدت صوکره [۳] موغوللر کیدوب بیرینی
Bira محاصره ایلدیلر . بیبرس بونلره قارشى یورودی ، فرات
نهری کچمکه حاضر لاندی . موغوللر کندیسنه مانع اولمق ایسترکن
نهرک آقندیسنه قاپلدیلر . مسلمانلر بوتون مانجینیقلری
اله کچیردیلر و کندیلرینی بیره محاصره سنی ترکه مجبور ایتدیلر .
موغوللر بر قاچ سنه صوکره [۴] آقطاق قوماندا سی آلتنده

۱۲۷۱

۱۲۷۲

[۱] کندیلرینه بیاض آدیم pas blanc دیرلر .

[۲] ۶۷۰ تاریخ هجریسنده .

[۳] ۶۷۱ تاریخ هجریسنده .

[۴] ۶۷۴ تاریخ هجریسنده .

تکرار بورالره کلدیلر سده اوزمان شامده بولونان بیبرس
اونلری چکیلمکه مجبور ایلدی .

سنه
۱۲۷۴

آباقا نهایت مصرایلیری سوریه دن چیقارمغه قرار ویره رک
خرستیانلرله برلشدی . پاپا غره غوار عینی مقصدله لیونده بویوک
بر مجلس طوپلامشدی . آباقا خان اورایه سفیرلر کوردردی .
بونلر پاپا ایله وبوتون خرستیان حکمدارلرینک سفراسی ایله
برمعاهده یاپدیلر . بومعاهده موجبنجه آباقا برادری منکو-

تیموره مهم بر اردو ویره رک اونی مصر سلطانی ایله حربه
کیریشمکه مأمور ایتدی . مصر سلطانی حربدن امتناع ایدرسه
بوتون سوریه شهرلرینی ضبط ایدرک خرستیانلره تسلیم
ایده جکدی . آباقا بالذات کیده رک رجبینی محاصره ایتدی .
قارداشی منکو تیمور ارمنستان قرالی ده کندیسنه التحاق ایتدکن

۱۲۸۶
هایتون
ابوالفدا
ابوالفرج
سانوت
ابن شحنه

صوکره سوریه یه کیردی ، حلب و حمصه قدر اولان یرلرک
کافه سنی تخریب ایلهدی . اوزمان مصرده حکمران اولان
قلاون شامده ایدی . علی العجله اردولرینی طوپلادی . بر
چوق امرا [۱] عسکرلریله برلکده کندیسنه التحاق ایدرک
موعوللره قارشى یورودیلر . هما ملکی منصور صاغ جناحده
سنقرالاشقر صول جناحده قوماندا ایدیوردی . سلطانک

[۱] سنقرالاشقرکه صهیوندن کلیوردی ؛ هما ملکی منصور ؛
ایتمش السعدی ؛ الحاج ازدمر ؛ علم الدین الدویداری ؛ بدرالدین البیسری ؛
علام الدین طیب برس الوزیری ؛ ایبک الافرم ؛ بدرالدین بلیک الایدمری ؛
نذرالدین بککاش .

سوریه ده کی و کیلی حسام الدین لاجین مرکزده بولونان سوریه
 عسکرلرینه قوماندا ایتکده ایدی . بر عرب مفرزه سی صاغ
 جناحه ، بر تورکمن مفرزه سی ده صول جناحه مظاهرت
 ایلوردی . موغول اردوسی اوتوز بیک کشی ایدی . اچلرنده
 آنجق بش بیک موغول واردی . متباقیسی کورجیلردن ،
 ارمنیلردن و ایرانیلردن مرکبدی . منکو تیمور مرکزده
 ایدی . ارمنستان حکمداری ، صاغ جناحی تشکیل ایدن
 خرسدیانلره قوماندا ایدیوردی . حمص قربنده بویوک و کوزل
 بر صحرا ده طوپلانمش اولان بوتون بو عسکرلر محاربه یه کیر-
 یشدیله [۱] . ارمنستان قرالی ابتدا مسلمانلرک صول جناحه
 هجوم ایتدی . بر موغول قوماندانی [۲] دیکر بر مسلمان
 مفرزه سنه قارشى یورودی . مسلمانلر فراره مجبور اولدیله .
 اوچ کون دشمن کندیلرینی تعقیب ایتدی . مسلمانلرک قسم
 اعظمی شامه قاچدیله . موغوللار پک چوق مسلمان اولدیله .
 بالخاصه هزیمت ائناسنده اله کچن اوردو خدمه سنی قتل ایلدیله .
 مظفریتک آرتق کندی طرفلرنده تقرر ایتدیکنی ظن یدیور-
 لردی . فقط مسلمانلرک صول جناحی ایله مرکزلرینک عینی
 موفقیته نائل اولدیغنی و عربلردن قورقان منکو تیمورک میدان
 محاربه یی ترک ایتدیکنی خبر النجه چکیلمک طریقنی اختیار

[۳] ۶۸۰ هجریه سی رجبینک ۱۴ نجی نجشبه کونی ساعت درتده .

[۴] هایتون بوکا آلاق دیور . اغلب احتماله کوره الیناق در .

ایلدیلر . مسلمانلر تکرار طویلانش ایدیلر . ارمنستان قرالی ایله منکو تیموری بکله یین سائر موغوللردمقاومت کوسترمشلردی . منکو تیمور فرات ساحلنه واصل اولمش ، اوراده اردوسنک بقایاسنی بکله یوردی . ارمنستان قرالی تکرار مملکتک یولنی طوتدی . اوتاریخدن صوکره دائما مسلمانلرله حرب مجبوریتده قالدی . مسلمانلر کندیسنی تعقیب ایدیورلردی . بو محاربه ده بوتون ضابطلرینی و اردوسنک قسم اعظمی غائب ایتدی . منکو تیمور بو محاربه یی غائب ایتک یوزندن حس ایتدیکی کدرک تأثیریه اولدی ۱۱۱ . آباقا بغداده چکیلمک اوزره رحبه محاصره سندن واز کچدی . اورادن همدانه کیتدی . همدانده پاسقالیه کونی کلیسایه کیتدی ۱۲۱ و بویورطی یی خرسقیانلرله برلکده یاپدی . ایرته سی کونی بویوک بر ضیافته دعوت اولوندی . برآز صوکره پک خسته لاندی ۱۳۱ و همان عقبنده وفات ایتدی ۱۴۱ . وزیر شمس الدین طرفندن زهرلندیکی ادعا اولونیور . بو وزیر بعض امرانک انتریقهلری یوزندن حکم ونفوذنی غائب ایتمشدی . حتی برادری عطاءالملک توقیف بیله اولونمشدی . بمضیلری ایسه آباقانک برادری احمدک ، وزیر ی بوله برجنایتی ارتکابه تشویق ایتمش اولدیغی فکرنده درلر . آباقانک آرغون

سنه
۱۲۸۲

۱۲۸۳

[۱] جزیره ابن عمرده .

[۲] ۶۸۱ تاریخ هجریسنده .

[۳] صالی کیجه سی .

[۴] نيسانك برنجی چارشنبه کونی . ذی القعدةک یکر میسنده .

و كېخاتو نامندە ايكي اوغلى قالپوردى . مورخ هايتون كنديسندە
يالكىز ايكي قصور بوليور . برنجيسى پدرينك ياپديغى كې
خرستيان دينى قبول ائتمەسيدر . بوندن دولايى برچوق خلق
مصر سلطانك نردينه التجا ايتىلدى .

ابوالفرج
هايتون
درېلو
ابوالفدا

آباقانك وفاتندن سوكره بر اجتماع عمومى عقد ايله ين موغوللر
خان عنوانى برادري نكوداره [۱] ويردىلر . كنجلك كندە وافتيز
ايدىلش ونيقولا اسمنى آلمىدى . رؤساي ملته بويوك هديه لر
ويردى . وزير شمس الدين مقامندە ابقا ايدىلدى . برادري عطاء الملك
بوتون مأموريتلرني محافظه ايتدى . باشلىجه دشمنلرى اولان
يزدىلى مجد الملكى يكي خان بونلرك ألنه تسليم ايله دى . سوكره
موغول خانى اسلاميتى قبول ايله احمد نامنى آلدى . بو نام
آلتندە دها زياده معروفدر [۲] . اسلاميتى قبول ايتد كدن
سوكره خرستيانلره تعديا تده بولوندى و مسلمانلره محب اولدى .
كليسالك قسم اعظمى بيقىلدى . خرستيانلر نفى ايدىلدى .
موغول خانى بو تحولى او تاريخده بو جوارلرك اك ذى قدرت
حكمدارى اولان مصر سلطاني قلاونه بيلدىردى . سفيرلرى
مصر سلطاننه متبوعلرينك صاحدن باشقه بر آرزوسى اولما ديغنى ،

[۱] هايتون بوكا تانغودور دييور . هلا كو ايله قوتاي خانونك
اوغلى ايدى . ۶۸۱ تاريخ هجريسى حزينانك اون برنجى بازار كوني
تخته چيقمشدر .

[۲] هايتون كنديسنه محمد دييور .

مسلمانلار ك قاتى دوكمككن چكىندىكنى ، كندىسى ده خالص
بر مسلمان اولدىغنى ، سلطان ده عىنى فكرده ايسه ، موغوللار ك
مجلس عمومىده مصره و سوريه بويوك بر اوردو كوندرمىك
اوزره ويرمش اولدقلى قراره رغباً خانك سلاحه صارلمقكن
فارغ اوله جغنى سويله ديلر . قلاون ، ابتدا خانك تخته جلوسنى
تبرىك ايله مقابله ايدىرك اسلامى قبول ايتىسندن دولايى تقدير اتمه
بولوندى .

احمد خانك بو حركتى بوتون موغوللار طرفندن تقبيح
اولوندى . بو قوملر خرىستيان اولماقلا برابر خرىستيانلار له برابر
ياشامغه ، اونلار ك مراسم دينيه لرىنك اجراسنى كورمكه آليشمىلردى .
مسلمانلردن نفرت ايدرلردى . احمد بوتون تبعه سنك منفورى
اولدى . قارداشلىرىن برى ايله يكنى آرغون بوندى دولايى
قبلاى خانه شكايى ايتدىلر ، احمدى اجدادىنك اثرىن ترك
ايتىش اولمقلا اتهام ايلدىلر . احمد ، تاتارستان بويوك خانى طرفندن
بر عاصى معامله سى كورمك تهديدىنه معروض قالدى . بوتون
ايمپراطورلقد اغتشاشات ظهور ايتدى . ارمنستان قرالى ايله
كورجىلر احمدك امرىنه اطاعتدن امتناع كوستردىلر . احمد ،
قبلايك تهديداتنه قىزىرق برادرىنى اولدىرتدى . يكنى آرغون
حقنهدده عىنى جزايى تطبيق ايتمكه حاضر لانيوردى . آرغون
درحل خوراسان ولايتنه چكىلدى . اورادده عسكر طوپلادقدن ،

سنه

۱۲۸۴

صوگرا دامغانه قدر ایلریله دی [۱]. فقط عسکری ، احمدك
 كندیسنه قارشى كوندرمش اولدیغى اليناك شجاعتى سایه سنده
 داغیلدی . آرغون خوراسانه التجایه مجبور اولدی . اوراده
 بورداه urdah [*] حصارینه قاپاندی . چوق كچمه دن
 بو حصارده محاصره ایدیلدی . اليناك وعدلرینه آلدانه جق
 قدر غافل داوراندى . موغول قوماندانى كندیسنی عموجه سیله
 باریشدیرمق وعدنده بولونیوردی . بوندن دولایى دشمنك الله
 تسایم نفس ایتدی .

اليناك آرغونی همان حبس ایتدیردرك درت بیک كشی ایله
 محافظه آله آلدی . احمد بو عصیانى تمامیه تسکین ایتدیکنی
 ظن ایددرك نعمت صلحدن استفاده ایتك اوزره بغداده
 کیتدی . برقاچ کون صوکره آرغونی اولدیرمه سی ایچون
 امر بوغایه امر ویردی . فقط بوغا ، کهوشکلکندن ویکی
 دینندن دولایى خانك کیزلی دشمنی ارلان بعض امرا ایله
 برلکده آرغون لهنده بر فرقه تشکیل ایتدیلر واونی تخته
 چیقارمغه قرار ویردیلر . آرغونی سربست براقدیلر . اليناكه
 هجوم ایله اونی اولدیردیلر . دمدارده قالمش اولان احمدك
 سائر بعض ضابطانی ده قتل اولوندی . بو عصیانى خبر آلان
 احمد درحال اسفراین دن چیقدی ، قاچغه تشبث ایتدی .

[۱] ۶۸۳ تاریخ هجریسنده .

[*] میرخونده نظراً بو حصارك اسمی کلات در-مکرمین

فقط آرغونك سواريلرى يقيشديلر ، توقيف ايدەرك آرغونه
كوتورديلر ، آرغون احمدى قاين والدهسى سلطان قونغورتايە
تسليم ايتدى . احمد بونك چوققلىرىنى اولديرتمشدى . اوده
درحال احمدى قتل ايتديردى [۱] .

آرغون تخته چيقار چيقماز قبلایدن توجیه حکومت
فرمانى ايستەدى . خان عنوانى آنجق قبلای طرفندن توجیه
ايدیلدکن صوکره آلدی . احمد زمانندە وزیر اعظم بولونان
شمس الدین [۲] سرايدن چکیلەرك هندستانە کچمک نیتیلە
اصفهانە کیتمشدى . آرغون کندیسنى چاغیرتەرق مأمۇریتنە
اعادە ایتدی . بو وزیرك مواصاتی اوزرینە بوغا سرايدە حائز
اولدیغى تکمیل نفرذى غائب ایدە جکندن قورقدی . وزیر ،
وقوف واهلیتی ودرایتی ایله پک ممتاز ایدی . ایملک یامقدن
ذوق آلیردی . هرکسە اک اول سلام ویرن آدم اودر
دیرلردی . حضورینە چیقانلرک آرزولرینی اسعاف ایدردی .
آرغونك اوغللری قازان ایله خربندە خوراسان حکومتنە تیین
اولونديلر . خان کندیلرینە آتابك اولمق اوزره نوروز نامندە
باشلیجه امیرلرندن برینی ویردی .

شمس الدینك وفاتندن صوکره امیر بوغا اودرجه
صاحب قدرت اولدی که استقلال کسب ایدە بیله جکندە

سنه
۱۲۸۷
دریابو

[۱] ۶۸۳ سنه هجریه سی جمادی الاولک ۱۱ نده .

[۲] الجوینى لقبيله یاد ایدیلیردی .

احتمال ویردی . فقط بو حریصانه تصورلری موفقیتیه اقتران
ایتمه دن اول سفیلانه قتل ایدیلدی [۱] . مقامی موسوی
سعد الدوله یه ویریلدی . بو ذات وقتیه موصل چارشیسنده
سمسار ایدی . مؤخرآ طیب اولمشدی . غایت خوش
صحت اولان بو موسوی آرغونک او قدر توجهنه نائل
اولدی که هرشی النده ایدی . کندی ملتداشلرینی اک یو کسک
مأموریتلره چیقاردی . مع مافیه خرسیتیانلره هیچ بر فنالق
ایتمدی . یالکیز مسلمانلره تعدیاته بولوندی . بوتون عدلیه
ومالیه مأموریتلرینی اونلرک الندن آلدی . کندیلرینی سرایه
کلمکدن بيله منع ایده جک درجه ده ایلری یه واردی . مسلمانلر
یک چوق مرلاندیلر و آرغونک خرسیتیانلره کعبه یی کلیسایه
تحویل ایتک وعدنده بولوندیغنی ادعا ایلدیلر . خرسیتیانلرده
آرغونی مسلمانلره قارشى حرب ایتکه وارض مقدسی اللرندن
آلغه تشویق ایدیورلردی . حتی پاپا دردنجی نیقولا خرسیتیانلره
قارشى کوستردیکی حسن معامله دن دولایى ژان دومون
قوروهن واسطه سیله بیان تشکر ایتدی . فقط خان ، مسلمانلره
قارشى موفقیتله حربه حاضر لاندیغنی صیراده تهلیکه لی صورتده
خسته لاندی . هر طرفده دعالر ایدیلدی ، عظیم صدقه لرویریلدی .
حکم ونفوذینی سؤ استعمال ایتش اولمقدن اوتانان سعد الدوله
فنا صورتده تبدیل ایتدیکی شیلرک حال سابقنه اعاده سی ایچون

ولایتلره امرلر کوندردی . فقط صوڪ درجه ده نفرت
قازانمش اولدیغی ایچون آرغون حال احتضارده بولوندیغی
صیراده قتل ایدیلدی . آرغون ده هان آرقه سندن وفات
ایتدی [۱] . مسلمانلر بو حکمدارک وفاتی تضییق ایتدیکی
اسلامیتک معجزه لری میاننده اراثة ایدرلر .

آباقانک اوغلی کیخاتو [۲] ، آرغونک وفاتندن صوکره
موغول مجلسی طرفندن خان انتخاب ایدیلدی . بو حکمدار
آرغونک زمان سلطنتنده، چکیلمش اولدیغی آناطولیده عادی
برفرد کبی یاشایوردی . کندیسایله برابر دینسزلکی، عهده
وفاسزلغی و سائر بوتون سفاهتلی ده تخته چیقاردی . مع مافیه
بوتون عالیه سنک اک جسوری اولق شهرتی حائزدی . فضایحنه
رغم تاریخ تبعه سنه تأمین عدالت ایتدیکندن و هیچ بریکناهی
قتل ایتدیرمدیکندن دولایی کندیسنی تقدیرایدی . آناطولی
ترك ایدر ایتمز، اوراده ظهور ایدن اعشاشاتی تسکین ایچون
تکرار عودته مجبور اولدی . آز وقت ایچنده بوتون
دشمنلری داغیتدی و پایتخته مظفرانه کیردی [۳] . آرتق
امور دولتی تنظیم ایله اشتغال ایتدی . باش قوماندانلغی باقی بوقه

سنه

۱۲۹۲

[۱] ۶۹۰ سنه سی ربیع الاولنده .

[۲] هایتون بوکا ره غایتو دیبور . باشقه لری کنجاتو یاخود

قایختو نامنی ویریبورلر . حقیقی موغول آدی غای قاتودر که پارلاق
معناسنه در . نانارلرک تاریخ انسابنده ذکر کیچن قازه ییتو بودر .

[۳] ۶۹۱ تاریخ هریسنده .

ویردی . صدرالدین خالیدی زنجانی بی وزیراعظم تعیین
ایله دی . فقط صوکره دولتک اداوردنی تماماً ناظرلرینه ترك
ایتدیکی ایچون بوقدر اخلاقی بوزوقاجنبیلر طرفندن محقر ،
تبعه سی طرفندن منفور بر حکمدار طرفندن اداره ایدیلکه
تحمل ایدمه یین موغول رؤسای عصیان ایتکه قرار
ویردیلر . ایچلرندن بری ، طغاچار نویان باشلرینه کچدی .
ایمپراطورلی اوزمان بغدادده قوماندان بولونان هلاکونک
طورونی بایدو اوغلی تکلیف ایتدی . بر چوق اصراردن
صوکره بایدو اوغله موافقت کوستره رك بر اردونک باشنده
بورودی . کیخاتو ایشدن خبردار اولور اولماز کندیسنه قارشى
چیقدی . فقط اردوسنک صاغ جناحنه قوماندا ایدن طغاچار
درحال کندیسنى ترك ایله بایدویه التحاق ایتدی واحرازایتمک
اوزره اولدیغی مظفرتی الندن آلدی . بو صورتله خیانت کورن
خان ، موغانه قاچدی . وقتيله حبس ایتدیرمش اولوب ده بایدو
طرفندن تخلیه ایدیلش اولان بعض موغول کبراسی اوراده
کندیسنى توقیف ایتدیلر . کیخاتو اخناقایدیلدی [۱] . ادعا
اولوندیغنه کوره عصیانك باشلیجه سببلرندن بری مملکتنده
چینده اولدیغی کبی کاغد پارا احداث ایتک ایسته مش اولماسیدر .
بایدو Baidou خان [۲] کیخاتونک وفاتندن صوکره

سنه

۱۲۹۵

دربلو

[۱] ۶۹۴ سنه سی ربیع الاخرنده

[۲] هایتون کندیسنه Baidou دیور . هولاغونک اوغلی

طراغایک اوغلی ایدی .

۲۰۱۰ الفدا همدان شهرنده در حال موغول تخته چقدي . صوكره ،
 هایتون ایمپراطورلغك سائر شهرلرندهده خان طانندی . بو حکمدار
 بر حسن سكران اثری اوله رق اردولرینك باش قوماندانلغنی
 طغاچاره ویردی . بونك دوستی اولان جمال الدینی ده وزیر اعظم
 یاپدی . پدرینك وفاتندن بری خوراسان حکومتنه متصرف
 اولان آرغونك اوغلی قازان کیخاتونك قتلندن و بایدونك
 تخته جلوسندن خبردار اولونجه آتا بکی نوروزك توصیه سی
 اوزرینه کیخاتونك انتقامنی آلمغه قیام ایتدی . غازی لقبیله
 یاد ایدیلن بو نوروز وقتیله خوراسان والیسی اولان آرغون
 آغانك اوغلی ایدی . قازانه آتابك اولمشدی . صوكره ، امیر
 بوغانك وفاتی متعاقب ، اونك اوغرا دیغی نكبتة اشتراك قورقوسیله ،
 ایرانك اك شرقی طرفلرینه چكیلمش و اسلامیتی آچیقدن آچیغه
 قبول ایتمشدی . اسلامیت دشمنلرینه قارشى اعلان حرب اتمش ،
 قازان ایله بر چوق مجادله لرده بولونمش ، نهایت اونكله
 باریشیمشدی . بونك اوزرینه قازان کندیسنى غایت ابی بر
 دوست کبی تلقی ایدهرك خوراسانه فارس و عراق عجم ولایتلرینی
 الحاق ایتمهك چاره سی حقنده استشاره لرده بولوندى . نوروز
 ویردیکی جوابده مسلمانلغی قبول ایدرسه کندیسنى ایمپراطورلغه
 صاحب قیلاجغنی جسورانه بیان ایتدی . تاجی دینه ترجیح
 ایدن قازان در حال فیروز کوه شهرنده اسلامیتی قبول ایله دی .
 دهها بر چوق موغوللارده کندیسنى تقلید ایلدیلر . صوكره ،

مهم بر آوردونك باشنده ، رى شهرينك يولنى طوتدى .
اورادن بايدويه بر سفير كوندرك گيخاتونك قاتلارنى كنديسندن
ايستهدى . بايدونك ويردىكى جواب رد اوزرينه بو قطعه لرده
بر چوق تخريبات ياپدى . اوردوسنك آقنجيلرى
بايدونك قوتلرندن بر قسمنى پریشان ايتديلر . اراده محاربه
اعلان ايديلدى .

مع مافيه قازان آچيقدن آچيغه حركت ايتك ايستهمدى .
احراز ايتدىكى موفقيته رغماً بايدويه يكي بر سفير كوندرك
جريان ايدن وقايعده هيچ مدخلى اولماديغنى آكلاتدى . خان بو
معذرتى قبول ايتدىكى جهتله ، ايكي سنك طرفيندن انتخاب ايديلمى
بعض ذوات ايله برلكنده بر محله بولوشوب كوروشمه لرى
قرار كير اولدى . ايكي سى ده موعدملاقاته كيتديلر ومعتاد اولان
مراسم اكرام واعزازدن صوكره ، قازان عراق عجم وفارس
ولايتلرينك كنديسنه تفويض ايديلمى ، بايدودن طلب ايتدى .
غايه صلح پرور كورونمك آرزوسنده بولونان بايدوده بو آرزوينى
اسعاف ايلدى . ايرته سى كوني ايكي حكمدار ينه بولوشه جقلىر ،
بررلرينك چاديرلرينه كيدرك زيارت تعاطى ايدى جكلر
وباريشمه لرى شرفه بويوك شليكلىر ياپاجقلىردى . فقط قازان
كنديسنك توقيف ايديله جكنى خبر آلجه معيتنده كيلرله برلكنده
همان حركت ايتدى ، خوراسانه دوندى . خوراسانده بعض
ضابطانك عصيانى كنديسنى على العجله حر كته مجبور ايتدىكى

خانه سویلندی و فارس ایله عراق عجم ولایتلرینک کندى مأمورینه
تسليمی ایچون لازم کلن امرلرک کوندرمه سی رجاسنده بولوندى .
بایدوده ایشی آچیغه وورمق ایسته مدیکندن وزیرى جمال الدینه
بوايکی ولایتک تسليمی امر ایلدى . فقط قازانک ضابطانى
اورایه مواصلت ایتدکلری زمان هیچ برشی استحصال ایدم دیلر ،
عودته مجبور اولدیلر . وزیر اعظم ، خانک اوامرینک اجرا
ایدیلمه سی ایچون کیزلیجه امرلر کوندرمشدى . بونک اوزرینه
امیر نوروز بایدونک سراینه کیتدى . سیاحتنک رسمى سببی بو
ولایتلرک تسليمی طلب ایتمکدى . حقیقتده بایدونک سراینده
قازان لهنده طرفدارلر تأمین ایتک ایسته یوردی . طغاجاری
قازاندی واونی بایدوی خلع ایتمکه قاندىردی .

بایدو ، نوروزک سیاحتندن شه لندیکی جهتله کنديسنى
تحت نظارتده بولوندریوردی . سرایندن جیقماسنه مساعده
ایتمه یوردی . فقط نوروز خوراسانه عودت ایدرسه قازانی اسیر
اولارق کتیره بیله جکنى یمینلرله اوقدر تأمین ایتدی که بایدوده
ایناندى . نوروزک حرکته مساعده کوستردی . روایت
ایدیلدیکنه نظراً نوروز خوراسانه واصل اولور اولماز یمینده
دورمق ایچون بایدویه برچوال ایچنده بر قازغان کوندرمشدر .
چونکه موغول لسانده قازان ، « قازغان » معناسنه در . بو
استهزا بایدویه النده کی بر آدمی براقش اولدیغندن دولایى اسفلر
ویردی . بوندن چیقابیله جک نتیجه لرک نه اولدیغنى صوکره پک

اعلا كوردى . نوروز بوتون فېكرلىرى عصيانە حاضر لامشدى .
 سراي مختلف فرقه لره آيرىلمشدى . بوتون بو قاريشيقلقلىرى
 خوراسانه كلش اولان شمس الدين نامنده برضا بطدن خبر آلان
 قازان عسكەرلىرى يوروتمك زمانى كلش اولديغنه حكم ايتدى .
 پيشدار قوتنه قوماندا ايدن نوروز صوك درجده سرعته
 بايدونك قرارگاهنه ياقلاشدى . طعاجار [۱] ايله طرفدارلىرى
 اونك مواصلىتى خبر آلىر آماز بايدويى ترك ايتدىلر . بايدو
 نخبجوان طرفلرينه دوغرو فرار ايتدى . فقط نوروز او قدر
 سرعته تعقيب ايلدى كه يولده يتيشدى ، قتل ايتدىردى [۲] .
 بو خانده آنجق سگىز آي حكومت سورمشدى .

قازان ايمپراطورلق تاجنى كيركن محمود نامنى آلدى .
 ايمپراطورلغده تداول ايدن سكه لرك اوزرندكى تاتارستان
 بويوك خانلىرى عبارەسنى قلدىرتدى . آرتق اونلىرى متبوع
 اوله رق طانمىق ايسته ي . امير نوروز وزيراعظم اولدى . بعض
 موغول پرنسلىرىنىك تشبثاتنه مانع اولمىق اوزره بر اوردو ايله
 خوراسانه كوندريلدى . بو موغول پرنسلىرى قازانك الندن
 حكومتى آلمىق فېكريله جيحون نهرينى كچمشلردى . فقط
 چكىلمكه مجبور اولدىلر . بونك اوزرينه قازان ، حكومتك
 اداره سيله مشغول اولمغه باشلادى . چوق كره ديوان عدالته

[۱] كنديسنه دوغاجارده ديليور .

[۲] ۶۹۴ سنه سى ذى الحجه سنده .

درېلو
 ابوالفدا
 هاستون
 مراکشى

بالذات رياست ايدييور ، تبعه سَنَك اكابر حكومت عليهنده كي
 شكاياتي ديكه يور ، حقاريني ويريوردی . خوراسان دن عودت
 ايدن امير نوروز والی صفتيله عقبنده ينه خوراسانه كوندريلدی .
 بو ائشاده ، عيني واليله كوز ديكمش اولان دشمنلرندن
 بعضيلري اونی مصر سلطانی ايله كيزلی مناسباتده بولونمق
 وسلطانی قازان عليهنده حربه تشويق ايتمك ايله اتهام ايلديلر .
 حتی نوروزك بر مکتوبی بيله كوسترديلر . ايفا ايتديكي خدمات
 عظيمه يه رغماً قازان نوروزی عزل ايتدی [۱] . قازان تخته
 چيقوبده موقعی تحکيم ايتدکن صوكره نوروزك قبول
 ايتديرمش اولديغي اسلاميته پك او قدر مربوط بولونمايوردی .
 تاميله خرسـتيانلر طرفه دونمشدی . حکمدارک بو تحوی
 نوروزی مسلمانلرله برلشمکه سوق ايتمش اولمق ملحوظدر .
 کنديسني اتهام ايتدکلری جرمده بو ایدی . خوراسان امير
 نوروزدن آلنه رق قوتلوق شاهه ويريلدی . اوده بر اردو
 ايله خوراسانه کيتدی . نوروز دامادی کُرت [*] Kurts
 سلاله سندن فخرالدينک نزدينه التجايه مجبورقالدی . فخرالدين
 قاين پدرينه قارشى اولان وظائفنى اونوته رق ، التجا حقنى
 چيکنه يه رك نوروزى قوتلوق شاهه تسليم ايتدی ، اوده باشنى
 قازانه كوندردی . بونك اوزرينه قازان خوراسان حكومتى

[۱] ۶۹۷ تاريخ هجري سنده .

[*] كافك فتحيله كُرت اوقونه بقدر . مكرمى

برادری اولجایتویه ویردی . بوده کرت لر حکمداری ایله بر
چوق منازعه لرده بولوندی .

قازان او تاریخلرده ، سوریه مسلمانلرینک حرکاتی دها
ای کوز اوکنده بولوندی رابیلیمک ایچون همدانده اقامت
ایدیوردی . چونکه ایمپراطورلغنک بو پارچه سی اک آسکونته
نائل اولان قسملردن ایدی . آناتولیده کی موغول رؤساسندن
بری اولان سلامشی Selamesch قازان اولدی رتمک ایسته مشدی .
بو موغول رئیس ده مصر سلطانی طرفدن سوریه والیسی
بولونان حسام الدین لاجین نزدینه چکیلمشدی . حسام الدین ،
سلامشی مقامنه اعاده ایچون سیف الدین بکتمور [۱] قومانداسنده
آناتولییه بر اردو کوندرمشدی . بو اردو قازان اردوسی
طرفدن تعقیب ایدیلدی . بکتمور مقتول دوشدی . سلامش
آناتولینک حصارلرندن برنده بر مدت کیزلی قالدقن صوکره
قازانه تسلیم اولمق کبی بر احتیاط سزلقده بولوندی . اوده
کندیسنی قتل ایتدیردی .

قازان ، مالیه امورینی اداره سندن ممنون اولمادیغی وزیر
صدرالدینی [۲] ده قتل ایتدیردی . هر حالده ، صدرالدینک
طوپلادیغی اموال عظیمه یی مصادره ایچون کوستردیکی بهانه بو
ایدی . صدرالدینک وظیفه سنی ایکی ذات [۳] آراسنده تقسیم

[۱] لفی جلمیدر .

[۲] لقبی زنجمانیدر . صدر جهان عنوانی حائز ایدی .

[۳] رشیدالدین طبیب ایله خواجه سعدالدین ساوجی

ایندی . صوکره ، مصر سلطاننک تجاوزاتندن انتقام آلمق
فیکریله سوریهیه قارشى حربه حاضر لانمغه باشلادی . ارمنستان
و کورجستان قراللىرى و عمومیتله خرسیتیانلر بو سفر ایچون
دعوت ایدیلدیله . موسم بهارده قازان اردوسیله برلکده یوله
چیقدی . بغداده ، اورادن سوریهیه کیتدی . مصر سلطانی
ناصر ، موغوللارک فراتی کچدکلرینی ، صوکره حلبه ، اورادن ده
همایه کلدکلرینی و مجمع المروج ۱۱ نامنده بریرده طوپلاندکلرینی ،
بوراده بر چوق جایرلر بولوندیغنی خبر آنجه درحال برچوق
امرا ایله برلکده حمص قربنه کیتدی . یاننده کی امرا آراسنده
بالخاصه سلار ایله جاشانکیر لقبی طاشیدیان بیرسده واردی .
بونلرک عسکر اوزرنده بویوک بر حکم و نفوذی کورولیوردی .
کندیلرینی قیصقانان سائر بعض امرا عسکرلرینی عدد مرتبه اکمال
ایتمدیله . بو صورتله مصر سلطاننک اردوسنی پک زیاده ضعیف بر
حاله صوقدیله . مصر سلطانی ، حمصک یاریم کونلک شرقنده
مجمع المروج قربنده موغوللرله قارشیلانیدی ۱۲ . قازانک اردوسنده
متعدد مصر امرا سی ایله قاپچاق ۱۳ ، وقتیه ارتکاب ایتدکلری
بعض جرائم دولایسیله سلطاننک ویره جکی جزادن قورتولمق

[۱] چایرلر جمعی معناسنه در .

[۲] ۶۹۹ سنه سی ربیع الاولنک ۲۷ نجی چارشنبه کونی آقشامی که

رومی کانون اول آینک یکرمی اوچنه مصادقدر .

[۳] هایتون کندیسنه قالفاق دییور .

ایچون حمصدن فرار ایتیش اولان [۱] ساحدار بکتمر ایله
 البکی Oulbeghi واردی . قازان قاپچاغه پک چوق اعتماد
 ایدیوردی . فقط قاپچاق اونک بو اعتمادینی سوء استعمال
 ایدیور و موغول اردوسنده ویریلن بوتون قرارلری سلطانه
 بیلدیریوردی . یورغوناقلرینی هنوز دیکلندیرمه مش اولان
 موغوللره هجوم ایتک نصیحتی کزلیجه سلطانه ویرن قاپچاق اولمشدر .
 قازان دشمن عسکرینی کورنجه بوتون افرادینی آتارینه بئندیرتدی
 و بونلر صف حرب اوزره ترتیب ایلدی . عسکرلرینک
 اوقلری مسلمانلرک شدت هجومی دوردیردی . مسلمانلر
 کريله مکه مجبور اولدیلر . صاغ و صول جناحلری فرار ایتدیلر .
 فقط سلطانک قوماندا ایتدیکی مرکز اوزون مدت مقاومت
 کوستردی . بو محاربه غایت شدتلی اولدی ، مسلمانلرک هزیمت
 قطایه سیله نتیجه لندی . موغوللر مسلمانلری آقشامه قدر
 تعقیب ایتدیلر و برچوق تلفات ویردیردیلر . بو محاربه ده حاضر
 بولونان راهب هایتون قازانک شجاعتی پک مدح ایدیور .
 بو قدر چیرکین ، بو قدر قیصه بویلی بر آدمک او قدر مزیات
 ایله مالی اولماسنه حیرتلیر ایله یور . فی الحقیقه یکر می بیك آدم
 ایچنده قازاندن ده چیرکینی ودها کوچوکنی بولمق پک زور
 ایدی . قازان بوتون غنائمی عسکرلرینه داغیتدی ، یالکیز

مصره و سلطانك اردوسنك احوالنه تعلق ایدن بعض اوراق
کنديسی آلدی .

قازان قوماندانلرندن بولياھه [*] وارمنستان قرالنه ناصری
قرق بيك کشي ايله مصر چولنه قدر تعقيب ایتمه سی ایچون
امر ویردی . فقط حرکتن اوچ کون صوکره ارمنستان
قرالی تکرار قرارگاهه کلمک امری آلدی . چونکه قازان
شامی محاصره ایتک قرارینی ویرمشدی . بولياھه یولنه دوام
ایتدی . بعض بدوی عربلرله برلکده حینر اوزرنده فرار
ایدن سلطانہ یتیشمه چالیشدی . سلطانك عسا کری راست کله
یرلره قاچدی . بر قسمی طرابلس یولی اوزرنده قتل ایدیلدی .
قازان ابتدا سلطانك خزینهلری ايله عسکری صندوغنك
بولوندیغی بر موقعی [۱] محاصره ایتدی . بو خزائن اله کچیریلنجه
سلطانك کنديسیله برلکده بو قدر ذی قیمت شیلری طاشیاسنه
حیرت ایدیلدی . قازان بش کون استراحتدن صوکره شام
اوزرینه یورودی . فقط شام اهالیسی شهرلرینك هجوم ايله ضبط
ایدیله سندن قورقه رق بر طاقم هدایا ايله برلکده شهرک
آناختارلرینی یوللادیلر ، امیر قاپچاغك رجاسی اوزرینه
کندیلمی قورتاردیلر . یالکیز اردویه ارزاق کتیرمه لری طلب
ایدیلدی . مع مافیه موغوللر شامك ایچ قلعه سنی محاصره ایتک

[۱] هایتون بورایه قازنه [خزینه ؟] دیور .

[*] مولای در - مکرمین

مجبوریتده قالدیلر . بوراده امیر علم الدین ارجواش قوماندا
ایدیوردی . جسورانه مدافعاتده بولوندی . جوارده کی
مباینک کافه سنی یاقدی . قازان شامه جوار اولان کینیش
چایرلرده قرق بش کون قالدی . بونلره مرج الزنبقیه نامی
ویریلیر . صوکره ، ظهورایدن بعض اغتشاشاتی تسکین ایچون
همدانه دوندی . اردوسنک بر قسملیه قوتلوق شاهی سوریه ده
براقدی . بوتون غزه ، قدس و کرک جوارلری تخریب ایتمش
اولان امیر بولباهه قوتلاق شاهه اطاعت ایتمه سی ایچون امر
ویردی . شام حکومتی قاپچاغه تفویض ایتدی . هر طرفه
مأمورلر تعیین ایله دی . ارمنستان قرالنه بومواقعی خرسیتیانلره
تسلیم ایچون اونلرک مواصلتنه انتظار ایتدیکنی سویله دی .
قازان فرات ساحلنه واریر وارماز قوتلوق شاهی [۱] چاغیردی .
بولیاهی [۲] یکر می بیك عسکرله سوریه ده براقماسنی واردوسنک
قسم متباقیسنک کندیسنه التحاق ایتمه سی امر ایله دی . قاپچاق ،
قازانک حرکتی خبر آنجه بولیاهی قدس طرفنده یرلشمکه
تشویق ایتشدی . غور تسمیه ایدیلن بر محله بارکیرلر ایچون
بك چوقییه جک بولا جغنی سویله مشدی . صوکره مصر سلطاننه
شام شهرینی وموغوللرک ضبط ایتمش اولدیغی بوتون یرلری
تسلیمه حاضر اولدیغنی بیلدیردی . شامی بر چوق پاره وهمشیره سی

[۱] هایتون کندیسنه قوتلوسا دیور .

[۲] هایتون کندیسنه مولای دیور .

ایله برلکده قاپچاغه ویرمکی وعدایله یین سلطان در حال سالار ایله
بیرس چاشنکیری بر اردو ایله کوندردی . قاپچاق ، سلحدار
بکتمر، البکی شامی ترک ایله مصره دوغرو چکیلدیلر . تلاش
ودهشت ایچنده قالان موغوللار بوتون موافقی تخلیه ایله شرق
طرفه کچدیلر . یاز موسمی ایدی . بوموسمده موغوللار نه آته
ینه بیلیرلر، نه حرب ایده بیلیرلردی . سوریه نك بویوک بر قسمیه
برلکده شام استرداد ایدیلدی . خائنلر « باب » ه چکیلدیلر .
مصر سلطانلرینك سراینه باب دنیلیردی .

سنه

۱۳۰۰

هایتون
ابوالفدا

قازان سفره چیقماق ایچون یاز صیجاقلرینك کچمه سنی
بکله دی . قیش حلول ایدنجه بوتون عسکرلرینی فرات ساحلارنده
طوپلادی . ابتدا اوتوز بیك کشی ایله قوتلوق شاهی
کچیردی [۱] واوکا ، آنطاکیه جوارلرینه واصل اولور اولماز
ارمنستان قرانی، شرق و قبریس خرستیانلرینی امداده چاغیرماسی
امرینی ویردی . قوتلوق شاه بو اوامرہ اطاعت ایتدی .
مواصلتی اوزرینه مسلمانلر بوتون حلب قطعہ سنی ترک ایتدیلر .
قرا سنقر حلب اردوسیه برلکده حمایه چکیلدی . مصر
سلطاننك قوماندانلرندن زین الدین کت بوغا حما اردوسیه
برلکده بو شهردن چیقدی [۲] . شام عسکری ده کندیسنه
التحاق ایتدی . سلطان ده مصر اردوسنك یاننده عوجایه قدر

[۳] ۷۰۰ سنه هجریه سی ربیع الآخرنده .

[۱] ۲۲ ربیع الآخرده .

کلدی . او زمان موغوللر سرمین ، معره ، تیزین و آنطاکیه داخلنده عمق الکالینه داغیلمشلردی . اوراده قبریس خرسیانلرینی بکله یورلردی . بونلر تامپل و اوپیتال شووالیهلر - ینک بویوک مترلریله برلکده آنتارادوس آطه سنه مواصلت ایتشلردی . فقط او صیراده یاغان دائمی یاغموزلر یوللری بوزدی . مصر سلطانی ییه جک فقدانندن دولایی کری دوندی . موغوللر اوچ آی حلب جوارلرنده قالدیلر ، صوکره فرات نهرینه کیتدیلر [۱] . بوصورتله ، خرسیانلرک ارض مقدسی استرداد ایچون یابدقلری بویوک ترتیبات عقیم قالدی .

سنه

۱۳۰۲

موغوللر سوریه ته تکرار کیرمکده کجیکمه دیلر . قازان ارض مقدسی خرسیانلره ویرمک ایچون سوریه ده کی مسلمانلری تمامیه محو ایتمک ایسته یوردی . بو حرکتدن خبردار اولان مسلمانلر مواشیلرینی و حبوباتلرینی قلعه لره قاپادیلر . قورتارا - مادقلرینک کافه سنی یاقدیلر . بوصورتله قازانی فرات ساحلنده توقفه مجبور ایتدیلر . قازان آتلیینه یم بولا بیلیمک ایچون قیتیک کچمه سنی بکله یوردی . موغوللر بار کیرلرینه کندی نفسلرندن زیاده دقت ایدرلر . ارمنستان قرالی موغون اردوسنه کیدوب التحاق ایتدی . موغول اردوسی او قدر چوقدی که اوزونلغنه رقه دن بیرده [۲] قدر اوچ کونلک مسافه اشغال

[۱] جاذی الآخر صوکلارنده . هایتون بو سفرک ۱۸۵۰ تاریخنده وقوعه کلدیکنی سویلیور . فقط ۱۳۰۱ ده در .

[۲] ظن ابده رم ، هایتونک ققابه ولا بیر دیدیکی یرلر اولاجقدر .

ایدیوردی . فقط قازان کندی ممالکنه عودته مجبور اولدیغی
 ایچون بو سفری ادارهیه وبالخاصه شامی ضبطه قوتلوق شاء
 مأمور اولدی . مسلمان اردولری او زمان حماده زینالدین
 کت بوغا نزدند طوپلانمشلردی . قریه عین جوارلرینی
 تخریبایدن موغوللره هجومه کیتمک اوزره سفره چیقدیلر [۱] .
 مسلمانلر فنیکه ساحلاری قوماندانی امیراسندمری حلب عسکرلریله
 برابکرده سوق ایتدیلر . بومیانده شهزاده ابوالفدا [۲] ادخی واردی .
 عرض Aradh قربنده کوم دنیلن بر موقعده موغوللره
 تصادف ایتدیلر و اونلرله حربه کیریشدیلر [۳] . غلبه اوزون
 مدت مشکوک قالدی . نهایت موغوللار برچوق ضایعات
 ویردکدن صوکره فراره مجبور اولدیلر . مسلمان عسکرلری
 صوکره حمایه دوندیلر [۴] .

سنه
۱۳۰۳

بو هزیمته رغماً موغوللار تکرار حما جوارلرینه کلدیلر [۵] ،
 حصه قدر ایلریله یهرك بولدقلری بوتون مسلمانلری کسدکن
 صوکره حمصی ضبط ایتدیلر . صوکره شامه دوغرو یورودیلر .
 فقط شام اهالیسی قوتلوق شاهه اوچ سنه لك برمتار که تکلیف

- [۱] ۷۰۲ سنه سی شعبانک یدیسنده .
 [۲] بو شایده چوق کره ذکر ی کچن اثرک محرری .
 [۳] شعبانک ۱۰ نجی جمعه ایرته سی کونی .
 [۴] شعبانک ۱۳ نجی صالی کونی حمایه کیردیلر . ابوالفدایه کوره
 نیسانک ایکیسنه . صادقدر .
 [۵] شعبانک ۲۳ نجی جمعه کونی .

ايتدكاري اچون موغول قومانداني بوني قبول ايتدى. آقينجىلرى
اوصيراده قوتلوق شاهه بعض اسرا كيتيردىلر. بونلردن شامدن
بر قاچ كونك مسافه ده هر آن سلطانن منتظر بيك ايكي يوز
كشيلك بر سوارى قوتى بولونديغنى خبر آلدى. بو، شام
خارجنده مرج الزنبقيه ده ايلك مصر فرقه ليله قرارگاه تأسيس
ايتمش اولان بديرس الجاشنكير ايدى. صوكره مرج الصفره
چكىله رك اوراده سلطان ناصرى بكه مكه باشلامشدى. قوتلوق
شاه بو كوچوك فرقه يى قولايجه ازده بيله جكنى ظن ايدى رك
ارمنستان قرالى ايله برلكده يورودى. مرج الصفر مدخلنده
شقحبه كيتدى. اوراده، سلطانك بوتون اردو ايله مواصلا
ايتمش اولديغنى خبر آلدى. مصر سلطانن قارشى بويوك بر حس
استحقاق بسله ديكي اچون يولنده دوام ايتدى، چوق كچمه دن
دشمنك قارشيسنه مواصلا ايتدى [۱]. ايكي طرف ده صف
حرب اوزره ديزيلدىلر. بر طرفدن بر كوله ديكر طرفدن بر
طاغه استناد ايدن مسلمانلر بو نقطه ده قاهره دشمنن منتظر
بولوندىلر. دشمن آنجق ضايعات ويره رك كندىلرينه هجوم
ايدم بيليردى. موغوللرى ابتدا كوچوك برچاي توقيف ايتدى.
بوني كچمك اچون ايجه زمان صرف ايتدىلر. صوكره
سلطانك اردوسى اوزرينه صالديردىلر. صاغ جناحنى پریشان

[۱] ۷۰۲ سنه سى رمضانك ايكينجى جمعه ايرته سى كونى. نيسانك

ایتدیله . سلطان مرکزده ایدی . متانتله مقاومت کوستردی .
صاغ جناحده مقاومت ایتدی . کیجهنک حولی محاربلی
بربرندن آیردی . موغوللر مرج الصفرک شمالنده کائن اولان داغ
قربنه چکیلدیله ، اوراده آتشلر یاقدیله . بوفرده امیرچوبانک
قومانداسی آلتنده ایدی . بولیاھک قوماندا ایتدیکی فرقه ایسه
قاچدی . ایرتھسی کونی مسلمانلر امیرچوبان فرقهسی اوزرینه
یورونجه محاربه تکرار باشلادی . چوبان غایت پارلاق آثار
شجاعت ابراز ایتدی ایسهده منہزم بر حالده شام اوواسنه
چکیلیمکه مجبور اولدی . یاغمورلر بوراسنی کچیلمز بر حاله
کتیرمشدی . موغوللر هر طرفده چامورلره صاپلانیورلردی .
رطوبت تأثیریله کوشهین یایلی قوئلانیلماز بر حاله کلدی .
مسلمانلرایسته دکلی قدرموغول ائتلاف ایتدیله واسیر آلدیلر .
حیوانلر ، سلاخلر آغیرلقلر چامورلرک ایچنده قلدی .
گوئش طلوع ایدنجه ، قاچه بیلنلر فرات نہری ساحلرینه
کیتدیله . فرات غایت شیشکین اولدیغی ایچون برچوغی بوراده
بوغولدی . فراتی کچمینلر دشمن انه اسیر دوشدی . قوتلوق
شاه قزوین قربنده قازانه التحاق ایتدی . قازان امیر چوبانه
کوستردیکی شجاعته مکافاتنی ویردی ، وظیفه سنی یایمامش
اولانلری جزایه چارپدیردی . ارمنستان قرالی ده قازانک نزدینه
کیتدی . قازان اونک ضیاعنی تلافی ایتک و هجومدن کری
دورمایه جق مسلمانلره قارشنی کندیسنی مدافعه ایده بیله جک

برحاله سوقق ایچون مصرفی قازانه عائد اولمق اوزره بیک موغولدن
مرکب بر قوت ویردی. عینی زمانده، سورییه تکرار کلمه سنه
انتظاراً حکومتی محافظه ایچون آناطولیده کی موغوللردن ده بو
مقدارده بر قوت طوپلایه بیلمه سنه مساعدده ایتدی.

سنه
۱۳۰۴
ابوالفدا
ابن شحنه
دیاربکری
در بلو
پاهیمره

مسلمانلرک احراز ایتدکلری بو مظفریت قازانی او قدر
مکدر ایتدی که خسته لاندی وری جوارنده شنب غازان یعنی
قازانک شامی دنیلن بر محله ترک حیات ایتدی [۱]. بو قازانک
بنا ایتدیردیکی بر شهر ایدی. بوکا کندی اسمنی ویرمش
ایدی. كذلك سائر بعض شهرلری ده ناصیه، حلب دییه
تسمیه ایتشدی. قازانک وفاتی خرسیتیانلر ایچون غیر قابل تلافی
بر ضیاع تشکیل ایتدی. استانبول ایمپراطوری میشل پاله ثولوغ
مملکتک معروض اولدیغی مصائبه چاره ساز اولمق ایچون بو
حکمدار ایله بر اتفاق عقد ایتشدی. اوکا آندرونیک ولد
طبیعیسی دییه معروف او ن بر قیزی کوندرمشدی. قازان
بوقیز ایله اولمش ایدی. بو اتفاقدن سوکره، قازانک اردوسی
طرفندن توقیف ایدیلن باربارلر روم ایمپراطورلغنه ده از
آقین یاییورلردی. قازان نمونه حرکت اوله رق کوزی او کندو
کیخسروی، دارائی، اسکندر کیری بولوندریوردی. بونلرک
تاریخلرینی صیق صیق او قوردی. اونلری تقلید مقصدیله در که
متعدد اردولر طوپلامشدی. بواردولرده جسارتلریله تمیزایدن بر

کوردجستان مفرزده سی بولونوردی و بایراقلارنده بر صلیب
طاشیرلردی . قازان بومطالعهدن باشقه هرشیئی بالذات طایمق
آرزوسیه مختلف صنعتلر اجرا ایدردی . یرینه برادری
خربنده [۱] کجدی . بوده اولجایتو سلطان [۲] عنوانی آلدی .
ایرانیلر کندیسنه غیاث الدین محمد خدا بنده نامنی ویریرلر . هایتون بو
حکمدارک وافتیز ایدیلدیکنی ، اسمنک نیقوللا اولدیغنی ادعا
ایدیور . هایتونک افاده سنه نظراً والده سنک [۳] وفاتنه قدر
خرستیانلغنی محافظه ایتشد . والده سی کندی دائره سنده
کوجوک برکایساده خرستیان آیینی اجرا ایتدیرردی . والده سنک
وفاتندن صوکره مسلمانلغنی قبول ایتشدر [۴] .

در بلو خربنده ، برادرینک وفاتی خبر آلیر آماز خوراسانی ترک
ایله ارجانه کیتدی . اوراده تاج کیتدی . اردو قوماندانلغنی
وظیفه سنی قوتلوق شاهه ویردی . وزیر اعظمق رشیدالدین [۵]

[۱] هایتون بوکا قاریاغندا دیور . باشیمره ایسه قارمپانتاس نامنی
ویرمکده در .

[۲] تانارلرک تاریخ آثارنده بوکا اولسه یتو دنیلمکده در . بعضیلری
ایسه اولجایتو یاخود اولجایتو دیمکده درلر .

[۳] هایتون بونک اسمی اروق قاتون اولدیغنی سویلیور .

[۴] ۷۰۳ سنه سی جمادی الاولنک ۲۳ نده تحته چیقمشدر .

[۵] بووزیر مجموعه الرشیدیه نامیه بر اثر یازمشدر . اثر قرالک کتبخانه .

سنده در .

- ایله سعدالدین آراسنده تقسیم اولوندى . فقط سعدالدین بعض
اختلاساتدن دولایى اعدامه محکوم اولدى . یرینه علی شاه
کچدی . اولجایتو صوکره سلطانیه شهرینی بنا ایتدیردی [۱]
ابوالفدا
و بونی کندیسنه پایتخت یاپدی . قوتلوق شاهى کیلان ولایتی
تحت اطاعته آلمق ایچون سوق ایتدی [۲] . فقط بو ولایتک
۱۳۰۵
کوچوک حکمدارلری آراسنده حکم سورن اتفاق تام موغوللره
غلبه چالدى . قوتلوق بوسفرده معیتنده کیلرک بویوک برقسیمیه
برابر مقتول دوشدی . آناطولیده قوماندان بولونان بورلغی [۳]
۱۳۰۷
نامنده برموغول قوماندانی خانک امریه اعدامه محکوم اولدى .
بو قوماندان، ارمنستان قرالی هایتونى او امرینه سرعتله اطاعت
ایتمدیکی بهانه سیله قتل ایتدیرمش و حائز اولدیغی حکم و نفوذى
سوءاستعمال ایلشدی . هایتونک برادری اوشین خانه بوندن دولایى
سانوت
شکایت ایتدیکندن اوده قوماندانی تأدیبلر و منه قانع اولمشدی .
ابوالفدا
اولجایتو سلطانیه شهرنده بولوندیغی صیراده غیر ممنون متعدد مصر
امراسی کندیسنک نزدینه التجا ایله سوریه اردو کوندرمسی ایچون
۱۳۱۲
تشویقاتده بولوندیله . اولجایتو فراتی کچدی، [۴] شام قربنده رحبه ده
قرارگاه قوردی . ایکی اردو آراسنده متعدد کوچوک مصادمات
وقوعه کلدى . فقط وزیر اعظم رشیدالدین افکارى او قدر

[۱] ۷۰۴ تاریخ هجریسنده .

[۲] ۷۰۵ تاریخ هجریسنده .

[۳] سانوت کندیسنه بالارغون دیور .

[۴] ۷۱۲ تاریخ هجریسنده .

كوزل اداره ايتك يولنى بولدى كه طرفىنى عقد صلحه
 اقناع ايلدى . اولجايتو پايتخته عودت ايدر ايتمز چغتايده
 حكمران اولان كيك خان ايله بيسور اوغلانك خوراسانى
 استيلا ايتك اوزره جيحونى كچدكلرينى ، او ولايتك باشليجه
 قوماندانلرى بولونان يساول ايله على قوشجي ي مغلوب
 ايلدكلرينى خبر آلدى . فقط بو حواليده اولجايتونك حضورى
 چغتايلىلرى درحال چكىلمكه مجبور ايتدى . خان خوراسانده
 بويوك اوغلى ابو سعيدى امير سوينج ايله برلكده بويوك بر
 اردو باشنده براقدى . استيلا تقديرنده بو اوردو حر كته
 مهيا ايدى . يساول ايله على قوشجي جبانلارندن دولاي
 جزا ديه اولديلر . خوراسانده صلح وسكون و تجارت
 تكرار تقرر ايتدى . بر آز صوكره ، كيك خان طرفنى ترك
 ايتمش اولان بيسور اوغلان ابوسعيدك نردينه كيدهرك معاونتنى
 استرحام ايتدى . بو مناسبتله كيك خان ايله اولجايتو آراسنده
 بويوك بر محاربه چيقاچقدى . فقط اولجايتونك وفاتى [۱]
 اختلافه نهايت ويردى . اوتوز آلتى ياشنده ايدى . اون ايكي
 سنه حكمدار اولمشدر . تأمين عدالته اعتنا ايتك واسلاميت
 مدافعى اولمق ايله شهرت آلمشدر . علوى مذهبنه مذهبى . ضرب
 ايتديكى سكه لرك اوزرينه اون ايكي امامك اسملرينى قويديرمشدى .

سنه
۱۳۱۶

بو كون سلطانيه نك خرابه لرينه باقهرق ، اولجايتونك
ياپديرمش اولديغى شهر ك نه قدر بويوك ومحتشم اولديغى تقدير
ايديله بيلير. شهر تيمورلنك طرفندن تخریب ايديلمش اولمقله برابر
اولجايتونك قبرنى احتوا ايدن جامع نظر حيرت ايله تماشا
ايديلكده در. جامعك غايت مجلا چليكدن او چ محتشم قايسى
واردر . چليكلك اوزرينه شام ايشى ايشلر ياپيلمشدر .
بالخاصه ميدانه ناظر اولان اورته ده كي قاپي صوك درجه ده معظم
ومحتشمدر. اولجايتو خانك مزارينك اطرافنه چه وريلمش اولان
يارمقلق عيني معدندن معمولدر . او قدر كوزل ايشلنمشدر كه
پارچه لرى قول قالينغنده اولمقله برابر بربرلرينه ربط ايديلن
نقطه لرى فرق ايتك قابل دكلدر . ايرانلير بونك يكمپاره
اولديغى ادعا ايديو رلر . اعمالى اچون يدى سنه چاليشلديغى
وحاليه هندستاندن كتيريلديكنى سويله يورلر .

ابو سعيد بهادر خان ، اون ايكي ياشنده اولديغى حالد
پدرينه خلف اولدى وسلطانيه شهرنده تختيه جلوس
ايتدى . سولدوس قبيله سى رئيسى امير چوبان حكمدارك
چوجوقلغنده نائب حكومت اولدى [۱] . رشيدالدين ايله
على شاه وزير اعظملى محافظه ايتديلر . على شاه آز وقت
ظرفنده هديه قوتيله امير چوبانى كندينه جلبه موفق اولدى .
رشيدالدينى عزل ايتيردى . صوكره رشيدالدين قتل ايديلدى .

[۱] ۷۱۷ تاريخ عجرىسنده .

تاتارلرك تاريخ
عموميسى

۱۳۱۷
دربلو
تاتارلرك تاريخ
عموميسى

عینی تاریخده ، بیسور اوغلان ابوسعید قارشی عصیان
ایدهرك خوراسان عساگریله مازندرانه کیردی . کلوب
سلطانیه بی محاصره ایتک تهیدینی کوستریوردی . فقط
امیر حسین کرکان کنندیسنی چوق کچمه دن دائره اطاعته
ادخاله موفق اولدی . بو اغتشاشات هنوز تسکین ایدیلهدن
بحر حزرک شمالنده کی اووالرده حکمران اولان شاه اوزبکک
دربندی ضبط ایتدیکی و ایرانک مرکزینه قدر نفوذ
حاضرلاندیغی خبر آلندی . ابوسعید علی العجله طوپلایه
بیله دیکی بر مقدار عسکرله ولایتلرینک امدادینه قوشدی .
قور یاخود سیروس نهری ساحلارنده قرارگاه قوردی .
امیر چوبان اوزمان بولوندیغی خوراسانی ترک ایله علی العجله
عسکرله برلکده حکمدارک نزدینه کلدی . اووقته قدر شاه
اوزبکک عسکرلری مملکتی تخریب ایله اکتفا ایتمشلر
و بر موقعده تحصن ایدوب تحکیمات یامغی اهل ایله مشلردی .
ایچه ضایعات ویرمش اولان اوزبک ابوسعیدک اردوسنک
کتساب ایتدیکی قوته قارشی بر حربه کیریشمکی کوزینه
آل دیرامادیغندن چکیلماک طریقنی اختیار ایتدی . فقط
بونی گزلیجه اجرایه موفق اولدی . ابوسعید مقصدینی
خبر آلدی . امیر چوبان تعقیبه باشلادی و دمدار
فرقه سنی پریشان ایتدی .

ابوسعید سلطانیه یه عودت ایتدیکی صیراده امیر چوبان

وظیفه لری تمامیه ایفا ایتمه مش بعض ضابطانی موغوللرک
 اوشدتلی انضباط عسکریسی موجبنه قامچی ایله تأدیب ایتدکن
 صوکره کورجستانه دوغرو یورو مکه باشلادی . اوزمان ،
 بو قدرشدتلی تأدیب ایدیلن ضابطان بر فرقه تشکیل ایتدیلر .
 دها سائر غیر ممنونلرده کندیلرینه التحاق ایتدی . هپسی
 ردن ، اولدقجه مهم رقوت ایله کیدوب امیر چوبانی باصدیلر .
 امیر چوبان کورجیلره قارشی حرکته حاضر لایوردی .
 قرارگاهنی یغما ایتدیلر . صوکره اردوسنه هجوم ایلدیلر .
 چوبان مغلوب اولدی . بوتون حرب خدعه لری استعمال
 سایه سنده قاجه بیلدی . بویوک دولامباجلار یاهرق سلطانیه
 شهرینه موصلت ایتدی . پایتختده آرتق کندیسنی تحت امنیتده
 کورمه ین ابو سعید علی العجلاه عسکر طوپلادی ، عاصیلره
 قارشی یورودی . عاصیلر حکمداره قارشی حربه کیریشمکه
 جرأت ایتدیلر سده محاربه یی غائب ایلدیلر . ابو سعید بو محاربه ده
 کوستردیکی پک بویوک آثار شجاعتن دولای بهادر لقبی
 قازانمشدر . ابو سعید خوراسانده ده موفقیاته نائل اولدی .
 حسین کرکان اردوسیه بیسور اوغلانی بو ولایتی ترکه اجبار
 ایتدی [۱] . بیسور اوغلان جیحون نهرینک اوتیه طرفنه
 چکیلدی . چغتایلیلر اوراده برمدت صوکره کندیسنی اولدیردیلر .
 بونک اوزرینه امیر چوبانک سرایده او قدر نفوذی

[۱] ۷۱۹ تاریخ هجریسنده .

آرتدی که ابو سعیدك همشیره سی ساتی بك Sati begh ایله
اولندی [۱] . حکمدارك ، پرنسسك و اميرك شرفلریله
متناسب محتشم بر دو کون یاپلدی . فقط بو ازدواجك چوبانه
ویردیکی نشئه ، مؤخرأ اوغلی آناتولی والیسی تیمور طاشك
عصیانی ۱۲ یوزندن مختل اولدی . تیمور طاش تمامیه مستقل
اولق ایسته یوردی . چوبان بو عصیانی خبر آلیر آلاماز قیش
اورته سنده قوتلی بر اردو ایله اوغلی دائرءاطاعته آلمق ایچون
آناتولی یه کیتدی . اوغلی درحال ترك سلاح ایدهرك باباسنه
عرض تسلیمیت ایدنجه اوده کندیسنی اسیر حالده سلطانه
کتیردی . باباسنك یاپدیغی خدمات عظیمه اوغلنك عصیانی
اونوتدیردی . تیمور طاش عفو ایدیلهرك مأموریتنه اعاده اولوندی .
علی اهلك وفاتیه [۳] منحل قالان وزیر اعظمق چوبانك
وکیل عمومیسى صاین Sain ه ویریلدی . امیر چوبان
آناتولینك الك کوزل قادینی اولان قیزی بغداد خاتونی امیر
حسنه ۱۴ اولندیردی . بو ازدواج باشنه کان فلاکتلرك
منبعی تشکیل اتمشدر . امیر سعید بغداد خاتونه عاشق اولدی
و دست ازدواجنی باباسندن طلب ایتدی . حکمدار ازدواج

سنه
۱۳۲۲

۱۳۲۳

[۱] ۷۲۱ تاریخ عجزیسنده .

» » ۷۲۲ [۲]

» » ۷۲۳ [۳]

[۴] شیخ حسینك اوغلیدر .

ایتمک ایسترسه قاریسنی بوشامق موغولار نزدنده عادت ایدی .
 ابو سعید ایکی امیری بوطلاقه طرفدار کورمدی . بغداد
 خاتونی کندیسندن اولدجه حرمتسز بر صورتده دریغ ایتدیله .
 قانون کندی طرفنده اولمقله برابر ابو سعید استعمال نفوذ
 وقوت ایتمک ایستهمدی . چوبان مرور زمان ایله بو عشق
 کچه جگنی امید ایدهرک دامادی ایله قیزی قاره باغه یوللادی .
 ابو سعیدی ، کندیس هیچ ایسته مه مکه برابر ، بغداده
 کوتوردی . ابو سعیدك بغداد خاتونه قارشی حس ایتدیکی
 عشق ، آریلغه رغماً هر کون آرتیوردی . وزیر صاین
 یاکلش معروضات ایله حکمداری امیر چوبان علیه تحریک
 ایدیوردی . سرایده بویوک بر مأموریتی اولان چوبانك
 اوغلی دمشق خواجه وزیرك انتریقه لرندن باباسینی خبردار
 ایتدی . بونك اوزرینه چوبان جرئتکارانه برقرار ویردی .
 خوراسانده ظهور ایتش اولان بعض اغتشاشاتی تسکینه
 کیتمک بهانه سیله بردن بره بغداددن چیقدی ، سلطانییه
 چکیلدی . سرایده براقدیغی اوغلنك یرینه رهینه مقامنده
 اولق اوزره وزیر صاینده برلکده کوتوردی . اوغلی
 سرایده تکمیل مأموریتلرینی محافظه ایتدی . صوکره لری
 دمشق حکم و نفوذینی استعمال ایله ابو سعیده یالکیز سلطان
 عنوانی براقدی . سلطان بوندن دولایی بعض محرملرینه
 شکایتلرده بولوندی . ناظرک دشمنلری حکمدارک بو حدتی

بر فرصت بيله رك دمشق متوفا سلطان اولجايتونك زوجه لرندن
بريله كيزليجه مناسبتده بولونمقله اتهام ايلديلر . دمشق حركاتي
يقيندن تعقيب ايتديرن ابو سعيد اونك ياپديغى انريقه ي
آكلادى ، قتلنه قرار ويردى . فقط كيمسه بو قدر جرئتكارانه
بر حركته جسارت ايدمى . نهايت نا مأمول بر وقعه ابو
سعيدى قورتاردى . بو تاريخده ۱۱ سرايك قايسنه بعض عاصى
عسكرلر ككله لرني كتيرديلر . بونلر كچوبان ايله طرفدارلرينك
ككله لرى اولديغنه دائر بر شايعه چيقدى . قورقويه دوشن دمشق
بو روايتي تعميق و تحقيق اتمدى ، كندى نفسى تهاككده
كورهر ك كيجه لين ياننده يالكز اون كشي اولديغى حالده
سرايدن چيقدى و اونلرله برلكده قاچدى . آرقه سندن تعقيب
ايتديلر . يتيشديلر ، باشى كسديلر . آرتق دمشق باباسنى ده
اورته دن قالديرمقدن باشقه بر شى دوشونمه ين ابو سعيد چوبانى
و هر ولايتده كي بوتون طرفدارلريني قتل اتمه لرى ايچون
خوراسان واليسنه امر كوندردى . فقط بو امرى آلانلر
و چوبانى سونلر اونى اجرا اتمك شويله دورسون ، بالعكس
چوبانى خبردار ايتديلر . چوبان اونلر ك حسن نيتندن
استفاده ايله آلتش بيك كشيلاك بر اردو طوپلادى ، بو
اردو ايله قزوین طرفلرينه كيتدى . ابو سعيد طوپلايه بيلديكى
عسكرله قزوینه چكلمشدى .

سنه

۱۳۲۶

چوبان ، بو اغتشاشاتك سېي كې تلىق ايتدىكى وزير
صاينى اولدىردىكن صوكره سمنان شهرينه كيتدى . بوراده
مظنه دن بر ذاتى زيارت ايتك ايسته يوردى . بو ذاتك قېرينه
مسلمانلر آلآن حرمت كوستر مكدە درلر . ركن الدين علاء الدوله
نامى طاشيان بو ذات ايله چوبان بر خېلى كوروشدى . امير ،
ويردجى نصيحتلر ك كافه سنى ديكلاه جكنى وعد ايتدى
و صميميتى اثبات اچون سلطانە كيدوب اوغلنك قاتللىرىنى
ايسته سنى و صلح ياماسنى رجا ايله دى . ابو سعید بو شېخى
بويوك بر حرمتله قبول ايتدى . فقط شېخ ايسته دكلرينك هيچ
برىنى استحصال ايدەمدى . بوجواب رددن چوبان او قدر قىزدى كه
آرتق هيچ اعتدال كوزەتميه رك ايمپراطورك قرار كاھندن بر كونلك
مسافەدە بولونان قوھامو قەئندە اردوسنى قوردى . چوق كچمە دن
بو كا نادم اولدى . چونكه آرقە سندن كلش اولان ضابطلردن
قسم اعظمى بو عصيانده مظاهرت ايتمكدن استنكاف كوسترديلر .
حكمدارلرينە قارشى قىليج چكمكن اوتانديلر و اوتوز بيك
كشى ايله چوباندن آيريلديلر . اونلرك بو حركتى چوبانك
متباقى عسكرە قارشى بوتون اعتمادى سلب ايتدى . هېسەنك
سلطان طرفە كچمە سندن قورقەرق على العجلە اوزاقلاشدى
و خوراسانە كىلمك اوزره نوبجان چولى طريقنى طوتدى .
بو مناسبتله غايت اوزون وزھتلى بر سياحت اختيارينه مجبور
قالماسى معيئدە كىلدن بر قسمك دها داغيلماسنى انتاچ ايتدى .

اردوسی او قدر ضعیف دوشدی که تورکستانه ابوسعیدک
دشمنی اولان موغول حکمدارلرینک نزدینه التجا ایتک
لزو مننه قانع اولدی . فقط مرغاب نهری ساحلرینه وارنجه
بردن بره تبدیل فکر ایله کیدوب ملک کرت لقبیله یاد
ایدیلن غیاث الدینک قوللری آراسنه آتلدی . اونی کندیسی
بویوتمشدی وبویوک ایلیکلر یاممشدی . فقط چوق کچمه دن
ادباره اوغرامش بر آدمک دوستی اولمایه جغنی آکلادی .
کوچوک بر حکمدار مستقل اولان غیاث الدین سلطانک
وعدلرینه قایله رق چوبانک باشی ایمراطوره کوندرمکه قرار
ویردی . امیر چوبانک نزدینه کوندردیکی ایلك آدم جلال
اولمشر . چوبان اوله جگنی آکلاینجه باشی کسیلیر کسیلمز
پارماقلرندن برینک ابو سعیده کوندرلمه سنی ، نعلشک مدینه یه
دفن ایدیلمه سنی ، سلطانک همشیره سی ساتی بکدن اولان اوغلی
جلاوک سرایه کوتورولمه سنی رجا ایتدی . بو آرزولرینت
پایله جغنی وعد ایدیلدی ، باشی کسیلدی [۱] .

غیاث الدین چوبانک باشی سلطانه کوندرمکه مسارعت
کوستردی . بویوک مکافاتلره انتظار ایدیوردی . فقط یکی
وقایع سرایده بویوک تحولات حصوله کتیرمشدی . شیخ

[۱] چوبانیان سلاله سنک رئیسدر . بو عائله نک تاریخی موغول
حکمدارلرینک تاریخی آراسنده در . چونکه حقیقتده اولرک اوردو
قوماندا نلرندن باشقه برشی دکلدیلر .

حسن ، سلطانك عاشق بولونديغى زوجه سنى بوشامش ، بغداد خاتونى سلطان آلمشدى . بو جيله سى اوزرينه شـيـخ حسن تـكـرار سلطانك نائل التفاتى اولمش ، غياث الدينك كوز ديكديكى مناصبه او كچمشدى . سلطان اولان چوبانك كريمه سى بغداد خانون حكمدار اوزرنده بويوك بر نفوزه مالكدى . بوتحولات غياث الدينك اميد ايتديكى ، كافاتلره مساعد برشى دكلدى . يولده توقف ايتدى . سلطانك اوامرینه رغماً حياتنه قصد ايتمه مش اولديغى جلاوك و جودى اورتهدن قالديرمه سنى مناسب كوردى . كنديسنك قنلى ايچون خوراسانه امر كوندردى . بو اجرا ايديلد كن صوكره او زمان سلطانك بولونديغى قاره باغه كيتدى . بغداد خاتون كنديسنك مدهش بردشمنى ايدى . يدرينك انتقامنى آلمق ايسته يوردى . چوبان ايله جلاوك نعلشلى خو- راساندن اوجانه نقل ايديلنجه يه قدر ايجاب ايدن مدت ظرفنده غياث الدينى قرارگاهنده بكتديلر . اوجانده نعلشلى ، سلطانك امريله ، مكه يه كيدن حاجيلره تسليم ايديلدى . سلطان نعلشلك مدينه يه كوندرله سى ايچون قرق بيك آلتون ويرمشدى . غياث الدينك استحصال ايتديكى بوتون مكافات مملكته عودت مساعده سنى آلايلىمكدن عبارت اولمشدر .

سنه
۱۳۳۱

بر مدت صوكره ۱۱۱ شيخ حسن ده بر سرايده بك بويوك نفوذ واقتدر صاحبى اولمانك نه قدر تهلكه لى بر شى اولديغى

تجربه ایتدی . اطرافنده بر طاقم حسودلر پیدا اولمشدی که بونلر بغداد خاتونک حکم و نفوذینی ده قیصقانیورلردی . بو آدملر شیخ حسنی ، وقتيله زوجہ سی اولان بغداد خاتون ایله کیزی مناسباتده بولونمقله اتهام ایتدیلر . سلطانک نزدنده شیخ حسنی محو ایتمک ایچون بوندن فضله بر شیئه لزوم یوقدی . سلطان شیخ حسنی کماخ حصارینه سورددی و بغداد خاتونه قارشى باردانه معامله کوسترمکه باشلادی . فقط جلوۀ طالع شیخ حسنی تکرار سرایه کتیردی . چونکه معصومیتی تحقق ایتدی ، تکرار سلطانک کوزینه کیردی و آناتولی والیلکنه آمین اولوندی .

سنه

۱۳۳۴

صوکره لری [۱] قاپچاقده حکمران اولان اوزبک خان ابو سعیدک ممالکنه یکی بر آقین یاپدی . سلطان درحال دشمننه قارشى یوروومکه باشلادی . فقط شیروانه واصل اولدیغی زمان هوانک حرارتی و فنانغی کندیسنی تهلیکلی صورتده خسته دوشوردی . حمامده ایکن وفات ایتدی [۲] . اوتوزایکی یاشنده ایدی . اون دوقوز سنه حکومت سورمشدی . نعشی سلطانیه یه نقل ایدیلهرک اجدادینک مقبره سنه دفن اولوندی . بمض محررلر بغداد خاتونی ابو سعیدی زهرله مش اولمقله اتهام ایدرلر . چونکه کندیسنه قارشى ابو سعیدک دیکشمش اولدیغی

۱۳۳۵

» » ۷۳۵ [۱]

» » ۷۳۶ [۲]

کوردمشدی دیرلر . ابو سعید ایران موغوللارینک صوک خانى
عد ایدیله بیلیر . وفاتندن صوکره ایمپراطورلغنک ولایتلری
اکاردولت طرفندن اشغال ایدیلدی . خلفلری حکم ونفوذدن
محروم قالدیلر . ابو سعیدک وفاتی مشهور تیمورلنکک تولدینه
تصادف ایتدیکی نظر دقته چارمیشدر . عربلر بو سنه یه «لوز»
Loudh دیرلر که ملجاء معناسنه در . انسانلرک بو قدر بویوک
بر فلا کتده صیغینه جق بریره محتاج اولدقلرینی کوسترمک
ایستلر . بو کله ابجد حسابیه ۷۳۶ تاریخ هجریسنی کوستیریر .
ابو سعیدک خلفی آریا یاخود آریه خان اولمشدر . جنکیز
خانک اوغلی تولینک احفادندن ایدی [۱] . چوبان عائله سنک
حکم ونفوذی سایه سنده خان اعلان ایدیلدی . فقط چوق
کچمه دن باشقه سلطنت دعوا جیلری چیتدی . بغدادده بویوک
بر حکم ونفوذی اولان اویراتلر عشیرتی رئیسى علی اوشهرده
خان عنواتی ، هلاکو احفادندن موسایه [۲] ویردیردی .
موسا ، درحال سفره چیقهرق آریا خانه هجوم ایتدی و بوتون
ولایتلری الندن آلدی ، کندیسنى قتل ایتدیردی . بغدادده
موسایى سلطان اعلان ایتدیردکلری اشاده بزرك [۳] لقبیه یاد

[۱] تولینک اوچنجی اوغلی آریغ بوغایا خود آورتوق بوغوا واسطه سیله .

[۲] ابن علی ابن بایدو خان ابن طرغای ابن هلاکو .

[۳] روایت اولوندیغنه نظراً ابو سعیدک اوغلی آرغون ایلخان

نسئلنددر . تغری بردی حسین ابن آق بوغا ابن ایلخان اولدیغنی سویلیور ،

آباقانک اوغلی آرغون نسئلندن کلدیکنی ادعا ایلور . بودها محتملدر .

ایدیلن شیخ حسن جلایر، محمد خانی [۱] تخته چیقارمشدی .
 محمد خان بویوک بر اردو طوپلایه رق ایران اوزرینه یورودی .
 تبریز قربنده موساخانی بوزدی و اویراتلر نزدینه قاجغه مجبور
 ایله دی . موسا بو سفردہ کندیسنی تخته اجلاس ایتمش اولان
 امیر علی بی غائب ایتدی . مغلوبیتی خبری خوراسانده انتشار
 ایدنجه او ولایتده والی بولونان ینہ علی [۲] اسمندہ بر امیر
 درحال بستانه کیتدی و اورادہ طوغای تیموری [۳] خان اعلان
 ایتدیردی . طوغای تیمور مازندران شهرندہ اقامت ایدیوردی .
 موسا خان کندیلرینہ التحاق ایله دی . هپ بردن محمود خانہ
 قارشی یورودی لر . جغار موسی تعبیر ایدیلن بر محلدہ محاربہ یه
 طوتوشه رق مغلوب اولدی لر . موسا مقتول دوشدی . طوغای
 تیمور ایله امیر علی خوراسانہ قاچدی لر . تیمور طاشک [۴]
 اوغلی کوچوک حسن بوخبری دویونجه بر اردو طوپلادی ،
 بزرک لقبیله یاد ایدیلن حسن جلایرک مظاهرت ایتدیکی محمدخانہ
 قارشی یورودی برقاق کوچوک مصادمه دن سو کرہ نخبجوان
 قربنده قطعی بر محاربہ یه گیریشدی لر . کوچوک حسن مظفر اولدی .
 محمدخان میدان محاربہ ده مقتوللر آراسنده فالدی . حسن جلایر

[۱] ابن بولقوتلوق ابن تیمور ابن آنبارجی ابن منکوا بن هلاکو .

[۲] علی قوشجینک اوغلی .

[۳] جنکیز خانک قاردشی جوجی قسار نسلندن .

[۴] چوبانک اوغلی .

سلطانیه قاجدی . کوچوک حسن تبریزک محافظه سنی ساتی
 بکه براقدی ، دشمنلرینی تعقیب ایدرک هپسینی داغیتدی .
 صوکره ، جلایر طلب عفو ایدرک تسلیم اولدی . کوچوک
 حسن تبریزه عودتنده ، برسنه بو شهری اداره ایتش اولان
 ساتی بکی هلا کونسلندن سلیمان ۱۱ نامنده برذاته تزویج ایتدی .
 بر مدت صوکره ، حسن جلایر دشمنتک الندن قاجق
 یوانی بولونجه بغداده کیدرک اوراده خان عنوانی جهان
 تیموره [۲] ویردی . فقط کوچوک حسن کنندیسنی تکرار
 مغلوب ایتدیکنندن بغداده چکیلیمکه مجبور اولدی . اوراده
 جهان تیموری خلع ایدرک بوتون حکم ونفوذی ضبط ایتدی .
 اوزمانه قدر کوچوک حسن موغول خانلرینی ایسته دکلری کی
 خلع ایدن امرانک اک صاحب قدرتی ایدی . یعقوب شاه ایله
 کیزلی مناسبات عاشقانه ده بولونان زوجه سی نهایت کنندیسنی
 اولدیردی . یعقوب شاه باشقه بر مسئله دن دولایی امیر کوچوک
 حسنک امریله توقیف اولونمشدی . قاریسی بونک آرالرنده کی
 مناسبتک کشف ایدیلیمه سندن ایلری کلدیکنی ظن ایله یه رک
 قوجه سی سرخوش و اویقوده بولوندیغی بر صیراده کنندیسنی
 قتل ایتدی . وفاتندن صوکره برادری اشرف حکم ونفوذی
 انه کچیره رک خان عنوانی هلا کونسلندن نوشیروانه ویردی .

[۱] ابن عمده ابن سنکوا بن یاشموت یا خود آشموت ابن هلا کو .

[۲] ابن آرسلان ابن کیخاتو خان .

فقط چوق كچمه دن اونی خلع ایدەرك كندیسی تخته چیقدی .
سقوطی ده بو آندن اعتباراً وقوعه کلدی . حیات سفیهانه سی
تبعه سنك موجب نفرتی اولدی . ایلری کلنلر ، قاپچاقده
حکمران اولان جانی بك زدینه کیتدیله و بویوک بر اردو
ایله اشرفك ممالکینه کیرمه اونی تشویق ایتدیله . آذربایجانده
خوی قربنده بویوک بر محاربه وقوعه کلدی . اشرف هم
ایمپراطورلغنی هم حیاتی غائب ایتدی [۱] . کندیسیله قارداشی
کوچوک چوبانیان سلاله سنی تشکیل ایتشلردر . بونک تاریخی ده
ابوسعیده خلف اولان حکمدارلرک تاریخی کبی بزجه پک
آز معلومدر .

سنه
۱۳۵۵

ایلکانیان

ایرانده کی موغول ایمپراطورلغی امرا وبالخاصه بوتون حکم و نفوذی الہ کچیرن چوبانیان سلالہ سی طرفندن تمامیلہ محو ایدیلش ، بوعائلہ نک صو کنجیسی اولان اشرف برخان اعلانندن صرف نظر ایلہ مش اولمقلہ برابر بوایمپراطورلق بوعاصینک وفاتندن صو کرہ اسکینندن دها پارلاق بر صورتده تکرار تأسس ایتدی . یاخود دها دوغروسی اسکی موغول ایمپرا - طورلغنک انقاضندن یکی برایمپراطورلق وجوده کلدی . آباقا خانک اوغلی آرغونک نسلندن بولونان وچوبانیان ایلہ اوزون مدت حرب ایتیش اولان حسن بزرک اونلرک بویوک اردولری قارشینده چکیلیمکه مجبور اولمشدی . فقط جانی بکک استیلاسی کندیشنی دشمنندن خلاص ایتدکدن صو کرہ بغدادی ضبط ایلہ یکی برایمپراطورلغک مؤسی اولدی . مع مافیہ مطلق بر نفوذ و اقتداره مالک اولامادی . سائر امرا ایلہ حکم و نفوذ

ابوالفدا
در بلو
تغری بردی

مجادله سنه کیریشمکه مجبور قالدی . اوغلی سلطان اويس Avis
 کندیسندن دها بختیار چیقدی . بودیندار بر حکمدارایدی ،
 عدالتی سوردی ، پک چوق جسارتی واردی . خلقه کندیسنی
 پک سودیرمشدی . ایشنه اشرفدن بر آرزو کره وفات
 ایتمش [۱۱] اولان حسن بزرکک خلفی بویله بر حکمدارایدی .
 سلطان اويس ایمپراطورلغنی توسیع ایتکی ، آذربایجانی
 فتح ایله مکی دوشوندی . آذربایجان اوزمان اخى جوقک النده
 ایدی . اخى جوق مغلوب اولدی [۱۲] ، تبریزه چکیلمک مجبوریتنده
 قالدی . فقط بوراده نفسنی تحت امنیتده کورم دیکندن بوتون
 مملکتی دشمنه ترک ایله نخبجوانه کیتدی . اويسک غایت شدید
 حرکتی چوق کچمه دن کندیسنه یکی دشمنلر پیدا ایتدی .
 قتل ایتدیرمش اولدیغنی باشلیجه اکا بردن قرق قدر ذاتک
 طرفدارلری اخى جوق بولایلر ، آذربایجان تکرار کله سنه
 یارديم ایتدیلر و اويسی پریشان بر حالدیه بغداده دوغرو چکیلمکه
 مجبور ایلدیلر . فقط بومغلوبیت اويسک جسارتی قیرمادی .
 تصور اتندن واز کچمه سنه سبب اولمادی . تکرار بر اردو
 طوپلادی . تبریز طرفنده اخى جوقه هجوم ایتدی . اونى اله کچیره رک
 باشنی کسیدردی . اويس آذربایجانک ضبطی ایله مشغول اولدیغنی
 حیراده اشناى غیبو بتنده بغداد عسا کرینک قوماندانلغنی تودیع ایتمش

سنه
۱۳۵۶

در بلو
۱۳۵۸

[۱] ۷۵۷ تاریخ هجریسنده .

[۲] ۷۵۹ تاریخ هجریسنده .

اولدینی خواجه مرجان عصیان ایتدی . بو عاصی به قارشی
 یوردومکه [۱] مجبور اولان او ایس اوئی چارچاق دائرۀ اطاعته
 سوقدی . بغداد قاپیلرینی آچدی ، خواجه مرجان عرض انقیاد
 ایتدی . او ایس بغدادده بر سنه دیکلند کدن سو کره کیدوب
 موصل ایله ماردینی ضبط ایله دی . سو کره [۲] ، مازندراند
 طوغاتمور خانی خلع و قتل ایتمش اولان امیر ولی ایله حرب
 ایتمه قرار ویردی . او ایس ، ری قربنده ولی به قارشی بویوک
 بر مظفریت قازاندی . اوئی خوراسان حدودلرنده سمنان
 شهرینه قدر قووالادی . بغداده مظفرانه دوندی . فقط بر قاق
 سنه سو کره [۳] خسته لاندی . خسته لغی هر کون اشتداد
 ایتدیکی جهتله ناظرلری بر ولی عهد تعیین ایتمه سنی رجایتدیله .
 حسن ، حسین ، احمد ، بایزید نامنده درت اوغلی واردی .
 حسینی ولی عهد اوله رق انتخاب ایتدی . بغدادک اداره سنی اک
 بویوک اوغلی حسنه ویردی . حسنک بوندن ممنون اولما یا جغی
 بعض طرفلردن کندیسنه احساس ایدیلنجه نه یامه لری لازم
 کله جگنی کندیلرینک بیه جگنی سویله دی . ناظرلر مناسب
 کوردکلری شیئک اجرا سینه صلاحیت ویریلدیکی ظنیله حسنی
 توقیف ایتدیردیله . بر آاز سو کره او ایس لاقیردی سویله مک

سنه
 ۱۳۶۳

۱۳۷۰

در بلو
 ابن شحنه
 عرب شاه

[۱] ۷۶۵ تاریخ هجریسنده .

» » ۷۷۲ [۲]

» » ۷۷۶ [۳]

قابلیتی غائب ایتدی، اوغللاری حقننده یاپیلا جغنی آ کلاتامادی .
وفات ایدنجه حسین تختہ اجلاس ایدیلدی . حسن قتل اولونه رق
پدریله برلکده عینی مزاره دفن اولوندی .

جلال الدین لقبیله یاد ایدیلن حسین، اویسک چو جو قلری
آراسنده حکمدار اولمغه اک لایق ، فضیلتکار برشهرزاده ایدی .
عالیجناب ، جسور ، جوانمرد ایدی . ذاتاً پدرینک اثرینه اقتفا
ایتدی . حلم و ملایمتی حسبیلله ، افعال حسنه سیله خلک محبتی
قازاندی . فقط بر عرب مورخی قدرک کندیسنه خیانت
ایتدیکنی سویلیور . عصرک فساد اخلاق بو قدر ای بر دور
سلطنتی بوزمشدر . برادری احمد ۱۱ کندیسنه قارشى عصیان ایدهرک
تاج و تختی و حیاتی الندن آلدی . قتل ایتدیرمه دن اول برسنه حبسده
زنجیر بند طوتمشدی . حسین تقریباً یکرمی یاشنده ایدی . قوماندانی
عادل آغایی ری شهرینه مایحق بعض حصارلری محاصره ایتمه
کوندرمشدی . اردوسنک قسم اعظمی بر طرفده مشغول
اولدیغی صیراده برادری احمد بر عدم ممنونیت بهانه سیله ، اوزمان
سرایک بولوندیغی تبریز شهرینی ترک ایدهرک اردبیله کیتدی .
اوراده پاتختی علی الغفله باصمق فیکریله بویوک بر اردو طوپلادی .
یاشنده عسکر بولونمایان حسین کیزلنمه مجبور اولدی و چوق
کچمه دن برادرینک اله دوشدی . اوده کندیسنی قتل
ایتدیردی . بونک اوزرینه احمد ، سلطان عنوانی آلدی .

سنه
۱۳۸۱

برادری بايزيد ، حسينك عاقبتنه اوغرامقدن قورقه رق عادل .
 آغانك نژدينه النجا ايتدی . اوده بايزيدى سلطان اوله رق
 طانيدي . برلكده احمدك اوزرينه يوروديلر . احمد مروانده
 قاجغه مجبور قالدى . فقط اله كچه جكي ائنه اده بعض ضابطلر
 احمد لهنده آياقلانده قلى جهته عادل آغا سلطان بايزيد ايله
 برلكده سلطانيه النجا ايتدى . احمد كيدوب متروك بر
 حاده بولونان تبريزى اله كچيردى . درحال ، امير شيخ على ايله پير
 على كلوب اوراده كنديسنى محاصره اتمكه حاضر لانديلر .
 احمد اونلره قارشى يورودى ، هفت روض يعنى يدى نهر دنيلن
 بر محله محاربه كيريشدى . محاربه باشلايه جنى صيراده عمر
 اسمنده برقايچاق اميرى احمدك اردوسنى ترك ايله شيخ على طرفه
 كچدى . اونك بوفراى احمده مظفرتى غائب ايتديردى .
 احمد اچون آرتق توركن قاره محمده التحاق اتمك اوزره
 نخبه وانه على العجله قاجمقدن باشقه ياپه جق برشى قالمادى .
 قاره محمد بش بيك اتلى ايله احمدى دشمنلرينه قارشى يوروتدى .
 بر محاربه وقوغه كلدى . بو محاربه ده شيخ على ايله پير على
 مقتول دوشديلر . احمد تبريزه مظفرانه كيردى . مع مافيه عادل
 آغا [۱۱] بايزيد ايله برلكده سلطانيه ده مقاومت ايدييوردي .
 مظفريه سلاله سندن شاه شجاع [۱۲] بواصرى شيرازه كوتورمه دن
 احمد اوندن قورتولا مادى .

[۱] شرف الدين كنديسنه صارى عادل دييور .

[۲] شرف الدين ش حرفنك ضميمه شجاع دييور .

عربشاه
شرفالدین
احمد آرتق اوغراشه جق دشمنی قالمایجه شدید و حقسز لجه
میاال طبیعتی کندیسنی کوسترمکه باشلادی . تبعه سنه ظلم ایندی،
امواللرینی آلدی ، کندیلرینی اعدام ایتدیردی ، تمامیه سفاهته
وظلم واستبداده قویولدی . طاشقینلقلری او قدر آرتدی که
بو قدر فنا بر حکمدارک تحت اداره سنده یاشامقدن
اوصانان بغداد اهالیسی مدهش اردولری بوتون ایرانه یایلمش اولان
تیمورلنکی امداد لرینه چاغیردیلر ، بو بویوک فاتح عسکر لرینک بر قسمنی
استرآبادده براقه رق متباقیسی ایله ری اوزرینه یورودی [۱] .
سلطانیه ده بولونان احمد بوشهرک حصارینی تحکیم ایله اوغلی
آق بوغابی بویوک بر قوه محافظه ایله اوراده براقدی . تبریزه
دوغرو چکیلدی . تیمورلنکک عسکرلری سلطانیه جوارینه
واصل اولدیلر . اوراده احمدک بوشهری مدافعه ایچون براردو
ایله کوندردیکی امیر سبتانی بی بولدیلر . سبتانی مزیا تنه ر غم آدشمن
قارشیسنده کریمله مکه مجبور اولدی . بوتون اردوسی داغیلدی ،
سلطانیه ضبط ایدیلدی . احمد بوتون حدتی قوماندانندن
آله رق اونی ضرب ایتدیردی ، صو کره بوتون بغداد سوقاقلرنده
دولاشدیردرق شهر ایله دی . احمد ، بر آاز صو کره [۲] تبریز
شهرینی ده غائب ایتدی . قاپچاقده حکمرار اولان توقتامیش خان

۱۳۸۴

۱۳۸۵

[۱] ۷۸۶ تاریخ هجریسنده

[۲] ۷۸۷ تاریخ هجریسنده .

كلوب بوشهری ضبط ایتش ویغما ایله مشدی . فقط موغوللارک
عنیمتندن سوکره احمد تکرار تبریزه کیردی . قاپچاق تاتارلری
یالکنز برآقین اجراسیله اکتفا ایتشلردی . اوزمان ، مشهور
تیمورلنک ایرانده حرب ایتک فکریله عظیم بر اردو باشنده
جیحون نهرینی کچدی [۱۱] . اونک بوحر کتندن خبر آلان احمد
بغداددن چیقدی وهمان تبریزه کیتدی . تیمورلنک ده اردو سیله
تبریزیشکاهنه واصل اولدی . احمد او شهرده تیمورلنکی بکلمکه
جسارت ایدمه بهرک بغداده قاچدی . تیمورلنکک تعقیب ایچون
کوندردیکی امیر سیف الدین چوق کچمه دن بغداده یتیشدی .
احمد بوتون آغیرلقلرینی ترک ایله قاچدی . نخجوان طریقیله
وسواری قوتلری باشنده کلن الیاس خواجه [۲] نامنده دیگر
یرامیر نمکزار مملحه لرنده احمدی باصدی . پک شدتلی بر محاربه
وقوعه کلدی . بو محاربه ده الیاس خواجه مجروح دوشدی .
بوده احمدک قورتولماسنه سبب اولدی . نخجوان یغما ایدیلدی .
بوتون آذربایجان تیمورلنکک اله دوشدی . تیمورلنک یازی
تبریزده کچیردی [۱۳] .

صوکره [۱۴] تاتار فاتحی بورالره تکرار کله رک بومملکتلری
اوغلی میرزا میران شاهه ویردی . احمد علم و تقوا سیله مشهور اولان

[۱] ۷۸۸ تاریخ هجر بسنده .

[۲] شیخ علی بهادرک اوغلی .

[۳] بوسفرلرک تفصیلاتنه تیمورلنکک تاریخنده تصادف ایدیه جکدر .

[۴] ۷۹۵ تاریخ هجر بسنده .

بويوك مفتى يى ۱۱۱ برطاقم ھدايا ايله تيمورلنك كوندردەرك فيرطنه يى
تسكين ايدە بيله جكى اميدينه قايلىدى . ھديه لرك ھر جنسەندى ،
تاتار عادتى موجبە ، دوقوزر دانە تقديم ايدىلىوردى . بو
ھيئت سفارتى اعزامدن مقصد احمدك تيمورلنك عرض تابعت
ايتدىكىنى فقط بالذات كلوب آياقلىرىنە قاپانغە جسارت ايدەمديكىنى
بىلدىرەمەكەن عبارتدى . تيمورلنك يالىگز سفيرك شەخسە
حرمت كوستەردەرك احمدك تيمورلنك نامنە خطبە او قوتماسى
وسكە ضرب ايتەسى لزومەندى بحث ايتدى . ھىچ بر جواب
آلامادن مفتى كرى دوندى . تيمورلنك بغدادى محاصره
ايتك قرارىنى ريرەرك ھر نفرە ايكى طولوم صو تدارك ايتك
امرىنى ويردى . وصو كره يولە چىقدى ۱۲۱ . ابتدا اربىل
قربىندە يان بولاق قريە سەندە قراركاه قوردى . كىجە كوندوز
يورودى . كنديسى او كە كچدى . شەرزور قربىندە قورا
فورغانە كىتدى . اورادە توركەنلرك حەكمدارى محمدى بوزدى .
بورايە مواصلت ايدىن بوتون اردوسىلە بو شەرى يغمە ايتدى .
صو كره ، يالچىن داغلر آراسەندى ، غايت مشكل ودار يوللاردىن
كچەرك ايلرىلەدى . كىجە لىن كنديسىنى مشعلەلرلە بر سەدىدە
طاشيورلردى . تيمورلنك صوك درجەدە سەرت كوستەردەرك

[۱] نورالدين عبدالرحمن اسفراينى .

[۲] ۷۹۵ سنە ھجرىيەسى شوالنك اون اوچىندە — تاتارلرك

تقويەنە كوره طاوق سنە سە مصادفدر .

بغدادی یکر می یدی فرسخ مسافه ده ابراهیم لق دنیلن زیارتگاه
 بر محله واصل اولدی . اوراده اهلیدن ، اردوسی کورونور
 کورنمز بغداد ضابطائی خبردار ایتک اوزره کو کر جینلرله
 مکتوب اوچورمش اولدقلرینی خبر آلدی . آرقه سندن تیمورلنک ده
 یکی بر مکتوب ایله باشقه بر کو کر جین اوچوردی . مکتوبده
 اوزاقدن کورولن توزک بعض تورکمن سواریلرندن پیدا
 اولدیغی ، تیمورلنک اردوسنک کلمدیکی ، ایلک ظنک یا کلیشلغی
 میدانه چیقدیغی بیلدیریلیوردی . کو کر جین بغدادده کی یوواسنه
 واصل اولدیغی زمان بو مکتوبی احمده کوتوردیلر . احمد مستریح
 اولدی . فقط اک قیمتدار اشیالرینی دجله نك اوته طرفه
 کچیرتمکدن خالی قالمادی . بو فائده لی براحتیاط ایدی . چونکه
 تیمورلنک بغداده دوغرو سرعتله ایلریله یوردی . تیمور بغداده
 واصل اولدیغی زمان [۱] احمد بغداددن چیقمش ، دجله
 نهرینی اوته طرفه کچمش ، کو پرونی ییقمش ، کیلری
 پارچه لایه رق باتیرمش ایدی . دشمن اردوسنک ایلک مفرزه لرینی
 کورمک ایچون نهر ساحلنده بکله یوردی . پیشدار قوتلرینی
 کورنجه حله یه قاچدی . تیمورلنکک عسکرلرینک قسم اعظمی
 یوزه رک دجله نی کچدیلر ، احمدک تعقیبنه قویولدیلر . تیمورلنک
 بالذات دشمنی تعقیب ایتک ایسته دی . سراینک اکبری مانع
 اولدیلر وکال موفقیتله ضبط ایتمش اولدیغی بغداده چکیلمه سی

ایچون تشویقاتده بولوندىلر . تیمور ، احمدك سراينده او طوردى .
سلطان ، اك قيمتدار اشياى ايله برلكده اوغلى طاهرى
مستحكم ناجيه [۱] حصارينه كوندرمشدى . بونك قوماندانى
آلتون زمانك اك جسور عسكرلرندن برى اولمق شهرته
مالكدى . آلتون ، اوچ يوز كزیده نفر دن مركب بر قوه
محافظه ايله اراده صيراده او قدر مدهش خروج حركتلى
ياپوردى كه بوقلعه ي محاصره ايتديرمش اولان تیمورلنك قرق
بيك كشيلاك بر قوه امداديه كوندرمك لزومنى حس ايتدى .
بوقوه امداديه مواصلت ايتديكى صيراده آلتون قلعه دن چيقمشدى .
جواره آقنلر ياپوردى . دشمنلى آراسنده گنديس . يول
آچه بيله جك وتكرار قلعه يه كیره بيله جك قدر آثار شجاعت
وموفقيت كوستردى . تیمورلنك بالذات بو محاصره يه عزيمت
ايدەرك اوزون مدت اوراده قالمق دن جانی صيقلدى . محصور قوماندان
متصل آقنلر ياپوردى . نهايت تیمورلنك اوراده بر مقدار
عسكر براققله اکتفا ايتدى . قلعه آنجق بر قاچ سنه صوكره
محصورين آراسنه دوشن نفاق يوزندن ضبط ايديله بيلدى [۲] .
آلتونك بر قارده شى واردى كه طاهر ك والده سيله كزلى مناسباتده
بولونيوردى . آلتونك غيوتى اثناسنده طاهر بونلر ك ايكيسنى ده
اولدير تدى . قاپيلرى قاپاتدى . آلتونه آچمق دن امتناع كوستردى .

[۱] شرف الدين بك بوكا النجق ديور .

[۲] [۲] ۸۰۳ هجرى و ۱۴۰۰ ميلادى تاريخنده .

قاردشك نعشنى سورلرک اوزرندن آشاغى يە آتدىردى. آلتون كنديسى دە اولسە بويلە حرکەت ايدەجگىنى يېھودە يە تامين ايدوب دورديسە دە كنديسىنى ايچرى آلماديلر . بونك اوزرينە آلتون تيمورلنكە عاڭد بولونان مروانده چكىلدى . اورانك قوماندانى آلتونك باشنى كسىدىردى . طاهر آرتق مدافعه ايدەجك حالده اولمادىغندىن كورجىلرک نزدينە التجايله حصارى يالگىز براقدى ، قلعه دە تيمورلنكك عسكەرلىرى طرفندىن ضبط ايدىلدى .

تاتار فاتحنك اردولرى بواشنادە عراق عربە يايلىورلر واحمدى بك يقيندىن تعقيب ايدىيورلردى . احمد فترات ساحلارينە واردى ، كېجەدن بالاسى تىفادە بو نهرى كچدى . كوپروسنى يىقدىردى ، كىلرى باتىرتدى . دشمنلرى ايرتەسى صباح واصل اولدىلر و بر كچىد بولمق ايچون بر مدت توقف مجبور يتىندە قالدىلر . احمد كىربلا طريقە شام يولنى طوتمىشدى . كوستردىكى سرعتە رغماً بوتون اشياسى يىغما ايدىلدى . چوق كچمەدن كىربلا صحرا سنده بويوك بر مفرزە عسكەر يە آرقە سندن يتىشىدى (۱۸) . معيتندە ايكي بيك سوارى بولوندىغى جەتتە بولنلردن ايكي يوزى درحال كرى دوندىلر و تيمورلنك اردوسىنك امراسى اوزرينە صالدىردىلر . فقط بوسكورتولدىلر . برقچ هفته هجوملرىنى تىكرار ايتدىلر . صوك مصادمە دە تيمور عسكەرلىرى برچوق ضايعات وىردى . مع مافيه

ینه احمدی تعقیبده دوام کوسترەرك اوغلی علاءالدین ایله دها
 سائر بعض اولادلرینی و زوجه لرندن بعضیلرینی اسیر آلدیلر. احمد
 دربلو حکومتی ترکه مجبور اولدی. احمدك عائله سندن الدە ایدیلنلر بغدادده
 تیمورلنك بولوندیغی بوتون ارباب علم و هنرايله برلکده سمرقنده
 شرف الدین کوندرلدیلر. وقتيله هلا کوخان ایمپراطورلغنی تشکیل ایتش اولان
 بوتون بومالك تیمورلنك اوغلی میرزا میران شاهه ویریلدی.
 میرزا میران شاه تبریزده اقامت ایتدیکی صیره ده احمد
 بغداده کیردی. بوراده میران شاه کندیسنی محاصره یه آلدی.
 فقط قوراقلق، شدتلی صیجاقلر و تبریزده وقوعه کلن عصیان
 احمدی قورتاردی. میرزا میران شاه علی العجله عودته مجبور
 قالدی. صوکره [۱] تیمورك طورونی میرزا رستم معیتندە متعدد
 امرا [۲] اولدیغی حالده بغدادی ضبط ایچون یوله چیقدی.
 متعدد مواقعی یغما ایتدکن صوکره، مندلی یه کیتدی [۳]. بوراده
 سلطان احمد طرفندن علی قلندر قوماندان ایدی. مندلی شهری
 ضبط و عسکرلرک کیفنه ترك ایدیلدی. علی قلندر علی العجله
 بغداده چکیلدی. اوراده احمدی تیمورلنك اردوسنك موصلتندن
 خبردار ایتدی. درحال شهرک قاپولری قاپاندی، کوپرو ییقلدی.
 بوآراده تیمورلنك طرفندن خوزستان والیسی بولونان شیروان،

۱۳۹۹

۱۴۰۰

[۱] ۸۰۲ تاریخ هجر پسنده .

[۲] سوینجک ویکنی حسن جندار ایله حسن جکداول .

[۳] ۸۰۲ سنه سی جمادی الاوانده .

دائرة حكومتندن بر چوق پاره لر آلدقن صو كره بغداده التجا
ایلله احمده عرض خدمت ایتدی. فقط بغدادده بعض قوماندانلره
او قدر چوق پاره توزیع ایتدی که حقنده شبهه اویاندی. بر
مقدار عسکر قومانداسنده کندیسنی سوق ایدن احمد امراسنه اونی
قتل ایتدیردی. باشی بغداده کتیریلدی. سلطان سکر کوندن
آز بر مدت طرفنده کندی ضابطلرندن ایکی بیک قدرینی
اولدیرتدی. چو جوقاغندن بری احمدی بویوتمش اولان وفا
خاتون واسطه کوندریلدی. اوراده بریاصد یقله بوغولدی. احمد
معیتنده کی قادینلردن وضابطلردن بر چوغنی کندی الیله اولدیردی.
بونلرک نعللری دجله یه آتلدی. صو كره، سراینک قاپیلرینی
قاباندی. ایچری یه کیمسه نك کیرمه سنه مساعد ایتدی. ییه جکی
قانی یه کتیریلیوردی. یمکله بر ضابطه ویریلیور، اوده کندیسنه
کتیریوردی. بو ظالم حکمدار صو كره کیجه لین معیتنده
آلتی کشی ایلله بر قایق اوزرنده دجله یی کچدی وتور کمینلر
رئیس قاره یوسفک الکاسنه چکیلدی. فراری بغدادده مجهول
قالمشدی. ضابطلری سراینک قاپیسنه یمک کتیرمکده دوام
ایدیورلردی. ایچلرندن بری بونلری سرایه طاشیوردی.
بو انصاده احمد قاره یوسفی بغداده کلمکه اقناع ایتمشدی.
اونی بالذات بغداده کتیردی. وتور کمینلره نهرک اوته طرفنده
اقامتگاه تخصیص ایتدی. سراینه عودت ایتدیکی زمان کندیلرینه
یک جوق هدایا کوندردی. بونلرده نقد پاره ایلله قماشلردن،

ایله امیر سلیمان شاه علی العجله تیمورلنک قوتلرینک باشنه کچهرک
 احمدک اردوسنی دجله یه نه و غرو سوردرلر و بوتون بواردوی
 داغبتدیلر . قاروج بو مغلوبیته رغماً بغدادی تسلیمدن امتناع
 کوستردی و خلقی مدافعه یه تشویق ایتدی . دیدی که :
 «افندم سلطان احمد بکا بغدادی آنجق بالذات تیمورلنکه تسلیم
 ایده جگمه و شهر تیمورلنک قوماندانلری طرفندن محاصره ایدیلدیکی
 مدتجه صوک درجه یه قدر مدافعه ده بولونه جگمه یمین ایتدیردی »
 هرکس سورلره چیقادی . قاروج عمومه نمونه امثال تشکیل ایتدی .
 بو صبراده تیمورلنک بالذات بغداد اوزرینه یورودی . عقب
 قایسندە قرارگاه تأسیس ایله شهری منتظماً محاصره یه آلدی .
 سورلری ییقمق اوزره مخصوص ایشـجیلر تعیین ایتدی .
 قاروج تیمورلنک محاصره ده بولونوب بولونمادیغنی آکلامق
 ایچون اعتماد ایتدیکی بریسنی کوندرمشدی . مرخصی تیمورلنک
 اردوسنده حسن صورته قبول ایدیلدی . فقط قاروج بو
 خبرک شهرده شایع اولماسنه مساعدە ایتدی . او قدر شدتله
 مدافعه ده دوام ایتدی که تیمورلنک ، اردوسنک قسم متباقیسنی ده
 جله مجبور اولدی . اوزمان بغداد هر طرفندن قوشاتلدی .
 دوبالردن یاپلمش بر کوپرونک اوزرینه یرلشدیریلن ماهر
 تیراندازلر هرک کچیلمه سنه مانع اولدیلر . بغداد اهالیسی
 بو قدر چوق بر اردوی کورمکه برابر جسارتلرینی غائب
 ایتدیلر . تاتارلر سورلره بر کدیک آچار آچاز بو کدیک

تعمیر اولونیوردی . فقط شدتلی صیجاقلرو تیمورلنکک آتدیردینی
بویوک طاشلر کندیلرینی ازعاج ایدیوردی . بر چوق دفعه
تیمورلنکک ضابطلری کندیسنک آياقلرینه قاپانه رق هجوم ایچون
مساعده ویرمه سنی رجایتدیلر . تیمورلنک محصورینک کندیلکلرندن
تسلیم اولاجقلری امیدیه بوکا موافقت کوسترمدی . فقط
اهالی قیطاغه و صوک درجه حرارته رغماً مدافعه ددنباته قرار
ویرمشلردی . قرق کون محاصره دن صوکره ، بغداد اهالیسی
اوکله وقتی شدت حرارتدن تحفظ ایچون اولرینه چکیلمش
اولدقلری بر صیراده تیمورلنک فرصتدن استفاده ایله سورلره
مردیوه ن دایاتدی . ابتدا امیر شیخ نورالدین چیقدی . سورلرک
اوزرینه تپه سنده هلال بولونان برصیرینی رکز ایتدی که بوکا
بارکیر قویروغندن بر توغ مربوط ایدی . بوتون عسکر
امیر شیخ نورالدینی تعقیب ایتدیلر . چوق کچمه دن الله
قیلیج ایچری کیردیلر وبویوک شهری ضبط ایتدیلر [۱] . اهالی
اولومدن قورتولمق ایچون هر طرفه قاچیشدیلر وهپ قلیجدن
کچیرلدیلر . والی ، قیزیله برابر نهرک آقینتسندن بلاستفاده
قاچه بیلدی . فقط تاتارلر آرقه لرندن یتیشدکلری ایچون
قیزیله برابر صویه آتلادی ، معروض قاله جنی حقارتلردن
بو صورتله قورتولدی ، باربار تیمورلنک نفراتدن هر برینه
بغداد سیکنه سندن برینک کله سنی کتیرمک امرینی ویرمش

اولدیغندن سـکسان یاشنده کی اختیارلره ، ممهده کی چوجوقلره
 بيله آجیادیلر . مقتول دوشن بیچاره لرك مقداری حساب
 ایديله مه مشدر . باشلرینی ییغهرق بر راهرام و جوده کتیردیله . انسان
 کله لرندن یاییلان اهراملرك مقداری یوزیکرمی یه بالغ اولمشدر .
 بو باربارك عادی برمداهنه کاری اولان بر ایران مورخی « هر
 کسك آیاغنی حدندن فضله اوزاتمامسی لازم کلدیکنی کوسترمك
 و اخلافه بر عبرت مؤثره تشکیل ایتک ایچون » بویه حرکت
 ایتدیکنی پازیور . بغدادده کی بوتون اولر ییقیلدی . یالکیز
 مدرسه لره ، جامعلره و خسته خانه لره دوقونولمادی . متباقی مبانی
 هدم اولوندی . تیمورلنكك آیاقلرینه قاپانان بعض علماءده تخلص
 نفس ایتدیله . تیمورلنك بوقادار مظلمدن صو کرا مشهور امام
 ابو خنیفه نك قبرینی زیارته کیتدی . اوغللری و قوماندانلری
 حلبه و واسطه قادار بوتون جوار ممالکی تخریب ایتدیله .
 احمد ، تیمورلنكك عزیمتندن خبردار اولور اولماز قاپا دوسیا
 قطعه سنده قیصریه جوارنده بایزیددن آریلیدی ، عراق عرب
 کلدی . قلعه رومدن کچدی ، هیته ، اورادن بغداده کلدی .
 بغدادی تعمیر ایتدیله . چولاره داغیلماش اولان تبعه سنی
 طوپلادی . تیمورلنك درحال طورونی میرزا ابو بکری یکی بر
 اوردو ایله یواللادی . احمد او قدر غافل اولاندی که اوغلی
 طاهر ودها بر قاچ ضابط ایله برانکده کیجه لک کومالکیله
 برقایغه آتلایه رف دویه نی کچدی . و حله یه قاچدی . جهان شاه

او شهره قدر کندیسنی تعقیب ایتدی . فقط کوپری نی ییقمق احتیاطکارلغنده بولونمش اولان احمد فرات طریقله خالد و ملک آطه لرینه قاچدی . باشقه بر طاقم مفرزه لر کیدوب مندلی نی یغما ایتدیلر . علی قلندر دجله نك اوتة طرفنده طوپالایه بیلدیکی عسکرله بر آرز مقاومت کوسترمك ایسته دیسه ده مغلوب اولدی . ایشته بوصورتله احمد پایتختی تکرار ترك ایتك مجبوریتنده قالدی . مؤخرأ ، طاهر ، سلطانی سومه یین بعض امرا و امیر فیروز ایله برلکده عصیان ایتدی . احمد ، تورکمنلر حکمداری قره یوسفدن استمداده مجبور اولدی . برلکده عاصیلرله حربه کیریشه رك اونلری مغلوب ایتدیلر . طاهر قاچق ایسترکن نهرده بوغولدی . صوگرا احمد ، کندیسنك خلاصکار یله داریلدی . بغداده چکیلدی . قارا یوسف درحال حله دن چیقدی ، کیدوب بغدادی ضبط ایتدی . احمد بغدادده صاقلانمغه مجبور اولدی . قره حسن نامنده بر آدم کیجه لین کندیسنی بش فرسخاق مسافه یه او موزلرنده طاشیه رق قورتاردی . احمد او کوزلی بر آدمه تصادف ایدرك او کوزه بیندی ، قره حسن ایله برلکده تکریته چکیلدی . بعض امرا کندیسنه التحاق ایتدیلر . احمد بونلرله برلکده ، مصر سلطاننه عائد اولان شامه کیتدی . مؤخرأ بغدادی انشا ایچون کلن تیمورلنك طورونی ابوبکر طرفندن طردایدیلن قره یوسفده سوریه چکیلدی .

اوزمان سوریه حاکم بولونان و تیمورلنك عظیم اردولرینی

کندی مملکتنه سوقق ایسته مهین مصر سلطانی بوا یکی حکمدارک
ورودینی تیمورلنکه بیلدیردی. تیمورلنک احمدک کندیسنه کوندرلمسینی
وقاره یوسفک موقوف طو توماسینی ایسته دی. مهماننوازلق حقوقنی
اخلال ایتمک ایسته مین مصر سلطانی بوا یکی حکمداری تحت نظارت
و محافظه ده بولون دیر مقله اکتفا ایدهرک احمدی دشمننک الله
تسلیمدن امتناع ایتمدی. احمد ایله قاره یوسف تیمورلنکک وفاتنه
قدر بو حالده قالدیلر [۱]. بولون دقلری بو برنوع اسارت ایچنده
آرالرنده صیقى براتفاق عقد ایدهرک مصر سلطانه لایزال بر
صورته مر بوط قالمغه و حریتلرینی اکتساب ایدر ایتمز بر برلرینه
معاوننده بولونمغه عهد ایلدیلر. تیمورلنکک وفاتندن سو کره
نائل حریت اولدیلر سه ده قاره یوسف سلطانک ممالکینی ترک ایدر ایتمز
تورکمنلرینک باشنه کچدی و آ ز وقت ایچنده عراق عرب ایله
مزوپوتامیانک بر قسمنی ضبط ایتمدی. سلطان بو استیلادن احمده
شکایت ایتمدی. چونکه وقوعه کلن فتوحات احمد لهنده یاپلمش
کبی کورونیوردی. فقط بو شکایتنه هیچ بر موافق جواب
آلامادیغندن احمدی حمایه دن فراغت ایتمدی. بو صورتله ترک ایدیلن
احمد حیلله مراجعت ایتمدی. فقیر اثوابلری کییه رک کیزلیجه
بغداده کیردی. اوراده بر آ ز سو کره براغت شاش چیقاردی.
کندیسینی بیلدیردی. اهالی عمر میرزا نامنه بغدادی اداره
ایدن قوماندانی قوغدیلر. تیمورلنک بغدادی عمر میرزایه ویرمشدی.

سنه

۱۴۰۴

بغداد اهالیسی احمدی سلطان اعلان ایتدیلر . صو کره [۱] احمد کیدوب تبریزی ضبط ایله دی . بواشاده میرزا ابوبکر اصفهان محاصره سیله مشغول دی . احمد سلطنته صاحب اولور اولماز ذوق و صفایه قویولدی . میرزا و بونلرک قوماندانلرندن امیر ابراهیم کندیسینی تبریزدن طرد ایله علی العجله بغداد چکیلمکه مجبور ایتدی . قاره یوسف تیمورلرکک اولادلری آره سنده حکم سورن نفاقدن بالاستفاده آذربایجانلی اله کچیردی . بو مملکت وقتیه احمدک حکومتنه تابع اولدیغی جهتله احمدک حرص و حسدی اویاندی . بو کوزل ولایتی تورکمنلرک اشغال ایتمسی نظر تأسفله کوردی . قاره یوسف هجوم ایتمه قرار ویردی . قاره یوسفک ارمنستانده قاره عثمانه قارشلی اوغراشدیغی برزماندن استفاده ایله تبریزی باصدی [۲] و مقاومت کورمکسزین شهره کیردی . قاره یوسف بو حیلله کارلغی خبر آلیر آماز یکی دشمننه قارشلی یورودی . تبریزدن ایکی فرسخ مسافه ده محاربه یه طوتوشدیلر . مغلوب اولان احمد بر باغچه یه قاچه بیلیمک ایچون آنجق وقت بولاییلدی . برمدت اوراده صاقلی قالدی . صو کره الدهه ایدیلهرک قاره یوسفک حضورینه کوتورلدی . قاره یوسف ، دسیسه کارلغندن دولایی مؤاخذه ده بولونمقله اکتفا ایدهرک کندیسینی حبس ایتدیردی . مؤخرأ عراقک باشلیجه اکبری ، ظالم بر حکمدار اولان

۱۴۱۰

وايلروده بر فئالق يپماسى ملحوظ بولنان احمدك ازاله
وچودى كنديسنه توصيه ايتديلر . قارا يوسف اونلرك
بو نصيحتنى تعقيب ايله احمدى وچوچوغنى ئولديرتدى . بوسورتله
ايلكانيان سلالهسى سـوندى . يرينه «قره قويونلى توركمـنلر
سلالهسى» قائم اولدى .

قارە قويونلى تور كىنلىرى

جىنكىز خان خان ئائىلەسىنىڭ تارىخىنى يارىم براقەرق بوردادە ،
چوققىدىن مى غەربى ئاسىيادە يولنى بولونان ۋايىلىكانىياردە
خالىم اولش تور كىلردىن عبارت اولان تور كىنلىرى تارىخىدىن
بىر ئىمىنى مەنسەپ كورىيورم. بولنىڭ وقايغىدىن باشقا طرفدە
بىر ئىمىنى اولسە ايدىم هلاكو طرفىدىن تاسىس ايدىلن
ايمپراطورلىك تارىخىنى يارىم قەلەجق ايدى . بو ايمپراطورلىقى
ايرانى صوفى ئائىلەسىنىڭ الەكچىرمەكە سەبب اولان انقلابات اى
آكلاش يالامايە قەدى بو صوفى ئائىلەسىنىڭ ئالدىن دە زىمانمۇردە
سلطەت مشهور طەساس قولى خان طرفىدىن آلمىشدر . وقتىلە
اهل صايب حەكمدارلىرىلە حرب ايتىش اقوامك بقىمەسى اولان
بوتور كىنلىرى ايراندە حەكمىران بولونان موغوللار حەكمدارلىرى
طرفىدىن تىخت اطاعتە آلمىشدى . احمدك زمان سلطەتندە قارە محمد
اسمىدە بىر زىيالىرى واردى . بولك بايراغىندە سياه بىر قويون

درىلو

کوردلیوردی . بوتون ملته بویله قاره قویونلی کبی غریب
برنام ویریلدی بوندن ایلری کیشدر ۱۱۱ .

تاتارستاندن چیقمش اولان تیمورلنک بوتون بوتورکنلری
مخو ایتمک فیکرنده ایدی . چونکه بونلر هر کسله حرب ایدن
بر استقیا ایدیلر ، تیمورلنک محجواندن حرکتله ۱۲۱ اردو سیله
برلکده علی العجله بایزید حصارینه یورودی . وقتیه بوکا
آیدین حصاری دیرلردی . جوارده کی حوالی بی تخریب
استدکن صوکره یوقاری ارمنستانده کائن ارلان آونیکه
یاخود وانه کیمی . قاره محمدک وادری مصر بوراده
اوتوروردی . بوتورکنلرک کرک داغلرده کرک اووالرده
مالک اولدقلری شیلرک کافسی اغنام ایدیلدی . تیمورلنک
چاکور نهری کنارنده قرارگاه قوردی ، طهرتی عرض انقیاده
دعوت ایچون آذربایجان بر سفیر کوندردی . بوتون بوقوتلره
مقاومت ایدمه جهک اولان بوتورکنر بر ورکو ویرمه
رضا کوسکردی . بولک اوررینه تیمورلنک قاره محمدی تعقیب
ایچون اوغلی میرزا میران شاهک قومانداسی آلتنده بره مقدار
عسکر تفریق ایتدی . بونلر بوتون تورکن الکالرینی تخریب
ایده جکاردی . تاتارلر برچوق اسیر آلدیلر . فقط امیر محمد میرکه
طرفندن قوماندا ایدیلر دیکر برمفرزه بر بوناز داخاننده حربه

[۱] روم مورخاری بولره ماوردو پروواناده دییورلر .

[۲] ۷۸۹ تاریخ مجریسنده .

کیریشمکه مجبور اولدی . بو پک قانلی بر محاربه اولدی . باشقه
امراده قاره محمدی تعقیب ایتدیر ، نهایت یالچین بریده
یتیشدیله . دیک قایالره محاط یوکسک برداغ تپهسی ایدی .
کوستردکلری غیرت بی فائده اولدی . بر چوق ضایعات ویردیله .
قاره محمد داغ تپهسینه چکیلمشیدی . تیمورلنک بوتون او
حوالی بی تخریب ایله اکتفا ایتک مجبوریتنده قالدی . بواشقیانک
کندی قوتلرینه تعرض ایتسینه مانع اولامادی . خللاط
و عادلجواز شهرلرینی تحت اطاعت آلدی . صوکره ، وان
کولی بویجه حرکت دوام ایدرک آلا داغه کیتدی . اوراده
آیارا سرانی اوواسنده اردوسنک قسم کلیمی کندیسینی
بکله یوردی . تیمورلنک تورکنلر مملکتینه دفعات ایله دونهرک
تخریباتده بولونمشدر [۱۱].

قاره محمد وفاندن صوکره اوغلی قاره یوسف ، سلطان
احمدک موافقتیه ملت رئیس اولدی و سلطان احمدک خدمته
کیردی . آز وقت ایچنده ارمنستانده و دیار بکرده پک چوق
نفوذ و قدرت اکتساب ایتدی . سلطان احمدن کوردیکی
ایلیکی اونوتایله جک حاله کلدی . آرتق اوراده فائده لی صورتده
یرلشمکدن واستقلال صاحبی اولمقدن باشقه برشی دوشونمادی
اوزمانه قدر ایلاکانیلرک باشلیجه شهرلرندن بری اولان تبریزی
[۱۱] بو وقایعک تفصیلاتی تیمورلنکک تاریخنده کوروله جکدر .

ضبط ایتدی [۱]، آناختارلرینی مصر سلطانه کوندردی .
 مصر سلطانندن استحصال ایتدیکی براتده بو شهر کندیسنه
 ویریلیوردی . تیمورلنکک استیلاسی احمد ایله قاره یوسفی
 برلشدیردی . بو فاتحک اوکنده قاچغه مجبور اولدیله . مصر
 سلطانک ممالکنه کچدیله . فقط تیمورلنکک وفاتندن صوکره
 [۱۲] قاره یوسف بوتون تورکمنلرینی طوپلایه رق عراق عربی
 و مزوپوتامیانک بر قسمنی اله کچیردی ، تبریزدن تاتار خاننک
 اولادلرینی قوغدی ، کورجستان ایله حرب ایتدی . بغدادی
 احمدک النذن آلدی ، ایلکانیان سلاله سنی محو ایله دی [۳] .
 بو صورتله عراق عربک ، مزوپوتامیانک ، ارمنستانک
 و کورجستانک بر قسمنک صاحبی اولدی . سوریه یه و آناطولی یه
 کیرمک تهلیکه سنی عرض ایتدیکی بر صیراده تیمورلنکک
 اوغلی شاه رخ شرقی تسکین ایتدکن صوکره برادرلرینک
 انتقامنی آلق ایچون کندیسنک الکاسنه کیردی [۴] . تحت
 قومانداسنده حربه آلیشمش متعدد اردولره مالک اولان
 قره یوسف بوقدر قوتلی بر دشمنک مواصلتندن دهشته
 دوشمشدی . فقط شاه رخه قارشى یورومکه حاضرلاندیغی

سنه
۱۳۹۱
ابن شحنه

۱۴۰۴
دربلو

۱۴۱۰

۱۴۱۹

[۱] ۷۹۴ تاریخ هجریسنده .

• • ۸۰۷ [۲]

• • ۸۱۲ [۳]

[۴] ۸۲۲ نار هجریسنده

صیراده خسته لاندی و تبریز قریبنده او جان قرارگاهنده وفات ایتدی
 ۱۱. بونک اوزرینه باش قالدان بوتون اوردوسی داغیلدی. بالذات
 کندی عسکرلرندن بر قسمی چادیرلرینی یغما ایتدیلر
 و کویهلرینی آلق ایچون قولاقلرینی کسیدیلر. حکمدارک وفاتنده
 بوملت ایچون بر امر طبعی اولان بو قارغشهلقلر آراسنده
 قارا یوسفک نعشی مزارسز قالدی. نهایت ضابطلرندن بعضیلری
 ارجینه کوتوردک اورداده دفن ایتدیلر. اون دوقوز سنه
 سلطنت سوردمشدی. آلتی چوچوغی اولمشدی. بر بوداق
 خان ایله امیر سیمان دها اول وفات ایتشاردی. امیر
 اسکندر کندیسنه خلف اولدی. دیگرلری ده میرزا جهان شان،
 ایران والیسی شاه محمد، اسکندرک امریله قتل ایدیلن
 ابوسعیددر.

اسکندر اجرای حکومتیه کوچوک بر شبهه اوزرینه
 برادری ابو سعیدی قتل ایله باشلادی. صو کرا ایکی دفعه
 شاه رخه مغلوب اولدی. شاه رخ ری شهرینی الندن آلدی.
 تبریزی قارا یوسفک دیگر اوغلی اولان جهان شاهه ویردی.
 شاه رخ طرفدن مطاهرت کورهن جهان شاه برادريله حرب
 ایتدی، النجق یاخود ناجیه حصارنده اونی تحت محاصرهیه آلدی.
 بونک اوزرینه اسکندرک اوغلی شاه قباد پدرینی اولدیرتدی.

- عموجەسىلە صالح ياپدى ۱۱۱. جهان شاه تخته ۱۲ چىقدى .
 كورجستانى نحت انقياده آلدى . تيمورلنك نسلندىن محمودك [۲]
 وفاتىندىن سو كره ايرانك و كرمانك بر قسمنى ضبط ايتدى ۱۴. و آخراً
 ۱۵۱ خوراسانده ، تيمورلنك عائله سىندىن ميرزا ابراهيمه قارشى
 حرب ايتدىسەدە على العجلە تېرىزە عودتە مجبور اولدى .
 چونكە اوغللارندىن بىرى عصيان ايتمشدى . بونى دائرە
 اطاعتە ادخال ايتدى و دار بر محبسە قاپادى . دىكر براوغلى
 پىر بوداق بغداددە عصيان ايتدى . جهان شاه اورادە
 كندىسنى برسە محاصرە ايلدىسەدە شەرى الە كچىرمەدى و
 ۱۴۶۴ اوغلى ايله بر مەئەدە عقد ايتىكە مجبور اولدى ۱۶۱ . دياربكرده
 يرلشمىش دىكر توركنلار ك ر ئىسى اولان اوزون حسن ايله
 محاربه سەندەدە بختيار اولامادى . اوزون حسن بىك اتلى ايله
 كندىسنى باصدى ، ويوك اوغلى ايله برابر اولدىردى . دىكر
 ۱۴۹۶ بر اوغلى اسير دوشىدى و كوزلىرىنى يىل چكىلدى ۱۷۱ .
 بونك اوزرىنە جهان شاهك اوغلى حسن على ايمپراطورلنى

۱۱ | ۸۴۹ تاريخ هجري سنده

۱۲ | برزورون كندىسە بايسەس باخود چارسا ياخود مالا ئونقر دىيور .

۱۳ | بايسنقر ك اوغلى

۱۴ | ۸۵۶ تاريخ هجري سنده .

۱۵ | ۸۶۱ تاريخ هجري سنده .

۱۶ | ۸۶۹ تاريخ هجري سنده . دوغرو .

۱۷ | ۸۷۲ تاريخ هجري سنده دوغرو .

خبط ایدەرك برادرینە خلف اولدی. گندیسنە بویوک خزینەلر
براقش اولان جهان شاھك انتقامنی آلقاچون ایکی یوزبیک
کشیلک براردو طوپلادی . فقط عسکرینی ایجه بند ایچون
برسنەك معاشلرینی پشین ویرمك احتیاطسز اغندە بولوندیغند
بولندن ضرر کوردی. خوراسانده حکمران اولان تیمورلنكك
نسلندن ابوسعید گندیسنە هجومه کلدیکی وقت بوتون بو عسکر
دشمنك طرفنە کچدی. بونك اوزرینە اردوسنك انقاضیلە فرارە مجبور
قالدی . اوزون حسنك انە دوشدی . اوده قارداشلریلە برابر
گندیسنی اولدیرتدی . تقریباً الی سنە قدر حکومت سورن
بوسالالە بوصورتلە سوندی . مالک اولدیغی مملکتلر آق قویونلی
تورکمنلرینك انە کچدی .

آق قويونلى تور كمنلىرى

بو تور كمنلىرى ، بايراقلىرى اوزرىندە بولونان آق قويون نامى درېلو
آمشلردىر. كندىلرېنە تور كجەدە آق قويونلى نامى وىرىلگەدەدر.
بايندىرلىرى [۱] نامى دە وىرىلشدر . آشاغى ارمنستاندە
ومزوپوتامىيادە حكومت ايتىشلردىر . بو سلالەنك مؤسسە كې
تاقى ايدىلەجك طور على بك موصل و وان شەرلرېنە حاكم
ايدى . يرېنە فخرالدين لقييلە ياد ايدىلن اوغلى قوتلو بك
چىققدى . بونك اوغلى وخافى اولان قرە يولوك عثمان تيمورلنك
آناطولىيە كچدىكى زمان اونك خدمتە كىردى وبازىدك مغلوبىتىندىن
صوگرە تيموردن آناطوليدە سىواس ، ارمنستاندە ارزىنجان
ومزوپوتامىيادە رها وماردىن شەرلرېنى آلدى . بو صورتلە
صاحب قدرت اولونجە قارە قويونلى تور كمنلىرى حكمدارىلە
حرب ايتدى ايسەدە مغلوب اولدى وامىر اسكندر طرفندىن

[۱] يونانلىلر كندىلرېنە آسپرو پروواتادە دىرلر.

قتل ایدیلدی ۱۱۱ . یاشی دو قساندن فضلہ ایدی . اوغلی حمزہ	سنہ
بك مزوپوتامیا وقاپادوسیا طرفلارنده کندیسنه خلف اولدی	۱۴۰۶
وتقریباً قرقسنه حکومتدن صوکره وقت ایتدی ۱۲۱ . حکومتی	
علی بك اوغلی یکنی جهانگیره براقدی . بوده برادری	۱۴۴۴
اوزون حسن طرفدن ۱۳۱ موقع اقتداردن طرد ایدیلدی .	۱۴۶۰
آوروپا مورخلرینك اوزوم قاسان دیدکلری بو حکمدار	
بو عائله نك اك مشهوریدر . کندیسنه حسن بك ده دیرلر .	
وارد قویونلی سلاله سی حکمدارلاردن جهان زاهی مغلوب و قتل	
ایدن . بوتون مملکتلری ضیاع ایلان اودر . صوکره ۱۴۱	۱۴۶۸
بویوک بر محاربه ده سلطان ابوسعیدی ۱۵۰ مغلوب و قتل ایتدکن	۱۴۷۱
صوکره بوتون خوراسان و ایران قطعه سی اله کچیردی . واسع	
الکالرہ بویله صاحب اولونجه قریمان حکومتین محروم براقیلان	
پیر احمدی تکرار حکومتنه اعاده ایتمکه قالقدی و قرق بیك	
کشیک بر اردو قومانداسنده ، عثمانلیلرک ایمپراطوری محمد ثانی	
ایله حربه کیریشدی . فقط ارزنجان قریبنده مغلوب اولدی .	
محاربه ده اوغلی زینلی غائب ایتدی ۱۶۱ . بوتارینجین صوکره	۱۴۷۳

[۱] ۸۰۹ تاریخ مجریسنده .

[۲] ۸۴۸ » »

[۳] ۸۷۲ » »

[۴] ۸۷۳ » »

[۵] نیمورلنك نسلنددر . قونتارینی بو حکمداره Huzech دییور .

[۶] ۱۷۶ تاریخ مجریسنده .

سطوته انحطاط عارض اولدی . مع مافیه بورغونیا دوقهسی
 کندیسنه آنطاکیه پطریقنی کوندردیکی کبی وندیک جمهوریتی ده
 مراجعت ایدرک عثمانلیلره قارشى حرب ایتمی تکلیف اولوندی .
 حسن ، خرسدیانلرک ده عثمانلی اراضیسنه داخل اولمالری شرطیله
 بوکا موافقت کوستردی . فقط استانبولده تأسس ایدن بوشوکت
 وسطوته قارشى دوشوندیکی شیلری موقع اجرایه قویغنه موفق
 اولامادن وفات ایتدی [۱] .

سنه
 ۱۴۷۸
 دربلو
 قونتاری

اوزون حسن اون برسنه حکمران اولمشدی . بواشاده ،
 قاره یوسفک و قبیله اجدادندن ضبط ایتس اولدیغی مروپونامیانی
 استرداد ایتمشدی . تبریزی و بوتون آذربایجانی اله کچردی .
 قاره قویونلی حکمداری جهان شاهک اوغلی میرزا یوسفی
 شیرازدن طرد ایتدی ، کرمانی و بوتون عراق عربی ضبط
 ایلهدی . پایتختی تبریز ایدی . وندیک جمهوریتک سفیری اولان
 قونتارینی سراینده بولوندیغی زمان اوزون حسن تقریباً یتش
 یاشلرنده ، اوزون بویلی ، ضعیف ، آچیق سیمالی بری ایدی .
 اوغلی اوغورلی ۱۲۱ محمد کندیسنه قارشى عصیان ایدرک
 شیرازی اله کچیرمشدی . باباسی اونى بو شهرده کیدوب محاصره
 آلتنه آلمغه حاضر لانیکن والیلردن بری تقریباً اوتوز بیک

[۱] ۸۸۳ تاریخ مجریسنده باشقه بر روایتیه نظراً ۸۴۰ سنه سی
 کانون نایسنک بشنده .
 [۲] قونتارینی بوکا غوراون مامک دیور .

قدر بر سواری قوتی طوپلایه رق بوتون تبریز جوارلرینی تخریب
ایتدی. قونتارینینک روایتنه نظراً اوزون حسنک قوتی قرق
بیک سواری یه بالغ اولاییوردی. بونک بر چوغی حربه صالح
دکلایلر؛ اوزون حسنک متعدد اولادی قالمشدر. اکبویوکلری
اوغورلی محمددر که پدریله همان همان عینی زمانده وفات ایتمشدر [۱].
دیگرلری خلیل، یعقوب بک، مقصود، الخ در.
طربزون ایمپراطوری قالوژانک بر قیزیله اولمشدی.

در بلو

اوزون حسنک اوغلی خلیل بک تختنده پک آرز قالدی.
ظالمکی وسفاهتی یوزندن خالقک پک منفوری اولدیغی جهتله
آلتی آی سلطنتدن صوکره قتل ایدیلدی. دیاربکر والیسی
برادری یعقوب بک ایله مقصود کندیسنه قارشى حرب اعلان ایدهرک
تبریز جوارنده اولدیردیلر. یعقوب بک ایمپراطورلغه صاحب
اولدی. اونک زمان سلطنتنده عن اصل اردبیللی شیخ حیدر
بر حیات ایدی. نشرایتدیکی یکی مذهب ایله بر چوق مرید
طوپلامش وشیروان حکمداری فرخزاده هجوم ایدهیله جک
بر حاله کلشیدی. یعقوب بک شیروان حکمدارینک امدادینه
قوشیدی. شیخ حیدر ائتلاف اولوندی. اوغلاری علی میرزا
ایله شاه اسماعیل اسیر آلندی. یعقوب بک عثمانلیلرک
ایمپراطوری ایله دائماً مناسبات دوستانه ادامه ایتمشدر. پدرینک
مثالندن قورقدیغی جهتله بومدهش قوتی کندی اوزرینه جلب

[۱] پدرینک امریله بوغولدینی ادعا اولونیور.

ایتمکدن احتراز ای دیوردی . زوجہ سی طرفندن اولدی رلدی .
 زوجہ سی سرایک اکا برندن برنی سودیکی جھتله عاشقنی تختہ
 چیقارمق ایچون قوجہ سی زهرلہ یه رک اوئندن قور تولمق ایستہ دی .
 یعقوب بکه زهرلی بر ایچکی ویردی . یعقوب بک بر آرز شہہ .
 اندیکندن ابتدا زوجہ سنک بوندن طاماسنی تکلیف ایتدی .
 زوجہ سی او قدر متانتله ایچدی کہ یعقوب بک اوئک معصومیتنه
 اینانہ رق صو کرہ کندیسیدہ ایچدی . ایکیسیدہ عینی کونده
 تبریز قربندہ قارہ باغدہ اولدیلر [۱] . یعقوب بک یکر می
 سکز یاشندہ ایدی .

اوغلی بایسنغر میرزایہ عایت واسع الکالر براقدی .
 بو حکمدار اون یاشندہ ایدی . نورکمنلر مختلف فرقہ لرہ
 آیرلدیلر . کیمیس بایسنغرہ مربوط قلدیلر . کیمیس اوزون
 حسنک اوغنی مسیح بکه ، بر قسمی دہ خلیل بکک اوغلی علی
 بکه تابع اولدیلر . بونلرک اوچی دہ بر برلریلہ حرب ایتدیلر .
 بونک اوزرینہ رستم بک آرالرنده کی نفاقدن استفادہ ایدہ رک
 ایمپراطورلغی ضبط وھپسنی طرد ایتدی . بایسنغر آنجق برسہ
 سکز آی حکومت سوردی ورستم طرفندن برداع قربندہ
 اولدیرلدی ۱۲۱ . رستم بک یاخود رستم میرزا تختہ چیقنجه
 شیخ حیدرک علی میرزا یاخود علی پاشا واسماعیل نامندہ کی

ایکی اوغلانی سربست براقدی. صوکره بو اسماعیل شاه اسماعیل
یاخود اسماعیل صفوی لقیله یاد ایدیلشدیر . بردعه وقوعه
کان محاربهده رستمه بویوک خدمتله ایتمس اولان علی میرزا
وطنی اولان اردبیله دونمک مساعدهسنه نائل اولدی . فقط
رستم چوق کچمه دن اوکا بو مساعدهنی ویرمش اولدیغنه
بداوت کئیردی وار دوشنک باشده اردبیل اوزرینه یورومکه
مجبوریت حس ایتدی .

اوراده ایکی قاردهشی مهزم ایتدی . بویوکی علی میرزا محاربهده
مقتول دوشدی . شاه اسماعیل کیلانه قاجدی . اورادن کندیسنی
چیقارمق قابل اولامادی . صوکره ۱۱۱ ، رستم ، اقربالرندن
بری اولان احمد بك ۱۲۱ طرفندن هجومه اوغرادی . کور -
جستانه قاجغه مجبور اولدی . اوراده اولدیرلدی . بش سنه
سلطنت سورمشدی . یرینه الوند میرزا ۱۳ کچدی . بو
حکمدار ، شاه اسماعیل ایله فنا و محاربهیه کیریشدی . شاه
اسماعیل ایرانک بعض ولایتلارینی اله کچیرمشدی . بو محاربهده
الوند میرزا مغلوب ولدی ۱۴۱ . صوکره ، برادری محمد میرزا
کندیسنی تختندن قوغدی . برآز صوکره مرادده اوننی سلطنتدن

سنه
۱۴۹۶

۱۵۰۹

۱۱۱ | ۹۰۲ تاریخ هجریسنده .

۱۲۱ | اوزون حسنک اوغلی اوغورلی محمدک اوغلی .

۱۳۱ | اوزون حسنک اوغلی یوسف بکک اوغلی .

۱۴۱ | ۹۰۷ تاریخ هجریسنده .

محروم ایتدی . محمد آنجق بر بوجوق سنه حکومت ایتمشدر .
 مراد بك يعقوب بكك اوغلى ایدی . شاه اسماعیل بغداددن
 کنديسى چيقارمشدی ۱۱۱ . توركنلار مالك اولدقلرى ممالكك
 بويوك بر قسمى ذاتاً شاه اسماعيلك الله كچمشدى . فقط شاه
 اسماعيل ايرانده مشغول اولديغى ائنده مراد بك بغدادده تكرر
 كيرديسهده ينه طرد اولوندى . آرتق بردها كنديسندن بحث
 ايديلديكى ايشيديلهدى . حكومتى ايران صفوى سلاله سنك الله
 كچدى . اولرده طعاس قولى خان اللرىدن آلجهيه قدر بورالره
 مالك اولديلر .

سنه
۱۵۰۲

چغتای موغوللاری

صراکشی
دربلو
تاتارلرک تاریخ
عمومیسی

جنکیز خان آسیانک اکبویوک قسمی فتح و تسخیرایتد کدن
صوکره او یغور الکاسینه وارنجهیه قدر ماوراءالنهری ایکنجی
اوغلی چغتایه [۱] ویرمشدی. ایندوس نهری ایله سمرقنددن
جنوب جهتده ایلی نهرینه [۲] قدر امتداد ایدن بو الکا
هندستانک شمالنده کائن بولونان طاغیرله تحدید ایدیلشدی.
او تاریخدن صوکره بورالر چغتای نامی ویرلشدر. بالخاصه
ماوراءالنهر بو نام ایله یاد ایدیلیر. جنکیز خانک اوغلی بیش

[۱] هایتون کندیسینه غوهاغاوای دیپور. میشو بو تاتارلره
زاوولهنسلر دیر. عینی محررک بیاناتنه نظراً تافسی یاخود اک باشلی
عشیرت نامی ده ویریلیردی. خانک اقبی ایرتلیقیسی یعنی حر آدم واولوغ
خان یعنی بویوک خان ایدی.

[۲] صراکشی الیوم بوکا قاراخواجه دنیلدیکنی سویلیور.

بالى باشلىغى مقرر حكومت اتخاذايتدى . مع مافيه همان همان
 دائما تاتارستان بويوك خانى برادرى اوقتايك ياننده قالمشدر .
 اوقتاي متبوع ديه تلىق ايدردى . بو حكمدارك وخلفلرينك
 تاريخى بزجه پك معلوم دكلدر . يالكز شو قدر بيلوركه
 چغتاي ، ممالكنك اداره سنى ، جنكيز خانك وفات ايدر كن
 توصيه ايتمش اولديغى قراچار نويانه براقشدى . بوده بويوك بر
 اعتدال وعقل و حكمت ايله حركت ايتدى . مشهور تيمورلنك ،
 جنكيز خانك اقرباسندن سوغوجينك اوغلى اولان بو قراچار
 نوبان نسلنددر .

سنه
 ۱۴۲۳
 دربلو

چغتايك زمان حكومتنده [۱] بخارادن آلتى فرسخ
 مسافه ده كائن بر كوى اولان طارابده دوغمش اولديغى جهتله
 طارابي ناميله يادايديلن محمود ، او طرفلرده بويوك بر عصيان
 چيقاردى . بو ، معجزه كوسترملك ادعاسنده بولونان بريالانجى
 ايدى . كوسترديكى معرفتله قاپلان خلق طاقم طاقم يانسه
 كيدرك قوتلى بر اردو وجوده كتيرديلر . بو سايه ده محمود
 بخارايى ضبط ايدى . چغتايك قوماندانلرى بو عصيانى
 دور دور مق ايچون سفره چيقمغه مجبور اولديلر . يالانجينك
 قارشيسنه كلكلى زمان او قدر كشيف بر توز طبقه سى ايچنده
 قالديلر كه محاربه يه كيريشمكه جسارت ايدى . بو صيراده ،
 چغتايلىلار طرفندن راست كله آتيلان بر اوق قراركاهنك اورته .

[۱] ۶۳۰ تاريخ هجري سنده .

سندھ محمودہ اصابتہ اونی اولدیردی . توزدن اطرافنی کورہ من
 بر حالده بولونان عسکرلری اونک اولدیکنی فرق ایتدیلر .
 بو توز قاصیرغہ لرینی یالانجی حریفک سحر بازلغنه حمل ایدن
 چغتایلیلر قاجدیلر . بو هزیمتده اون بیکدن زیاده ضایعات
 ویردیلر . عاصیلر قرارگاهلرینه عودت ایتدکلری زمان رئیس لرینی
 بولمامقدن حیرته دوشدیلر . ایلری کلنلر اونک برمدت ایچون
 کوزدن نهان اولدیغنی اعلان ایدہ رک یرینه قارداشلری محمدایله
 علی بی چیقاردیلر . کندیلرینی اغفال ایچون دینه مراجعت
 ایدیلدیکی زمان دائماً آلدانان عوام خالق بوسوزلره ایناندی،
 شوق وغیرت دهازیاده آرتدی . قراچار نویان یاشلیجه شهرلره
 سرایت ایتمکده اولان بویانغینی توقیف ایچون دولتک بوتون
 قوتلرینی استعمال ایتک مجبوریتندہ قالدی . طارابیلرک تماماً
 کوکنی قازیمغه قرار ویردی . بومذهب اربابنه بونام ویریلیوردی .
 قراچار نویان بونلری دائماً حمایه ایتمش اولان بخارانی اله کچیردی،
 بوتون بخارا حوالیسنی تخریب ایتدی . واهالی بی حکمدارک
 عفوینی استرحامه مجبور ایلدی . چغتای ایی اولماز بر خسته لغه
 طوتوله رق بر آرز صو کره اولدی [۱] . مالک اولدیغنی بر چوق
 زوجہ ومستفرشه ایچنده دیکر لرینه نسبته پک چوق سومش
 اولدیغنی ایکی دانه سی وارددرکه اسملری بوسولون ایله ترکان

سنه

۱۲۴۲

تاتارلرک تاریخ

عمومی

[۱] تاتارلرک تاریخ انسابنه کورہ ۶۴۰ تاریخ هجریسندہ . در بلویہ

کورہ ۶۳۸ تاریخندہ .

خاتون ایدی . ایکی همشیره ایدیلر . کنگرات عشیرتی رئیس
قایانوویانک قیزلری ایدیلر . بویوکنک وفاتندن سوکره
کوچوکیلر اولمشدی [۱] .

بعضیلری بیسو منکو خانک پدرینه خلف اولدیغنی ادعا
ایدیورلر . بعضیلری ایسه پدرندن اول وفات ایتدیکنی و
موتوغانک اوغلی قره هولاغونک چغتای تختنه چیقدیغنی
سویلیورلر . بوندن سوکره ایمپراطورلق اوغلی مبارک شاهه کچدی .
بونک صغیر بولوندیغنی مدتجه والده سی آرغا (اورغانا) خاتون
نایبه حکومت اولدی . سوکره بایدارک اوغلی آغو تختنه
چیقدی . اونک زمان سلطنتنده یاخود وفاتندن سوکره ،
قبلاک تاریخنده پک چوق ذکرى کچن قایدو بوایمپراطورلغنی
اله کچیردی . قایدو اوقتای خانک اوغلی قاشینک اوغلی اولدیغنی
جهتله قبلای بو حکمدار موقعنی تحکیم ایدمک اولورسه مراکشی
ایمپراطورلغک برقسنی صورت قطعیه ده الندن آلابیلر جکندن
قورقیوردی . بوندن دولای یاسونتو [۲] تک اوغلی براق
کوندردی . اوده قایدوی قوغدی و چغتای تختنه چیقدی .
حکومتک اوچنچی سنه سنده بو حکمدار اسلامیتی قبول ایتدی

[۱] چغتایک اوغللری : موتوغان یاخود مه نوقا ، موزی ، بالداشاه ،
سازین لالغا ، سارمانس ، بسوموناغا یاخود بیسومنقای ، بایداردر .
[۲] بعضیلرک روایتجه بیسون یاخود بایسور توآدر . چغتایک
اوغلی موتوغانک اوغلیدر .

و كنديسنه سلطان جلال الدين ديد يرتدى . اسلاميتى قبول ايدن
موغول قومنىك ايلك حكمداريدر .

قانارلر ك تاريخ
عموميسى
مراكشى

وفاتىدىن سو كره ايمپراطورلق نيكي [۱] Beghi يه
ويريلدى . بوكا بوغا تيمور [۲] سو كره براقك اوغلى دوا خان
خلف اولدى . بونلردن سو كره بربرى متعاقب ، دوانك اوغلى
كنجك ياخود كهوه نجيق ؛ باليغا ياخود باليغو [۳] ؛ دوانك
ايكنجى اوغلى يسون بوغا ، يسون بوغانك قاردشى دو اتمور
خان [۴] حكومت سوردىلر . بونك يرينه برادري تيرما شيرين
كچدى ، اسلاميتى قبول ايتدى و ايلك دفعه اوله رق تبعه سـنه
دين اسلامى قبول ايتملرى اميرى ويردى . وقتيله براق خانك
اسلاميتىدىن سو كره موغوللارده ارتق هيچ مسلمان كورولمىوردى .
برادري بوتون خان بو حكمدارى خلع ايله يرينه كچدى .
برادري جنكشى [۵] ده كنديسنه عيني معامله يي ياپدى . جنكشى
قاردشى يسون تيمورك حر كاتنه والده سى واسطه سيله واقف
اولونجه حربه چيقدى . فقط مغلوب اولدى و حياتى غائب

[۱] سارمانسك ياخود ساريانك اوغلى نيقه پيك اوغلى .

[۲] موتوغانك حفيد زاره سى .

[۳] موتوغان نسلندن .

[۴] موسيو پتى باليغودن سو كره دويوزىنك ياخود داواق خانك

اوغلى آيسوقايى ، داواق خان ايله دو اتمورك اوغللارى كيك خان ايله
الچيكداى خانى ذكر ايدىيور .

[۵] اولوغانك اوغلى .

ایتدی. قاردشنى تختندن محروم براقمله اکتفا ایدمه یئیسون
 تیمور والدە سنك ده مەلرینی کسیدردی، فقط بوجنایتك جزاسنی
 چکدی. بو جوارلرده پك زیاده کسب قوت ایتش اولان
 اوقتای خان لسلندن علی سلطان کندیسك الندن ایمپراطورلغی
 آلەرق وفاتنه قدر محافظه ایتدی. وفاتندن صوکره حکومت
 یئنه چغتای سلاله سنه کچدی. تخته قازان سلطان چیقدی [۱].

سنه
 ۱۳۳۲

بو حکمدار تخته چیقنجه [۲] بوتون تبعه سنی جبر و شدتی،
 ظلمی و حقسزلغی ایله عسیانه مجبور ایتدی. اکابر ملت، ملت
 مجلسنده اجتماعه دعوت ایدیلدکلی زمان اولومه دوغرو
 کیتدکلی یئنه او قدر امین ایدیلر که قسم اعظمی یوله چیقمادن اول
 ایشلرینی تنظیم ایدرلردی. غیر ممنونلرک عددی هر کون آرتمقدن
 خالی قالمادینی جهتله ثابت [*] عشیرتندن امیر قزغن بونلرک
 باشنه کچدی، جیحون نهری اوزرنده کائن سالی سرایده
 مهم بر اردو طوپلادی. خان بو عصیاندن خبردار اولونجه
 عاصیلره قارشى یورودی، قولوغا یاخود دمیر قاپی پی کچدی.
 دره زنکی دنیان بر کوی قربنده کندیلرینه ملاقی اوله رق
 یریشان ایتدی [۳]. میر قزغنی کوزندن تهاسکلی صورتده بالذات
 یارالاندى. بومظفریتدن صوکره نحشبه نام دیکرله قرشی یه

۱۳۴۵

[۱] ابن ژاسور یاخود ایسور آغلن ابن ادرك تیمور خان، ابن
 قوتوغای ابن بوسای ابن موتوغان ابن چغتای

[۲] ۷۳۳ تاریخ هجریسنده.

[۲] ۷۴۶ تاریخ هجریسنده.

[*] امیر قزغن برلاس عشیرتی امرا-ندندر - ماکرمین

کیتی . اوراده قیشین او قدر شدتلی بر صوغوق اولدی که اردوسنده کی بار کیرلرک قسم اعظمی ایله مواشیدی تلف اولدیلر . بوقضا عاصیلرک جسارتی آرتیردی . آرزو وقت ایچنده میرقزغن اک ای عسکرلرینی طویلا دی ونخشبده خانه هجوم ایتک فیکریله یوله چیقدی . بوشهر قربنده خان ایله محاربه یه طوتوشه رق او نی مغلوب ایتدی [۱] . خان محاربه ده مقتول دوشدی . ماوراءالنهر ایله تورکستانده اون درت سنه حکومت سورمشدی .

سنه

۱۳۴۶

میرقزغن [۲] بویوک براردویه قوماندایدیوردی . ایمپراطور اغه خانک ایسته دیکی کی تصرف ایده بیله جک بر وضعیتده ایدی . حکمدارلغی اوقتای خان نسلندن دانشمندجه اوغلانه ویردی . فقط بر آرزو کره او نی اولدیرتدی ، یرینه بیان قولی اوغلانی [۳] چیقاردی . بو ، عدالتی وجومردلکی حسبیله سندیسنی تبعه سنه سودیردی . میرقزغن اونک زمان حکومتنده دولتی احتیاط وبصیرت ونصفت وعدالت دائره سنده اداره ایتدی . احتیاجات عمومیه چاره ساز اولمق ایچون کوستردیکی اعتنانامنی او مملکتلرده لایموت قیلمشدر . بوتاریخلرده ، ابوسعیدک وفاتندن بری ، ایرانده حکمران اولان موغول حکمدارلری بوتون حکم ونفوذلرینی غائب ایتشلردی . کرت سلاله سی حکمدارلرندن

[۱] ۷۴۷ تاریخ هجریسنده

[۲] اوقتای خان عائله سندن ایدی .

[۳] ابن سورغدو ابن دوا یا خود دویزی که اسکی بر چغتای خانیدر .

ملك حسين ۱۱ وقتيله هرات شهرينى ضبط ايتش و خوراسانده
 شيخ حسن يورى ايله سربدارى رؤساسندن سعود اوزرنده
 بويوك برمظفريت قازانمشدى . كرك كنديسى كرك اجدادى
 هراتده موغول خانلرينك ساددهجه بروالى و وكيلى اولدقلى
 حالده نهايت بر استقلال مطلقه نائل اولدى و هردورلو علائم
 حاكميتى طاقندى . يعنى سراينك او كنده كونده بش دفعه نوبت
 اورديردى ، چاديرينك اوستنه ايمپراطور بايراغنى چكدى .
 صوكره ، اردولريه هر طرفه وبالخاصه اندكودوش-بورغان
 حدودلرينه آقنلر ياپدى ، هر كس اقربالرى بيله حر كاتندن
 ناخشنود اوله رق مير قزغنه شكائتلر ايتديلر . اوده ، بر حكمدار
 مستقل كى داورانان بواميره هجومه كيتمك قرارينى وىردى .
 هراته دوغرو عسكر يور و تمك اوزره بوتون چغتاي ايمپراطورلغى
 ولايتلرينه امرلر وىردى . خان بيان قولى و سائر اكابر ايله
 برلكده اردولرك باشنه كچدى . حسين دشمنلرينك قوتندن تلاشه
 دوشمه يهرك چغتاييلرك جيحون نهرينى كچوب كچمه دكلرينى
 آكلامق ايجون امراسندن بريسنى اوچ بوز اتلى ايله استكشافه
 كوندردى . بونلرك خوراسانه كيردكارينى خبر آلنجه مجلس
 مشورتنك ايلرى كنلرينى طوپلايه رق اونلره شوسوزلرى سويله دى :
 « موغوللار ايرانه او قدر بويوك براردوايله كيرديلر كه قالديردقلى
 توزدن كوش قارار ييور . بواردو هجومده برر داغ كى متين
 [۱] لقبى عزالديندر . بعضيلرى ده معزالدين ديرلر .

آدملاردن تركب ايدىيور. بونلر حربە كىردكلرى زمان قايلرك تپەسندن
سرعتلە دوشن سىللارە بىكزلر. بوجسور آدملر حكمدارلرى ايچون
حياتلرىنى فدا ايتىمكە قرار وىرد كدن صوكرە مغفرلرىنى باشلرىنە
كچىر مشلردر . . نه ياپىلە جنى حقندە فكرلر اتحاد ايدەمدى .
چغتايىلرك اوردوسى درت بىك سوارىدن وتقريباً اون بش بىك
پيادەدن مركب اولان هرات اوردوسىنە فائق ايدى . هم
چغتايىلر غايت جنكاور ايدىلر . حسين دشمننى قورقوتمق فكرىلە
هراتدە قاپانمايەرق كندىلرىنە قارشى يورومك ايستەدى .
مع مافىە هرات ايلە جوارلرىنى تحكىمدە اھمال كوستىرمدى .
پايمورقدن كدستانە قدر بردىوار چكدىردى . عسكرلرىنە
بوتون اعتماد و اميدلرىنى كندى جسارت و شجاعتلرىنە باغلامالرىنى
سويىلە يەرك اورادە دشمننە متانتلە انتظار ايتدى .

پاشنان كچىدىنى كچمش اولان مير قزغن ، اردوسىلە
كدستانە واصل اولدى . دشمنك قراركاھنى تفتيش ايچون
بعض امرا ايلە درحال برتپەنك اوزرىنە چيقينىجە حسينك
تفوق تاامىنى آرزوسىنە پك چوق قايىلمق نتيجهسندە مھم خطالر
ارتكاب ايتمش اولديغنى آكلادى . بو خطالر هيچ شېھەسز
اونك اردوسنك پريشان اولماسىنە سببىت وىرە جكدى . بو اميرك
حربدەكى مھارتى حقندە يوكسك برفكر بىسلەمدى . حسينك
عسكرلرى چوققور وقاپالى بىرردە ايدىلر . كندىلرندن يوكسك
بىر موقعدە بولونان دشمنلرىنە هجوم ايچون يوقوش چيقمىغە

مجبور اولاجقلردی . بوندن باشقه ، کونش دوغدیغی زمان
ضیای شمس کندیلرینی پک چوق راحتسز ایده جکدی .
میر قزغن مظفریته امین اوله رق عسکرلرینی هلال شکلنده
تنظیم ایتدی وحسینه قارشى یورودی . حسین ایلك صدمه یه
قوتله مقاومت کوستردی . هر ایکی اردوده ده هیچ اسیر
آلماق ایچون منادیلر هایقیریوردی . اورته لق آز وقتده
قانلر ، قالقانلر ، اولولرله قاریشیق زرهلر ایچنده قالدی .
فقط حسینک اردوسی هزیمته اوغرا دی . محاربه دن اول ،
فراریلر مانع اولمق ایچون قرارگاهک آرقه سنده صولری
فیضان ایتدیرمک یولنده اتخاذا ایتمش اولدیغی تدبیردن دولایی
اردوسی همان کاملاً محو اولدی . عسکرلرینک قسم اعظمی بوباتاقلره
صابلان دیلر . متباقیسی ده چغتایلیلرک قلیجیلری آلتنده مقتول
دوشدیلر . حسین یالکز معیتنده کی محافظلرله هراته قاچدی .
چوق کجه دن قزغن اوراده کندیسینی محاصره یه آلدی .
دها ایلك کیجه دن چغتایلیلر مختلف هجوملرده بولون دیلر .
فقط محصورینک شدتلی مقاومتی محاصره یی قرق کون امتداد
ایتدیردی . بویه قاپالی قالمقدن صیقیلان حسین سراینک
اکابرینی طویلادی ، کیدوب خانک آیاقلرینه قاپانمق فکرنده
اولدیغی سویهلرک اونلرک مطالعه لرینی صورتدی . هپسی
بوفکرری تصویب ایتدکارندن موغول خانه غایت مزین قوشوملی
آتلر ، قیمتدار قاشلر ، کوزل خایلر وبرچوق نقد کوندردی .

و محاصره قالدیریلیر قالدیرلماز بالذات نزدینه کیده جگنی یمینله
 تأمین ایله دی. حلیم طبیعتلی اولان و خلقت چکدیکی اضطرابی
 کوره رک تأثر دویان میر قزغن صلحه راضی اولدی ، خان
 و بوتون اردو ایله برلکده ماوراءالنهر یولنی طوتدی [۱].
 حسینک اردوسنده بولونان متعدد غور امراسی بوحرکتی
 تقییح ایله کندیسنی استحقار ایتدیلر ویرینه ملک باقری
 کچیرمک اوزره خلع ایتمه قرار ویردیلر . بارکیره بینه جکی
 صیراده اوننی توقیف ایده جکلردی . فقط مقصدلرینی اجرا
 ایده جکلری صیراده بوندن خبردار اولان حسین ، بر طاقم
 تجارلرک بادغیزدن صاتیلق آتار کتیردکلرینی کورنجه بونلری
 کندیلرینه ترک ایتدیکنی غوریلره هایقیردی . یغمادن باشقه
 برشی دوشونمه یین بو عسکرلربار کیرلرک اوزرینه آتلدقلری صیراده
 حسین درت نعله اسکلیجه قلعه سینه قاچدی . هرات جوار -
 نده کی چایرلقده اجدادی بوقلعه یی بنا ایتشلردی . ایچنده عظیم
 مقدارده پاره ایله پک چوق مهمات واردی . بونک اوزرینه سوء
 قصد مرتبلی داغیلدیلر . حسین ماوراءالنهره خانک و میر
 قزغنک یاننه کیده رک یمینی طوته بیله جک برحاله کلدی [۲].
 اوراده غایت اعزاز و اکرام ایله استقبال ایدیلدی . خانک
 حسن قبولنه رغماً حسین اونک سراینده قوتلی دشمنلر دتصادف

سنه

۱۳۵۲

[۱] ۷۵۲ تاریخ هجریسنده .

[۲] ۷۵۳ تاریخ هجریسنده .

ایتدی . بونی قتل ایتدیرمه سی ایچون قزغنه بیهوده یره رجا
ایتمش اولان موغول امراسی بو تصویرلرینی کندیلری موقع
اجرایه قویمق اوزره یمین ایتدیلر . فقط قزغن حسینی علی العجله
هرا ته کری کوندردی . اورایه سالماً واصل اولدی . در حال
ملك باقری توقیف ایتدیره رك بر محبسه طیقادی .

ایشته بو ائنا لرده دركه قزغنك اوغلی میرزا عبدالله
خوارزمی فتحه کیتمك اوزره سمرقنددن بویوک بر اردو ایله
حرکت ایتدی . میر قزغن اوزمان قیشین سالی سرایده ،
بهار موسمنده غایت لطیف بر محل اولان قارانورده ، صوڪ
هارده ده بر صیدگاه اولان موندده اقامت ایدی . وردی . میر قزغن
برکون سالی سرایدن اون بش کشی ایله چیقهرق آرهنك
او و اسنده آوه کیتمك اوزره جیحون نه رینی کچمشدی . کندیسندن
غیر ممنون اولان دامادی قوتلوق تیمور [۱] ایله بعض اشقیا کندیسنی
باصهرق برقچ اوق آتدیلر . قزغن یاننده کی ضابطلرک مقاومتنه
رغم آقتل ایدیلدی [۲] . بو ضابطلر اشقیایی تعقیب ایله قندزقربنده
قوتلوق تیموری اولدیردیلر . نعلش سالی سرایه کوتورولدی .
بو امیرك مزیاتندن وبالخاصه هرکسه قارشى عادلانه حرکتندن
دولایی وفاتی باعث تأثر اولدی . ایمپراطورلقده عادتاً صاحب
مطلق ایدی . خان تمامیه کندیسنك نفوذی آلتنده ایدی .

[۱] ادرنات عشرتندن بورولدايك اوغلی

[۲] ۷۵۹ تاریخ هجریسنده .

قزغنىك وفاتىدىن سوكره اوغلى مىرزا عبداه سالى سرايه
كىدەرك حكومتى اله كچىردى . اوراده بوتون پرنسلىر
كنديسە بىعت ايتدىلر . اوزمان بو مملكتە خانك حكم
ونفوذى اوقدر آز ايدى كه مىرزا عبداه كنديسىنى بويلە
اعلان استقلال ايدە بيلەك بروضەيتدە كوردى . ايمپرا -
طورانك صاحب مطلق اولونجه آرتق سالى سرايك پايتخت
قالماسنى ايستەمدىكەندىن بك چوق سودىكى سمرقندى انتخاب
ايتدى و كنديسىلە برابر اورايە خانى دە كوتوردى . چوق
كچمەدن بيان قوللىك زوجەسى ايمپراطورىچە عاشق اولدى
وعشق واحتراسە دها سربست ترك نفس ايدە بيلمك اچون
خانى اولدىرتدى . سوكره تيمورشاه اوغلانى [۱۱] تخته چىقاردى .
بيان قوللىك نەشى بخارايە نقل ايتدىردى . بو حركت اكابر
ملك قسم اعظمى متنفرد ايتدى . بالخاصە بيان سلدوز، خانك
انتقامى المى اچون براردو طوپلايەرق سمرقند اوزرينە
يورودى . كىش حدودلرندە حاجى برلاس دە كنديسە التحاق
ايتدى . ايكيسى بردن عبداللەه هجوم ايلە اونى بوزدىلر ،
قارداشلىرى و خان تيمور شاه اوغلانى اولدىردىلر . عبداه ، بدخشان
ولايتى شەرلرندە اندرابە قاچدى ، وفاتە قدر اوراده قالدى .
پدرينك بوتون دوستلىرى داغىلدىلر . ايمپراطورلەك ادارهسى
تماميلە بيان سلدوزك و حاجى برلاسك الە كچدى . فقط بيان

سلدوز حلیم طبیعتی اولمقله برابر شرابه او قدر دوش-کون ایدی که شخصی پک سومه یی اکابر بوقارغشه لقلردن بالاستفاده بولونقلری محللرده صاحب مطلق کسیمکی دوشوندیلر . حاجی برلاس ایله یکنی تیمور — که مشهور تیمورلنک بودر — کش شهرینی وملحقاتی کندیلرینه تخصیص ایتدیلر . بایزید جلایر خجندہ یی آلدی . قزغنتک طورونی میر حسین [۱] کابلی ضبط ایتدی . اولجای بوغای سلدوز بلخده یرلشدی . قبیله سی رئیس محمدخواجه پردی شبورغانی اله کچیردی . بدخشان پرنسلی داغلرندہ تأسس ایتدیلر . کیخسرو ایله اولاجایتو پردی ختلان وارهنکه صاحب اولد . یلر سرپول وتانغوت قبیله لری رئیس خضر یسوری ملک عنواتی طاقدی . ایشته صوگ خانک وفاتندن ومیرزا عبداللہک مغلوبیتندن صو کرہ چغتای ایمپراطور . لغنک حالی بویله اولدی . سلطنتہ کوز دیکن بوتون بو مختلف رؤسا دائمی محاربه لرله خاقی یوردیلر وایمپراطورلغه اجنبیلری جلب ایتدیلر . بودہ قاریشیقلمغی برقات دها آرتیردی .

بوصیراده ، قهستان حکمداری ستلمش ایله محمدخواجه ، دشمنلری بولنان هرات حکمداری ملک حسینی تمامیلہ محو ایتمکه قرار ویرمشلردی . فقط کیریشدکاری محاربه ده مغلوب اولمشلر ، مقتول دوشمشلردی . سائر بعض رؤساده بربرلرینه قارشى آچدقلری محاربه لرده ترك حیات ایتمشلردی . ایمپراطورلق

باشنر قالنجه ، کاشغرده حکمدار بولونان و چغتای سلاله سنه
منسوب اولان توغلوق تیمورخان ایمپراطورلغی ضبطه حاضر لاندی .
وقتیله کاشغر ، یار کند ، آلاطاش و ایغور سکنه سی آرالرندم تخته چیقلا
ره جق چغتای سلاله سندن کیمسه بولونمادیغندن — چونکه بومملکتلر
شیمدی بحث ایتدیکمز ایمپراطورلقدن آیری بر حکومت تشکیل
ایدیورلردی — ماوراءالنهر حکمران اولان یسون بوغایه
نام دیکر له امل خواجه یه تابع اولمشلردی . زوجه سی صاتلتماشدن
چوجوغی اولمایان بو حکمدار مانلاجی نامنده بر جاریه آلمش
و بوجاریه کیمه قالمشدی . فقط ایسان بوغا آوده بولوندیغی
صیراده صاتلتماش بوموغلومعرفتیله بوجاریه یی قاجیرتمش ،
یسون بوغا اولاد بر اقامدن ترك حیات ایتمشدی . جریان
ایدن وقایعدن خبردار اولان امیر یلاوزی Jalaouzi جاریه یی
چوجوغیله برابر میدانه چیقاردی . چوجوغلک اسمی توغلوق
تیمور ایدی . امیر بوچوجوغی کاشغر خانی اعلان ایتدیردی .
توغلوق تیمور جلوسنه ممانعت ایتمش اولان فرقه لری تماماً
داغیتقدن صوکره ، چغتای سلاله سنک سونمه سی حسبیله
کندیسنه عائد اولماسی لازم کلن ماوراءالنهر قطعه سنی تحت
تسخیره آلمغه قرار ویردی . بوولایتلره دوغرو یوله چیقادی [۱] .
سیحون قربنده طاشکند صحرا لرند چاناق بلاق نامنده بر چشمه یه
واصل اولدیغی زمان کرایتلك رئیس اولوغ تیمور ایله آرقوت

سنه

۱۳۵۹

عشیرتندن حاجی بکی وقانغلی عشیرتندن بیکیجک ی ایلری یه
کوندردی . بوامیرلر خجندده سیحونی کچدیله . بایزید جلایر
اوراده بونلره التحاق ایتکی منفعتی اقتضاسندن بولدی .
هپ بردن سبز شهری اوزرینه یورودیله .

شرف الدین بونلرک ورودندن خبردار اولان، حاجی برلاس ابتدا
بونلره قارشى یورومک فیکریله ممکن اولدیغی قدر عسکر
طوپلادی . فقط بردن بره تبدیل فکر ایله خوراسان طرافه
چکیلیمک طریقنى ترجیح ایتدی . بواحوال آراسنده ، اوصیراده
پدری طرغایی غائب ایتمش اولان یکنی تیمورلنک بوتون
ممالکتک دشمن تخریباتنه معروض قاله جغنی ومملکتی مدافعه
ایده بیله جکلرک قسم اعظمنک قرار ایتدیکنی کوره رک جیحون
ساحلرلرندە عموجه سی حاجی برلاسک یانه کیتدی ومملکتی
قورتارمق ایچون کیدوب خانک آیاقلرینه قاپانمغه قرار ویرمش
اولدیغنی سویله دی . درحال یوله چیقدی ، قوزاره کیتدی .
اوراده کاشغر اردوسنک پیشدار قوتلرینک بر قسمیله حاجی
محمود شاه یسوری یه راست کلدی . بوقوماندان ایله ، سائر
رؤسا ایله کوروشمک اوزره برتعطیل مخلصات قرارى
ویره رک کشه کیتدی واوراده کی قوماندانلره خانه عرض انقیاد
ایتمش اولدیغنی سویله دی . بوخبر اونلری پک ممنون ایتدی .
آرتق کندیسنى خانک برتبعه سی کی تلقی ایده رک وقتيله
جنکیزخان زماننده اجدادلرندن بویانک قوماندا ایتدیکی اون

بيك كشيلاك برقوتك قومانداسنى اوکا ویردیله وکش ولايتی
ایله ملحقاتی اوزرنده کی حقوقنی تصدیق وابقا ایله دیله .
بوصورتله تیمورلنك الندن کیده جك بومملکتی محافظه یه
موفق اولدی . سبز ایله جیحون آراسنده عسکر طوبلادی
وکیدوب خضر یسوری یه التحاق ایتدی . فقط برآز صوکره
کاشغر عساگری آراسنه نفاق دوشدیکندن کری دونمکه
مجبور اولدیله . ایشته اوزمان بایزید جلایر تیمورلنکه التحاق ایتدی .
سائر رؤسانك قسم اعظمی برر فرقه تشکیل ایتدیله و -
بررلرینی محوه چایشدیلر . خان هیچ برینی کندی طرفه
جلبه موفق اولامق سزین اك قوتلیسنك آرقه سی صیرا یورو مکه
مجبور ایدی . میر قزغنگ حفیدی امیر حسین بیان سلدوزه
هجوم ایتک اوزره کابلدن چیقدی ، تیمورلنکدن ، بایزیددن
وخضر یسوریدن امداد ایسته دی . بواوچی بوتشبدده اوکا
یاردیم ایتکه آرالرنده قرار ویردیله . فقط بوتصوری تصویب
ایتدیرمک اوزره بایزیدك کاشغر خانی نزدینه کیتمه سنی ایسته -
یورلردی . کاشغر خانی خجندده توغلوق تیمور خانك بوتون
عسکرلریله برلکده چکیلمش اولدیغنی اوکره نجه دها ایلری یه
کیتمکی مناسب کورمدی . بواثناده دیکر ایکسی امیر حسین
ایله برلکده شادمان قلعه سنه دوغرو یورودیله . بیان سلدوز
بوراده ایدی . درحال قاچدی ، بدخشانه چکیلدی . بوراسنی ده
ترکه مجبور اولدی . بومملکتده حکمران اولان و طرفداری

بولونان شاه بهاءالدین ده بدخشانی ترکه مجبوریت حس ایتدی .
 بوتون بولایت امیر حسینک اداره سی آلتنه کیردی . امیر
 حسین صو کره کیخسروک برادری وختلان حکمداری کیقبادی
 اولدیرتدی . بومظفريتدن صو کره تیمورلنک ایله س.اثر امرا
 مملکتلرینه دوندیله . تیمورلنک کشه کیتدی . اورادن کچن
 امیر خضری غایت مطمئن بر صورتده قبول ایتدی .

بر مدت صو کره ، چغتای ایمپراطورلغی نائب حکومتی امیر
 حسین ، عصیان ایتمش اولان توغلوق سلدوزه قارشی حرب
 ایتک مجبوریتده قالنجه تیمورلنک ایله امیر بایزید و خضری امدادینه
 چاغیردی . بونک اوزرینه توغلوق قاچدی . صو کره تیمورلنک ،
 خوراسانه چکیلمش اولان عموجه سی حاجی برلاسک کشه
 عودت ایتمش اولدیغنی و بایزید ایله برلکده خضر یسوری به
 هجومه قرار ویردیکنی خبر آلدی . بونک اوزرینه اسکی متفق
 خضره التحاق ایتک اوزره کش حدودلرینه علی العجله عزیمت
 ایتدی . برلکده کش اوزرینه یورودیله ، حاجی برلاسی
 بوزدیله . حاجی برلاس بایزید ایله برلکده سورقند طرفلرینه
 قاچدی . تیمورلنک بونلری تعقیب ایتک ایسته یوردی . فقط
 عسکرلرندن قسم اعظمک فراری دولایسیله بردن بره بو آرزوسی
 عقیم قالدی . بووقه ایکی امیر اوزرنده فنا بر تاثیر یاپدی
 و اوللر شهبه تلقین ایتدی . برلرلرندن ممنون اولمایه رق ایریادیله .
 تیمورلنک کش الکاسنه عموجه سی حاجی برلاسک نزدینه دوندی .

اونىكله باریشدى. آرتق اخذانتقامدن باشقه برشى دوشونمىدى. بايزيد ايله برلشدى و در حال خضر اوزرينه يورودى. بويوك بر مظفريت قازاندى. بوتون بورۇسا كندى مملكتلرينه آرتق تماميله صاحب اولايلىلار. فقط تيمورلنك خضر ايله مناسباتى تخطر ايدن حاجى برلاس ايله بايزيد اونك حرص جاهنه بر حد قويىق اوزره آرارلنده قرار وىردىلر. تيمورلنك بونلرك الندن قاقچق بختيارلغنه نائل اولدى. فقط چوق كچمه دن يكي بر دشمن ايكي اميرى تيمورلنكى امدادلرينه چاغرمغه مجبور ايتدى. تيمورلنك عسكرلرينى طويلادى، مشترك دشمنه قارشى يورودى. علمادن اولديغى حالده سلاحه صارلمش اولان غلى غورغورى يى پریشان ايتد كدن صوكره قديم ترمذ شهرنده قرارگاه تأسيس ايتدى.

بو اثناده، كاشغرده حكمران اولان وچغتاي قطعه سى اوزرنده صاحب حقوق بولونان توغلوق تيمور بويوك براردو طويلايه رق خجند الكاسنه كيرمشدى [۱]. بوشهرك صاحبي بولونان مير بايزيد، بيان سالدوز و حاجى برلاس عرض انقياده مجبور اولدىلر. فقط خان مير بايزيدى قتل ايتد بر نجه حاجى برلاس قورقه رق قاچدى، كشد بر مقدار عسكر طويلادى و جيحون نهرينى كچدى. كاشغر عساكرينك بر مفرزه سى بونهر جوارنده كنديسنه يتيشدى. شدتلى بر مصادمه وقوعه كلدى. بونده حاجى برلاس مغلوب اوله رق خوراسان

سنة
۱۳۶۰

داخلنده شىروانه دوغرو چكىلدى . اوراده اشقيا كندىسى
 باصه رق قتل ايتدىلر . خان ، خوراسانه كىردى و تماماً تحت
 تسخيرينه آلدى . تيمورلنك كيدوب عموجه سنك قاتللارنى
 تاديب ايتدى ، خانك يانه دوندى . اوندن يكي بعض يرلر
 آلدى . كىش ولايتنده مستقل اولدى . عموجه سنك مالك
 اولدىغى اون يىك كىشيلك قوتك قوماندانلغى كندىسینه
 توجیه ايدىلدى .

خان صوكره ، چغتای ايمپراطورلغىك ك قوتلى اميرى
 اولان امير حسين اوزرينه يورودى . ايكي اردو قارشىلاشدقلىرى
 زمان حسينك عسا كىرندن برقىسمى خان طرفنه دوئجه امير
 قاجدى ، جيحونى كچدى قندزه چكىلدى . كاشغر خانك
 اردوسى هندو كوه طاغنه قدر كىتدى ، بوتون مملكتى
 تخريب ايتدى . بهارى ويازى بوحوالیده كچىردى . صوك
 بهارده خان سمرقنده كىتدى . اوراده آماندن شهبهيه دوشدىكى
 كىمسه لرى اولدىرتدى ، بعضلرينه مكافاتلر وىردى . بوصورتله
 چغتای ايمپراطورلغى تحت انقياده آلدقن صوكره حكومتى
 بيكيچيكك تحت نظارتنده اوغلى الياس خواجه اوغلانه براقدى .
 تيمورلنك الياس خواجه اوغلانك سىراينده بويوك موقعلره
 كچدى . خان كندى جتلر ياخود كاشغر الكاسنه دوندى .
 اونك حر كىتدن صوكره بيكيچيك كندىسینه توديع ايدىلن
 نفوذ و اقتدارى سوء استعمال ايدىرك برچوق ظلمده بولوندى .

حتى خان عليهنده عصيانہ قالقدى . تيمورلنك بواغتشاشاتك
ايمپراطورلغى يكي برطاقم فلاكتلره اوغراته جغنى تخمين ايدەرك
چوله قاجش اولان امير حسين نزدينه چكىلمك اوزره
سرايدن چيقمغه قرار ويردى . امير حسين ايله برلكده
كيدوب خيوق واليسى تىكلى كورديلر . والى بونلرى توقيف
ايتديرمك ايسته يوردى . يانلرنده آلتش كشى ايله لاپايه دوغرو
قاجديلر . اوراده ، تىكلك قوماندا ايتدىكى ايكي بيك كشىلك
برسواري قوتى بونلرى باصدى . غايت شدتلى برچارپيشمه
وقوعه كلدى . تيمورلنك ايله طرفدارى اميرلر خارقه عدارلونه
بيله جك آثار شجاعت كوسترديلر . تىكلك وفاتى محاربه يه
نهایت ويردى . نه تيمورلنك نه حسين احراز غلبه ايمه مشدى .
تيمورلنك يدى عسكر ايله چكىلدى ، بونلركده اوچى قاجدى .
مع مافيه تيمورلنك بوفلا كتنن هيچ فتور كتىرمىدى .
رفقاي فلاكتنى تسليه ايتدى . چولده كوزه چارپماق ايچون
بربرلرنن آيرلغه قرار وىرديلر . صوكره تيمورزووجه سى ترکان آغا
والك صادق آدملرنن برقاجى ايله پونى سه يى دوغرو كيتدى .
برتوركن عشيرتى كندينه كچيدى قاپامق اوزره
طوپلاندىغى جهته تيمورلنك ترکان آغاي قويو كې بريره
صاقلادى . خدمتچيلريله برلكده قيليج الله توركنلره دوغرو
يورودى . فقط توركنلردن برى كنديسى طانيدى و كورولتو
ياتيشدى . توركنلر كوستردكلرى معامله دن متأثر ومنأسف

اوله رق اوکیجه تیمورلنکی اعزاز ایتدیلر . تیمور کندیلرینه
 بعض هدیه لر ویردی . اونلردن اوچ بار کیر ایله برره بر آلدی .
 برره تیموری امیر حسینیه کوتوردی . علی بک بونلرک
 برلشدکارینی خبر آلیجه آلتش سواری کوندردی . کندیلرینی
 طوتدیردی . ماخانه کتیرلایلر واوراده دار بر محبسه طیقیلایلر .
 علی بک قاردهشی محمد ، برادرینک بوحرکتی بر کون
 اونک ایچون بک ضرر ویره بیله جگنی تخمین ایدرک ایکی امیره
 هدیه لر کوندردی وعینی زمانده برادرینه بر مکتوب یازد رق
 احتیاط سزلغندن دوی مؤاخذاتده بولوندی ، محبوسلری همان
 تخلیه ونازکانه معاملات ایله خطاسنی تعمیر ایتمه سنی رجا ایلدی .
 علی بک تیمورلنک ایله حسینیه عاڈ اولان هدیه لری کندیسینه
 آلیقویدی واونلری آنجق ایکی آی صوکره سربست براقدی
 وکندیلرینه فنا بر بار کیر ایله اختیار بر دوه دن باشقه برشی
 ویرمدی . بولوندقلری شو ضرورت وفلا کتدن آنجق برامیرک
 معاوتی سایه سنده قورتولایلر . امیر تیمورلنکه کوزل بار کیرلر
 کوندردی . اوده حسینیه ویردی . عینی امیر کندیلرینه دها
 بعض هدیه لرده کوندرمشدی . حسین ایله برلکده ویردکاری
 قراره کوره حسین قیشی هیرمندده کچیره جکدی . تیمورلنکده
 کشه کیده جک ، اورادن دونوب حسینیه التحاق ایده جکدی .
 درحال بو قرارلرینی اجرا ایتدیلر . تیمورلنکه کشته اون بش کشی
 التحاق ایتدی . بونلرله قوزار داغنه کیتدی . اورادن ،

چوله كيرمك اوزره جيحونه ياقلاشدى . بو نهر ساحللىرىنىڭ
براي قالدى . زوجەسى ترکان آغانىڭ ورودىنىە انتظارا
يازك اك صىجاق زمانلىرىنى اورادە كچىردى . زوجەسى ،
تىمورك بولوندىغى كوچوك قورويە ھنوز مواصلت ايتدىكى
صيرادە بر سوارى قوتنىڭ قالدىردىغى توزلىرى اوزاقدن
كوردىلر . تيمورلنك نهر كى سرعتلى جريانە رغما بار كىر
اوزرىندە جيحونى ھان كچمكدە استعجال كوستىردى .
ترکان آغا تىخت روان اوزرىندە اوكا رفاقت ايتدى . بر -
ھىچ كۈن چولە دوردىلر . تيمورلنك صوكرە سمرقندە بويوك
ھمشىرەسى قوتلوق ترکان نىزىنىە كىتدى ، اورادە صاقلاندى .
فقط طوتولمىقدن قورقەرق كىش چايرلىرىنىە كىتدى . برمدت
بر كويدە اوتوردى . صوكرە تىكرار جيحونە كلدى . بعض
امرا ايلە بىرلىكدە قىدھارە وصوكرە ھىرمندە كىتدى .
بورادە امىر حسىنىە التىھاق ايتد كىن صوكرە بىرلىكدە
كىدەرك سىستان ياخود سىجستان كىمدارىنىە ياردىم ايتدىلر .
اونىڭ دىشمنلىرىنى بوزدىلر ، وعوتلىرىندە كىندىلرىنىە ھجومە كىش
اولان بر سىجستان مفرزەسىنى مغلوب ايلەدىلر . تيمورلنك بومصادمەدە
تەلىكەلى صورتدە يارالاندى . حسىن دوقسان كىشى ايلە بىلەن
كىتدى . اورادە بىكىجىكك قاردىشى اجونى Ajourini يە راست
كلدى . بو كىندىسىنە كچىدى قاپادى . يانندە يالىگىز اون ايكى كىشى
اولدىغى حالە شىرتويە قاچىغە مجبور اولدى . تيمورلنك ياردەسى

انی اولاد قدن سو کره کندیسنه بر مقدار مفرزه لراتحاق ایتدیله
ایکی امیر بونلرله جتلر اردوسنه قارشى یورودیلر. فقط تیمورلنک
ایله حسین بونلرک ترمد نهرینی کچد کدن سو کره چکیلدکلرینی
خبر آلتجه کیدوب بعض امرايه هجوم ایتدیله ، اوافق تفک
متعدد موفقیاته نائل اولدیله . بوسورتله طرفدارلری چوغالدى
وقوت بولدى . مملکته تکرار تجاوز ایدن جتلر یاخود کاشغر
اردوسنه قارشى یورویه بيله جک حاله کلدیله . کاشغر اردوسنک
قائیت عددیه سینه رغماً تیمورلنک ایله منفقرلى محاربه یی کمال
جرات ایله قبول ایتدیله . حرب صباحدن آقشامه قدر سوردی .
تیمورلنک احراز غلبه دن امیدینی کسه رک بر حيله مراجعت
ایتدی . بر کوپرونک یاننه اک جسور عسکرلرندن بش یوزینی
یرلشدیردی و بیک بش یوز کشى ایله جیحونک اوته سنده
رتپه یه دوغرو یورودی . دشمنک کشاف قوللری عسکرک
جیحون نهرینی کچدیکنی کورونجه امیرلر یکی قوه معاونه ورود
ایتدیکنی جت اردوسنه خبر ویردیله . بونک اوزرینه جتلر
عساکری تکرار محاربه یه باشلامقدن امتناع کوستردی .
ایرتهمی کیجه تیمورلنک تپه لک اوستنده آتشلر یاقدیردی .
دشمن هر طرفدن احاطه ایدیلدیکنی ظن ایدهرک قاچدی .
قرادگاهلری قارمه قاریتیق بر حال آلدی . کوپرو طرفنه کیتمه
جسارت ایدهمیورلردی . اوراده دهاپک چوق عسکر بولوندیغنی
ظن ایدیورلردی . بوسیراده تیمورلنک داغدن ایندی . النده

قیلیچ، دشمن اوزرىنه سالدىردى. امير حسين ده هجوم ايتدى. بومظفريت تيمورلنك اوالكاده بويوك بر شهرت تامين ايلهدى. هر كس اطرافنه قوشىوردى. تيمورلنك كس طرفلارينه ايكي يوز كشي كوندردى. بونلره بار كيرلرينك قويروغنه پك چوق توز قالدیرمالرى ایچون بويوك آغاچ داللىرى باغلامالرىنى امر ايتدى. كس واليسى بو حيلهیه آلدانهرق بويوك بر اردونك هجومه اوغرا دیغنه ذاهب اولدی، شهرى براقدى. تيمورلنك ده اسكى مملكتنه كىردى.

بو صیراده، توغلوق تيمور خانك وفات ايتدىكى، بويوك بر اردو ايله كس جوارلرنده بولونان اوغلى الياس خواجهنك كاشغره عودت قرارىنى وىردىكى خبر آلىندى. بوندن دولايى هر كس پك چوق سويندى. برچوق امرا عسكەرلريله برابر كلوب تيموره التحاق ايتدىلر. تيمورلنك حسين ايله برلكده كىدوب طاش آرىغى ده قرار كاه قورمش اولان الياس خواجهنك اردوسنه هجوم ايتمكه حاضر لانيوردى. تيمورلنكك وحسينك شجاعتى فائىت عددیه به غلبه چالدى. كاشغر اردوسى پك بويوك مساعیدن سوكره منهزم ايدىلدى ۱۱۱. خان، قوماندانى بيكيچك ايله يالكنر باشنه قاچدى. فراريلرى تعقيب ایدن تيمورلنك بونلرك برچوغنى اولدىردى. امراسندن بعضيلرىنى سمرقندى ضبطه كوندردى. سوكره حسين وشير بهرام ايله خىجنده

سنه
۱۳۶۳

قدر ایلر یله دی، اوراده سیحونی کچدی. فقط خسته لق امرایی
توقفه مجبور ایتدی. بالضروره کری دوندیله. تاتار عادت
وجهله بویوک بر آویاقدن صوکره سمرقنده کیردیله. بوقدر
مسعودانه تخلص ایدیله چغتای الکاسنک حالی حقنده اوراده
بویوک بر مجلس طویلاندی. مظفریته اک زیاده خدمت ایتیش
اولان امرادن بعضیله گندی مملکتلر نده صاحب مطلق و مستقل
اولمیش آرزو ایتدیکری جهتهله بر بویوک خان انتخاب ایتمه قرار
ویردیله. مملکتی دشمنک تشبیهاته قارشى مدافعه ایتمه نک و داخله
سکونی تأمین ایلنه نک یکنه چاره سی بوایدی. بویوک خان ایل
اوزره قبول شاهى ۱۱۱۱ انتخاب ایتدیله. قبول شاه، چغتای
ایمپراطورلغنک معروض اولدیغى انقلاباتدن مصون قالمق ایچون
درویش حیاته کیرمیشدی. آرقه سندن درویش اثوابلرینی
جیقارارق ایمپراطورلق خلعتی کیدیردیله. سمرقنده بویوک
سناکیر یایلیدی. بوتون قبیله رئیسلى بویوک خانک حضورنده
دوقوز کره یره قاپاندیله. مجلس تیمورلنک الکاسنده
طویلانمیشدی. ضیافت و هدیه اوغورنده عظیم مبالغ صرف
ایتدی و صاحب قران عنوانی آلدی. وقتیه کندیسینک
دوستلری بولونان کاشغر خانک قوماندانلرندن امیر حمید ایله
اسکندر اوغلانی تخلیه ایتمکی دوشوندی. بونلری تخلیه
ایده جکلى صبراده، کندیلرینی محافظه یه مأمور اولانلر

اعداملری حقنדה امر کلیور ظنیله حمیدی اولدیردیلر. بو حرکتی حسین تصویب ایتدی. چونکه دشمنی فئالق یاپه ماز حاله کتیرمک فرصتی هیچ بر زمان قاچیر مامق لزومنه قانع ایدی. خصوصی دشمنی اولان اسکندر اوغلانک کندیسنه تسلیمنی ایسته دی و اونی قتل ایتدیردی.

سنه

۱۳۶۴

ایرته سی سنه بهارده جتئر [۱] ک یکی براردو ایله ماوراءالنهر اوزرینه یورودکلری خبر آلندی. تیمورلنک کندی عسکرلرینی و سائر امرانک عسکرلرینی طوبلادی، خجندده جیحون نهرینی کچدی و طاشکند ایله چیماز آراسنده بونهر ساحلرینده قرازگاه قوردی. دشمنک کشف قوللری کوروندیکی صیراده امیر حسین عسکرلریله مواصلت ایتدی. بادامده قرارگاه قورمش اولان جتئرک اوزرینه یورودیلر. امیر حسین صاغ جناحک، تیمورلنک صول جناحک قومانداسنی آلدیلر. الیاس خواجه خان اردوسنه بالذات قوماندا ایدیوردی. ایکی امیرک عساکری و قتیله اونی کندی اردوسندن ده اذرباردو ایله مغلوب ایتمش اولدقلری ایچون استحقار ایدیورلردی. بودقعہ ایسه عددجه فائق اولدقلرندن مظفریتدن هیچ شههلری یوقدی و هیچ احتیاطلی داورانمایورلردی. محاربیدن اوله او قدر شدتلی بریاغمور ایله مترافق بر فیرطنه ظهور ایتدی که بوتون قیرلر صو آلتنده قالدی. بارکیرلر ایله صیغیرلر صو

[۱] کاشغر خاننک تبعه سنه بواسم ویریلیدی.

ایچندە یوزیورلر ، باتاغە ساپلانیورلردی . بو بویوک رطوبت شرقلیلرک استرخا تعبیر ایتدکلری برخستەلغە سبب اولدی . بوخستەلق بوتون اعصابی کەوشەتیر ، اعضایی فلجە اوغراتیر ، اتلری بوزار وقوروتور . اوصورتدە کەمیک ایله سیکیردن باشقە برشی کورونمز . بوفیرطنە ، یدە Gedi دنیلن بر طاشە عطف اولونیوردی . بوطاش کونک بروقت معینندە صودە ایصلاتیلە جق اولورسە هوایی دکیشدیرمک ، روزکار ، یاغمور چیقارمق ومدەش کوک کورولتولرینە سبب اولمق خاصەسنە مالک ایدی . جتلرک بوطاشلری قوللاندقلری ادعا اولونیوردی . ینە ادعا اولوندیغنە کورە نەاولاجغنی اولدن تخمین ایدەرک قرارکاهلرینی ، کندیلرینی وبارکیرلرینی کچە ایله اورتمشلر وصولرک جریانی ایچون جدوللر آچشلردی . ایلمک مصادمەدە تیمورلنکک عسکرلری چکیلەمکە مجبور اولدیلر . کندیلرینی محاربەیە سوق ایتمک ایستەین تیمورلنک درت برطرفندن قوشاتلدی و غایت بویوک تهلکەلرە معروض قالدی . جتلرک قوماندانی جامکونوبان تیمورلنکە برقیلیج ضربەسی ایندیرەجکی صیرادە جاکو برلاس برمیزراق ایله اونی دلدی . بو وقعە الیاس خواجە خانی چکیلەمکە مجبور ایتدی . عسکرلری دە کندیسنی تعقیب ایتدیلر . تیمورلنک اردوسی بونلری قوغالامق ایستەدیسەدە بارکیرلری یورغونلقدن ییقیلدیلر . صول جناح ، امیر حسین طرفندن قوماندا ایدیان قوتلری پریشان ایتمشدی .

حاجى بك هنوز نبات ايدىوردى . فقط امير شمس الدينك
 كنىردىكى برقوة معاونه مظفري جتار طرفنه تامين ايدى جاك كى
 كوردىوردى . تيمورلنك بر مقدار عسكرله يتيشهرك حاجى بكه
 ياردىم ايتدى وامير حسينك عسكرىنى طوپلاماسنه زمان تامين
 ايلدى . امير حسين ايلرله مكدن امتناع ايتدىكى جهتله تيمورلنك
 حربى دوردىردى . هرايكى طرف بولوندىغى يردىم قرار قىلدى .
 ايرتەسى كوفى شفقندن اول بوى چالدىلدى . سسى ايشيدىمجه
 تكميل عسكر سلاحه سارلدى . ايكنجى دفعه اوله رق حرب
 باشلادى . ابتدا جتار قاچدىلر . فقط صوكره تىكرار طوپلا-
 ندقلىرى و ماوراءالنهر عساكرى شمس الدين طرفندن قوماندا
 ايدىلن بىر فرقه يه هجوم ايتىك ايستەدىكى ايچون مظفريت تماميله
 جتار طرفنده قالدى [۱] تيمورلنك ايله بوتون طرفدارلىرى كشه
 قاچدىلر . بوراده كنىدىلرىنى تحت امنيتده كورمىدكلرىدن برچونى ،
 از جمله امير حسين جيىحون نهرينك اوتە طرفنه كچمكه قرار
 وىردىلر . تيمورلنك جانلىرى نه ايسترسه ياپه بيله جكلرىنى ، فقط
 كنىدىسى دشمنه قارشى يورومك اوزره يكى اردو طوپلامغه
 قرار وىردىكىنى سويلەدى . حسين هندستانه كىتمك فىكريله
 شىرتويه قاچدى . تيمورلنك جتارله قارشى مختلف مفرزه لر
 كوندردى . فقط ضابطارندن بعضىلارى يولده سرخوش اولدىلر .
 تيمورلنكك قتل ايدىلك اوزره كنىدىلرىنى حسينه تسليم ايتىك

سنه
۱۳۶۵

فكرندە اولدىغى سويلەيدىك سائىرلىرىنە امنىتسىزلىك القايتىدىكاردىن بونلردە كىدوب جىتلە التحاق ايتدىلر . بر قىسمى دە مغلوب اولدىلر . بو صورتە تيمورلىك بو فىرطنە قارشىسىندە ا كىلىمك وجىيخون نهرىنى اوتۇ طرفە كچمك مجبورىتى قارشىسىندە قالدى . اورادە اردوسىك انقازىن طوپلامغە چالاشدى .

جىتلر سمرقند پىشكاهنە واصل اولدىلر . بوشهرىك اوزمان اىچ حصارى بولونماقلىقە برابر اھالىدىن ايلرى كلنلر ، حتى علمابىلە حكومت مستبدانەسىدىن قورقدىلرى بوبازبارلرە قارشى شھرى مدافعە ايتىمكە قرار وىردىلر . سوقاقلرە زىنجىرلر كرىلدى . اون ايكى ياشىندەكى چوجىقلردىن اختيارلرە وارنجىيە قدر ھركىس سىلاھلاندى . جىتلر ضايعات ايلە ھىپ طرد ايدىلدىلر . حتى خلىك يابدىغى خروج حرىكتلرندە اقامىسكاهلىرىنى تركە بىلە مجبور اولدىلر . مع مافىيە شھردە يىيەجىك آزالىغە باشلايوردى . اھالى بويە يورغونلىغە آلىشقىن اولمادىلرندىن تسلىم اولمىق مجبورىتى حاصل اولەجىق كى كورونىيوردى . جىتارك بار كىرلىرىنە عارض اولان برخستەلق بار كىرلىكە درتدە اوچنى اتلاف ايتدىكى جىھتەلە بو حال سمرقندىللىرى قورقاردى . آرتىق محاصرىيە دوام ايدە بىلەجىك حالە اولمادىلرندىن ھان كامالاً كرى دوندىلر . حالبو كە اونلرك عودتى شھر اىچون محاصرىدەن دھا مدھش اولدى . چونكە ايلرى كلنلردىن ھىبرى مدافىيە شرفى نفسنە حصر ايدىرك حكىم ونقودى اللارىنە كچىردىلر ، برىرلىرى علمىيەندە مختلف فرقەلر

تشکیل ایتدیلر. بویوزدن برچوق نفاق چیقدی، قان دو کولدی. تیمورلنك جتلك یرلرینه دونمکده اولدقلرینی خبر آلتجه کش یوانی طوتدی و بو خبر عظیمی حسینیه تبلیغ ایتدی. اوده سالی سرایه کیتدی. بقلان چایرنده بر ملاقات ایتدیلر. دها صیقی، دها صمیمی بر اتفاق عقد ایدهرک عهد و پیمان ایلدیلر. ه-ارده سمرقنده کیتمه قرار ویردیلر. تیمورلنك قیشی قارشى [۲] ده کچیردی که نخشب یاخود نسف شهری ایله عینی شیدر.

بهار کلنجه، تیمورلنك، حسین و امرا سمرقنده کیتدیلر. اوراده اغتشاشاتی تسکین ایله اک بویوک مناصبی اشغال ایدن و خلقه برچوق تعدیاتده بولونان سربدارلرا حفا دینك کستاخلقلرینه سد چکدیلر. هپسنك باشی کسپلدى. فقط بوشهرده تأسیس سکون ایدیلوب ده ایمپراطورلق بردوره راحت ایچنه کیرمش کبی کوروندیکی صیراده امیر حسین تمامیه احتراصاته ترك نفس ایتدی. اويله برخستی واردی که کندیسی ایچون باعث خجالت بر نقصان تشکیل ایتمشدر. آرتق اک حقسر، اک ظالمانه واسطه لره لسب ثروت ایتمکدن باشقه برشی دوشونمادی. بویوک ویرکولر قویدی. اک عاجز اولانلر بیله بونی تأدیهیه

[۲] قارشى موغول لسانده سرای دیمکدر. کپک خاتك شهردن ایکی بوچوق فرسخ مسافه ده انشا ایتدیردیکی بر سرایدن دولایى نخشب شهرینه بو اسم ویرلشدر.

اجبار ایدیلدی . صوك محاربه ده بوتون مالك اولدقلرى شيلرى
 غائب ايدن اميرلر حسينك حرص وطمعنى تسكيندن عاجز
 قالدقلرى ايچون تيمورلنكه مراجعت ايتديلر . تيمورلنك حسينك
 همشيرەسى اولان زوجه سنك كوپه لرينه وارنجه يه قدر هرشيئي
 ويردى . حسين اونلرى بيله قبول ايتمك ذلتنى كوستردى .
 مع مافيه اوچ بيك دينار ا كسيك قاليوردى . تيمورلنك كندى
 بار كيرلرني كوندردى . حسين بوندن اوتانه رق ، سالى سرايه
 كيتديكنى ، اوراده مهم برمبلغه احتياجي اولديغنى سويله دى ،
 بار كيرلرى آلمادى . مع مافيه تيمورلنك ا كسيك پاره يي كنديسنه
 كوندردى . تيمورلنك ايله حسين بربرلرينه غايت مربوط اولدقلرى
 جهتله حسينك حرركاتى تقبيح ايدن امرانك قسم اعظمى بونى
 آچيقدن آچيغه سويله مكه جسارت ايدە ميورلردى . مع مافيه
 بعضيلرى نفوذ و اقتدار مطلقى تيمورلنكه ويرمكى قرار لاشديرديلر .
 بوايكي اميرك آراسنى آچيق لازم كلديكي جهتله حسينه برمكه كتوب
 كوندرديلر . بونده تيمورلنكك خاندن وحسيندن انتقام آلمقدن
 باشقه برشى دوشونمديكنى ، كنديلرينه هجوم ايچون تداركات
 لازمه ده بولونديغنى بيلديرديلر . تيمورلنك درحال ايضاحات
 ويرمك اوزره سمرقنده جلب ايديلدى . معصوم اولديغنى ايچون
 سمرقنده كيتدى . فقط بو حيله يه مراجعت ايدنلر سويله دكلرى
 سوزلرك صحتنى ادما ايچون تيمورك قارشيسنه چيقمغه جسارت

ایده مد کلرندن خوراسانه قاجدیله . حسین ، تیمورک هیچ
برقنا مقصدی اولمادیغنه قناعت کتیردی .

مع مافیه ، عقیم قالمش کی کورونن بوحیله امید ایدیلن
تأثیری حصوله کتیرمکدن خالی قالمادی . تیمورلنک حسینک
طبیعتی موسوس و وهملی اولدیغنی بیلیموردی . بویله براتهامه بو قدر
قولایجه اینانمش اولدیغنی کوره رک اولنکله دائماً آرارلنده براختلاف
چیقاییله جکینی دوشوندی . حسینک یاپه جنی شیردن اندیشه یه
دوشمکدن قور تولق ایچون تدبیر اتخا زینه لزوم کوردی . بعض
امرایه ایشی آچدی . اولرده حسین حکم و نفوذدن محروم
براقه رقی بونی تیمورلنکه ویرمک یولنده کی تصور لرندن بحث ایتدیله
و قبول ایتمه سی ایچون تیمورلنکه پک چوق رجا ایلدیله .
بویابده آرارلنده عهد و میثاق ایتد کدن صو کره ، تیمورلنک
عسکر طویلامغه باشلادی . امراده عینی صورتله حرکت
ایدی یورلردی . تیمورلنک بوتشبتک مقدمه سنده بویوک مشکلاته
معروض قالدی . بعضیلری کندی طرفنی ترک ایتدیله . فقط
تیمورلنک فکرنده ثبات کوستردی . حسینک همشیره سی اولان
زوجه سی وفات ایتشدی . حیاته ده ایکن آرارلنده حسن مناسبتک
محافظه سنه پک چالیشیوردی . زوجه سنک وفاتیلله حسیندن
بوتون بوتون اوزاقلاشان تیمور ، اردوستک باشه کچدی ۱۱۱۰ .
بعض امرایه قارشى مراجعت ایتدیکی حیلله لرده پک موفق
اولمش اولان حسین عینی شیئی تیمورلنکه قارشى ده اجرا ایتدک

سنه
۱۳۶۶

قالقدی . بر معاہدہ بی حاملہ ایکی ضابطی تیمورہ کوندردی .
 بو معاہدہ آرالرنده حسن مناسبات تأسیسنه دائر ایدی . فقط
 تیمور ردایتدی . صالحی قبول ایتمه یه جکندن او قدر قورقولیوردی که
 عسکرلرندن بعضیلری کندیسنی ترک ایتدیلر . بر اردو باشنده
 سفره چیقمش اولان حسین قرآن و بر مکتوب ایله برابر
 خزینہ دارینی کوندردی . مکتوبده حقیقتی سویله مک ایچون
 قرآن اوزرینه یمین ایتمش اولدیغنی بیان ایدی یوردی : «آرامزده کی
 اختلاف دولتک باعث اضمحلالی و خلقتک موجب فلاکتی
 اولاجقدر . سز حلیم طبیعتلیسکیز . مسلمانلری سورسکیز ،
 تبعه کزی سورسکیز . بویله بر طبیعتکیز وارکن بوجریان
 ایدن احوالی تصویب ایدم زسکیز . بناءً علیه بنم اردو مک
 جغایان ده ، سزک اردو کزک خزارده قالماسی دها مناسب
 اوله جغنی ظن ایدی یورم . ایکیمزده معیتمزده یالکیز یوزر کشی
 ایله چکچک کچیدنده بولوشه رق اسکی دوستلغمیزی تجدید ،
 یکی مثالارله تأیید ایدم . آرامزه نفاق ویرنلری یانمزدن
 اوزاقلاشدیرالم ، ایمپراطورلغک بوتون مصائبنه چارده ساز
 اولالم . تیمورلنک بوسوزلره اینانما مقله برابر صالحی ترجیح
 ایتدی . اردوسنی خزارده براقه رق اک جسورلرندن اوچ
 یوزکشی آیردی . برتهلکه احتماله قارشی ایکی یوزکشی بی ده
 برطرفه یرلشدیردی و موعد تلاقیه کیتدی . ایتدیکی یمینلره
 هیچ اهمیت ویرمه یں حسین اوچ بیک کشی ایله یوله چیقدی .

صلحك مذا كره ايديله جكي ملاقات محلي برميدان حرب اولدى.
حسينك مقصدندن خبردار اولان تيمورلنك يوكسك نقطه لرى
طوتمشدى. اورادن دشمنى اوق آلتىده بوكالتىوردى. تيمورلنك
يوز كشى ايله فرار ايتدى. بوايشده اوكاك چوق ضرر
ويرن شى دشمنله چارپىشديغى صيراده اردوسنك كنديسىنى
محو اولمش ظن ايدىدرك داغيلماسى اولمشدر. تيمورلنك بوموقعه
دوشونجه نخشبه كيتدى. اوراده باشليجه امراسيله مشورتده
بولوندى. سرايى امين بوموقعه كوندرمىسى وامرانك عسكرلرىنى
طوپلامالرى قرار كير اولدى. فقط حسين بوكا وقت براقمادى.
نخشبه كادى. تيمورلنك جيحون نهرندن اوتيه، چوله چكىلك
اوزره نخشبدن چىقدى. خوراسانده هراته كىتمكده اولديغنه
داثر برشايعه چىقارتدى. دشمنلرى بوطوزاغه دوشدكلرى ايچون
اوز كند وساثر نقطه لر اوزرىنه يورومكه باشلاديلر. بونك اوزرىنه
تيمورلنك ايكي يوز قرق اوچ كشى ايله نخشبه دوندى.
بوشهر جورانده متعدد امرا ايله اون ايكي بيك سوازي آلان
موجود ايدى. تيمورلنكك بوحر كتى پك جرئتكارانه تلقى
ايديله بيلير. فقط نائل اولديغى موفقيت بونى معذور كوسترييور
وپك بهادرانه برحر كت شكلنه صوقيور. تيمورلنك كوچوجك
اردوسيله جيحون ساحلنه كيتدى. اك ابتدا كنديسى آتيله
نهره كيردى. آرقه سندن قرق كشى يوزدرك كنديسىنى
تعقيب ايتديلر، برقاق قايق ضبط ايتديلر. عسكر ك قسم

متباقيسى بونلرله نهرى كچدى . تيمورلنك ايجاب ايدن
تدايرى اتخاذايتد كدن صـو كره معيتنده كىلرى شير كنده
راقدى . رفاقتنده مباشر وعبدالله اولديغى حالدە كيجه نين
نخشبه دوغرو يورودى . صو ايله دولو هندكك كنارنده ايدى .
مباشر بار كىرلىرلى محافظه ايجون بوراده قالدى . جرئتكار
تيمورلنك عبدالله ايله برلكده برصو يولنه كىردى . بوراده
صو دىزلرينه قدر چىقيوردى . شهر ك قاپىلرندن برينه ياقلاشدى .
قاپى يه خفيفجه اورونجه ديوار اورولمش اولديغى كوردى .
سورلىرلى دولاشدى . برنقطه ده ديوار ك آلچاق اولديغى كورونجه
مرديوه نى آتمق ايجون بوراسنى مناسب بولدى . صـو كره ،
درت نعل ، عسكرلرينه دوندى . اونلرى همان شهره دوغرو
كىتirdى . قرق اوچ كشى بار كىرلىرلى محافظه يه مأمور اولدى .
يوزى عبداللهك قومانداسنده صويولنه كىردىلر واپ مرديوه .
نلرله تيمورلنكك كشف ايتمش اولديغى سور نقطه سنه كىتدىلر .
تيمورلنك دىكر يوز كشى ايله شهر ك قاپىسنة دوغرو يورودى .
عبدالله معيتنده كى عسكرلرله سوردن آشدى . النده قىليج ،
قاپى يه دوغرو قوشىدى . اويقوده كى محافظلر قتل ايدىلدى .
قاپى قىرىلدى ، تيمورلنك شهره كىردى . هپسى آواز آواز
هايقىرمنغه باشلادىلر . بورولر چالندى . حصاره دوغرو
قوشدىلر . نوبتچىلرى طوتدىلر . بوصورتله عسكرلر واهانى
كندىلرينه هجوم ايدن دشمنك كىم اولديغى دها آ كلامغه

وقت بولمادن اونلر بوتون شهره صاحب اولدیلر . تیمورلنك جوارده بولونان عساكری تلاش ودهشته دوشورمك ایچون بعض کیمسهلرک قاچاسنه مساحه کوسترمشدی . جواردهکی دشمن عسکرینک بونی دویونجه هان قاچهجقلمینی امید ایدیوردی . فقط امیددی بوشه چیقدی . بوعسکرهپ طوبلاندیلر اون ایکی بیک سواریدن مرکب برقوت حالنده وقت ظهره دوغرو شهر پیشگاهنه کلهرک شهری محاصرهیه آلدیلر . ضابطلردن بری برخروج حرکتی یاهررق آلتش بارکیر ضبط ایتدی . عینی زمانده دشمنلردن بعضیلری قاچهرق تیمورلنك طرفنه کچدیلر . تیمورلنك اوکون برخروج حرکتی یایمغه حاضرلانیوردی . فقط برمنجم بونی ایرتهسی کونی ساعت دووقوزه تعلیق ایتمهسی دهها مناسب اوله جغنی سویلهدی . بوتون کیجه متیقظ بولونلدی . شفق سوکمهک باشلارکن الچی بوغا ایله آق تیمور کوپرونی ایندیردیلر . اللی کشی ایله محاصرین اوزرینه یورودیلر . یکریمی سواری کندیلرینه مظاهرت ایدیوردی . بومصادمهده طرفیندن بوتون امیرلر جسارت و شجاعتلریله تمیزایتدیلر . محاصرین ضایعات ایله خارجی محلاته چکیلمك مجبوریتده قالدیلر . بونك اوزرینه دشمن ضابطلرندن توکل نامنده بری یوز کشی ایله سورلری آشدی و تیمورک عسکرینی تضییق ایتدی . تیمور اون بش سوارى ایله بونلرک امدادینه قوشدی . عقیم قالان متعدد هجوملردن صوکره، دشمن اردوسی

رؤساندن بری اولان موسا، قومانداسی آلتنده کی یدی بیک سواری ایله چکیلدی. ملک بهادر، معیتده قالان بش بیک سواری ایله قاپیلردن برینه هجوم ایتک ایسته دیسه ده اوته کیلرک فرارندن وتیمورلنک شدتلی مقاومتدن جسارتلری قیریلان عسکرلری قاچدیله. تیمورلنک چکچک داغنه قدر اونلری تعقیب ایتدیردی. براقدرلری بوتون اشیا اله کچیریلدی. دشمن براقچ حمله غیرت دها کوسترمک ایسته دیسه ده مغلوب اولدی. رؤسادن قسم اعظمینک زوجهلری آز قالدی اسیر دوشه جکلردی. آنجق بارکیلرک سرعتی و بینجیلکده مهارتلری سایه سنده قورتولایلدیلر. تیمورلنک بونویوک مظفریتدن صوکره قیشی نخبیده کچیردی. حربک تولید ایتمش اولدیغی مصائبی تعمیر ایله مشغول اولدی. اراضی بی ذرع ایتدیردی. صنایعی تکرار احیا و تأسیس ایله دی. اورته لغه رفاه و بوللق ویردی. بخارا و الیلکنی محمود شاهه تودیع ایله دی. دها اول بخارایی تحت انقیاده آلمق لازم کلیوردی. نیکی شاه آمویه ولایتنه تعیین اولوندی. بوتون بومالک کنديسنه عرض اطاعت ایله دیله .

موسا عسکرلریله برلکده امیر حسین دوغرو چکیلدی. امیر حسین درحال سالی سیرایدن حرکتله تیمورک اوزرینه کلدی. موسانک معیتنه قراوناس [*] لردن اون بیک کشی ویردی.

[*] کویلی و خلق عسکری دیمکدر. مؤلف بوعباره بی آ کلامیه رق

(قورونا) شکننده براسم خاص ظن ایتشدیر . مکرمین

بونلر چكجك داغنده قرارگاه قوردیلر. تیمورلنك بوتون کیجه
ایکی یوز کشی ایله قارلر آراسنده یورودی، یو كك نقطه لری
اله کچیردی. فقط موسایه هجوم اینمکی مناسب کورم دیکندن
نخشبه دوندی. اورادن بخارایه کیتدی. امیرلرینك
بوقدر عظیم دشمن قارشیسنه چیقمغه جسارت ایتدکلرینی
کوردرک بخارایی ترك ایتمکه قرار ویردی. چونکه اوراده
مقاومت ایدهمیه جمکدی. خوراسان داخلنده ماخانه چکیلدی.
سرای خلقی اوراده ایدی. حسین کیدوب بخارایی آلدی.
محمود شاه بوراخی ترکه مجبور اولدی. محمود شاه فرار ائناسنده
معیتده کیلرک همان کافه سنی غائب ایتمش برحالدہ تیمورلنکه التحاق
ایتدی. اوصیراده، نيقه پی شاهك آمویه ده عصیان ایتدیکی خبر
آلندی. تیمورلنك آلتی یوز کشی ایله بوشهرک یولنی طوتدی.
جیحون نه ریخی هر طرفدن فیضان ایتمش برحالدہ بولمقله برابر
صباحك ساعت دو قوزنده یکر می کشی ایله نهره کیردی، قارشى
ساحله آنجق اون ایکیده چیقابیلدی. آمویه پیشگاهنده
کورولور کورولمز والی اوزرینه سلاح آتمق ایسته دی. فقط
ایلك او قدده یای قیریلدی. اوق خطای بهادرک قالقانه چارپدی.
خطای بهادر کمال حدته والی اوزرینه یورودی، اونی
توقیف ایله تیمورلنكك الله تسلیم ایتدی. اوزمان
بوشهر جوارنده بر قراوناس عسکری بولوندیغی ایچون
تیمورلنك بوفرستدن استفاده ایله اونلره هجوم ایتمکی مناسب

کوردی ، دشمنی پریشان ایتدی . صوکره ماخانه دوندی .
 اوراده ، هراتده حکمران اولان ملک حسین ایله براتفاق
 یامه یی دوسوندی . هرات ملکی تیمورلنک کوندردیکی سفیره ،
 تکلیف ایتدیکى اتفافی دها صاغلام صورتده تأسیس ایچون
 بعضییلر کوروشمک اوزره تیمورک سرخسه کله سنی سویله دی .
 هرات ملکنک حیلہ کارلغنه پک اعلا واقف اولان تیمورلنک
 بره لککیه عرض نفس ایتک ایسته مدی . مع مافیہ اوکا قارشى
 حرمتده قصور ایتش اولماق ایچون دوستلغنک وصمیمیتنک
 نشانه سی اولق اوزره بویوک اوغلی جهانگیر یوللادی ،
 صوکره اسکی الکاسنک یولنی طوتدی .

اوزمان بوتون ماوراءالنهر کنديسک دشمنی اولان امرای
 النده ایدی . هر طرفده عسکر واردی . تیمورلنک ایچون
 بوالکاده کورونمک مشکل وتهلککلی ایدی . مع مافیہ تیمورلنک
 آلتی یوز کشی ایله بورالردن کچمکه تشبث ایتمکدن کری
 دورمادی . نخشب جوارلرینه سالما اواصل اولدی . شهرى در حال
 احاطه ایتدیردی . فقط جوارلرده برقرار و ناس اردوسی بولوندیغنی
 خبر آلنجه بونلره هجوم ایتمکه قرار ویردی . دشمن قارشيسنه
 کلدکلری زمان معیتده کیلردن بعضیلری کنديسنى ترک ایتدیله .
 تیمورلنک دشمن اوزرینه یورومکدن واز کچمه دی و بویوک
 رمظفریت احراز ایله دی . فراریلری شادمان قلعه سینه قدر
 تعقیب ایله عسکرنده کی اکیکلری تلافی ایتک وامیر حسین

قارشى يورومك اوزره اوراده دوردى . فقط بوتشېك بوتون
مشكلاتى بىلەن ضابطىلارنىڭ قىسمى اعظمى آياقلىرىغا قاپاندىلار .
مقصدىدىن ۋاز كېچمەسنى ۋە سمرقەند اوزىغا يورومەنى تەرجىھ
ايللىنى رجا ايتدىلار . تېمورلنىڭ اردوسىغا دىرھال سمرقەند يولى
توتىدى . سمرقەندغا كىرىش مەغلۇب ايدىرىك اۋۇللىرى پرىشان
بىر ھالدا شەھەر غەدە مەجبۇر ايلەدى . ۋە كىرە سەغدىۋادىسىغا
كىرەرىك اوراده توقۇپ ايتىدى . اوراده امىر ھىسەننىڭ ئۇششە
دوغرىۋە كەلدىكىنى خەبەر ئالغۇچى بۇغرايىغا قارشىلىنىدە ۱ كىلەمەك
تەرىقىنى توتىدى . ئالتى يۈز كىشى ايلە جىيەن نەرىنىڭ اۋۇتە
تەرىقىغا كەلدى . مەتباقى قوتى كىشە كۈندۈردى . مەيتىدەكى
كۈچۈك قوت ايلە سمرقەند نەرىنىڭ آشاغى تەرىقىغا دوغرىۋە
يورۇدى . اوراده دىشەمنلەرنىڭ كەندىلىنىڭ يولى كەسمەكە
ھازىر لاندقارنى كۈرنەچە اۋۇلەر ھۇجۇم ۋە كەندىلىرىنى سمرقەندە
كەلەمەكە مەجبۇر ايتىدى . ۋە كەردەشەكەندە كەتتى . اوراده جەت
قۇلە قوماندان ايدىن اسكى مەتقى بەھرام جەلەردىن امداد ئالماق
امەندە ايدى . تېمورلنىڭ ايتىش اولدىغى ايلەكە رغما بەھرام
ئەنگۈرلەكەن باشقا بەشى كۈستەردى . تېمورلنىڭ دىشەمنلىرى
تەرىقىدىن تەقىب اولۇنىۋوردى . بۇلار كەندىلىنى تۇتۇق اچۇن
ھەر تەرىقىغا كەلەكە ايتىلاردى . فقط مەتۇفا كاشغەر خاننىڭ
دامادى كەلەسەروك امداد كەتەردىكى ايكى بىك جەت سايەسىندە
بوتون بۇمخەتلف قوتلىرى پرىشان ايتىدى . ھىسەن اۋۇلەرىك

برایش کورده مهملرندن قیزارقا اون بیک کیشی قومانداسنده و خان ایله برلکده سفره چیقدی . فقط تیمورک فعالیتی و جسارتی بوقوتی داغیتدی .

بوتون بوموفقیتلر تیموری دشمنلرینه قارشى مدافعهدن باشقه برشیته خدمت ایتیموردی . ایشلری دوزمهله یوردی . فلاکتک بری بیترسه آرقه دن دیکری چیقیموردی . تیمورک بوتون آعیرلقلری ، اشیاسی بهرام جلايرك اردوسنده ایدی . بهرام بردن بره ، کندیسنى خبردار ایتیمکسزین ، جتلرله برابر سیرامه کچدی . تیمورلنکک آلتی یوز کشیدن باشقه کیمسه سی قالمامشدی . بوقوت ایله قیشی کیدوب طاشکندده کچیرمکدن باشقه یاپه جق برشی یوقدی . بوصیراده امداد ایسته مک اوزره جتلره ایکی امیر یوللادی . بوامدادی استحصال ایتدی و موسم بهارده اونلرک ماوراءالنهره دوغرو حرکته باشلادقلرینی خبر آلدی . بونک اوزرینه ، تیمورلنکه بردورلو غلبه ایدمه مش اولان حسین قوتلی براردونک کندیسنه مظاهرت ایتدیکنی کورمکدن تلاشه دوشدی و خجند ایله طاشکند اماملری واسطه سیله صلح طلب ایتدی . تیمورلنک حربدن یورولمش اولدیغی ایچون بوکا مع الممنونیه رضا کوستردی . دیکر طرفدن جتلر کلیرلرسه مملکتی کندی حسابلرینه اله کچیرملرندن ده قورقیوردی . صلح امضا ایدیلدکن صوکره تیمورلنک کشه چکیلدی .

چغتای خانى ایله امیر حسین بودوره صلحدن استفاده ایله ،

عصيان ايتمش اولان بدخشان ملكريه حربيه كيتديلر . هرات
 حكمداري ملك حسين ، امير حسينه عائد اولان بلخ ولايتى
 تخریب ايچون اورايه عسكر كوندردى . تيمورلنك ، امير حسين
 ايله عقد ايتمش اولديغى معاھدە نامە موجبەجە بلخ شھرينك
 امدادينه كيتدى . اونك تقربى اوزرينه ، هرات عسا كرى
 شبورغان ايله بلخ وقولمە وارنجيه قدر بوتون حوالى يى تخریب
 ايتدكن صوكره چكىلدیلر . خان ايله امير حسين بدخشان
 ملكريه صالح ياپديلر و تيمورلنكى قندزده بولديلر . اورادە بويوك
 شىنلكلر ترتيب ايديلدى . تيمورلنك بوتون عائله سنى ماخادن
 كتيره رك كشه كوندردى . صوكره ده حسين ايله برلكده ،
 كابله عصيان ايتمش اولان بعض امرا اوزرينه يورودى .
 بوشهرى مانجينيقلرله محاصره ايتديلر . محاصره قانلى اولدى .
 فقط نهايت شهر ضبط واميرلر اسير ايديلدى . بونك اوزرينه
 حسين تيمورلنكك وصاياسنه رغماً كيدوب بليخده اوتورمغه
 ۱۱۱ وپك مستحكم هندوان قلعه سنى تكرر بنا ايتديرمكه
 قرار ويردى .

سنه
۱۳۶۷

بوصيراده جتلك قوتلى براردو ايله ماوراء النهره دوغرو
 ايلريله دكلرى خبر آلندى . اوزمان حسين دشمنى طرد ايچون
 هروقدن زياده معاونته محتاج قالدى . بوتون امرا

عسکر لريله کش صحراسنده طوپلاندیلر . فقط جتار اردوسنه عارض اولان نفاق اونلری عودته مجبور ایتدیکندن تیمورلنک ايله حسین بوتون قوتلرینی بدخشان طرفه چه ویردیلر . اوراده کی ملککینه عصیان ایتشلردی . بوالکآنک بوتون عساکری تیمورلنکک شجاعتی سایه سنده پریشان ایدیلدیلر . تیمورلنک بدخشانه کیردی . چوق کچمه دن بدخشاندن چیقهرق ، حسینه هجومه حاضرلانا محمد بیان سالدوز ايله کیخسروه قارشى هجومه کیتدی . بوامرا وقتيله تیمورلنکک دوستی اولدقلری واونلکه مصادمه یه کیریشمکدن قورقدقلری جهته امداد ایسته مک ایچون کندیسینه مراجعت ایلدیلر . مکتوب حسینک انه کچدی . بونک اوزرینه تیمورلنکه قارشى بویوک شه لربسله مکک باشلادی . حتی اونی اولدیرمکی بيله تصور ایتدی . بوندن خبردار اولان تیمورلنک حسیندن بالذات ایضاحات آلق ایسته دی . فقط قونوشه جقلری صیراده دشمنک یاقلاشدیغی خبر ویریلدی . تیمورلنک هر شیئی اونوته جق قدر عالیجناب داوراندی . حسینى مدافعه دن باشقه برشى دوشونمده دی . دشمنلره قارشى یورودی . اونلرده درحال فرار ایتدیلر . صوکره تیمورلنک معناد مقرى اولان کشه چکیلدی . اوراده ، چوق کچمه دن ، ایمیراطورلق نائب حکومتک فنا مقصدلرینه واقف اولدی . نائب حکومت حریص جاه ، خسیس ، مغرور ، ثباتسز ، خلکک منفوری برآدمدی . تیمورلنک برفرقه تشکیلنده

مشکلاته اوغرامادی . حسینک هر کون یاپدیغی تعدیات نهایت تیمورلنکی ایلری کان بوتون امرایی طوپلایوب اوکا مقاومت چاره لرینی آرامغه سوق ایتدی . هپسی تیمورلنکه صادق قاله جقلرینه یمین ایتدیلر . عسکر طوپلانندی . تیمورلنک سید برکه نامنده مظنه دن برذاتک رأینی آلدی . بوذات اوکا برطبل ایله علم اراثة ایتدی که بونلر علامت استقلال ایدیلر . برکون دنیایه صاحب اوله جغنی تیموره بوذات خبر ویردی . لطف الهینک بوعلامت تجلیسی تیمورلنکه برچوق تبعه قازاندیردی . تشبث ایتدیکی حرکت غاصبانیه برعدالت ظواهری ویردی . بویورویش برمشی مظفرانه دن عبارت اولدی . جوارده کی بوتون امرا عسکر یله کلوب کنديسنه التحاق ایتکه مسارعت کوستریورلردی . بویوک براردو قومانداسنده تیمورلنک دشمنیله حربه کیریشدی وعظیم برمظفریت قازاندی . بونک اوزرینه سیورغتمش اوغلانه خان عنوانی ویردی . چونکه قانونلرک کنديسنه منع ایتدیکی بو عنوانه کوز دیکمه مشدی . صوکره بلخ اوزرینه یورویه رک بوراسنی محاصره ایتدی . حسین دهازیاده مقاومت ایده مدیکندن عرض انقیاد ایتدیکنی خبر ویرمک ایچون اوغلی ایله خان عادل سلطانی [۱] کنديسنه کوندردی . حسین قلعه دن چیقدی . برمغارده صاقلانمق ایسته دی .

[۱] بوخان اوزمان پختای قطعه سنده حکمران ایدی . دور سلطنتنک هانکی تاریخنده باشلادینی مجهولدر .

فقط طوتولدی . تیمورلنکه کوتورلدی . اونك حضـورنده
ایمپراطورلقدن استعفا ایتدی . صوکره، حسیندن مشتکی اولان
بعض امیرلر تیمورلنكك موافقتیه کندیسنی اولدیردیلر [۱] .
بو حادثه عظیمه تیمورلنکی چغتای ایمپراطورلغنه صاحب
قیلدی . مع مافیه دائماً جنکیز خان عائله سندن برخان بولوندی رmq
سیاستنی تعقیب ایتدی . بو خانك هیچ بر نفوذ و قدرتی یوقدی .
اوصورتده که تیمورلنك بر آمر مطلق اولمقله برابر اساس اعتباریه
برنائب حکومتدن باشقه برشی دکادی . وفاتندن صوکره
اوغللاری خان تعیین ایتمه بی اھمال ایله دیلر . چغتای ایمپراطورلغی ده
تماماً منقرض اولدی .

[۱] ۷۷۱ تاریخ هجر بسنده .

كاشغەر موغوللىرى

ياخود كوچوك بخارا موغوللىرى

كاشغردە حكىمران اولان چىغىتاي احفادى دائىما اورادە تاتارلار تارىخ
ادامە موجودىت ايتىشلردىر . فقط تارىخلىرى بىزچە مېھولدىر .
بوايمپراطورلارنىڭ نەسورتلە توغۇلۇق تېمورخانە كلدىكىنى كورمىشك .
توغۇلۇق تېمور ماوراءالنھردە حرب ايتىشدى . كاشغردە جنكيز
خان احفادىدىن اسلامىتى ايلك قبول ايدىن حكىمدار بودىر .
تېمورلار يوز التمش بىكىدە كىندىسەنە امثال ايتدىلر . بالوزى
اسمىندە بىر وزيرى واردى كەچىن وفاتىندە ىدى ياشىندە وخدا داد
اسمىندە بىرچوچوق براقىدى . باباسىنىڭ خىدمات عظيمەسەنە مكافاة
بوتون مناصبى اوغلىنىڭ عهدەسەندە محافظە ايلدىلر . خدا دادك
عموجەسى قىرالدىن بو مقاملارە كچىمك اميدىلە توغۇلۇق تېمورە
بىرچوق مىراجەتلەردە بولوندىسەدە بوكا آنجىق اوندىن سوكرەكى

حکمدار زماننده یعنی توغلوقك اوغلى الياس خواجه اوغلان [۱] دورنده موفق اولايىلدى . بو خانى بوتون عائله سيله برابر قتل ايتديرهرك ايمپراطورلغه صاحب اولدى . خانك كبه بولونان آغا خاتون نامنده بر زوجه سى بر شهزاده دوغوردى . بوكا خضر خواجه نامى ويريلدى . والده سى بو جوجوغى خداداده توديع ايتدى . اوده كنديسى كيزليجه بدخشان داغلىنه كوندردى .

قرالدين تيمورلنكه قارشى اوزون اوزون محارباتده بولونمق مجبوريتنده قلدى . تيمورلنك اونك ممالكنى استيلا ايتمك آرزوسى بسلامه يوردى . بشن بويوك محاربه وقوعه كلديكى حالده غلبه نك هانكى طرفده قاله جنى تعين ايتمه مشدى . نهايت قرالدين خسته لانتجه تيمورلنك قوتلى براردو ايله تكرر تجاوز ايتدى . قرالدين كاشغرك شرقنده كى چوللاره قاچدى . تيمورلنك چكىلد . كدن صوكره خداداد شهزاده خضر خواجه يى كتيرتهرك كاشغرتختنه چيقاردى . بومماكت حكمدارلىرى بونك نسلندندرلر . فقط تاريخلىرى وحقى اسملىرى بيله بزجه معلوم دكلدر [۲] .

[۱] بو حاكمدارك ۷۳۰ هجرى و ۱۳۲۹ ميلادى تاريخنده تولد ايتديكى ۱۸۰ ياشنده نخته چيقدىنى ، ۳۴ ياشنده وفات ايتديكى سويله نيور .

[۲] سكرنجى جلدده كى جدولاره باقق اقتضا ايدر .

هونلرك تاريخ عمومىسى

اون سكزنجى كتاب

۱

قاچاق موغوللرى

جنكيز خان ايمپراطورلغىك انقازمىدن واسع ايمپراطورلقلر
وجوده كلدى . بونلرك قدرت وشوكتى اك جنكاور ملتلىرى
بيله دهشته دوشوردى . چين ، توركستان ، ايران و هندستانك
برقىمى بوفاتحك احفادينه تابع ايدىلر . هيچ برايمپراطورلق
موغوللرك حكومتى قدر واسع اولماشدر وبوقدر سرعتله تشكىل
ايمه مشدر . فقط چوق كچمه دن اسكندر ايمپراطورلغىك عاقبتنه
اوغرامشدر . يالكىز شوفر قايلاه كه ماكدونىالى فاتحك ايمپراطورلى
يابانجى اللره كچدىكى حالده موغول ايمپراطورلى عائله سىندن
خارجه هيچ چىقمادى . جنكيز خان كندى آمال وتصورات
حريصانه سنى تعقيب ايتمه كه قابليتلى اولادلى براقىوردى . بونلرك

آراسنده دائماً حکم سـورن اتحاد و اتفاق ، بربرلرینه قارشـی
کوستردکلری معاونت متقابله ، تعقیب ایتدکلری سیاست ،
یدرلرینک تشکیل ایتدیکی ایمپراطورلغی پارچه پارچه تقسیم
ایتمکله برابر بونی حقیقی اولمقدن زیاده موهوم برتک حکمداره
تابع براینپراطورلق کبی تلقی ایتک سایه سنده آسیایه اوزون
مدت صاحب قلدیلر .

تاتارلرک تارغ
عمومیسی
په تیسی

جنکیز خان اک بویوک فتوحاتیه مشغول اولدیغی زمانلرده
اوغلی توشی یه شمال مملکتلرینی یعنی قاپچاق قطعهنی تسخیره
کیتمک ایچون مهم براردو ویرمشدی . توشی [۱] ، جنکیز
خان ایله بورتاقوجینک ایلمک چوجوقلری ایدی . والدهسی کبه
ایکن مرکیتلر کندیسینی قاجیرمشلردی . بونلر برتاتار عشیرتی
ایدیلر . یغماجیلق حرصی ایله اوزمان ساده جه برعشیرت ریسی
اولان جنکیز خانک قرارگاهنه هجوم ایتمشلردی . بورتاقوجین
اسیر ایدیلرک مرکیتلر خانه کوتورلدی . اوده کرایتله
اولان دوستاغنه بناء کندیسینی تکرار جنکیز خانه اعاده ایلدی .
یولده برارکک چوجوق دوغوردی . جنکیز بوکا توشی یعنی
مسافر اسمنی ویردی . توشی بویودیکی زمان بعض وقایعه
جسارتی ایله تمیز ایتدی . جندشهرینی بالذات ضبط ایتدکن صوکره

[۱] میشو کندیسنه ژوقو هام دیور . هایتون ژوشی اسمنی

، بریور . پلانشارپن ایسه توسوشخان اسمیه ایتمکده در .

جنكيز خان گنديسە بوتون قاپچاق الكاسيله توركستانى ۱۱۱. ترك ايتدى . بونك فحى ايچون آرتق سربسـتجه اوغراشه بيليردى . كنج حكمدار بوتون بوواسع الكالرى ضبط ايتدى . موغول نامى ، مغلوب ايتدىكى روسلر ايچون بيله قورقوله جق برشى ديه تلىق ايتديردى . فقط برقچ چوجوق ۱۲۱ براقه رق برآز صوكره وفات ايتدى . اولادرينك ايچنده اك مهمى باتو ابدى .

سنه
۱۲۲۳

جنكيز خان ، اوغلنك وفاتى خبر آلىر آلاماز باتويه خان عنوانى ويرمك ايچون برادري بلغتاي اوتزكىمى قاپچاغه كوندردى . توشى عائله سنك بوتون شهزاده لرى جنكيز خانك مرخصنك اطرافنه طويلانه رق اوچ كون پدرلرينك وفاتنه آغلاديلر . صوكره شنلكلر ترتيب اولوندى . باتو بوالكالره صاحب اعلان اولوندى . بومراسم بيتر بيتمز جنكيز خانك وفاتى خبرى كلدى . بلغتاي اوتزكىم درحال قاره قورومه متوجهاً يوله چىقدى . اوراده بوتون ملت يكي بويوك خانك اتخابى ايچون طويلانه چقدى . باتو قاپچاقده وچوك قارده شى توغاي تيمورى اتناى غيوبتنده مملكى اداره ايچون براقه رق بوتون برادرلريله برلكده حركت ايتدى . بوشهزاده لر اوقتاي خانك بويوك خان

۱۲۲۷

[۱] بوموغوللره پيرانس مورخلى توشارلر ديورلر .

[۲] پلانقارپنه نظراً توشينك چوجوقلىر باتى ياخود باتوايله

اوردو ، بارا ، برقوتانت در .

سنه

۱۲۳۵

اعلانی مراسمده حاضر بولوندىلر وچينده ياپديغى سفره اشتراك
ايلدىلر . باتونك خدماتندن ممنون اولان اوقتاي اونى قوتلى
براردو باشنده قايچاق قطعه سنه كوندردى . آوروپانك شمال
مملكترلينك ضبطنى امر ايتدى . بومو غوللار روسيه يه ، اورادن
لهستانه ، مجارستانه ، بلغارستانه يايلىدىلر ، بوتون بوقراللىقلرى
تخريب ايله ديلر وبالخاصه ، اوقتاي خانك تاريخنده تفصيل ايدىلدىكى
اوزره ، روسيه نى تسخير ايتدىلر . بومملكىتلرده اون سنه دن زياده
قالدقن صوكره باتو كمال مظفريتله قايچاغه دوندى . اورادن
ينه آراسيرا [۱] شمال مملكىتلرينه تهله بوغانك [۲] ودها سائر
بعض قوماندانلرك اداره سى آلتنده ازدولر كوندردى . بونلر
روسيه ده بوتون سوسدال حواليسنى تخريب ايلدىلر . ولاديمير
قربنده آندره ياروسلاويچى مغلوب ايله يهرك زوجه سيلاه برلكده
اسوه چه قاچغه مضطر براقدىلر . صوكره كيدوب پرسلاوى
[پرسلاو ؟] شهرينى ضبط ايتدىلر و بوراده اوشهرك پرنسسى
ايله چوجو قلىرىنى اسير آلدىلر . برقاچ سنه صوكره ينه بوتله بوغا
ايله نوغايا لوبلين طريقيله ساندومير [۳] الكاسنه كيردىلر .
بوراده شهرلرى ، كليسالىرى ، شاتولرى ياقدىلر . بونلره رهبرلك

۱۲۵۲
آنال روسيه ن

۱۲۵۴

[۱] روسلره كوره خلافت عالمك ۶۷۷۰ نجى سنه سنده .
[۲] له زانال روسيه ن بوكا اولابوغا دييور . ديكرلرينه نه برينى
ايله قالوآد اسمنى ويرير .
[۳] قرومر بوسفر ك ۱۲۶۰ ، ميشو ايسه ۱۲۵۴ تاريخنده وقوعه
كلديكنى سويليور .

ایدن روسلر ساندومیر قلعه سی قوماندانی پیه ردو قره میایی تسلیم میشو
 اولمغه دعوت ایتدیلر. او بونصیحتی قبول ایتدی. فقط موغوللر
 کندیسنی اللرینه کچیریر کچیرمز اولدیردیلر. صو کره قلعه یی
 ضبط ایدرک ایچنده بولدقلرینی تماماً قتل ایتدیلر. یالکز
 ذوق وصفالری ایچون کوزل قادینلرله قیزلره دو قونمادیلر.
 اهالینک قسم متبافیسنی ویستول نهرینه آتدقدن و قلعه یی یاقدقدن
 صو کره قاراقووی اوزرینه یورودیلر. بوراسنی ترک ایدیلش
 برحاله بولدیلر. بوتون اهالی اورمانلره و شاتولره قاچشلردی.
 شهرده یالکز خسته لر قالمشلردی. موغوللر بونلری قتل
 ایتدیلر. فقط پالاتن قله مان ایچ قلعه ده مقاومت کوستردی.
 بو باربارلر اوپول قطعه سنده بیتومی یه قدر کیرد کدن صو کره
 بر چوق غنائمی حاملأ روسیه یه دوندیلر. عینی زمانده بر قسم
 موغوللر مجارستانه کیرمشلر، پشته یه قدر ایلریله مشلردی.
 حتی استانبول ایمپراطورلخی اراضیسنه بیله داخل اوله رق
 بویوک تخریبات یاپدیلر. صو کره [۱]، بوتون روسیه تماماً
 تحت حکملرینه کیردیکی جهته، بورایه مفتشلر کوندردیلر.
 بونلر تحریر نفوس یاپدیلر. بو معامله دن یالکز راهبلا استثنا
 ایدیلدی. ایشته بو تاریخلرده باتو [۲] بزجه مجهول اولان

[۱] روسلره کوره خلقت عالمک ۶۷۶۳ نجی سنه سنده.

[۲] اسمی موغول اساننده قوت و خشونت معناسنه در. قارین
 بونی بانی دییه تلفظ ایدیور و وولغا ساحلارنده اقامت ایتدیکنی سویلیور.

قوورددا شهرنده وفات ایتدی . صاین یاخود ساجین خان
عنوانی طاشیوردی .

تاتارلرک تاریخ
عمومی
عبدالله بن
رضوان پاشا

بو حکمدارک وفاتندن صوکره برادری برکه [۱] بوتون
اکابر ملت طوبلایه رق بونلره بویوک بر ضیافت چکدی ،
قیمتدار هدیه لر داغیتدی . اولجه باتونک براوغانی اولدی رتمشدی .
بو شهرزاده مهم بر اردونک باشنه کچهرک حکومتی ضبط ایتک
ایسته یوردی . ایشته برکه بومعامله شیدیددن صوکره کندیسنی
رؤسای ملته قبول ایتدی ردی وتاتارستان بویوک خانی قبلایدن
بو مملکتلر حکمدارلغنک برات توجیهنی آلدی . برکه خان
شان وشرفله حکومت سوردی . موغوللرک بو قولنده ابتدا
اسلامیتی قبول ایدن حکمدار اودر . تبعه سنه ده اسلامیتی قبول
ایتدی رمشدر . زمان سلطنتده [۲] موغوللر بوتون لیتوانیا
قطعه سنی تخریب ایتدی لر . برکه خان بالذات نوووغوروده
کیتدی [۳] . اوراده روسیه نفوسنی تعداد ایتدی ردی . صوکره ،
ایران جهتنه کیده رک سوریه ده مشغول اولان موغول حکمدارلریله
حربه کیریشدی .

۱۲۵۸

بو اثناده شمالده اوپله بر فیرطنه حاضر لانیوردی که بو
ایمپراطورلقد بویوک بویوک اغتشاشاته سبب تشکیل ایده جکدی .

[۱] بعضیلری کندیسنه برغا یاخود برکای دیورلر .

[۲] روسلره کوره خلافت عالمک ۶۷۶۶ نجی سنه سنده .

[۳] خلقت عالمک ۶۷۶۷ نجی سنه سنده .

- خانك اردو قوماندانلاردن برى اولان نوغايا شمال قوملارنى
 دائرۋ اطاعتدە طوتمق اوزردە سوق اولونمىشىدى .
 ۱۲۶۱ حائز اولدىغى نفود و قدرت ايله مست اوله رق خانى آرتق
 طانچامق و اداره ايتدىكى ولايتلاردا بر حكمدار مستقل
 صفتيله يرلشمك ايستەدى . استانبول ايمپراطورى
 ميشل پالەئولوغ بو عصياندا كنديسەنە مظاهرت كوستردى .
 ميشل پالەئولوغ اونىكە معاھدە عقد ايتىك خصوصىندە هيچ
 مشكلات چيقارمايدىغى كې غير مشروع قىزى افروسىنى يىدە
 ۱۲۶۲ زوجە اوله رق كنديسەنە وىردى . بو صهرىت نوغايانك كېر
 و حرصنى بك آرتىردى . اونك عصيانى خانك ايمپراطورلغنى بك
 ضعيفلا توردى . روسلر بوسايەدە متعدد مصادماتدە موغوللارنى
 مغلوب ايدە بىلە جك بر حالە كلدىلر [۱] . متعدد شهرلردن
 كندىلارنى قوغدىلر . بو بابارلر او شهرلر ك اھالىسەنە بك ظالمانە
 تعدياتدە بولونىورلردى . بوكادە كندىلارنى زوزىم اسمندە
 مرتد بر ياپاس تشويق ايدىيوردى . فقط بۇدە نہايت خرىستيانلرە
 قارشى دفعات ايله تحريك و تسليح ايتىش اولدىغى موغوللر ك اسرىلە
 قتل اولوندى .
 ۱۲۶۵ او زمان ايراندە آباقا حكمران اوليور ، تبعەسنى وىر كولر
 آلتدە ازييوردى . بو بوك مقداردا غير ممنونلر عن اصل قاپچاقلى
 بولونان و مملوكلاردن برى اولان مصر سلطاننك نردىنە چكىلمىشلردى .

[۱] حلفت عالمك ۶۷۷۰ نجى سنە سىندە .

مصر سلطانی بر که خان ایله براتفاق عقد ایتدی . بو اتفاق موجبجه آباقانه وقت سوریه کیرمکه تثبث ایدرسه قاپچاق موغوللری ده دربند بوغازی طریقله ایرانه کیره جکلردی . بو معاهده موجبجه در که بر که عظیم براردو طوپالایه رق [۱] دربند اوزرینه یورودی . فقط آباقانک برادرین یشموت کندیسنی دوردیردی ، اونکه حربه کیریشدی وضایعات ایله چکیلیمکه مجبور ایتدی . بر که مملکتنه عودت ایدر ایتمز اوچ یوزیک سواریدن مرکب یکی براردو طوپالادی ، بونکه کلدی و بوتون ایرانی تخریب تهدیدینی کوستردی . بحر حزرک شمالنده کی واسع اووالری آشمش ، دربند بوغازینی کچمش ، قورهری ساحلارینه قدر ایلریله مشدی . ایکی اردو کورجستانک پایتختی اولان تفلیس قربنده حربه طوتوشه جقلری صیراده بر که وفات ایتدی [۲] . اردوسی بو وقعنهک باعث اولدیغی تشوش وتلاش آراسنده قاپچاق یولنی طوتدی . بر که خان سرای شهرینک مؤسسی تلقی ایدلمکده در . اسلامیتی قبول ایتدکن صوکره بونی بنا ایتدیر مشدی . اسمی او الکالرده او قدر مشهور اولدی که اورالره دشت بر که یعنی بر که اووالری نامی ویرلمشدر . سرای شهرینی اتل یاخود وولغا شهرینک قوللارندن بری اوزرندم

ابوالفدا
دیاربکری
عربشاه
۱۲۶۶

[۱] ۶۶۴ تاریخ هجریسنده

[۲] ۶۶۵ تاریخ هجریسنده . روسلره کوره خلقت عالمک

۶۷۷۴ نجی سنه سنده .

یابدیرمشدی . بو شهر غایت بویوک و غلبه لق اولمشدی . هر طرفدن بوقا با و باربار قوملری دائرۀ مدنیته ادخال ایچون بورایه کیدن علما خان طرفدن بویوک مکافاتلره نائل اولیورلردی . برکه خان واضع قانون و حامی علم و ادب شهرتی قازانمشدر . کندی زمان حکومتی تعقیب ایدن باربارلق دورلری آراسندهده بوشان و شرفی اوزون مدت محافظه ایتمشدر .

ابوالفدا
دیاربکری
عبدالله بن
رضوان پاشا
عربشاه

برکه خانه برادری منکو تیمور [۱] خلف اولدی . تختۀ حیقنجه ولایتلرک برچوغنی عائله سندن شهرزاده لره تقسیم ایتدی . شیبانی نک یاخود سییانک اوغلی بهادر خانه آق اردویی ؛ توغای تیمورک اوغلی اوراق تیموره کفه وقریم شهرلرینی ویردی . قریم شهری اوزمان آسیانک الک محتشم مملکتلرندن بری ایدی . او قدر بویوکدی که ای برسواری یاریم کونده چورده سنی دولاشمازدی . مصرده حکمران اولان وعن اصل قاپچاقلی بولونان بیبرس اسمنی و محل ولادتنی لایموت قیلماق ایسته یه رک اوراده خانک موافقتیله غایت محتشم برجامع انشا ایتدیردی . دیوارلری غایت کوزل بریاض مرمرله قاپلی ایدی . طاوان یورفیردن ایدی . بوشهرده تقدیر و حیرتله تماشایه لایق مبانی سائرده واردی . از جمله هر دورلو علوم و فنون تدریس ایدیلن

[۱] ابوالفدا بالعکس بو حکمدارک توتیدنک اوغلی توغایک اوغلی اولدیغنی سویلیور . بن بوراده ابوالغازینک روایتی قبول ایدیورم . بعض مورخلر کندیسنه ممقوت دیورلر . لقبی کیلک ایدی .

مدرسه لر غایت کوزل ایدیلر . اوتارنخلرده خوارزم قطعه سندن
 کاربانلر قالدق قریمه کیدرلردی . اوچ آیلق برسیاحتدن
 صوکره هیچ تعرضه اوغرامایه جقلرینه امین برحاله قریمه
 واصل اولورلردی . بوملکیتده حکم سورن بولاق برلکده ارزاق
 طاشیمغه احتیاج براقازدی . هر طرفده خانلر تصادف ایدیلردی .
 حالبوکه شیمدی بودالرده جیلاندن ویبان کچیسندن باشقه برشی
 کورولمور . اهالی تجارت یوزندن زنکینلشمشدی . فقط
 او قدر خسیس ایدیلر که اللرینه آلتون کچر کچمز بونلری
 قوانوزلرده صاقلارلردی . فقرایه هیچ معاونتده بولونمازلردی .
 بومغروور خلق غایت محتشم جامعلر و سائر مبانی انشا ایتدیریرلردی .
 فقط بو، حسیات دیندارانه لرینک آبداتی براقق آرزوسندن
 زیاده کبر وغرورلرینی ، ثروتلرینی لایموت قیامق آرزوسندن
 ایلری کلیردی . ایشته اوزمان قریم شهرینک حالی بویله ایدی .
 حالبوکه بوکون آتی یوز قله دن عبارت برکویدر . تاتارلر
 و یهودیلرله مسکوندر . دها آرمزین اولان کفه شهری قاره
 ده کیز کورفلرندن بری اوزرنده بولونمق دولایسیله وضعیت
 جغرافیسی یوزندن عینی درجه ده شهرت بولمشدی . اودورده
 ده کیزلرده غایت صاحب قوت اولان وبویوک بر تجارت یاپان
 جنویزلیلر بوموقعک اهمیتنی تقدیرده کچیکمدیلر واوراسنی
 بر مرکز تجارت یاپدیلر . بونی توغای تیمورک النده براقمایه رق
 کندیلری ضبط ایله دیلر .

سنه
۱۲۶۹
ابوالفدا

منكوتيمور استانبول ايمپراطورلغيله حرب ايتدى .
بويوك براردو كوندردى . بوندن مقصد ميشل پاله ئولوغك امريله
ترا كياده موقوف طوتولان قونيه سلطانى عزالدين كيكاموسى
قاجيرمقدى . بوتشبت موفقيتله نتيجهلندى . سلطان ، روملرك
الندن قورتاريله رق قاپچاغه كوتورلدى . اوراده اولندى .
بوتارمخاردده ، موغوللرك تحت تابعيتنده بولونان روس پرنسلىرى
منكو تيمورك سراينده اثبات وجود ايتمكه مجبور ايدىلر . بو خان
يازى Jazii لره نام ديكرله يازيچيلره lagyges قارشى يورومكه
حاضرلاندىغى [۱] صيرادهده سرايدده ايدىلر . بوقوملر ليتو-
آنيانك جنوبنده كاثن اورمانلرده ساكن ايدىلر . بوريس ،
روستوف پرنسى غليب واسيلوويچ ، ياروسلاو پرنسى ته ئودور
روتيسلاوويچ ودها سائر قنازلر بوسفرده خانه رفاقت ايتدىلر .
بويازيلرك چكىلكلرى ده دياقوق شهرى ضبط ايدىلدى [۲] .
روس پرنسلىرى خانك وپردىكى هدايائى حامللا مملكاتلرينه
دوندىلر . خان ، بولغارستانه كچدى . اوراده او تارمخاردده
قونستانين حكمران اوليوردى . بو ، آياغى قيرلمش اولدىغى
جهتله آتە يىنمكده مشكلات چكيوردى . موغوللر بوتون ممالكنى
تخرىب ايتدىكلرى ايجون روملرك مؤخرأ لاخانى نامنى وپردكلرى
قوردوقوبا نامنده اسكى دوموز چوبانى برماجرا پرست باشنه

پاخيمره

[۱] روسلره كور، خلقت عالمك ۶۷۸۵ نجى سنه سنده .

[۲] شباط آنده .

نیسه فور

۱۲۷۹

بر مقدار آدم طویلادی، بوبار بارلرله چارپیشه رق بعض موفقیتلره
نائل اولدی. ایشته عظمت و شهرتک مبدائی بووقه تشکیل
ایتمش، صوکره بلغارستان تختنه چیقمشدی. قونس-تانتیندن
دولقلان ماریه ایله اولنه جک قدر اعتبار کسب ایتدی و کنديسني
قرال اعلان ایتدی. بوقراللق اوزرنده کی حقوقی غیر قابل
انکار اولان آسان کنديسني در حال تختدن قوغدیسده اوده
اوزون مدت تختی محافظه ایدممدی. برالتجاگاه آرامغه
مجبور اوله رق موغوللره، توغایا نزدینه گیتدی. اوده کنديسني
قتل ایتدی. بوتاریخلرده موغوللار، رس ولتوآنیایا کابری
ایله برلکده، پولونیا قرالی بولسلاسک وفاتندن بالاستفاده
لوبلین و ساندومیر حوالیسندده آقینلر یاپه رق تخریباتده بولوندی.
صوکره لهیلر بوراده کنديلرینی مغلوب ایتدی.

۱۲۸۰

۱۲۸۱

روسیه ده ظهور ایدن اغتشاشات بوبار بارلری در حال اورایه
جلب ایتدی. ولادیمیر ونووو غورود غران دوقه سی بازیل -
یاروسلاویچ وفات ایتمشدی. پردیاسلاوی پرنسی دهمه تریوس
آلکساندر ویچ خانک موافقتی اولمقسزین نوووو غورودی ضبط ایله -
مشدی. روس پرنس لرینک قسم اعظمی ملته برچوق ضرری موجب
اوله جق برحر کته امثال ایدهمیه رک خانک سراینه کیتدی. بوراده
بولونان دهمه تریوسک قارده شی آندره آ بومناسبتله، برادرینک
ضررینه اولمق اوزره غران دوقه عنوانه نائل اولدی. موغوللار دهمه -
تریوسه قارشی عسکر سوق ایتدی. برعسکر موروم اراضیسنه

واصل اولدیغی زمان قنازته ئودرر و تیسلاویچ، میشل ایوانوویچ ،
قونستانین بوریسویچ اردویه التحاق ایتدیلر . پرده یاسلاوی
اوزرینه یورودیلر . فقط موغوللر ، تعین ایتدکلی غران دوقه یه
یاردیم ایتدکن ایسه غنائم الده ایتدکه ده ازیاده اهمیت و یردکلرندن
هر طرفه یایلدیلر ، پک چوق تخریباتده بولوندیئر . صوکره
ایکی قاردهشی دعوالرینی بیلدکلی کبی فصل ایتدکه براقه رق
کری دوندیئر .

روسلر داخلی محاربات ایله بویله ضعیفلا دقلری صیراده خان
ایرانه قارشی برتجاوز فکرینه دوشدی . فقط قوماندانلری
قاراباغده مغلوب اولدقلرندن برآز صوکره کدردن اولدی .
ایمپراطورلغی قاردهشی تودان منکویه [۱] براقدی . ده مه تریوسی
طرد ایچون غران دوقه آندره بوخانه مراجعتده بولوندی [۲] .
خان اوکا برموغول اردوسی و یردی . بواردو سوسدال الکاسنه
کیددی . فقط ده مه تریوس احتیاط کاردا وورانه رق خانک نزدینه کیتمش
و برادری آندره ایله صلح عقد ایتمش اولدیغندن روسیه معروض
اولدیغی تهلیکه فلا کتدن قورتولدی . بوکا بکزر بر نفاق
بوباربارلری روم ایمپراطورلغنه جلب ایتدی . استانبول ایمپراطوری
میشل پاله تولوغ توغایای ژان سه باس-توقراتور علیهنده حربه

تاتارلرک تاریخ
عمومیسی
ابوالفدا
دیاربکری
۱۲۸۲
پاخیمره

[۱] بعضیلری بونک باتونک اوغلی اولدیغی س-ویلیورلر پتی
کندیسنه قناز نامی و یریبور .
[۲] خلقت عالمک ۶۷۹۰ نجی سنه سنده .

تشويق ايتىشدى. بو آراده ميشل وفات ايتديكى و كنديسنه خلف
اولان اوغلى آندرونىق بو باربارلره ايفلا ايتدكلرى خدماتدن
دولايى مكافات ويرهك پاره دن محروم بولوندىنى ايجون
كنديلرىنى تريباللرك الكاسنه كوندردى ونه بولورلرسه آمالرينه
مساعده ايتدى.

سنه

۱۲۸۳

آنال روسيه ن

او تاريخده [۱] روسيه ده قورسق الكاسنده احمد اسمنده
بر موغول واردى كه ريسقا ايله وواغا آراسنده ايكي حصار بنا
ايتىشدى. بورايه بر چوق اشقيا اونك حمايه سى آله صيغيزورلردى.
بو حصارلردن چيقه رق بوتون قورسق و وورلوغ الكاسنى تخریب
ايدىيورلردى. اوله غ ايله لپوو پچ پرنسى سيوياتوسلاس ملت
آراسنده بويوك بر نفوذى اولان اكابردن تولا بوغا نامنده
بر موغوله شكایت ايتديلر. بومو غولده خان عنواتى طاشيوردى.
بو خان او حصارلرى هدم ايتديردى، اوراده موقوف طوتولان
كىمسه لرى سربست براقديردى. فقط بوتون او والى يه
حاکم بولونان و بو هدم كيفيتندن پك چوق ضرر كورن
احمد، نوغايا سراينده كى نفوذندن استفاده ايله روس
پرنسلىرى اشقيا كى تلقى ايتديردى. وتوغايى بونلره
قارشى عسكر سوق ايتمه كه قانديردى. اوله غ نولا بوغا نردينه
قاچدى. سيوياتوسلاس ده وورونه چ اورمانلرينه چكىلدى.
بويوك يوللرك كافه سنى طوتمش اولان موغوللر فراريلرك قسم

اعظمی توقیف ایتدیله. اوله غایله سیویاتوسلاسلک ودها برچوق
 بویارلرک قیزلری اسیر ایدیلدی ونوغایانک اردوسنه کوتورولدی.
 اوراده بونلری قتل ایتدیله. بوباربارلرده اجنیلره قارشى
 ابرازی پک نادر کورولن بر اثر عدالت اوله رق، موغوللر
 روس ملتک فقیرلرینه بویارلرک اثوابلرینی ویردیله واونلری
 ملککلرینه اعاده ایدیلرک باسقاقیره ۱۱۱ تجاوزایدنلرک جزاسی
 بواولدیغنی اعلان ایتیلرینی سویله دیله. صوکره، حصارلری
 تعمیر ایدیلرک محافظه سنی احمدک ایکی قاردشینه ویردیله.
 سیویانو سلاس آرتق بو حصارلرده بولونان عسکرلر پوصو
 قورمقدن باشقه برشیله مشغول اولمادی. عسکر آراسنده
 اوتوز قرق روس ایله برمقدارده مسلمان واردی. روسلردن
 یکریمی بشی اولدیردی ۱۲۱. احمدک ایکی قاردشنى قورسقایه
 چکیامک مجبور ایتدی. تولا بوغانک سرایندن غودت ایدن
 اوله غ بوحرکتی تمامیه تقبیح ایتدی. سیویاتوسلاسه موغوللر
 زدنده تمامیه اعتبارینی غائب ایتکده اولدیغنی، کندیسنه
 بر اشقیا، نظریله باقلمغه باشلادیغنی سویله دی. سیویاتوسلاس،
 اوله غک سوزلرینی دیکلهمک ایسته مدیکندن اوله غ قباحتمز
 اولدیغنی کوسترمک ایچون سرایه دوندی، صوکره برقوؤ

[۱] بولکله نك معناسی بیامه یورم. اکابر، رؤسا معناسی افاده
 ایتدیکنی ظن ایلورم. [باسقاق، مغولجه در شجنه و محافظ
 معناسی در مکرمین]

[۲] خلقت عالمک ۶۷۹۲ نجی سنه سنده.

عسکریه ایله عودت ایتدی . بونلر سیویاتوسلاسی اولدیردیلر .
فقط برآز صوکره اوله اغ ایله ایکی چو جو غی ، سیویاتوسلاسیک
اوغلی آلکساندر طرفدن قتل ایدی .

پاخمیره

بوتاریخلرده ، بومو غوللرک طونه جوارلرنده ساکن اولانلری
بلغارستانی کچهرک بویوک براردو ایله تراکیا و ماکدونیا
کیردیلر . مسمبری والیسی کندیلرینی پوسکورتدی . بوسیراده ،
پک صا غلام اولمایان و باشلیجه قوماندانلرینک حرص جاهی
یوزندن متصل تزلزله اوغرایان برتختده اوتورمقدن جانی
صیقیلان خان یکنی تولا بوغا لهنده حکومتدن فراغت ایتدی
وطاعات و عباداته حصر نفس ایتدی [۱] . اولکی دور سلطنتک
صوکره سنه لرنده بوتون حکم و نفوذی الده ایتش اولان یکی
خان براکیکی اولان عنوانی آلمقدن باشقه برشی قازانمش
اولمادی . بدایت سلطنتده خلقی مستغرق مصائب ایتش اولان
بویوک بر قیطلق کندیلرینی پولونیا یه آقیتلر یامغه مجبور
ایتدی . روسلرک سوق و دلالتیه لوبلین قطعه سنه ،
صوکره ماسووی قطعه سنه کیردیلر . بوراده هر شیئی قان
و آتش ایچنده براقدیلر . اورادن ساندومیر الکاسنه کچدیلر .
بونیده عینی صورتله تخریب ایتدیلر . فقط شهری ضبط ایده .
مدیلر . بو صورتله قاراقووی یه قدر ایلریله دیلر [۲] . لهستان

ابوالفدا

۱۲۸۷

فرورمه

[۱] ۶۸۶ تاریخ هجریسنده .

[۲] نوئل یورطیلرینه دوغرو .

قرالى لسقوسى مجارستانه قاجغه مجبور ايتديلر . مهم مقدارده غنائم آلدقن صوكره ولاديميره دونديلر . اوراده لهستانك غنائمى آرالرنده پايلاشديلر . يكرمى بيك قيز ذوق وصفالرينى تأمين ايجون آيريلدى . متباقيسى قادين ، اركاك ، چوجوق هپ قتل ايديلدى . روستوف الكاسنه چوق مقدارده ياييلمش اولان بو موغوللري ده مه تريوس بوريس-ووچ على الغفله باصدى . شهرى ضبط ايتدى ۱۱۱ . اهالينك يارديميله كنديلرينى قوودى .

سنه

۱۲۸۹

۱۲۹۱

ابوالقدا
تاتارلرك تاريخ
عموميىسى
پاخيميره

بر قاج سنه صوكره ۱۲۱ تولا بوغا، ناغايا [۳] طرفندن قتل ايديلدى . ناغايا قاقچاق تخته تولا بوغانك قارداشى توغتاغو [۴] = توقتوي چيقاردى . بو حكمدار تودان منكونك زمان سلطنتنده حياتى قورتارمق ايجون مملكتى تركه مجبور اولمشدى . موقعنى تحكيم ايدر اتمز كنديسنه خانلغى تأمين اتمش اولان نوغايا عليهنه دوندى . نوغايا ايمپراطورلقدە يك بويوك بر نفوذ و قدرت صاحبي اوليوردى . امرى آلتنده متعدد اردولر واردى . خاندن تاميله مستقل اوله رق ياشايور-لردى . توغتاغو اونك آمال حريصانه سنه سد چكمك لازم

[۱] خلقت عالمك ۶۷۹۷ نجى سنه سنده .

[۲] ۶۹۰ تاريخ هجري سنده .

[۳] نوغايا موغولك اوغلى ايدى . اوده توشى خلك اوغلى تاتارك اوغليدر . نوغايلى نامى احتمالكه اوندن قالمشدر .

[۴] پاخيميره كنديسنه توقتايس ؛ هايتون هوقتاي ؛ پتى توقتا ياخود بلغابا ديور . له زامان روسيه نده توشوا ديه محرردر .

کلیکنه حکم ایدەرك كندیسنه قارشى يورودی ، بویوک بر
محاربه وقوعه کلهرك بونده نوغایا [۱] مغلوب اولدی ومقتوللر
آراسنده نعشی بولوندى . تبعه سنك قسم اعظمى خانه عرض
آنال روسیەن تابعیت ایتدیلر . کوچوک بر قسمى نوغایانك اوغلى چاقایه
صادق قلدیلر . او تاریخده روس پرنسلى آراسنده پك چوق
نفاق واردی . بونلر موغوللرك حمایه سنى الده ایتك ایچون پك
چوق اوغراشیورلردی . آندره آلکساندروویچ بر چوق
پرنس ایله برلکده ، برادری دهمه تريوس علیهنده شکایت ایتك
وخانك روسیه یه عسکر کوندرمه سنى رجا ایله مك ایچون خانك
سراینه کیتدی [۲] . یغمادن وتخریبدن باشقه بر شی دوشومەن
موغوللر بوفرستدن استفاده ایدەرك ، روسیه کندیلرینك تحت
تابعیتنده اولمقله برابر خانك برادری دودنى بر اردو ایله
اورایه کوندردیلر . موغول اردوسی آز وقت ایچنده ولادیمیر ،
سوسدال ، موروم ، پریاسلاوی ، قولومنا ، موستووود ، موزلاسق ،
وولوق ، دیمیترو ، پولو ، اوغلیچ شهرلرینی تخریب ایتدی .
نوووغورود پاره قوتیله کندیسنی قورتارابیلدی . بو باربارلر
لهستانه کیردیلر ، ساندومیر حوالیسنى تخریب ایتدیلر . دیگر

۱۲۹۳

[۱] ابوالفدا بولک وفای ۶۹۹ تاریخنده کوستریور . جدوللرده
بنده بونی قبول ایتدم . فقط پاحمیره یه نظراً دهامقدمدر . یعنی
بوراده یازدیغم تاریخده وقوعه کلشدر .

[۲] خلقت عالمك ۶۸۰۱ هجری سنه سنده .

طرفدن ، پدريڭك حېن وفاتىندە ، اوغرا دېڭى ضايعاتى تلافى
 ايتىش اولان چاقا بولغارستانە كىردى . بولغار قرالى تر ترەس
 دھا اول مملەكتى تركايله ادرنەيە قاچىش ، اورادە صاقلانمىشدى .
 استانبول ايمپراطورى كىندىسىن آچىقدن آچىغە نزدينە قبولە
 حسارت ايدەمىوردى . چونكە هنوز بر حيات اولان نوغايك
 اعادە انجون اصرار ايدە جىكەندن قورقيوردى . چاقا تر ترەسك
 قىزىلە اولنمىشدى . فقط بو صهرىت اونارك برلشمەسنە هيچ
 ياردىم ايتەمىشدى . بالعكس موغول بوندن استفادە ايله بولغارستانە
 صاحب اولمىق ايتەدى . قاين برادرى اوقندىسلالاس ايله برلشدى ،
 اونىكە برلكدە ، پايىخت اولان طر نوەيە كىتدى ، اورادە اونی
 بولغارستان قرالى اعلان ايتدى .

قرومر

۱۲۹۴

پاخىمرە

موغوللار بر برلرلە حال حربەدە بولغان ايكي برادر آراسىندە كى
 كچىمىزلىكدن متولد اغتشاشاتدن استفادە ايله روسيەيى تخرىبەدە
 دوام ايتدىلر . آندره موسقوودايله تودر شەرلرىنى ضبط ايتمك
 ايتەدىكەندن [۱] موسقوودە پرنسى دانيەل ايله تودر پرنسى مىشل
 برلشدىلر و كىندىسىنى دوردىردىلر . موغوللارك صىق صىق
 يابدقلىرى آقىنلر كىف پرنسى ماقسىم متروپولىتەنى بوتون هيئت
 زھبانيە برلكدە ولادىمىرە چكىلمكە مجبور ايتدى [۲] . خان ،
 چاقا و تاقا قاردىشلر آراسىندە كى نفاقدن دە استفادە ايتدى . تاقا

۱۲۹۶

۱۲۹۷

پاخىمرە

[۱] خلقت عالمك ۶۸۰۴ نجى سنە سىندە .

[۲] » » » ۶۸۰۵ » » »

ابوالفدا
۱۳۰۰

برادری طرفندن قتل ایدیلشدی. صو کره تونغوز چاقیه هجوم
ایدرك صوك بر محاربده مغلوب اولونجه کیدوب توغتاغو =
توقتودن امداد استرحام ایتدی. بونک اوزرینه چاقا بولغارستانه،
کندیسنه تابع اولان اوقندی-اسلاک نزدینه قچدی. چاقا،
بولغارستان قرالک امریله طر نودده محبوس بولوندیغی صیرهده
خان اونک بوتون ممالکنی ضبط ایتدی. بولغارستان قرالی
مؤخر اچاقانی بعض یهودیلره بوغدیرتمشدر. اونک وفاتی قاپچاق
ایمپراطور لغنده سکونی اعاده ایتدی. قاپچاق قطعہ سی تمام آخانک
تحت حکمنه کیردی. عینی زمانده، ایستر نهرینک اوتہ طرفنده
اقامت ایدن آله نلر بواقوامک تجاوزات وتعدیاتنه آرتق تحمل
ایده مدکلرندن استانبول ایمپراطوری آندرونیک پاله ثولوغه
مراجعتله، کندیلرینه باشقه بریر تخصیص ایتمه سنی رجایلدیلر.
بونلر نوغایایه مربوط بولونقلری وای عسکر اولدقلری جهتله
ایمپراطور آله نلری موغوللاره برسد تشکیل ایتک اوزره آسیایه
یرلشدیردی.

نيسه فور
پاخير

۱۳۰۱

آنال روسیه ن

ایرتہ سی سنه توغتاغو (توقتو) روسیهده مهم برمغلوبیتہ
اوغرا دی [۱]. اردوسی پره یاسلاوی قربنده موسقوود پرنسی
دانیل طرفندن پریشان ایدیلدی. دانیل موغول عسکرلرینک
برچوغنی اولدیردی و موغول اردوسنده بولونان ره زان پرنس
قونستانقینی اسیر آلدی. بر آاز صو کره غراندوق آندره

[۱] خلقت عالمک ۶۸۰۹ نجی سنه سنده .

آلكساندروويچ وفات ايدنجه [۱۱] ميشل ياروسلاويچ ايله ژورژ دانيه لويچ خاك سراينه كيتديلر. ايكي سي ده بو عنواني كنديسي الله ايتك ايسته يوردى . ميشل غراندوق اولدى [۱۲] .

۱۳۰۵

مؤخرأ ۳۱ خان وفات ايتدى . خان، نوغايا ايله حرب ايتديكي صيرازده ايمپراطور آندرونيك طبيعي كريمه سي ماريا ايله اولمك فكرينه دوشمىدى . بو حكمدار مارياني كنديسینه يوللامىدى .

۱۳۰۸

مع مافيه بواز دواچك عقدني تأخير ايتمش ، آنجق حربدن صوكره موافقت كوسترمىىدى . وفاتندن صوكره يرينه اون اوچ ياشنده اوغلى اوز بك خان [۴] كچدى . بو ، شرقده يك مشهور بر حكمدار در . تبعه سي كنديسني او قدر سوديلر كه اسمني طاشيمق ايسته ديلر . اوتارنخدن برى كنديلرينه اوز بككر دئير . فقط بو اسم يالكرز ماوراءالنهر طرفلرينه دوغرو يرلشمش اولانلر د اطلاق ايديلمكده در . اوز بك خان اسلاميتك حاميسي اولمش ومملكتمده اسلاميتي اعاده ايتمىدر . پايتختي اون سراي شهرنده محتشم برجامع ياپديرمىدر . غراندوق ميشل ياروسلاويچ ايله متروپوليتهن پيه رتخته جلوسندن صوكره عرض تبريكات ايچون سراينه كيتديئر [۵] . اورادن امداد آله رق

[۱] خلقت عالمك ۶۸۱۲ هجى سنه سي تموزينك ۲۷ سنده

[۲] « ۶۸۱۳ هجى سنه سنده

[۳] « ۶۸۲۱ هجى سنه سنده

[۴] « له زانال روسيه ن » ده اسمي اوزياق در . سيترسموند در بشتاي آسيك ؛ پتي ايسه ارتك ديور .

[۵] خلقت عالمك ۶۸۲۱ هجى سنه سنده .

تاتارلرك تاريخ
عمومي سي

دوندیلر ۱۱ . بوقوۋ امدادییهی نوووغورود شهرینه قارشى
قوللاندىلر و بونىكله مذکور شهرک براسى اولان آتاناسى تورسەسق
شهرى قربىندە بوزدىلر . بوشهرى ضبط ايتدىلر ، آتاناسى
تودره کوتوردیلر . ۱۳۱۵

روسىه اوزمان الیم براسارت آلتىدە ايكله يوردى . اکثرىا ،
روسىه نىك ايلرى كلنلرى اللرنده كنى محافظه ايتىك و دشمنلرىنى محو
ايله مك انچون موغوللارى جالب ايدرلردى . بونلردە مملكتده
برچوق فنالق ياپارلردى . بازيل قونستانىنوويچك كتىردىكى موغوللر
يوزندن ۱۲ روستوف قطعەسى دورلو دورلو تعديت و تجاوزاته
معروض قالدى . ايرتەسى سنە ۱۳ اژورژ دانيلويچ غران دوقەلغى
ضبط ايتىك ايستەيەرك بر موغول اردسىلە كلدى ، تودرك
قرق و درست مسافە سىندە ميشل ياروسلاويچ ايله بويوك بر محاربه يە
كېرىشىدى . خانك خرىستيان دينى قبول ايتىش اولان همشيرەسىلە ۱۴
اولىنىشىدى . مغلوب اولدى . اسير دوشىن برادريە زوجەسى
تودره کوتورلدى . بورادە پرنسس تسميم ايدىلدى ، دفن
اولونمق اوزدە روستوفە نقل اولوندى . ژورژ نوووغورودە
قاچدى . اورادە ، خانك سرائىنە كىدەرك غراندوقەلق
اوزرندەكى حقارىنى ايضاح و مناقشە ايتىكە ميشل ايله برابر

[۱] خلقت عالمك ۶۸۲۳ سنە سىندە

[۲] » ۶۸۲۴ »

[۳] » ۶۸۲۵ نجى »

[۴] اسمى قولغا اقايدى . وافتيز ايدىليركن اسمى آغات قوللىشدر .

قرار ویردیله . بواثناده خان روسیهیه قوماندانلرندن برینی
کوندردی . بوقوماندان برچوق تعدیاتده بولوندی ، کلیس-الرك
قسم اعظمی یغما ایتدی [۱] . صوکره میشل یاروسلاویچ
سراینده اولدیریلدی . ژورژ دانیلویچ غراندوقهانی ضبط
ایچون روسیهیه کچدی . فقط بونی خاندن آنجق اوچ سنه
صوکره استیصال ایده بیلدی . یالکیز اوچ سنه غراندوق
اولا بیلدی . بو عنوانی کندیسنه ویردیرمش اولان دهمه تریوس
میخایلوویچ طرفندن قتل ایتدیرلدی . خاندن اونک انتقامی
آلق ایچون صوکره دهمه تریوسی اولدیرتدی ۱۲۱ .

۱۲۳۶
آناروسیه
۱۳۲۷

اسلامیته غایت مربوط اولان و بودینی بوتون روسیهده
نشر ایتمک فکرینی بسلهین اوزبک خان روسیهیه بویوک
براردو کوندردی ۱۲۱ . بواردوتوده آلكساندر میخایلوویچ
هجوم ایدجك ، بو پرندسکی اله کچیردجك و بوتون شهرلری
موغوللار آلاچقدی . قوماندان ، توده کیردی . بریورطی
کوشنده بورانك تکمیل اهالیسینی قتل عام ایتدیردجکدی .
فقط آلكساندر کیفیتدن خبردار اولونجه تبعه سنه سلاح توزیع
ایتدیردرك اونلری آياقلاندیردی . بوتون کون بوشهر داخلنده
حرب ایدیلدی . موغوللار مغلوب اولدیلر . معیتنده کی بعض
کیمسه لرله میشل یاروسلاویچک سراینه قاقچش اولان

[۱] خلافت عالمك ۶۸۲۶ نجی سنه سنده .

[۲] » ۶۸۳۴ » »

[۳] » ۶۸۳۵ » »

قوماندانلری اوراده احراق اولوندى . خان در حال غراندوق
ایوان دانیه لوویچی تودری محاصره ایچون یکی براردو ایله
اعزام ایتدی . موغوللر بوشهری وصو کره قوزین شهرینی
ضبط ایلدیلر . سائر شهرلرک کافه سنی تخریب ایدرک سکنه لرندن
بر قسمی اولدوردیلر . آلیکساندر میخایلوویچ ایله قارده شی
پله سقوفه قاچدیلر . دیگر بر موغول قولى نوووغورود اوزرینه
يورودی . اهالیسی حیاتلرینی بویوک بر مقدار پاره ویره رک
قورتاردیلر . آلیکساندر چکیلدیکی یرده اون سنه قالدی .
نهایت ، سرایه کلمک مساعده سنه نائل اولدی [۱] . بو اثناده
خان ایران طرفنده حرب ایله مشغولدی . بو سفردن عودتنده
روس پرنس لرینک قسم اعظمی سراینه کیتدیلر یاخود اوغللارینی
کوندردیلر . او زمان تولوبک ، رفاقتنده ره زان پرنسی ژان
قروتوپول اولدیغی حالده کیدوب روسیه ده ویرکو طوپلامغه
مأمور اولدی . غران دوق ایران عسا کرینی کنديسنه کوندرمک
اضطرارنده قالدی . روس اکابرندن برخیلیسی موغول قرالنک
امریله اعدام ایلدیلر . موغول قرالی صو کره سرایه عودت
ایتدی . ایرته سی سنه غران دوق ایوان وفات ایتدیکی جهتله
[۲] اوغلی سیمه ثون خانک نزدینه عزیمتله غران دوق عنوانک
کنديسنه توجیهی استرحام ایتدی . بوکا نائل اولدقدن صو کره

سنه
۱۳۳۵

۱۳۴۰

[۱] خلقت عالمک ۶۸۴۸ نجی سنه سنده .

[۲] " ۶۸۴۹ "

ولادیمیر غودتله غران دوقه لغه صاحب اولدی ۱۱۱ . بواشاده
اوزك خان ده وفات ایتشد .

سنه

۱۳۴۱

اوغللری تختی اله کچیرمک ایچون منازعه ایتدیله . فقط
جانی بك Djianibek ایکی قاردهشی، تین بك ایله قیدیربکی،
اولدیرته بیله جك درجه ده صاحب قدرت اولدیغندن حکومت

۱۳۴۲

صاحب اولدی . بو حکمدار غایت آتشین براسلامیت طرفداری
ایدی . غایت فضیلتکار و دیندار اولمقله مشهوردر . ایمپراطورلق
تختنه جلوس ایدنجه غران دوق سیمه ثون ایله متروپولیتنه تهوغنوست
عرض تبریکات ایچون سراینه کیتدیله . بو صیراده خان
پره یاسلووی بی محاصره ایتدیریور ، كرك اورادن كرك بوتون
رهزان قطعه سندن ایوان قروتوپولی طرد ایتك ایسته یوردی .

موغول قوماندانی قیندیاق اوزون بر محاربه دن صو کره شهری
ضبط ایتدی ، اهالیدن بر چوغنی اولدیردی وعظیم مقدارده
اسیر آلدی . صو کره ، لهستان قرالی قازیمیر سیلزیاده مشغول

اولدیغی صیراده بعض غیر ممنونلر طرفندن دعوت ایدیله بو

۱۳۴۳

موغوللر لهستانه کیردیله . فقط قازیمیر مملکتک امدادینه
قوشدیغی جهتله بو باربارلره ساندومیر اووالرنده راست کلدی،
ویستول هرینك کچیدنده اونلری دوردیردی . موغوللر لوبلن
طریقیه عودت و کچدکلری یرلری تخریب ایتدیله .

او تاریخده لیتوانیا قطعه سی آریجه پرنسلره تابع ایدیله . آنال روسیه ن

بوتار روسلار ك دشمنی اولدقلرندن جانی بك خانك حمایه سنه طالب
بولونیورلردی . باتو بوتون روسیه یی تخریب ایتدكدن صوكره
سموانسقوده حكمران اولان روستیلاف مستیسلاویچك عائله سندن
پرئس ساموژیته قاجش ، اوراده آریجیقله اشتغال ایدن
برآدمك قیزی آلمش واولاد براققسزین وفات ایله مشدی .
طول قالان زوجیه سی ژهدیمین اسمنده بریله اولنهرك بوندن
یدی اوغول صاحبی اولدی ۱۱۱ . ۱۳۴۷ تاریخنه دوغرو
ژورژ دانیه لوویج ، خان سراینه عودت ایدنجه ، داغیلش
اولان بوتون اهالی یی طوپلامق وخراب اولمش شهرلری
تعمیر اتمك ایسته دی . برچوق كشی بو ژهدیمینك اطرافنه
طوپلاندىلر . ژهدیمین وولینی وورانی قطعه سنده یوره ق اسمنده
بریله یاپدیغی محاربهلرده بویوك برشهرت قازانمشدی . جوار
ملتلردن آلدیغی غنائم حسیله عظیم برثروت صاحبی اولمشدی .
ایشته طرفدارلری اونى ایلک لیتوانیا دوقه سی اعلان ایتدیله .
روسلر بوكا ممانعت ایدمدیلر . ۱۳۴۰ تاریخنده وفات ایتدی .
یرینه ایکنجی اوغلی قاریمانتيق كچدی . موغوللره قارشى یاپدیغی
محاربده اسیر دوشدی . صوكره غراندوق ایوان اونى پاره
مقابله ده موغوللاردن آلدی . بونی وافتیز ایتدیردی و كندیسنه

[۱] ۱ — مونتوویتیق ؛ ۲ — قاریمانتيق ، ۳ — أونوتیق ؛

۴ — شاجردیق ؛ ۵ — قستوتیق ؛ ۶ — قورنادیق ؛ ۷ —

ایوبورتیق .

غلبه ب اسمنی ویردی . بونك اوزرینه اسکی تبعه سی اونی
 طانیق ایسته مدکارندن نوووغوروده قاچدی . بوسیراده ،
 برادری اولدیغی سویله ن اولژررد لیتوآنیایی ضبط ایتدی .
 بوپرس اوسنه ۱۱۱ برادری قوروادی غراندوق سیمه ثونه
 قارشى امداد طلب ایتك اوزره خانه کوندردی . فقط جانی بك
 قوروادی سیمه ثونك سفیرلرینه تسایم ایتدی . اونلرده کندیسنی
 موسقووايه کوتوردیلر . موخرآ اولژررد موغوللاری پودولیا
 نامی ویریلن آشاغی روسیه نی تخریبه کلمکه تشویق ایتدی .
 بوراسی اوزمان لهستان قرالی قازیمیرك تحت حکمنده ایدی .
 برآز صوکره غراندوق سیمه ثون وفات ایتدی ۱۲۱ . ایوان
 ایوانوویچ درحال خانك سراینه کیده رك غراندوق عنوانه
 نائل اولدی . خان ، بعض روس پرنسیری آراسنده چیقان
 منافرتی یاتیشدیردی ، صوکره ایوان ایله حربه کیتدی .
 اوراده ، تیمور طاشك اوغلی ملك اشرف آزریجانی ودهاساثر
 بعض ولایتلری ضبط ایتشدی . خان بوغاصبی مغلوب واتلاف
 ایتدی . اورالردن عظیم غنائم ایله عودت ایلیه رك بونلری
 عسکرلرینه داغیتدی . یکی فتح ایتدیکی بوممالیکی اوغلی بیردی
 بکه براقدی . فقط مملکته عودت ایدر ایتمز خسته لاندی
 و ترك حیات ایتدی ۱۳۱ .

قروم
 آنال روسیه ن
 ۱۳۵۱
 تانارلرك تاريخ
 عموميسي
 ۱۳۵۵

۱۳۵۷

[۱] خلقت عالمك ۶۸۵۷ هجری سنه سنده .

[۲] « ۶۸۶۱ سنه سی حزیرنده .

[۳] ۷۵۸ تاریخ هجریسنده .

ایرانده پک مشغول اولان بیردی بک تخته تصرف ایتک
اوزره درحال قاپچاغه کیده مدی . تختی کندی عهدہ سنده
تأمین ایچون عائله سندن بوتون شهزاده لری قتل ایتدیردی
وسفاهتی یوزندن بوتون تبعه سنک نفرتنی قازاندی . محمد خواجه بی
روسیه ده ره زان الکاسنده تخریبات اجرا سنه کوندردی [۱] .
فقط ایوان ایوانوویچ بوقوماندانی کری پوسکوریدی . محمد
خواجه خانک پک توجهی اولان برنی اولدیرتمش اولدیغندن
دولایی صوکره سرایده قتل ایتدیرلدی . بیردی بک اوزون
مدت حکومت ایده مدی . سوردیکی حیات سفیهانه باعث موتی
اولدی [۲] . کندیسیله منکو تیمور خان نسلی سوندی . برادری
قیلدی بک [۳] هیچ صایلمایور . چونکه تخته چیقماسی ایله
وفات ایتمه سی بر اولدی . نوروز خان کرک کندیسی کرک ایکی
اوغلنی اولدیرتدی . نوروز خان جانی بکک اوغلی اولمق ادعا
سنده ایدی . بونی ده چوق کچمه دن حضر خان [۴] اولدیرتدی .
حضر خان ولادیمیر غران دوقاسی عنواتی قناز ده متریوس
قونستانینوویچه ویردی [۵] .

سنه

۱۳۵۸

۱۳۵۹

۱۳۶۰

قاپچاق خانلرینک سرایی اوتارینخده تفاق واغتاش ایچنده

[۱] خلقت عالمک ۶۸۶۶ نجی سنه سنده .

[۲] « ۶۸۶۷ نجی سنه سنده و عجزتک ۸۹۶ نجی ییلنده .

[۳] روسلر کندیسنه آسقالپا دیرلر .

[۴] « شیدار یاخود شیدیر دیرلر .

[۵] خلقت عالمک ۶۸۶۸ نجی سنه سنده .

ایدی . شهزاده لر تختی اله کچیرمک ایچون غوغا ایدیورلر ،
تخته چیقیورلر ، چوق کچمه دن سلطنتدن محروم ایدیورلردی .
بعضیلرینک روایتجه حضر خان اوغلی تیمور خواجه طرفندن
قتل ایتدیرلمشدر . اوده انجق یدی کون حکومت سورمشدر .
صوکره آمارات- که اغلب احتماله کوره مرادا* اوله جقدر-
خواجه خان اسمنده برخان کورولیور که غراندوق عنوانی
دهمه تریوس ایوانوویچه ویردی . دیگر بر روایتہ نظر آ تیمور
خواجه تمنیک مامای طرفندن تختدن ایندیرلمشدر . بواغتشاش
زمانلرندہ کی شو جلوس کیفیتلری قدر مشکوک و غیر محقق
برشی یوقدر . بوتمنیک مامایک حقیقی اسمی نه اولدیغی بیلمه-
یورم . بوایمپراطورلغک بر قسمی اونک عہدہ-ندہ قالمشدر کی
کورونیور . ہر حالده اوروس حقیقی قاپچاق خانی تلقی ایدیلکدہ در .
جنکیز خان نسلندن کلمش باداقول اوغلانک ۱۱ اوغلی ایدی .
اوروس ، دہمه تریوس ایوانوویچک غراندوقہ لق عنوانی تأییدایتد-
کدن صوکرہ [۲] توغای اسمندہ بر قوماندانی رەزان الیکاسنہ
کوندرمکدن خالی قالمادی ۱۳ . پرہ یاسلاوی شهری موغوللر طرفندن
احراق اولوندی . صوکرہ بعض روس برنسلری موغوللری مغلوب
ایتدیلر . بایرام ہوسی طرفندن سرایدن کوندریان حسن نیشرنی نووو-

[۱] ابن خواجه ابن اوز نیمور ابن توغای تیمور ابن توشی خان .

[۲] خلقت عالمک ۶۸۷۲ نجی سنہ سندنہ .

[۳] خلقت عالمک ۶۸۷۳ نجی سنہ سندنہ .

[*] میرداد .

سنہ

۱۳۶۱

تاتارلرک تاریخ
عمومیسی
آنال روسیہن

۱۳۶۴

۱۳۶۵

غورود پرنسلكنى بوريى قونستاننوويچە ويردى . برقاچ سەنە
 صوكرە يەنە سىراي طرفىدىن كوندريلىن [۱] بولوق تيمور وولغا
 ساحلىدەكى حوالىنى تخرىب ايتىدى . فقط دەمە تريوس قونستاننوويچ
 ايله برادري بوريى كنديسە قارشى عسكر چىقاردىلار دىن اونى پيانا
 نهرينك اوتە طرفىگە جىلمەكە مجبور ايتدىلار . صوكرە بوموغوللار
 حاجى خواجەنك قومانداسى آلتەدە ، سوسدال پرنسى
 قناز دەمە تريوس قونستاننوويچ طرفىدىن كوندريلىن بوريى
 وبازىل ايله برالىكەدە بولغار قنازى ياخودقرالى اوسان اوزرىنە
 يورودىلار [۲] . بولغار قرالى عرض انقياد ايتىك بوموغوللار
 برچوق هدايا ويرىك ايله برابر بوموغوللار يەنە كنديسەنى خلع
 ايتدىلار ، يرينە اوغلى سلطان باقىنى چىقاردىلار . بو ائىئادە
 دىكر بوموغول مرخى اولان صارى خواجە روس پرنسلىرى
 يعنى غىراندوق دەمە تريوس ايوانوويچ ايله ميشل آلكساندروويچ
 آراسىدە حكىم سورن اختلافى تسكىن وازالەيە چالیشدى .
 ميشل آلكساندروويچ ليتوانىيادە بولوندىغى صيرادە دەمە تريوس
 كنديسەنك بعض شەرلرىنى ضبط ايتىشىدى . آرا لىندەكى اختلافك
 سەببى بو ايدى . ميشل ، خانك سىراينە التجا ايدىرك غىراندوق
 عنوانى استحصال ايله مشىدى . فقط دەمە تريوس كنديسەنى
 ايكنجى دفعە ليتوانىيە قاچىغە مضطر براقشىدى . بونك

سەنە

۱۳۶۷

۱۳۷۰

[۱] خلفت عالمك ۶۸۷۵ نجى سەنە سەندە

[۲] » ۶۸۷۸ » »

اوزوینە ، لیتوآنیا دوقەسى اولژەرد طرفندن مظاهرت
کورن میشل دەمه تریوسی صلحه ارضا ایدە بیلەجک حاله
کلدی و صوکره خانک سراینه کیتدی . اوراده غران دوق
عنوائی استحصال یولنی بولدی ، تکرار روسیه یه کچدی .
فقط ولادیمیر سکەنەسى کنديسنى قبول ایتدیله . دەمه تریوس
روستوف پرنسی قناز آندره ایله برلکده سرایه کیتدی .
اوراده عینی موقع کنديسنه ویریلدی [۱] .

سنه
۱۳۷۱

ایشته روسیه ده بوموغوللارک بوقدر حکم و نفوذی واردی .
غران دوق عنوائی ایستە دکلی کی توجیه ایدە بیلیرلردی .
روس پرنسلی اولنلرک امرلرینی اجرا ایتک مجبوریتندە ایدیلر .
فقط چوق کره ایچلرندە بوامرلره مقاومت ایتک و ویرکو
طوپلامغه کلن موغول قوماندانلرینی اولدیرمک جسارتی
کوسترنلرده بولونوردی . ایشه نیژنی نوووغورود سکەنەسى
بویله یاپدیلیر ، معیتلرندەکی بیک موغول ایله برابر بعض
موغول ضابطائی اولدیردیلر [۲] . ایرتەسى سنه موغوللر
کلەرک قازینی یاقدیلر . تکرار غران دوق عنوائی استحصال
ایدن میشل ، دەمه تریوس عایینده عسکر طوپلادی .
بوتون بونفاقلر موغوللر ایچون پک فائده لی ایدی .
چونکه روسلر آلتندە ازیلدکلی بویوندوروغی سیلکمک

۹۳۷۴

۹۳۷۵

[۱] خلقت عالمک ۶۸۷۹ نجی سنده

[۲] ۶۸۸۲

ایچون قوللانه بیله جکلری قوتلری بربرلینه قارشى استعماله مجبور اولویورلردی. روسلر بوندن باشقه برچوق اشقیایه قارشى حرب ایتک مجبوریتندە ایدیلر. بونلر موغوللر طرفندن مظاهرت کوردەك هر طرفه آقینلر یاپیورلردی. نیژنی نوو و غورودده برچوق اشقیا واردی. بونلر یکریمی سفینهیه را کبا کیدوب قوستروم شهرینی یغما ایتدیلر. اورادن بولغارستانه کچیلر، صوکره آستراقانه کلدیلر. اوشهرده حکمران اولان سالزردی کندیلرینی محو ایتدی. بو قراللقدن ایلک دفعه اوله رق بحث ایدیلیور. آرتق قاپچاق ایمپراطورلغندن آریلش کی کورونمکده در. بو اقوام آراسنده کی اغتشاشات بویله انقساملر تولید ایتک ضروری ایدی.

قانارلرک تاریخ
عمومیسی
شرف الدین

جنکیزخان عائله سی شهزاده لرندن توقنامیش اوغلان [۱]
اوروس خانی سلطنتندن طرد ایتک تشبثنده بولونمشسده، معلوب اولمش، ماوراءالنهرده حکمران اولان تیمورلنک نزدینه قاجمغه مجبوریت حس ایتمشدی [۲]. تیمورلنکی سمرقندده بولدی. اوراده شرفه بویوک شندکلر یاپلدی. تیمورلنک بر چوق هدیه لر ویردی. کندیسنه شابران، اوترار، صغناق، سرای الکالریله قاپچاق ایمپراطورلغنک دها سائر بعض شهرلرینی

[۱] ابن تولى خواجه اوغلان، ابن صارتيسا، ابن اوزتيمور، ابن توغای تيمور، ابن توشی، ابن جنکيز خان.

[۲] ۷۷۷ تاریخ هجریسنده.

توجیه ایتدی . توقتامیش بورالرده یرله شیر یرلشمز اوروس
خانك اوغلی قوتلوق بوغا کلوب کندیسيله حرب ایتدی .
براق اصابتيله مجروح دوشدیکی ومؤخرأ وفات ایتدیکی حالدہ
ینه توقتامیشی بوزدی . توقتامیش قاپچاق الکاسنی ترک ایلہ ایکنجی
دفعہ اوله رق تیمورلنك نزدینہ قاچدی . تیمورلنك اوکا یکی قوہ
امدادیہ ویردی وتکرار بو مملکتہ عودت ایدہ بیلہ جک حالدہ
کتیردی اوروس خانك دیگر اوغلی توقتای ، کندیسنك
قاپچاغی یکیدن استیلا ایتک فکريله شابرانہ عودتی خبر آلنجه
بعض امرانی طوپلادی . بونلر برادرینت انتقامنی آلمغه عزم
ایتمشدیلر . ایکی اردو آردسندہ بر محاربه وقوعه کلدی . توقتامیش
اردوسی مغلوب اولدی . توقتامیش بیک زحمتله سیحون ساحلنہ
واردی . صوکره یالکز باشنہ ، چیپلاق و مجروح بر حالدہ
بر اورمانہ قاچدی . اورادہ تیمورلنكک اید کو برلاس اسمندہ
بر امیری کندیسنہ راست کلہ رک بخارایہ کوتوردی .

تیمورلنك توقتامیشہ یکیدن عسکر ویرلمسنی امر ایلدی .
اونی قاپچاغه کوتورمک ایچون هرشي حاضرلامش اولدقلری
صیرادہ اوروس خان سرایندن و آق موغوللر عشرتندن اید کو
منکاب اسمندہ بر امیر کلدی . بو ، توقتامیش طرفنی التزام
ایدیوردی و اوروس خانك توقتامیشی آرامق ، تیمورلنكک
اردوسنہ هجوم ایتک ایچون عسکر لرینك باشنہ کچمش اولدیغی
خبرنی کتیریوردی .

عینی زمانده کپت منکور وتولوجان اسمنده ایکی سفیر مواصلت
ایتدی . بونلر خانك اوغلنی اولدیرمش اولان تو تامیشی
زردینه قبول ایتدیکندن دولای تیموره شکایت ایچون کلیورلردی .
توقتامیشك تسلیمنی ایسته یورلر وبوندن امتناع ایدرسه حرب
اعلان ایده جکلرینی سویله یورلردی . تیمورلنك حربی قبول
ایتدیکنی ، جسور عسکرلریله برابر دشمنه قارشى یورو مکه
حاضر اولدیغنی مغرورانہ بیان ایتدی . بو جوابی ویردکن
صو کره سیحون نهرینی کچدی ، اوترار صحراسنده اردو قوردی
[۱] . اوروس خان بورادن آنجق یکر می درت فرسخ مسافه ده
بولونان صغناغه کیتمشدی . اوچ آی دوام ایدن قارویاغمور ،
شدتلی صوغوقلر همان محاربه یه کیریشمک اوزره بولونان ایکی
اردویی بربرلرندن آیری طوتدی . بویله حرکتسزلك ایچنده
رخاوتہ دوشمکدن صیقیلان تیمورلنك ختای بهادر ایله محمد
سلطان شاهى بش یوز کشیلک بر مفرزه ایله اطرافى تخریبه
کوندردی . بوامیرلر اوروس خانك اوغلی تیمور . ملک اوغلانه
اوچ بیك سوارنی قوتیله راست کلدیلر واوونی بوزدیلر . تیمور
ملک اوغلان بو مصادمه ده آیاغندن یارالاندى . دیگر طرفدن
ختای بهادر مقتول دوشدی . مظفر عسا کری محمد سلطان
شاه کری کتیردی . در حال استکشافه چیقماق امری آلدی .
بر قاق اسیر طوتولدی . بونلردن اوروس خانك تیمورلنك

سنه
۱۳۲۹

مقاومتدن امیدینی کسهرك چكیلدیكنی، اردونك باشنده قاره كسی
 براقدیغنی خبر آلدیلر . تیمورلنك بوكا قارشى يورودی .
 قاره كسل تیموری بکله مکه جسات ایدمدی . تیمور عودت
 ایدرك قیش موسمنی كشه كچیردی . حربه چیقماق اوزره
 موسمك عودتنه انتظار ایدیوردی . بو صیراده توقتامیشه
 پیشدار قوتلرینك قوماندانلغی ویریلدی ورهبرخدمتنی کوردی .
 كشدن چیقادی . اون بش کون یولدن صوكره جیرام قامیشه
 واصل اولدی . بورایى قاپچاق شهرى ایدی . بوتون اهالى
 اویقوده بولونیورلر ، اونك مواصلتنی عقللارینه کتیرمیورلردی .
 بو شهرك یغماسی اردوسنه بر چوق بارکیر ، دوه ، قویون
 واسرا تأمین ایتدی .

عینی تاریخده اوروس خان ایله اوغلی توقتا قابانك وفاتی
 خبر آلندی . بو خبر تیمورلنكى قاپچاق خانى عنواتی توقتامیشه
 ویرمکه ویر اردو ایله اونى او الكاده براقغه سوق ایتدی .
 کندیسى سمرقنده دوندى [۱] . بو ائنده اوروس خانك
 اوغلی تیمور ملك قاپچاق ایمپراطورلغنی انه كچیرمش وبویوك بر
 اردو طویلامشدى . توقتامیشی مغلوب ایتدی . توقتامیش
 تکرار تیمورلنكك سراينه قاچدی . تیمور اونى درحال بعض
 امرالله [۲] رلكده صغناغه کوندردی . بونلراوشهرده کندیسنى

[۱] ۷۷۸ تاریخنده .

[۲] تومن تیمور اوز بك ، یخشی خواجه ، اوزبکتمور ،
 غیاث الدین ترخان ، بیکی قوجین .

قاچاق خانى اعلان ايتدىلار وموغول خانلىرىنىڭ جلوسىنىڭ جارى
اولان عادىتى توفىقا اوزرىنىڭ آلتون ومجوهرات سىپىدىلار .
تىمورلىك برآز صوكره ، تيمور ملك طرفىدىن اسير وبعدى تىمور
ايدىلار توقتامىشك ضابطىلارنىڭ اوردى تيمورلىك تيمور ملك
سفاھتى وامر ادا رىيە عدم دقتى حىبىلە تىمورلىك نىرىنى قازاندىغىنى ،
تىمورلىك توقتامىشى ايسىتىدىكى خىر آلەجە حىبە چىقىمىسى
ايچون توقتامىشە امر وىردى . توقتامىش قارىال قىرىندە
تىمورلىك عىسا كرىنە تصادىقلا اولىرى بوزدى ، يولە دوام
ايدەرك سىراى شىرىنى ، مامق الكاسنى ضبط ايتدى واز زمان
ايچىندە قاچاق الكاسنىە صاحب اولدى . مەمافىە بوتون قاچاق
زىر حىكىمە كىرمەشىدى . تىمورلىك مامى شىمال طرفىندە كى بعض
ولايتلاردا لآن طوتونىوردى . بوموغول رىئىسى قوماندانلارنىڭ
بىرى ۱۱ روسىيە كوندردى [۲] . عىسكىرلىرىنى طوپىلايان
غىراندوق دەمە تىمورلىك ايوانووىچ موغوللار قارشى يوردى ،
دوزا نەرى قىرىندە اولىرى مغلوب ۱۳۱۱ وقاچىغە مجبور ايتدى .
موغوللار بوتون آغىرلىقلىرىنى غائب ايدەرك تىمورلىك ماملىك يانە
قاچىدىلار . بو ، نائىب حكومت ياخسود وزير اعظم كى تلىق
ايدىلىوردى . اودىر جە صاحب حكومى و نىفوز ايدى كە عادىتا مستقىل

سە

۱۳۷۷

۱۳۷۸

آمال روسىيەن
شىرىسىموند
درىلو

[۱] اسمى بىيە جىزدر .

[۲] خلفت عالمك ۶۸۸۶ نىجى سەنىسەندە .

[۳] اغستوسك ۱۱ نە .

صایلا بیلیردی . بوهریمتدن غایت حدتلندیکی جهتله رەزان
الکاسنە یکی بر اردو کوندردی . بومملکتک دوقەسی اولەغ،
شەری ترک ایتمکە مجبور اولدی . شەردە احراق ایدیلدی .

سەنە
۱۳۸۰

صوکرە ۱۱، اولەغ تەنیک مامای ایله صلح یایمق یولنی
بولدی . لیتوانیا پرنسی یا کالون ایله یاپدیغی معاهدەدە کندیسنە
خەمت ایتدی . بومعاهدەنک برشرطی تەنیک مامایک روسیە یە
یکی بر آقین یایماسی ایدی . غراندوق دەمە تریوسە موغوللارک
کلەجکینی خەبر ویرن دساس اولەغ اولمشدر . غراندوق ایکی
یوز بیک کشی طویلادی . بو قدر بویوک براردو تەنیک مامای
قورقوتدی یا کالونک کوندردیکی قوۋۋ امدادیەنک ورودینە قدر
وقت قزانمق ایچون روسلارک جانی بک زمانندە تأدیە ایتدکلری
ویرکونک عیننی دەمە تریوس دە ویرمک شرطیلە صلحە راضی
اولدیغنی سویلەدی . فقط غراندوق صوک معاهدە نامەدن آیرلمق
ایستەمدی . بونک اوزرینە اولەغ تەنیک مامای طرفنی التزام ایتدی .
روسلارلە موغوللار آراسیندە بویوک بر محاربە وقوعە کلدی ،
بو محاربەدن صوکرە غراندوق کیدوب رەزانی ضبط ایتدی .
بر آز صوکرە تەنیک مامای توقتامیشە مغلوب اولدی .

۱۳۸۲

توقتامیش قوماندانلردن بعضیلرینی مظفریاتی پرنسلرە خبر ویرمک
اوزرە روسیە یە کوندردی . فقط بو وقعە روسیە دە یکی فلاکتلرە
سەبب اولدی . توقتامیش صوکرە بویوک براردو باشندە روسیە یە

کیردی ، اوقا نهرینی کچدی [۱] . غراندوق دهمه تر یوس
 کندیسنه قارشى دورمق اوزره یوله چیقمشدی . فقط روس
 پرنسیرینک قسم اعظمی کندیسنی تعقیبدن امتناع ایتیش اولدقلری
 جهتله یاروسلاوی به چکیلیمکه مجبور اولدی . بوتون موسقووه
 شهرى اغتشاش ایچنده قلدی . شهر اهالیسی کیمه نك دیشاری به
 چیقماسنه مساعده ایتک ایسته میورئردی . لیتوانیا پرنسی اوسته
 بورایه کیتدی . سکوتی اعاده ایتدی و اهالی بی مدافعه به اماله
 ایله دی . توقتامیش سرپوخوف شهرینی یاقدقدن صوکره نهایت
 موسقووه پیشکاهنه واصل اولدی [۲] . قورقو شهرده ینیه
 قاریش قیقلره سبیت ویردی . سرخوش اولان بعض کیمسه لر
 کیدوب روس اکابرینک اولرینی یغما ایتدی لر . مع مافیه اوسته
 موسقووه بی اوچ کون مدافعه ایتدی . فقط دردنجی کونی
 توقتامیش کلوب کندیسنی کورمه سی ایچون مساعده ایتیش
 و کندیسنه دوقونولما به جغنه سوز ویرمش اولدیغندن شهرک
 قاپسندن دیشاری چیقارکن خانک امریله قتل ایدیلدی . صوکره ،
 غراندوقک اوغللاری و سوسدال پرنسلری بازیل ایله سیمه ئون
 خلقی اوکلارنده صلیب و امانات مقدسه اولدیغی حالده توقتامیشک
 حضورینه کیتیمکه تشویق ایله دیلر . موغون خانى در حال شهره
 کیردی . شهرى یغما ایتد کدن صوکره یاقدی . اورادن ولادیمیر

[۱] خلقت عالمک ۶۸۹۰ نجی سنه سنده .

[۲] ۲۶ اغستوسده .

سویه نوغورود ایله موسائیش اوزرینه یورویه رک اونلری ده
 یغما و احراق ایتدی. اردوسنک دیگر بر قولی پهره یاسلاوی بی
 باقمغه کیتدی. فقط بعض موغول مفرزه لری وولوق
 قرینده بر اردوسی بولونان ولادیمیر آندریوویچ طرفندن
 قلیجدن کچیرلدیکی ایچون توقتامیش قوتلرینه اعتماد ایدمه مکه
 باشلا بهرق قولومنا شهرینی یاقدی، رەزانی تخریب ایتدی
 و چکیلدی. سراینه عودت ایدنجه سیمه ئونی غراندوقه کوندردی
 و بازیلی یاننده آلیقویدی. دیگر طرفدن، دهمه تریوس موسقوویه
 کیردی. بوتون اولولری دفن ایتدیرد کدن صو کره کیدوب دساس
 اوله غه عائد اولان رزان الکاسنی یغما ایلدی. اوزمان روس
 پرنسلی آراسنده او قدر عدم امتزاج واردی که توه پرئسی
 میشل آلکساندروویچ غراندوق عنوانی استیصال ایچون
 خانک زردینه کیتدی. دهمه تریوس بو عنوانندن محروم قالمق
 قورقوسیه روسیه یه عودت ایتمش اولان اوغلی بازیل ایله
 دیگر اوغلی ولادیمیری خانه کوندردی [۱]. دهها بعض
 روس پرنسلی ده خانک مظهر لطف و عاطفتی ارمق
 اوزره سرایه کیتدیله. بوریس قونستانینوویچ خان سراینده
 نیرنی نووغورود پرنسلیکی توجیه ایدیلدی. سرایدن قاچمه
 تشبث ایتمش اولان بازیل بوباربارلر طرفندن توقیف ایدیلدی
 [۲] ویک. سوء معامله یه معروض قالدی.

سنه
 ۱۳۸۳

۱۳۸۵

[۱] خلقت عالمک ۶۸۹۱ نجی سنه سنده و ۲۳ نیسانده .

[۱] خلقت عالمک ۶۸۹۳ نجی سنه سنده .

عینی تاریخلرده [۱] توقتامیش دربند طریقله ایرانه کیرمک
اوزره دوقسان بیک کشیک براردو کوندردی . بوکا بیق پولاد
ایله دهاسا سائر بعض امرا قوماندا ایدیورلردی . بوموغولار
آذربایجان کیردیلر ، کیدوب تبریزی آلدیلر . اوراده مسلمانلره
هیچ ایشدیلهدک مظلومه بولوندیلر ، مملکتی تخریب ایلدیلر
وبوتون ثروتلرینی آلدیلر . بو حرکت تیمورلنکک هیچ خوشنه
کیتمدی . بویکی حکمدار آراسنده کی نفاقک باشلانغی بوقعه
اولمشدر . فی الحقیقه ، توقتامیش ، عاقل امیرلرینک مصالحه لرینه
رغمأ ، یکی براردو طوپلایه رق تکرار دربند طرفه کوندردی .
احتیاط کارلقلری وعقل وتدبیرلری ایله تمیز ایتمش اولان علی
بک ، اورونق تیمور و آق بوغا بوتش بئشن خانی واز کچیرمکه
یهوده یره اوغراشمشلر و کندیسنی تخته چیقاران تیمورلنکه
مربوط قالماسنی توصیه ایلمشلردی . مطالعه لری شو ایدی :
« حس شکران سزی بوحر کته سوق ایتمزسه ، هیچ اولمازسه
طالعک برعکسیلکی کندیسنه بر کره دهاسا مراجعته سزی مجبور
ایده بیله جکنی دوشونکیز . کوردکلری اییکلری اونوتماق
حکمدارلرک شاننددر . تیمورلنک ایسه سزه پک چوق لطفده
بولوشدر » . توقتامیشه عظمت واقتدارندن بحث ایدن بعض
مجرم امیرلرک فنانصیحتلری توقتامیشده کی صوک بر تردد فضیله کا
رانه بیده احیا ایتدیلر . انسانیلرک قسم اعظمی کوردکلری

۱۳۸۷

اییلکی اونوتمغه طبعاً میالدیرلر . چونکه بونار ضعیف و محتاج بولونقلری زمانی سندیلرینه تخطر ایتدیرر . هله صوکردهن اکتساب ایتدکلی عظمت و قدرت آرتق باشقلرینک معاونته مفتقر اولمایه جملری ظنی ویریرسه ماضینک خاطر دسنی قلیلرندن پک قولایلقله سیلرلر .

اوتاریخلرده تیمورلنک ارمنستانده بردع جوارلرنده اولدیغی جهتله چوق کچمه دن توقتامیش عسا کرینک تشبثاته مقاومت کوستره جک بر موقعده بولوندی . توقتامیش اردوسی قور یاخود سیروس نهری یقینلرینه قدر ایلریله مشدی . تیمورلنک اردوسی بونهری کچدی . کندیلری هجومه باشلامق امرینی المشر دی . محاربه یه مجبور اولورلرسه مظاهرت ایده جک ایکنجی برفرقه موجودایدی . بواحتیاط بواردوی قورناردی . چونکه توقتامیش اردوسی همان کلوب اوزرلرینه صولت ایتمشدی . صیق براورمان تیمورلنک اردوسنک دشمنه قارشى سرباستجه یورویه بیلمه سنه مانع اولیوردی . بوندن دولایی کوستردکلی مقاومتیه رغماً مغلوب اولدیلر . فقط دیگر فرقه ایله میرزا میران شاهک مواصاتی هر شیئی تعمیر ایتدی . دشمن طرد و دربنده قدر تعقیب اولوندی . تیمورلنک حضورینه کتیریلن اسرایه توقتامیشک فناحر کتندن دولایی مؤاخذاتده بولوندی . دیدی که : «او علم کبی تاقی ایندیکم ، کندیسيله معااهده لریایدیغم بر حکدار بلا سبب بورالره کیرمه مک و او قدر مسلمانک وفاته سبب اولماق ایجاب ایدردی .

استقبالده بوجی حرکاتدن توقی ایتسون، برلکده عقدایتدیگمز
 معاهده نامه احکامنه رعایت کوسترسون، آرامزده تأسس
 ایده جک کبی کورونن اتحاد تام بوصورتله تکرار تأسس ایدر
 وقوت بولور. « تیمورلنک بو اسرایی سربست براقدی،
 مملکتلرینه قدر عودت ایچون لازم کلن معاونتده بولوندی.
 تیمورلنکک بو حسن معامله سی هیچ برتأثیر حصوله کتیرمدی.
 تیمورلنکی چغتای ایمپراطورلغنک برغاصبندن باشقه بر صورتله
 تلقی ایتمه ین توقتامیش عالیه سنک انتقامنی آلمق ایسته یوردی.
 اوئی طرد ایچون برصوک غیرت دهالراز ایتمه قرار ویرمش
 اولدیغندن ممالکتک هر طرفندن یکی براردو طوپلادی.
 بواردو روسیه، چرکستان، بولغارستان، قاپچاق وقریم
 عسکرلرندن ترکب ایدیوری. عسکر او قدر چوقدی که
 شاعرلر اردویی اک صیق آغاچلرک یاپراقلرینه واک شدتلی
 فیرطنه لرک یا غموردامله لرینه بکیزه تیورلردی. دشمنک یورویشندن
 خبردار اولان تیمورلنک پایتختندن چیقدی [۱]. سمرقنددن
 آلتی فرخ مسافه ده برکوی اولان ساغرو جده قرارگاه تأسیس
 ایتدی. موسم قیش ایدی. صوغوق او قدر شدتلی اولدی،
 او قدر چوق قاریاغدی که یوله دوام ایتک امکان خارجه
 چیقدی. مع مافیه ایلنغمش اوغلان توقتامیش اردوسنک پیشدار
 قوتلرینک قومانداسنده خجند شهری قریبده سیحون نهری

چكىدى وعجوق زرنوق قريه سى قريبنده قرار قيلدى. تيمورلنك اردوسى هنوز تماماً تحشد ائتمه مش اولمقله برابر تيمور، بار كيرلر كوكسنة قدر چيقان قارلر آراسنده يالكيز معيتنده كى عسكرله ايلرى يورودى. يولده ميرزا عمر شيخ اندكان عسكرلريله كنديسنه التحاق ايتدى. دشمنك آرقه لرينه دوشن بر موقعه اونلر ك خط رجعتنى كسمك ايچون بر قوت اقامه ايتدى. ايرته سى كون طلوع شمس ايله برابر قل عنبر تپه سنى كچهر ك دشمنك قارشيسنه كلدى. در حال محاربه باشلادى. توقتاميشك عسكرلرى مغلوب اوله رق سيحون نهرينه آتلايلر، ياخود تيمورلنكك پوصويه ياتير مش اولديغى عسكر ك اوزرينه دوشديلر. بك آزى قوتولدى. كيميسى قيايچدن كچريلدى، كيميسى تپه لندى. بو بويوك مظفريتدن صوكره تيمورلنك بهاره انتظاراً پايختنه دوندى [۱].

سنه

۱۳۸۹

موسم حر كات عسكرىه اجر اسنه مساعد اولور اولماز ميرزا ميران شاهك قومانداسى آلتنده كى خوراسان اردوسى قندز، بلخ، بقلان، بدخشان، ختلان، حصار شادمان ودها سائر ولايات عسكرلرى تيمورك قرارگاهنه كلديلر. تيمور عسكرينك مرورى ايچون، سيحون اوزرنده دوبه لردن متعدد كوپرولر ياپديردى. بو بويوك نهرى اوغللرى شهزاده لرله برابر كچد كدن [۲]

[۱] ۷۹۱ تاريخ هجري سنده،

[۲] ۷۹۱ سنه سى ربيع الاولنده.

صوكره ، پيشدار قوتلرينك قومانداسنى امير تيمور قوتلوق
 اوغلان ايله سونجك بهادره و عثمان بهادره و یردی . بونلر
 توقتامیشك كشافلرینی غافل یاقه لایه رق قتل ایتدیله . توقتامیش
 اوصیراده شابران شهرینی محاصره ایدیوردی . محاصره یی
 رفعه مجبور اولدی . یاش شهرینی یغما ایتدکدن صوكره کلوب
 جوارلرده کائن اولان کنیش صحرالرده قرارگاه قورمشدی .
 بوراده اوزون مدت فالمادی . تيمورلنكك تقریبی حوادثی بوتون
 اردوسنی داغیتدی . توقتامیش مملکتنه دوندی . تيمورلنك
 چغتای الکاسی کویلرندن آق صوماده قرارگاه قوردی . اورادن
 یرتیش نهرینك اسقا ایتدیکی ممالکه کیده رک حرب ایتدی .
 بوسفر نهایته ایرر ایرمز تيمورلنك فاپچاقه کیرمک قرارینی
 ویردی . ایجاب ایدن ارزاقك کافه سنی تدارك ایتدکدن صوكره
 سمرقنددن حرکت ايله ۱۱ طاشکندده قیشك صوکنی بکله مک
 اوزره خجندده سیحون نهرینی کچدی . بوصیراده معجزه
 کوسترمه که قادردیه شهرت بولمش اولان شیخ مصاحتک تربه سنی
 زیارت ایلدی . تهلکلی برخسته لق اوسنه تيمورلنکی اوراده
 آلیقویدی . فقط اکتساب عافیت ایدر ایتمز طاشکنددن
 حرکت ۱۲ ایدرک بوتون اردوسیه برلکده قراسمانه کیتدی .
 اوراده صالح عقدی ایچون توقتامیشك کوندردیکی سفیرلری بولدی .

سنه

۱۳۹۰

۱۳۹۱

[۱] ۷۹۲ تاریخ هجریسنده

[۲] ۷۹۳ تاریخ هجریسنده .

سفر او توقتامیش طرفدن تیمورلنکه برشونقار تقدیم ایتدیلر .
 یو برآو قوشیدر . بوندن باشقه دوقوز آت هدیه ایتدیلر
 و توقتامیشك مکتوبی و یردیلر . تیمورلنك مکتوبی لاقیدانه
 آلدی . مالی شو ایدی : « دائماً پدرم مقامنده بولونان ذات
 حشمتپناهیلرینك حقمده کی لطف و انعامی او قدر چوقدر که
 بونلری برربرد تعداده قدرتم یوقدر . کوستردیکم فنا معامله لری
 و بدخواهانه نصیحتلره قایلهرق کیریشدیکم حربك خاطره سنی
 اونو تمق قابل اولورسه ، حس ایتدیکم ندامت و دعوت ایتدیکم
 عار و حجاب سزی مرحمه کتیره بیلیرسه منته دارلغم برقات ده
 تضاعف ایده جکدر . بوصورتله حرکاتك فنا لغنی بوتون
 بوتون تقدیر ایدرک کندیمك نه اولدیغمی آ کلایه بیله جکم . بوندن
 بویله ذات حشمتپناهیلریله عقد ایده جکم معاهده نامه احکامنه
 مخالف حرکته بولونق شویله دورسون اونلری اجرا ایتمکی ،
 ذات حشمتپناهیلرینك او امرینه اطاعت و اظهارشکران و منت
 ایله مکی اقدام و ظائفدن عد یله یه جکم » .

تیمورلنك توقتامیشه کرک کندیسنی سراینه قبول ایتمک
 و اووراده اوکا بر اوغل معامله سی یامق کرک قپچاق الکاسنده
 کندیسنی برلشدیرمک ایچون عسکر و یرمک صورتیله کوستردیکی
 بوتون ایسلکلری سفیرلرینه ایضاح ایتدکدن صوکره بو ایسلکاره
 مقابل نانکورلک کوردیکنی ، تجاوزه معروض قالدیغنی ،
 خصمانه معامله یه اوغرا دیغنی آ کلاتدی و نهایت توقتامیش صمیمی

صورتده آرزو ایدیورسه صالح عقدینه مهیا بولوندیغنی
ومعاهده نامه یی قرارلاشدیرمق اوزره وزیر اعظمی علی بکی
کوندرمه سنی تبلیغ ایتدی . سفیرلر اردوی تعقیب ایتک
امرینی آلدیلر . اردو یولنه دوام ایله سابرانی کچدی . قاپچاق
اووالرنده اوچ هفته لق بر یولدن صوکره بار کیرلر یولک
اوزونلغندن وصویک فقدانندن او قدر یورغون دوشدیلر که
صوک درجه یه کلدیلر . صارق اوزانده قرار قیلدیلر [۱] .
اوراده فیضان ایتش بر نهره تصادف ایتدیلر . بونی یوزه
یوزه کچمک لازم کلیوردی . اردو چولده یورومکده دوام
ایتدی وقویوبولونان محللرده قرارگاه قورمغه اعتنا کوستردی .
کنجک طاغ دنیان داغه مواصلت ایدیلدی . ایکی کیجه بر
کون دها یولدن صوکره اولوغ طاغه کلدیلر . تیمورلنک بونک
تپه سنه چیقارق بو واسع چولی تماشا ایتدی . چایرلرله
دولو بونی پایان صحرالره حیران قالدقن صوکره بو داغ
اوزرنده بر دیکیلی طاش انشا ایچون عسکرلرینه مالزومه
کیتردی . طاشک اوزرینه اورادن کچدیکی کونک تاریخی
حک ایتدیردی . صوکره ایلانجق شهرینه ، اورادن ده قراغویه
کیتدی . درت آیدر یولده ایدیلر . ییه جک بیتمه باشلامشدی .
چونکه بو چوللرده نه طرفه کیدلسه بر آدمه تصادف ایتهدن
آلتی یدی آی سیاحت ممکنندی . اراضی هیچ مزدوع دکلدی .

[۱] جاذی الاولک برنده .

قرارگاهده هرشی آلتون آغیرلغنه ساتلایغندن تیمورلنک رؤسانک
معنا یمکله یمکدن اجتناب ایله یالکیز بر دورلو یمک یملرینی
امر ایتدی . بوده بر نوع کوفته دن عبارتدی . عسکرک
یه جگینی ده تیمورلنک تنظیم ایلدی . بوندن آ کلاشیلور که تاتار
فاتحنک عسکرلری پک معنا یمکله یمکه آلیشغین ایدیلر .
رؤسانک مکلف صورتده یمک یملری عسکرلری الزم غدارلرندن
محروم براقیوردی . بوتدایر احتیاطیه یه رغماً چولک وسعتی بعض قوش
بومورطه لری ایله اوت یمکه کندیلرینی مجبور ایتدی . تاتارلر ایچون
معتاد اولان بویوک اولربیله ترتیب ایدیلدی . بوتون اردو بردائره
تشکیل ایتدی . غایت واسع برقطعه ارضک اطرافنی چویردیله .
بودائره ایچنده پک چوق حیوان قالدی . بونلری صیقیشدیره
صیقیشدیره بالنسبه دار برساحه ایچنده کندیلرینی اورمق
امکانی حاصل اولدی [۱] . بوآو سایه سنده مبدولیت اعاده
اولوندی . تیمورلنک عساگری بو حیوانات آراسنده ماندادن
دها بویوک برنوع کییکه تصادف ایتمکدن حیرتله دوشدیله .
موغوللر بو کییکه قانداغای ، قاپچاقلیلر ایسه بوقن دیرلر .

تیمورلنک تکمیل عساگرینه رسم کچید یایدیردقدن صوکره
اوغلی میرزا محمد منقلای یاخود کشاقلر نامی ویریلن عسکرک
قومانداسنی توجیه ایتدی . بوکنج شهزاده غایت یوراجی
برقاچ کونلک حرکتنن صوکره ، ایرتیشه منصب اولان توپل

[۱] جامذی الآخرک برنجی بازار کونی .

نهری ساحلارینه واصل اولدی . بونی کچدی . آتش کورنجه
 تیمورلنکه خبر کوندردی . اردو علی العجله توبل ساحلارینه
 کلدی . هر طرفه جاسوسلر کوندردک توقتامیشدن خبر
 آلدی . برقچ کون یورودکن وبعض گولارله نهرلردتصادف
 ایتدکن صوکره تیمورلنک اتیک نهری ساحلنه واصل اولدی [۱] .
 دشمنک پوصوسنه دوشمکن قورقدیغی جهتله معناد اولان
 برلردن بونهری کچمک ایستهمدی . باشقه برطرفدن یوزه یوزه
 کچکی ترجیح ایتدی [۲] . اردو نهری کچمک ایچون ایکی
 کون اوغراشدی . آلتی کون یولدن صوکره سمور یاخود
 سامارایه مواصلت ایلهدی . کشافلر دشمنک سسلرینی ایشیتد-
 کلرندن تیمورلنک صف حرب ترتیبیه یایق نهرینه دوغرو
 یورودی . اردو نهری قسماً بر کوپروندن قسماً یوزدرک
 کچدی [۳] . اوراده بعض جاسوسلردن توقتامیشک تیمورک حرکتی
 خبر آلتجه هر طرفدن عسکر طویلادیغنی و اتیک نهرینک
 کچیدلرینی محافظه ایچون بعض مفرزلر کوندردیکنی او کریدیلر .
 اوصیراده توقتامیشک بر قسم قوتی شمالده مشغولدی [۴] . قازانک
 شمالنده کائن دیاققا الکاسنی فتح ایچون اوغراشیوردی . بوکاچارویچ

آنال روسیه

[۱] ۲۴ جاذی الآخرده .

[۲] اوچ کچید واردی : آغیر یالی ، بوزا کچید ، چالپا کچید .

اتیک نهری اغلب احتماله کوره قاما نهرینک بر آیاغیدر .

[۳] رجبک برنده .

[۴] خلقت عالمک ۶۹۹۹ نجی سنه سنده .

بەتو قوماندانیدیوردی. روسلر خانك اوغلنه چارویچدیرلردی.
 تیمورلنك اردوسنك بعض کشافلری بر دشمن مفرزه سنه
 تصادف ایدەرك اونی بوزدیله . بونلردن توقتامیش اردوسنك
 قرق كول قریندە تحشد ایتك اوزره امر المش اولدیغنی ،
 کندیلری دە اورایه کیتمشلر سەده کیمسەنی بولمادقلرینی او کړندیله .
 بواسرا آراسندە ملاق پرئسنك اوغلی دە واردی . صو کره ، ایکی اردونك
 ایلك قوللاری آراسندە بویوك محاربە اولدی . اردونك قسم اصلیدی دە
 بر آرزو کره قارشى قارشە یه کلدیلر . تیمورلنك کندی اردوسنی یدی
 قوله آردی . پیشدار خدمتی کورن برنجی قولك قومانداسنی محمود خانە
 ویردی . بو ، چغتای ایمپراطوری اولمقله برابر عادی بر قوماندان کی
 تیمورك معیتندە خدمت ایدیوردی . آرتق کندیسنه عائد
 اولمایان دولتندە هیچ بر حکم نفوذی یوقدی . میرزا محمود ایکنجی
 قولك قوماندانی اولدی . اک غلبه لغی بوایدی . واصل حرب
 ایدەجك قوتی تشکیل ایدیوردی . تیمورلنك امداد قوتی یرینی
 طوتان اوچنجی قولك باشە کچدی وبوایکی قولدن صو کره
 اخذ موقع ایتدی . احتیاج تقدیرندە بونلرک هر ایکیسندە
 معاونت ایدە بیلەجکدی . تیمورك اوغلی میرزا میران شاه صاغ
 جناحی تشکیل ایدن دردنجی قولك قوماندانی ایدی . بشنجی
 قول بوکا پیشدار خدمتی کوریوردی . کذلک یدنجی قولده
 صول جناحی تشکیل ایدن آلتنجی قولك پیشداری ایدی .
 عسکرک کیمندە قالقان ، قیلیج و اوق واردی . کیمی جوبلر

و من راقلرله مسلحدیلر. رؤساده بوتون یاخود یاریم زرهار بولونیوردی. غایت مجلا بردمیردن مغفر کیورلردی. توقتامیش اردوسنی اوچ قوله آیرمشدی. برنوع یاریم آی شکلی عرض ایدن مرکزایله ایکی جناح واردی. عائله سنه منسوب بوتون شهراده لر باشده ایدیلر.

تیمورلنک هر طرفه امرلر ویردکدن صوکره سواریسنی بره ایندیرتدی. چادیر قورمالرینی امر ایتدی. بو صورتله توقتامیشه قارشى استخفافکارداورانیوردی. حالبوکه حقیقتده ایچندن، فائق بردشمنه قارشى کیریشه چکی محاربه نك نتیجه سی حقنده پک اندیشناک ایدی. تیمورلنک نمازینی قیلدی. امام سید برکه قرآندن بعض سوره لر او قوددی. بونلرله کندیسنه ظفری تبشیر ایتدی. تیمورلنک درحال «سورون» تعمیر اولومان بر آواز ایله عسکرلرینی هایقیرتدی. و کرانه دینلن بوروی چالیددی. موغوللارده حربه باشلامه نك معتاد علامتلی بونلردی. توقتامیشک صول جناحی ابتدا بوزولدی. بوتون قوللار بربرلرینه قاریشدیلر. تیمورلنک عساکری هر طرفی قاریشقلغه ویردیلر. توقتامیش دشمنلرینه هجوم ایتدی، هرطرفدن صالیدردی، تیمورلنک اردوسنی یاردی واردونک آرقه سنده منتظم صورتده موقع آلدی. قورقویه دوشن تیمورلنک فراریلرک تعقیبندن واز کچدی. اردوسنک اک جسور عسکرلرله کری دوندی. توقتامیش درحال فرار ایتدی. اردوسنک قسم متباقیسی ده کندیسنی

تقلید ایله پریشان برحاله قاجدیله . تیمورلنك بواردونك
تعقیبی ایچون متعدد قوللر کوندردی . کندیسیدی بالذات اورتوپا
محراسنده وولغا ساحله کیتدی . بوتون غنائمی اورایه کتیره رك
عسکرینه داغیتدی . قاپچاق ایمپراطورلغنك پایتختنه کیردی .
بو مملکتلر خانك تختنه چیقدی . بو چوللردن وولغانهرینك
آطه لرندن بوتون دشمنرینی طرد ایتد کدن صو کره سمرقند
یولنی طوتدی . برلکده غایت عظیم مقدارده اسیر کتیردی .
او زمان تیمورلنك اردوسنده قاپچاق ایمپراطورلغنك اوچ
ایلری کلن امیری واردی که بونلر کندیسنك یاننه التجا ایتشلردی .
بونلرده توشی خان نسلندن کونجه اوغلان ، تیمور قوتلوق
اوغلان ، ایدکو منکاب ایدیله . توقتامیش پك دوشوندیرن
ایکنجی امیر تیمورلنك زردینه قاجغه مجبور اولمشدی . آرقه سندن ،
خانك اولدیرتمك ایسته دیکی ایدکوده کلشدی . بوبویوك محاربه دن
صو کره قاپچاق ایمپراطورلغنك تمامیه منقرض اوله جغنی کوردکلری
زمان تیمورلنكدن اسکی تبعه یی طویلامق اوزره مملکتده قالمق
مساعده سنی رجا ایتدیله ویوله چیقدیله . فقط صوك ایکی امیر
کندیله قوتلی بر اردو باشنده کورونجه آرتق کلوب تیموری
بولادیله و مملکتده یراشمك چاره سنی دوشوندیله .

شرف الدین
تاتارلرک تاریخ
عمومیسی
عربشاه

صو کره لری ، تیمورلنك کورجستانده محاربه ایله مشغول
اولدیغی صبراده توقتامیشك دربند طریقله بویوك بر اردو
کوندرمش و شیروانی تخریب ایتمش اولدیغنی خبر آلدی . بو

سنه
۱۳۹۴

موغوللاری طرد ایچون درحال یورودی . فقط اونلر ذاتاً
 قاجش اولدقلری ایچون ایرتهسی بهارده اورادن قاجاقه
 کیره بیلیمک اوزره قیشی او حوالیده کچیرمه قرار ویردی .
 بوصیراده توقتامیشه شویمک توبی یازدیردی : « بسم الله الرحمن الرحيم
 ورب العالمين ؛ ای کبر و غرور شیطاننه اویهرق طریق حقدن
 انحراف ایدن حکمدار ، مملکتکیزک حدودلرندن خارجه
 حقیقه قله نه مقصد تعقیب ایدیورسکیز ؛ ذهنکیزده بو قدر
 واهی تصورات بسله مکه سزی سوق ایدن قوت نه در ؛ صوک
 محاربه ده باشکیزه کلنی اونوتدیگیزمی ؛ مملکتکیزک ، اموالکیزک
 توز حاله کلدیگنی کورمدیگیزمی ؛ بکا قارشى نه جرأتکارانه
 بر خط حرکت تعقیب ایدیورسکیز . بکا دوستلق کوسترنلرک
 دوستانه قبول ایدیلدکلرینی ، کندیلرله یاپدیغم معاهداتدن
 فوائد عظیمه الده ایتدکلرینی ، بو معاهداته حرفیاً صادق
 قالدیغمی خاطر لامامه کیز قالمیدر ؛ بالعکس بکا قارشى اعلان
 خصومت ایدنلر ایسه دائمی صورتده خوف و اندیشه ایچنده
 اضطراب چکدیلر . بونلرک پیشلرینی هیچ بر اقامدم . دکنلرک
 دینه صاقلانمش اولسه لر بيله انتقامدن قاچه مازلردی . کیریشدیگم
 محاربه لرک موفقیاتى بیایرسکیز . ظفرلرمدن خبردارسکیز .
 سزکله حرب ویا صلحک نجه مساوی اولدیغنی بيلمه کیز اقتضا
 ایدر . بن بونلرک ایکیسنه ده راضی یم . سزکه بنم اییلگمی و
 برقرار اتخاذا یتمکده کی قطعیتمی بیایرسکیز ، نه قرار ویردیگیز

بكا بيلدیریگز . بو مکتوبی توقتامیشه کوتورمکه آلمالیغلی
شمس الدین مأمور اولدی . بو تجربه دیده ، بلیغ ، قاپچاق
حکمدارلرینک احوالنه واقف بر عالم ایدی . دربند طریقله
توقتامیشک پایتخنه کیتدی . مکتوبی اونکالنه ویردی . ممانعت ایدن
باشقه مقربین اولماسه ایدی توقتامیشی صلحه اماله ایده جکدی . فقط
توقتامیش اونلرک نصیحتنی دیکله یه رک حربی ترجیح ایتدی و تیمورلنکه
مغرورانه جواب ویردی . سفیر عودت ایده رک ، بحر حزره
دو کولن ساماره نه ری ساحلارنده تیمورلنکی بولدی .

سنه
۱۳۹۵

تیمورلنک یوله چیقدی [۱] و دربنده کیتدی . اوراده
آلبرز داغنک اتیکنده قایتاق اسمنده و توقتامیش طرفدارى
رتاتار عشیرتی بولندیغنی خبر آلدی . روسلر بونلره حایتاق
دیرلردی . قورهنک شمالندن بو مملکته کلش اولان اسکی
ختانلرک بقایاسی ایدیلر . بونلرک بوتون کویلری آتسه ویرلد .
کدن صو کره تارقویه کیدلدى . تیمورلنکک قرارگاهنه متوجهاً
یولده بولنان توقتامیشک بر سفیری دشمنلرک تقربندن او قدر
خوف و دهشته دوشدی که کری دوندی . چوق کچمه دن ،
توقتامیشک فازانجی قومانداسنده بولونان آقینجیلرینک قوری
نه ری ساحلارنده قرارگاه قورمش اولدقلری خبر آلندی .
بونلر علی الغله باصدیریلدی . قیلیجدن کچیریلدی . تیمورلنک
سه و نهجه نه رینی کچدی . اوراده الزم اولان عسکرینک قسم

متباقيسنى بىكلەدى. چۈنكى توقتامىش مەھش بىر اردو ايله ترك
 نهرى ساحلارنىڭ قارارگاھ تاسىس ايتىش و تحصن ايلاشدى.
 تيمورلنك تقررې اوزرىنە خان، قواري نهرى ساحلنە چكىلدى
 و دشمنە ترك نهرىنى كچمك و فقدانى حس ايتمك باشلايدىغى
 ارزاق بولمق اوزرە قولات الكاسنە كىتمك قولايغنى وىردى.
 فقط توقتامىشك آرقەلرە دوشدىكى واورادن كلكدە اولدىغى
 حقندە شايع اولان روايت اوزرىنە تيمورلنك توقف ايتدى
 و اردوسنى صف حرب اوزرە ترتيب ايلدى. ايكي حكمدار
 قارشىلاشدىلر [۱] و محاربە يە حاضرلاندىلر. محاربە ايرتەسى صباح
 شفق سوكركن باشلادى. توقتامىشك صاغ جناحى تيمورلنكك
 صول جناحنە هجوم ايتدى و اصل مركز فرقه سە قدر كرى
 پوسكورتولدى. سوكرە قوۋۋە اصلية هجوم حركىتى ياپەرق تيمور
 اردوسنە قارشى قىلق وىردى. تيمورلنك قورتولمق ايچون پك چوق
 زحمت چكدى. اك جسور افراد كندىسك امدادىنە قوشدى.
 كذاك تيمورك صاغ جناحى دە احاطە ايدلدى. مظفريتە توقتامىش
 لەندە تجلى ايتمك اوزرە ايدى. نہايت تيمورلنك عساكرىنىك
 غىرتى توقتامىشى فرارە مجبور ايتدى. تيمورلنك عسكەرلىرىنى
 طوپلادى. و فرارىلرى تعقيبە باشلادى. سوكرە قورا نهرى
 ساحلنە قدر ايلريلەدى. اورادە آغىرلقلارنى براقەرق اك انى

[۱] ۷۹۷ سنەسى جەازى الاخرىنىك ۲۲ سنەدە. موغول تقويمىنە

كۈرە دوموز سنە سنە تقابل ايتمكەدەر.

عسكر لريله توقتاميشك تعقيبنه دوام ايتدى. وولغا نهرى ساحلنه
واصل اولونجه خانك نهرى كچمش اولديغنى كوردى. بونهر
ساحلنده، توراتو دنيلىن بر كچيد محلنده توقف ايتدى. اوردوس
خانك اوغلى قويرچاق اوغلانى حضورينه كتيره رك اردوسنده
بولونان جسور بر اوزبك فرقه سنى اوكا ويردى، صيرمالى بر
خلعت كيدىردى، آلتون بر قوشاق باغلادى و كنديسى قاچاق
خانى اعلان ايتد كدن صوكره تبعه سنى طوپلامنى امر ايدە رك
وولغا نهرندن اوتە طرفه كچىردى.

تيمورلنك فراريلرى تعقيب ايله مشغول اوله رق «اوقه ق»
قدر ايلريله دى. اوراده بر چوق اسير آلدى. شماله دوغرو
قاچمده اولان توقتاميشى تعقيب ايتمك فكرنده اولديغندن وولغانك
غربنده كى چوله كيردى و آقنيچيلريه برابر امير عثمانى ايلرى يه
كوندردى. امير عثمان، خان قيرمن دنيلىن، بوكون قورمان اسميله
ياد ايدىلىن بر موقعه قدر نفوذ ايتدى. اوراده بيكياروف اوغلانى
بر اوزبك مفرزه سيله برابر بوله رق هپسنى قيليچدن
كچىردى. توقتاميشك ضابطلرندن باش تيمور اوغلان
ايله آقثانو عسكر لريله برلكده بوريسته نه [۱] نهرينك اوتە
طرفه، هرمدای صحراسنه قاچدىلر. اوراده اهااليدن بك سوء
معامله كوردكلرى جهتله آقثانو قومانداسى آلتنده بولونان
افراد ايله آناطولى يه كچدى، ايسراياقه صحراسنده يرلشدى.

اوز بکلر اوتارمخدن بری هپ اوراده قالمشلردر . تیمورلنک
تانائیسه یاقلاشدی . اوراده بیکیاروق اوغلانی بولدی و برروس
شهری اولان قاره صویه قدر تعقیب ایتدی . قوماندانلرینی
متعدد مفرزلرله بومملکتک مختلف نقطه لرینه کوندردی . کندیس
موسقویه کیده رک کرک موسقوه یی کرک جوار مواقعی تماماً
تخریب ایتدی . بومملکتدن غایت عظیم غنائم ، آلتون و کوموش
کولچهلر ، پک چوق مقدارده آنطاکیه کتفی ، روس بزلری ،
قوندوز دریلری ، سمورلر ، قاقملر ، بئنگلی اینک دریلری ،
سینجاب و قرمزی تیلکی کورکلری آلدی . اوغلی میرزا
محمد ، موغول عشیرتلری بولونان سائر بعض ولایتلری تخریب
ایلدی . تیمورلنک بالچیمقین یاخود مه ثوتید طریقله عودت
ایده رک آزاق یاخود آزوفه کلدی ، اورادن چرکستانه
کیردی . فقط برآز صوکره حاجی ترخان یاخود آستراقانه
کیتمک اوزده بومملکتی ترکه مجبور اولدی . آستراقانک اداره سی
محمدییه ویرمشدی . اونکده فنا فیکرلر بسله مکده اولدیغی
آکلاشیلیوردی . تیمورلنک قیش اورتہ سنده قارلر آراسنده
یوله چیقدی بوشهر وولغا اوزرندہ کاشن ایدی . نهرک صولری
قلعه نک هندکلرینی دولدیریوردی . سورلرندن باشقه اهانک
قیشین بوزدن برسوردها یاماسی عادتدن ایدی . بوده طوغله
قدر سرت اولوردی . کیجه لین صودو که رک بوسوزی یاپارلردی .
دو کولن صو دوناردی . تیمورلنک بوشهر قرینه واصل اولدیغی

زمان كىدىسىنى استقباله كلش اولان محمدى يى توقيف ايتىردى
وسراى جهته كوندردى . اوراده بوزلرك ايچنه آتلدى .
صوكره بوتون شهر سكه سنى ديشارى چيقارته رق استرافانى
خاك ايله يكسان ايتدى . قوماندانلىرى كىدوب قاپچاق ايمپراطورلغىك
پايتختى اولان سراى شهرى ده هدم ايتدىلر وبوتون سكه سنى
اسير آلدىلر . بونلر وقتيله ماوراءالنهرده نخبىدن ايكي فرسخ
مسافه ده كائن قاپچاق خانىك «زنجير سراى» نى تخرىب ايتمىلردى .
اوغرا دقلىرى معامله اونك جزاسى ايدى .

تيمورلنكك عزىمىندن صوكره ، اوكا قارشى عصيان ايتىش
اولان وعىنى زمانده توقتامىشك ده دشمنى بولونان تيمورقوتلوق
اوغلان سراى شهرى اله كچىردى وتوقتامىش خانى ايكي
چوجو غيله برلكده لىتوآنيايه ويتودك زدينه قاجغه مجبور
ايتدى . ويتود قوماندانى اولثره ردى موغوللره قارشى يوللادى .
بوقوماندان اونلرى مغلوب ايتدى . رؤسادن اوچنى اولدىردى .
بودوليا قطعه سى بونلره ويركو ويرىرلردى . ويتود رؤسلردن
بر قسمى لهستان قرالنه هديه ايتدى . متباقىسىنى ويلنا قىربنده
يرلىشىردى . اوتارىخچىدن برى اوراده قالمىلردى . بو موغوللار
اوراده عادتلىرىنى محافظه ايلدىلر . فقط ويتودك كندىلىرىنى
روسىيه سىووالىه لىرینه مقاومت ايچون چاغىردىغنى ، بو يرلرك
كندىلارینه خدمتلىرىنه مكافاة ويرىلدىكىنى ادعا ايدىيورلرلا ۱۱ .

[۱] بعضىلىرى موغوللارك لىتوآنيايه بوجرتى ۱۳۹۱ تارىخچىده
وقوعه كلىدىكىنى سويليورلر .

سنة

۱۳۹۸

قروص

آنان روسيه ن

دربلو

دیگر طرفدن سوسدال پرنسی قناز سیمه ئون دهمه تربوویچ
چارویچ یاخود خانك اوغلی جنتای ایله برلکده کیدوب نیترنی،
نوووغورودی محاصره ایتدی ۱۱۱. اوچ کون محاصره دن صو کره
موغوللار ك کندیلرینه هیچ برفنالق یایمایه جقلرینه دائر ویردکلری
وعد اوزرینه اهالی قاپیلری آچدیله . بوباربارلر سوزلرینی
طوتمادیله واهالیدن پك چوغنی اولدیردیله. ایکی هفته صو کره،
غراندوق بازیلک براردو ایله کندیلرینه قارشى یورودیکنی
خبر آلیجه اورادن چکیلدیله .

سنه
۱۳۹۹
آمال روسیه ن

لیتوآنیا دوقه سی اولوب توقتامیش خانى تحت حمایه سنه
آمالش اولان ویتودبو حکمداری قاپچاق تخته اعاده ایتك مقصدینی
تعقیب ایتدیکندن کیه فده بویوک براردو طوپلادی . لهستانك،
آلمانیاك اك ایلری کلن اصیلزاده لری وسفردن صو کره
کندیسنه غراندوق عنواتی ویرمکی وعد ایدن توقتامیش ایله
برلکده تیمور قوتلوق اوغلانك اراضیسنه کیردی . وورشلا
نهرینه قدر هیچ بر مقاومت معروض اولمقسزین ایلریله دی .
اوراده اید کو منکایه راست کلدی . بعضیلری بوموغول
قوماندانیله صلح یایمق فکرنده ایدیله . فقط بعضیلری بوکا
ممانعت ایتدیکی جهتله لیتوآنیالیله حربه کیریشدیله و حربی
قازانه مادیله . موغوللر اون سکیز پرنس اولدیردیله ، لوش

آمال روسیه ن
قروم

۱۴۰۰

[۱] خلقت عالمك ۶۹۰۷ نجی سنه سنده .

[۲] « ۶۹۰۸ »

Lusc شهرینه قدر بوتون لیتوآنیایی تخریب ایتدیله . کیهف
شهری اوچ یوز روبله مقابلنده یغمادن کندیسینی قورتاردی .
ایرتەسی سنه تیمور قوتلوق اوغلانک وقوع وفاتی توقتامیشک
ایشلرینی هیچد کیشدیرمدی . خان تختنه تکرار چیقامادی . تیمور
قوتلوقک اوغلی شادی بک قاپچاق خانیا اعلان اولوندی . تیمورلنک
طرفندن قاپچاق تختنه اجلاس ایدیلن قویریحاقده خان عنوانی
طاشیوردی . اوغلی بوراق کندیسنه خلف اولدی . بوندن سوکره ،
ابوسعید لقیله یاد ایدیلن اوغلی جانی بک خان تخته چیقادی .
سیبریایه التجا ایتمش اولان توقتامیشی بو حکمدار اولدیرمشدر [۱] .
عینی تاریخده کندیسیده شادی بکک اوغلی پولاد سلطان
طرفندن تاج و سلطنتدن محروم ایدیلمشدر .

بویکی خان موسقووه بی محاصره ایتک اوزره [۲] ایدکونک
قومانداسی آلتنده روسیهیه بویوک براردو کوندردی [۳] .
غراندوق بازیل قوستروق قاچغه مجبور اولدی . موسقووهیه
قایانمش اولان بعض قنازلر موغوللارک غیرتنه قارشى مدافعهده
بولوندیلر . ایدکو [۴] بوشهری اله کچیرمه نیجه توه پرئسی
ایوان میخایلوویچی چاغیردی . اوده قورقوسندن ، امداده
کیتک اوزره اردوسیه برابر سفره چیقادی . فقط او ، قلهنه
واصل اولدینی زمان ایدکو کری دوندی . ایدکو یکر می ر

[۱] خلقت عالمک ۶۹۱۴ هجری سنه سنده .

[۲] « ۶۹۱۶ »

[۳] برکانون اولده .

[۴] روسلر کندیسنه ادهجی یاخود ادیغا دیرلر .

سنه

۱۴۰۱

۱۴۰۶

آنال روسیهن

۱۴۰۸

کون محاصره دن صو کره ، خان سراينده پک چوق قاريشقلىق
اولديغنه دائر آلدیغی خبر اوزرینه چکیلدی . کیدرکن موسقووه
شهرندن اوچ بیک روبله آلدی . کوتوردیکی اسیرلرک مقداری
او قدر چوقدی که هر موغوله قرق دانه اصابت ایدیوردی .
اوتارنخده تخته کوز دیکمش او قدر موغول شهزاده سی واردی که
بونلرک هپسنى آ کلاتمق پک زوردر . بر تیمور خاندن [۱] بحث
اولونیور که بوتارنخلرده لیتوآنیا دوقه سی ویتور، لهستان قرالی
ولادیسلاس پروسیه شووالیه لرینه قارشى اوندن استمداد
ایتمشلردر . بو خان محاربه ده مقتول دوشدی . باشقه بر طاقم
موغوللر بر مقدار روس ایله برلکده کیدوب ولادیمیر شهرینی
یاقدیلر [۲] . توقتامیشک اوغلی بردی سلطان ده واردی که
ذی قدرت ایدی . بازیل دهمه تریوویچ ایله تودر پرئسی ایوان
بونک سراينه کیتمشلردی [۳] . بوتارنخلرده موغوللر بوراده
بولونان لهستان قرالی ولادیسلاسه تکلیف معاونت ایچون
مشهور بر هیئت سفارت کوندردیلر . باشقه بر طاقم موغوللر
الهک قطعہ سنى یغما ایتدیلر [۴] . پروسیه شووالیه لری طرفندن
دعوت ایدیلن ایدکو بوتون کیهف قطعہ سنى تخریب ایتدی ،
صو کره ویتود ایله بر معاهده یاپدی .

سنه
۱۴۱۰
آمال روسیه ن
۱۴۱۲
قروم

۱۴۱۵

۱۴۱۸

[۱] میدتو بوکا تیمور خان دیور .

[۲] خلقت عالمک ۶۹۱۸ نجی سنه سی جز براننده .

[۳] « ۶۹۲۰ نجی سنه سنده .

[۴] « ۶۹۲۳ نجی سنه سنده .

اوزمان محمد [۱] قاپچاق خانى ایدی . روسیه ده صاحب حکم
 ونفوذ ایدی . کوز دیکدکلری غراندوق عنوانی الله ایتک
 ایچون بازبل بازیلوویچ ایله ژورژ دهمه تریوویچ اونک نزدینه
 کیتدیله . غراندوق عنوانی بازیه ویریلدی . محمد ژورژه
 زومنی غورود ایله دیمتروی و دها سائر مواقعی تخصیص
 ایتدی . دیگر طرفدن سوئیت ریجلون بو موغوللره گنیدیلرینی
 سیژیسمونده عائد اولان روسیه اقسامنی تخریبه تشویق ایچون
 بویوک هدیه لر کوندردی . فقط موغوللر بو پرنسک لهستان
 قرالک دوستی اولدیغنی خبر آنجه سوئیت ریجلون علیهنه
 دوندیله و اوکا عائد اولان کیهف ایله چرنوویچی تخریب
 ایلدیله . شمالده صاحب قدرت اولان بو باربارلر باله قوده
 روسلرله بر حربه کیریشدیله [۲] . موغوللره محمد قوماند
 ایدیوردی . باشقه مفرزه لر پودولیا یی تخریبه کیتدیله وعظیم
 غنائم آلدیلر . پودولیا لیلر بونلری انای وضعیتلرنده تعقیب
 ایتک ایسته دیئرسه ده باتاقلق اراضیه دوشدکلرندن مغلوب
 اولدیله . بو محاربه ده روس اصیلزاده لرندن بر چوغنی تلف
 اولدی . موغوللر دفعات ایله بو الکائی تخریبه کلدیله .
 ایرته سی سنه محمد خان موسقووه نك طیش محله لرینی یاقدی [۳] .

[۱] تیمور خانک اوغلی ایدی .

[۲] خلقت عالمک ۶۹۴۶ نجی سنه سنده .

[۳] ۶۹۴۷ نجی سنه سی حزیراتنده .

سنه
 ۱۴۳۰
 آنال روسیه ن

۱۴۳۳
 قروم
 ۱۴۳۸
 آنال روسیه ن
 قروم

۱۴۳۹

قایچاق ایمپراطورلغی شمال قوملرینک ھېسنه قارشى مدهش
اولقله برابر تیمورلنکك آقیندن صوکره آرتق اسکی شوکتی
غائب ایتشدی . بر چوق شهزاده لر خان عنوانی الده ایتك
ایچون مبارزه ایدیورلردی . بونلر مختلف ولایتلرده یرلشمشلردی .
مهم مهم قرالقلر وجوده کتیرمشلردی که اوتارینخدن صوکره
پایدار اولمشلردر . ایشته قازاق ، آستراقان وقریم حکومتلری
بو قیلدندر . قریم حکومتنک مؤسسی حاجی کرایدر [۱] .
تراکیا بوسفوری طرفنده بولونان موغوللارک باشنه کچمشدر .
توقتامیش نسلندن گلش کی کورونیور . روایت اولوندیغنه
کوره ، موغول ملتی قاریشدیران تذبذبات آره سنده کرای
اسمنده برکویلی اون یاشنده بر موغول شهزاده سنی قورتاردی .
سکز سنه صوکره بعض موغول جماعتلری جنکیز خان
نسلندن بر حکمدار آرامغه باشلادقلرندن کویلی بویوتدیکی
شهزاده بی کندیلرینه کوستردی . بوشهزاده حکمدار اولدقدن
صوکره هیچ بر مال وعنوان قبول ایتمین ولی نعمته بر
مکافات اولق اوزره کرای نامنی آلدی وبوتون احفادینک بو
اسمی طاشمالرینی امر ایتدی . بوتون بو موغول قوملری ،
تاریخلرینی یازان محررلر طرفندن اوقدر آرتفریق ایدیلمشدر که

[۱] آورده یا محررلری کندیسنه آچی کری ، آچی کیره ی ،
آچی کیرای ، آچی کرهس دییورلر . ابوالغازی کندیسنک ابن تیمور
طاش بیور ابن محمد خان ابن حسن اوغلان ابن زابینا ابن تولاق
تیمور ابن صاریچه ابن اوز تیمور ابن توغای تیمور اولدیغنی سویلیور .

بزجه دها ايي معلوم زمانلره كلنجه يه قدر بونلري هپ بردن حكايه
ايمك دها مناسب اوله جغني ظن ايد يورز. اسكي قايچاق حكامدارلريني
تشكيل ايدن قومك انقراض تامندن صو كره كي وقايع بزجه
بالنسيه دها ايي بيلنمكده در. حاجي كراي ابتدا جنويزلرك
قريمده مالك اولديغي الحكايه حرب ايمكه كيتدي واونلره عائد
اولان كفه شهريني يغما ايتدي. صو كره، بورانك امدادينه
قوشان جنويزلري منتظم بر محاربه ده مغلوب ايلدي.

موغوللار، آرالرنده كي نفاقه زغماً خريستيانلرك اراضيسنه
يعني روسيه وپودوليا قطعه لرينه آقنلر ياقمده دوام ايتديلر
و برچوق اسرا آلديلر. صو كره سوسدال قطعه سني تخريب
ايلديلر. اوراده موغوللرله روسلر آراسنده بر محاربه وقوعه
كلدي [۱]. موغوللرك بر قسمي پودوليا يه ده كيرديلر، اوراده
هر شئي فان و آتش ايجنده براقديلر. كنديلريني ليتوآنيا ليلرك
چاغيرمش اولدق لرندن شه ايد يلكده در. وولغا نهرينك بو طرفنده
يرلشمش موغوللرك رئيسي اولان سيدي احمد پودوليا وروسيه
قطعه لريني يغمايه كيدرك غروده ق شهرينه قدر ايلريله دي.
اوراده آز قالدي ماسودي دوقه سي ولاديسلاسي اسير آلا جقددي.
بورادن غنائم ايله دوندي. ايرته سي سنه [۲] موسقوه نك واروشلريني
ياقدي. اورادن پودوليا يه غودتله روف حصاريني ضبط

[۱] خلقت عالمك ۶۹۵۳ نجی سنه سنده .

[۲] « ۶۹۵۹ نجی سنه سی حزرانك ۲۹ د. »

سنه
۱۴۴۲
قروم
۱۴۴۵
آنال روسيه ن
قروم
۱۴۴۸
۱۴۵۰
۱۴۵۱
۱۴۵۲

ایندی . عینی سنه ایچنده یاپدیغی ایکنجی برآقینده لهئه پول
 شهرینه قدر ایلریله دی . لهستان قرالنک کندیسنه قارشى عسکر
 کوندردیکنى خبر آنجه چکیلدی . فقط قریم موغوللاری خانى
 حاجی کرایه راست کلدی . حاجی کرای کندیسنی بوزارق
 دوقوز اوغلی وباشلیجه میرزالری یعنی قوماندانلری ایله برلکده
 متفقلری لیتوآنیالیلرک نزدینه قاچغه مجبور ایتدی . لیتوآنیالیلر
 گندیسنی توقیف ایتدیلر . صوکره فرار چاره سنی بولدیغندن
 کیهفه کیتدی . اوراده تکرار طوتولدی وقون قلعه سنه
 کوتورلدى . حاجی کرایک رجاس اوزرینه وفاتنه قدر اوراده محبوس
 قالدى . حاجی کرای لهستان قرالی قازیمیرک دوستی ایدی .
 بواتفاقه رغماً باشقه موغوللر لهستانده لوق واوله سق طرفلرینه
 دوغرو آقینلر یامقدن خالی قالمایورلردی . بورالردن دوقوز
 بیک اسیر آلدیلر . صوکره تره بوفل الکاسنی یغما ایتدیلر .
 فقط لهلیلر کیجه لین کندیلرینی باصدقلى جهتله بوتون غنائم
 اللرندن کیتدی ومفرزه لرندن برى مغلوب اولدی . صوکره
 پودولیا یه یکی آقینلری ایدیلر و برلشش اولان روسلرله پودولیا لیلری
 مغلوب ایلدیلر . ظواهره نظراً بوتون بو آقینلر ذى شوکت
 بر حکمدار اولان محمد خانک امری اوزرینه یاپیلیوردی . محمد
 خان رده زان الکاسنده بره سلاو شهرینی محاصره ایتدیسه ده [۱۸]
 ضایعات ایله چکیلمکه مجبور اولدی .

سنه

۱۴۵۳

۱۴۵۷

۱۴۶۰

حاجی کرای بو خان ایچون قوتلی بردشمن ایدی. حاجی کرای،
لهستان قرالی قازیمیرك بك صیقى برمتفقی ایدی. حتی مؤخرأ پاپا
کندیسنه آنطاکیه بطریق لوی بی کوندردرك محمد خانی
خرستیانلره قارشى محاربه دن واز کچیرمه سنی و محمد خان علیهنده
حرکت ایتمه سنی رجا ایتدی. حاجی کرایه ایمپراطور و پاپا طرفندن
معاونت و وعد اولونیوردی. حاجی کرای آنجق متفقی
لهستان قرالی قازیمیرك وصایاسنه کوره حرکت ایده جگنی
بیلدیردی. فی الحقیقه، خرستیانلرك نقطه نظارینی قبولده کچیکمه دی.
محمد روسیه یه کیرمك اوزره تانائیس نهرینی کچمکه تشبث
ایدنجه [۱] حاجی کرای بو حرکتنه ممانعت کوستردی.

آنال روسیه ن

حاجی کرای برمدت صوکره قریمده وفات ایتدی [۲].
سکیز اولاد براقدی [۳]. بونلر حکومتی اله کچیرمك ایچون
بربرلریله غوغا ایتدیلر. پدرینه خلف اولان نوردولت [۴].
لهستان قرالی قازیمیر ايله اسکی معاهداتی تجدید ایتدی و کندیسنه

قرومر

۱۴۶۷

۱۴۶۸

آنال روسیه ن

[۱] خلقك عالمك ۶۹۷۳ نجی سنه سنده .

[۲] بعض شرق مورخلری ۱۴۷۵ تاریخنده وفات ایتدیکنی

سویبورلر . فقط صوکره کی وقایعه نظراً دهها مقدم اولماسی لازم
کلیور . بن براده قرومرک روایتی قبول ایتدم .

[۳] ۱ - دولت یار ؛ ۲ - نور دولت خان ؛ ۳ - حیدرخان ؛

۴ - قوتلوق صامان ، ۵ - قیلدیش ؛ ۶ - منکلی کرای خان ؛ ۷ -

یامغورزی ؛ ۸ - عوض تیمور .

[۴] قرومر کندیسنه نور دوالد دیبور .

قوة امداديه تکليف ايله دی. فقط ایرته سی سینه برادری منکلی
 نور دوله نی خلع ایتدی. اوده لهستان قرالنه مربوط قالدی.
 عینی تاریخلرده، وولغا نهرینک اوست طرفنده ساکن اولان
 موغوللار ۱۱۱، مانیاقک قومانداسی آلتنده خرسیان الکالینه
 کیردیلر. اوراده متعدد قوللره آیریلدیلر. کیمیی رده زان
 الکاسنه یاییله رق یغما ایتدیلر. کیمیی لیتوآنیایه، پودولیا،
 مولداویایه کیتدیلر. قره منهچ، زیتومیر، قوسمین، زودووی
 و ولادیمر شهرلری یغما ایدیلدی. اون بیک اسیر آلدیلر.
 منکلی کرای بو آقیندن لهستان قرالنی خبردار ایتشدی.
 فقط لیتوآنیالیر بوباربارلره مقاومت ایددجک درجه ده کافی
 عسکر طوپلاما مشلردی. موغوللر پودولیا وبالخاصه اولاجه
 قطعه سنده او قدر موفق اولامادیلر. پالاتن آتیهن، کندیلری
 مغلوب ایتدی و یوسکورتدی. مانیاقک اوغلی اوراده اسیر
 دوستدی و آتیهنک امریله قتل ایدیلدی. آتیهن بونی ایسته مک
 ایچون کلش اولان بعض موغول سفیرلری فازیغه کچیرتدی.
 سفیرلردن یالکنز برینی، قولاقلری و بورتنی کسدکن صوکره
 اوغلنک و سفیرلرینک وفاتی حکایه ایتک ایچون مانیاقه کوندردی.
 منکلی کرای ایله لهستان قرالی قازیمیرک اتفاقلرندن اندیشه

آنال روسیه ن

[۱] . یشوایله قروم و سائرلری بوندن دولای کندیلرینه زاووا مشلر
 دیرلر و چغتای موغوللریله قاریش دیریرلر. له زانال روسیه ن کندیلرینه
 بویوک اردو تانارلری دیور. حالبوکه اصل قاپچاق خانلرینک دوامی
 تکیل ایدن موغوللردر.

ایتمی لازم کان قاپچاق خانی محمد روسیه قارشی تصویرایتدیکی
 بر سفرده از عاج ایدیللمک ووضاه اوله رق محتاج اولدیغی معاوتی
 لهستاندن آلابیلمک ایچون لهستان قرالی ایله بر معاهده یامق
 لزومنی حس ایتدی [۱] . بو معاهده نی عقد ایتد کدن صو کره
 تانائیس نهرینه یاقلاشدی . اوراده ، لهیلرک وعد ایتمش
 اولدقلری عسکری بیهوده یره بکله یوب دوردی . لهستانی
 قاریشدیران داخلی محاربات معاهده نك اجراسنه مانع اولمشدی .
 قوه امدادیه نك کلمه مسندن جانی صیقیلان محمد حر کتسه دوامدن
 واز کچدی . ابتدا کیدوب آ لکسینا شهرین عرض تسلیمیتدن
 امتناع ایله ین بوتون سکنه سیله برلکده یاقدی [۲] . صو کره
 اوقایه یاقلاشدی . عسکر لرندن بر قسمی بونهری کچمش بولو -
 ندقلری بر صبراده قناز بازیل ، میخیلو و یچ وه رایسکی ایله زورر
 بازیلو و یچ مختلف طرفلردن اردو ایله یتیشدیله . ابتدا کو پروبی
 یقیدیله . صو کره ، قارشی به کچمش اولان موغوللری اولدیردیله . محمد
 مباقی قوتی ایله مملکتته دوندی . ایرته سی سنه باشقه موغول قوللری
 کیهف قربنده مشنه نك اراضیسنی تخریب ایتدیله . صو کره ،
 حاجی کرایک اوغلی حیدر خان پودولیا به وجوار ولایتلره
 کبردی . اوراده قانه یچ ، غالیچ ، غلین ، دونایووی ، غولو غارس ،
 اسپاراس جوارلریغما ایتدی . اسپاراسده دوق ایوانی یاقدی ،

[۱] خلقت عالمک ۶۹۸۰ نجی سنه سنده .

[۲] ۲۵ تموزده .

سنه
۱۴۷۲

قروم
۱۴۷۳
۱۴۷۴

قاریسی ایله چوجقلرندن بری اسیر آلدی ، لیتوئینوف حصارینی کول حالنه کتیردی . له ئوپول پسیقوسی غره غوار دونایووی شهرینی مدافعه ایتدی . سوئینقا آلتی کشتی ایله پولورزانی محافظه ایلدی . لهیلر بو موغوللاری بیهوده تعقیب ایلدیلر . هیچ برشی یاپمایان لیتو آنیالیر بوحر کتیریله باربارلری کند - یلرینک جاغیرمش اولدقلری قناعتنی ویردیلر .

سنه

۱۴۷۵

عبدالله

رضوان پاشا
قروم

بو بویوک سفردن صو کره منکلی کرای کفه ومانکیوب شهرلرینه صاحب اولان جنویزلر نزدینه چکیلدی . مقصدی قریم سلطنتی کندیسنگالندن آلمق ایسته ین قارداشلرینه قارشی اوزلرک معاونتنی تأمین ایتمکدی . استانبول ایمپراطوری محمد ثانی قریم شهزاده لرینک بربرلرینه قارشی آجدقلری داخلی محارباتدن خبردار اولونجه وزیر اعظمی احمد پاشای اوچ یوز یارچه دن مرکب بر دونما ایله کفه محاصره سنه کوندردی . وزیر اعظم بوراسنی ضبط ایتدکن صو کره مانکیوب اوزرینه یورودی جنویزلر بوراسنی ممتنع التسخیر بریر کبی عدایده رک اورایه چکیلیمشاردی . متاتی حسابیه بوموقعی چلیکه بکزه - تیورلردی . حتی چلیک اسمنی طاشیان بو شهر غایت یوکسک برتپه اوزرنده مبنی ایدی . طوپ ایله بوراسنی دوکه مهین وزیر اعظم آچاق تأثیریه ضبط ایده بیلیمک امیدینه دوشدی و محاصره آلتنه آلدی . بر قاچ کون محاصره دن صو کره قوماندان آره کیتمک اوزره شهردن چیقماق احتیاطسزلغنده

بولونديغندىن توركلار طرفندىن على الغنله باصلدى . بوتون اهالى
منكيوب شهرىنى ترك ايله فرازايتدىلر . چوغى كندىلارنى تعقيب ايدىن
توركلار طرفندىن اتلاف ايدىلدى . دىكرلرى اسير ايدىلەرك
استانبولە كوندرلدى . درىند داغلرندە كائن اولان و كندىلرىنىك
فرانق اولديغى سويلەين قبه شاه سكهنىنىك بوقديم جنويزلر
بقايسى اولماسى محتملدر . اسرا آراسندە بولونان منكللى كراى
استانبولە كوتورلدى . اورادە پادشاه كندىسىنى اوقدر حرمت
وا كرام ايله قبول ايتدى كەھدايايە غرق ايتىمكە اکتفا ايدەمەيەرك
اسمەنە سكه ضرب ايتدىردى ، تاتارلرخانى عنوانى وىردى و مملەكتەنە
اعادە ايلدى .

قرىم اهالىسى محمد ثانى بى كندى خلاصكارلرى كى تلقى
ايدىلر . منكللى كراى محمد ثانىدن آلدىلر . منكللى كراى بومملەكتە
تأسيس آسایش وانتظامه چالیشدى . بونك قرىمدىن قوودىغى
نور دولت ايله حيدر لهستان قرالى قازيميرك اتفاقنە طالب
اولدىلر . دها صوكرە نوووغورودە روسیە غراندوقەسى
ايوان واسیلوويچك يانە چكىلەرك اوکا تسليم اولدىلر [۱] .
غراندوق منكللى بى پودولیادە حرب ايتىمكە تشويق ايلهدى .
چونكە لهستان قرالى ، اوغراهرى طرفندىن اوصیرادە روسیە
بر آقین يامش اولان قپچاق خانى احمدك متفقى ايدى . منكللى
پودولیايى تخريب ايتدى ، وراتيسلاويایى ياقدى . دىكر بر

[۱] خلقت عالمك ۶۹۸۸ نجى سنە سنده ۱۴۸۰ تارخ ميلادى سنده

قروم
۱۴۷۸
آنان روسیەن

سفر دده کیه فی آلدی [۱]. بر آز صو کره ، قاپچاق خانی	سنه
احمدك اوغلى مراتضى ، مملكتتده حكم فرما اولان قیطلق حسیدیه	۱۴۸۳
قیشى كچيرمك ایچون قریمه کیتدیکندن [۲] منكای بونی توقیف	۱۴۸۵
ایتدی رەرك كفه یه کوندردی . صو کره ، بو شهر اده نك برادرینه	
قارشى یوردودی . بوتون اردوسنی داغیتدی . فقط بهارده	
احمد اوغللرینك امدادینه کلدی . منكای کرایى مغلوب ایدەرك	
اونلری قورتاردی . منكای بیک زحمتله قورتولا بیلدی . کیدوب	
استانبول پادشاهنك معاونتنی استرحام ایتدی . نوغایلری خانه	
قارشى حربە تشویق ایله دی ، روسیه و پودولیا یی یغمالادی .	۱۴۸۸
لهستان قرالى قازیمیر بوباربارلرک بوریسته نه نه رینی کچدکارینی	۱۴۸۹
خبر آنجه ژان آلبری اونلره قارشى سوق ایتدی . بو ،	
تاتارلری مغلوب ایتدیسه ده پودولیا یه تکرار کله لرینه	
مغلویت مانع اولمادی . برقاق سنه صو کره دولهینی قطعە سی داخلنده	۱۴۹۴
ویستو وه چبادە تاتارلر لهیللری مغلوب ایلدیله . بورایه قدر	
ایلریله مشلردی . روسیه غران دوقه سنك مولداویا قرالى آتیە نه	
کوندردیکی سفیرلرک اشیالرینی تاتارلر یغما ایتدیله . آتیە ن	۱۴۹۶
بونلری ایستە دیسه ده متفقلری اولق واونلره برابر پودولیا یه	
آقین یایق ایله برابر آنجق برقسمنی استرداد ایدە بیلدی .	
ایرتە سی سنه لرده بو موغوللار ویستول نه رینه قدر بالس	

» [۱] خلفت عالمك ۶۹۹۱

» [۲] » » ۶۹۹۳

قراسنیستاوی ، تور دین ، قراسنی ، لوبان جوارلرینه قدر
نفوذ ایتدیلر، بورالردن برچوق اسیر آلدیلر. مختلف دفعه لرده
بوتون ولایتلری ، جنوبی روسیه یی ، لیتوانیانک بر قسمنی
لانڈیسوت ، لزبچ ، زاویہ وست ، اوپاتوف جوارلرینی چیکنه دیلر .
منکلی کرایک قوت و سطوتی نہایت قاپچاق خانی
احمدی [۱] تلاش واندیشہ یه دوشوردی . پتریقوفده انعقاد
ایدن لهستان دیه تنه سفیرلر کوندره رک قریم خانہ قارشی حرب
ایتمک اوزرد لهستان قرالی آلکساندر طرفندن دعوت ایدیلدیکی
جهتله یوز بیک سواری ایله وولغا و تانائیس نہرلرینی کچدیکنی ،
بورسته نہ نہرینه قدر ایلر یله دیکنی ، مشترک دشمنه قارشی
بورومک ایچون اوراده لهستانک و لیتوانیانک قوہ امدادیه لرینه
منظر اولدیغنی بیلدیردی . منکلی کرایک تجاوزاتندن ده قورقان
دیهت بومعاہده یی تجدید ایتدی و قوہ امدادیه کوندرمکی یمین
ایله وعد ایلدی . فقط ایش بویله اولدیغنی صیراده منکلی کرایک
اوغلی محمد کرای غلبه لق براردو ایله احمدہ هجوم ایتدی .
مع مافیہ مملکتہ دوغرو پوسکور تولدی . موغوللرک بربرلرینی
محوائتمه لرندن یک ممنون اولان اهلایلر احمدہ التحاق ایچون
استعجال کوسترم دیلر . احمد سفیرلر کوندردی . بونلر
آلکساندرک مراسم تتوجیه سی ایله مشغول اولدقلری صیراده
قراقووی به مواصلات ایتدیلر . لیتوانیا ییلر ایله اهلایلرک کنددی
[۱] فرومبوکا Sachmet ، باشقه لری ایسه Scheahmed دیور

سنه

۱۵۰۰

۱۵۰۱

قروم
میشو

امداد لرینه کلمك خصوصه کوستردکلی بطائتدن شکایت
ایدیورلردی . مراسمك اجراسندن وديهك انعقادندن
صوکره امداده کیدیه جکی وعد اولوندی . فقط بووغولار
یه جك بولونمایان صوغوق برقطعه ده اولدقلى جهته صوغوقه
و آجلغه بوقدر اوزون مدت معروض قالمقدن بیقان احمدك
قاریسی عسکرک برقسیمیه قریمه کچدی . منکلی کرای بالذات
کله زك احمده هجوم ایتدی . احمد اوچ یوز سواری ایله بیه لغراده
قاچدی . اوراده تورکلرک کندیسنى قریم خانه تسلیم ایتک
ایچون طوتمق ایسته دکلی حس ایدنجه بودولیا صحرالرندن کچهرک
کیه فه قاچدی . فقط بوراده ده نفسی تحت امنیتده کورمديکندن
بو شهرک پالاتى اونی ویلنايه کوتوردی . اوراده لهستان قرالک
مواصلتنی بکله مک امرینی آلدی . بوصورتله لهیلرک انه تسلیم
نفس ایتمش اولماسنه چوق کچمه دن نادم اولدی . قاچق ایسته دی .
فقط کندیسنى تحت نظارت و محافظه آلدیلر .

سنه

۱۵۰۲

قروم

دیگر طرفدن ، منکلی کرای لهیلردن انتقام آلمغه قالقه رق
بودولیاى ، روسیه بی وره سووی جوارلرند ساندومیر حوالیسنى ،
باروسلاوی بی ، رادیمیری ، بالاسی تخریب ایتدی . ویستولی
کچدی ، اوپاتوف ، لاغوف ، قوتوف شهرلرینی یغما ایلدی و پاسیا توفه
قدر ایلریله دی . بوزاده بعض مقاومته تصادف ایتدی و بوندن
دولای غایت عظیم غنائیه کرى دوندی . ایرته سی سنه ، ظن

۱۵۰۳

اولونديغنه كورد مولداويا پالاتى اتيهك تشويقي اوزرينه پودوليا
قطعه سنه كيردى.

سنه
۱۵۰۵

قروص
ميشو

او وقته قدر ويلناده موقوف طوتولش اولان احمد نهايت
لهستان قراللك امر ياه رادومير ديه تنه كوتورلدى. موغول خانى
كنديسك بحر حزر طرفلارندن كتمير يلوب دشمنلرينك قارشيسنده
يالكنر براقلماسندن وصو كره توقيف ايديلمسندن دولاي آجى
صورتده شكايه ايتدى و هيچ اولماز سه عود تنه مساعده ايديلمه سنى
ايسته دى. لهليلر باشنه كلن فلاكتك مسببى كنديسى اولديغنى
جواباً بيان ايتديلر. چونكه دشمنلرينك اردوسنه فائق اى
ر اردونك باشنده ولديغى حالده دشمنلرينى مغلوب ايتدكن
صو كره قريمى ضبط ايدى جك ياخود هيچ اولماز سه روسيه يه
آقن ياپه جق يرده هيچ برشى يامه دن عاطلانه اوتورمشدى.
عطالتي وعسكرلرينك فرارى سبيله لهستانك دشمنلرى قوت
بولمشلردى. بومؤ اخذ اتدن صو كره، قاپچاق خانك لهليلر عليه نه دوئمە
سندن قورقولايدى ايچون، برادري قزان سلطاني تاتارستانه كوندركه
قرار ويرديلر. بوشهزاده خانه نوغالرله برابر برقوة امداديه
كتيره جكدى. خان صو كره بوقوتله كيدوب قريم تاتارلرينه
شجوم ايدى جكدى. فقط بوقوتك ورودينه انتظاراً خانى تروفوسه
كوندرديلر و ويردىكى سوز اوزرينه كنديسىنى برآز سربست
براقديلر. فى الحقيقه برآز صو كره نوغالر ره ساسى طرفندن
ليتوانيايه سفيرلر كلدى. بونلر احمدى ايستينورلر و او كابويوك

معاونتار وعد ایدیورلردی . فقط عینی زمانده منکلی کرای
احمدك صالیورمه منی لیتو آنیالیلردر جا ایتدیرمش و پولونیالیلرله
لیتو آنیالیلره صلح تکلیفنده بولونمشدی . حکومتنک اوزاقلغی
حسابله کندیئرینه معاونت ایدمه من احمد ایله اتفاق ایتمکدن
ایسه کندیسی ایله ائتلاف ایتمک منفعتلرینه دهه موافق
اوله جغنی سویله مشدی . لیتو آنیالیلر لهستان قرالنک ورودی بکله مکه
قرار ویردیله . نوغای سفیرلرینی کورمک صلاحیتنه مالک اولان احمد
برطاقم وعدلر ایله کندیسنک آووتولمقده اولدیغنی آکلائیجه
قاجغه تشبث ایتدی . لیتو آنیالیلر طرفندن یاقه لاندی ، دهه صیقی
صورتده تحت محافظه آلندی . صوکره لهستان قرالی آلکساندر
منکلی کرای ایله برلشمکه قرار ویردیکندن بوتون معیتله
احمدی ویلنایه کتیردی و آدملرینک کافه منی لیتو آنیانک مختلف
شاتولرینه داغیتدقن صوکره کندیسنی قون قلعه سنه حبس
ایتدیردی . احمد منکلی کرایک دوست اولمایه جغنی آکلائیجه
چالیشه رق اعتراضلرده بولوندیسه دهه بر فائده سی اولمادی .

آنال روسیه ن

قاپچاق ایمپراطورلغی بو حکمدارک واهلیبرک خانقیله
نهایت بولمشدر . آرتق احمد خلف اولان خانلره تصادف ایدیله .
قاپچاق خانلرینک تبعه سی اولان نوغایلهر عشیرت رئیسلی
طرفندن اداره ایدیلکه باشلاندى . الا آن دهه بویله در . مع مافیه
اوله کورونیورکه اسارتندن اول ، بو اقوامک بعض پارچه لری
احمدك تحت حکمندن چیقمشلردی . ایوان اسمنده بر رئیسلی

واردی که احمدی ۱۴۸۰ تاریخنده روسیه ده بر سفر دین
 حین عودتنده مغلوب ایتشدی . او تاریخدن سوکره نوغایلر
 ۱۱ آستراقانه صاحب قالدیلر . بوراسی ده اوجه قاپچاق خانلرینه تابع
 ایدی . سوکره لری ۱۲۱ قریم خانی محمد کرای آستراقانی نوغایلرک
 الندن آلدی . فقط اهالی به قارشی کوستردیکی مظالم و تعدیاتدن
 دولایی محمد کرای آستراقانده قتل ایلشدر . ۱۵۳۲ تاریخنده
 آستراقانده کاظم اسمنده بر حکمدار واردی که روسیه غران دو -
 قه سنه چرکسارک آستراقانی یغما ایتدکلری خبرینی کوندرمشدی .
 ابرته سی سنه بونو غایلر ینه غران دوقه سفیرلر کوندردرک سربستی
 تجارت طلبنده بولوندیلر . آستراقان حکمداری اوزمان
 عبدالرحمن اسمنده ایدی . غران دوق ایله دوست کچینمک
 آرزوسنی کوسترمشدی . برآز سوکره ۱۳۱ یتمش نوغای
 میرزاسی یکی غران دوق ایوان واسیلوویچه یتمش سفیر کوندردیلر .
 بونلرک یانی صیرا درت بیک یدی یوز تجارواللی بیک دوه واردی .
 بوقوملر روسلرله بالذات کندیلرینک آرزو ایتدکلری وفاق
 و مسالمتی اوزون مدت محافظه ایتدیلر . میرزالرندن بعضیلری مشرا
 وره ران الکالرینه کیردرک یغما ایتدیلر ان ا روسلر انتقام آلمق ایچون
 [۱] میشو ، خالک قوماندانلرندن بری اولوب ۱۵۱۰ تاریخلرینه
 دوغرو سرای شهرینه چکیلن اوقاس دولایسیله بونلره اوقاسی
 نامنی ده ویرر .

[۲] خلقت عالمک ۷۰۳۱ نجی سنه سننده .

[۳] » » ۷۰۴۲ » »

[۴] » » ۷۰۵۹ نجی سنه سی کانون اولنک ۲۶ سننده

سنه

۱۵۳۲

۱۵۳۳

۱۵۵۱

نوڭايلرك مملكتىنى يىغما ايتدىلر وتەلىاق اسىمىندەكى مىرزالىرىنى
 اسىر آلدىلر . باشقە روس قوتلىرى آرسلان مىرزا ايله اوقاي
 مىرزايى بوزدىلر . بومخاسماتدن صوكرە نوڭايلر چاردن صلح
 طلبىندە بولوندىلر . بۇدە كىندىلرندىن سائر سفرا ايله بىرلىكدە
 مىر على نامىندەكى بىر مىرزانىك اعزامنى ايستەدى . نىھايىت ، آستراقان
 حكمدارى ، امغورچى چارە عرض تابىعت تىكليىفندە بولوندى .
 فقط بومملكتىك مىرزالىرى وبالحاسە امغورچىدن غىر مۇنون اولان
 مىرزا اسماعىل حكمدارى قوغىق وىرىنە درىسى اجلاس ايتىك
 اىچون آستراقانە براردو كوندىرمەسنى چاردن رجا ايتدىلر .
 بوشەرى اله كچىرمىكى دوشىون چار ، ايستەنىلن شىئى قبول
 اىچون مشكلات كوستىردى . ژورژاىوانووىچ پروسقىنىك
 قومانداسى آلتىندە اوچ اردو كوندردى . بوقوماندان پىرە وولوقە
 واصل اولدىغى زمان قناز آلكساندر و يازەمسكى بى شىرك
 حالدىن خبر آلمىغە كوندردى . وبازەمسكى امغورچىنىك [۱]
 آستراقان مجلس حكومتىك امرىلە روسلردن خبر آلمق اوزىرە
 قايتىقلارە كوندىرلىش بىعض آدملىرە تصادف ايتدى . بونلردن
 آلدقلىرى اسىرلردن آستراقان حكمدارىنىك شىرك آلتىندە بش
 ورست مسافەدە قراركاه قوردىغى ، قلەدە پىك آز آدم
 براقدىغى خبر آلدىلر . پروسكى نىر طرىقىلە آستراقان اوزىرىنە
 يوروركن دىازەمسكى آستراقان قرالىنى تعقىبە مأمور اولدى .

سەنە

۱۵۵۴

[۱] كىندىسەنە امورجەدە دىيورلر .

روسکی آستراقانی ایکی تموزده هجوم ایله ضبط ایتدی . خان
عنوانی دریسسه ویردی و بوبویوک مظفریتدن اسماعیل میرزانی
خبردار ایلدی . آرتق خانلرینی روس چارینک تعیین ائتمه سنی
قبول ایده جکلرینه دائر بوتون خلقه یمین ویردیریلدی . چاره
برویرکی ویردیلر . شهرده والی صفیه قناز آندره بوریاتینسکی
براقلدی . روسلر اسکی حکمداری آزاق یاخود آزوفه قدر
تعقیب ایتدیلر و موشوق قربنده زوجهلرینی اسیر آلدیلر .

آستراقان حکمداری شهری استرداد ایچون تشبثاتده
بولونمقدن کری دورمادی [۱] . یوسف میرزا ، بر مقدار
یکه چری و قریم قوای معاونه سی ایله هجوم ایتدیسسه ده پوسکور تولدی .
صوکره چار کندیسنه مربوط بولونان ویوسفی اولدیرن
اسماعیل میرزایه مکافات اولمق اوزره کندیسنه هدیه لر
کوندردی و صاحبی محافظه ائتمه سنی توصیه ایله دی . بومیرزا ،
یوسف ایله بویوک بر محاربه یه کیریشمش ، آدم لرینی قوغمش ،
نوغایلر الکاسنی ضبط ایله مشدی . قاسای میرزا ته شووتی ؛
آرسلان میرزا مورادینی اله کچیرمشدی . بونلری چاره خبر
ویریرکن آرتق کندیسنک طرفنی التزامدن قطعاً ایرلما یه جقلرینی
تعهد ایلدیلر . چار بونلرک سفیرلرینی بر جوق هدایا ایله اعاده
ایتدی و کندیلرینه اینیاس زاغریاسکی نی ترفیق ایله دی .
عینی زمانده ، وولغا اوزرنده بولونان بوتون قوماندانلرینه یوسف

[۱] خلقت عالمک ۷۰۶۳ نجی سنه سنده .

میرزانك اوغللارینك حرکاتی کوزدن دور طوتماملری ایچون
 امرلر ویردی . روس چاری امغورچینك موسقوووهیه کتیریلن
 زوجهلرینه پك حسن معامله ایتدیردی . استقباللرینه کوندردیکی
 خزینهداری واسطه سیله کندیلرینه لازم اولان شیلرک کافه سنی
 ویردیردی . بونلردن موزاچه Meusaztza نامنده کی بری یولده
 دوغورمش ایدی . چوجوغیله برلیکده وافتیز ایدیلهرک صد کره
 زاقاریاس ایوانوویچ بله سازه فیه تزویج ایدیلدی . وقتیه موغوللارک
 او قدر تجاوزاتنه اوغرایان روس ایمپراطورلغی ایشته بوصورتله
 بوقوملری تحت اطاعتنه آلدی . وقتیه روس غراندوقلری
 ناصل خانلرک تابعی ایسه ، آستراقان خانی دریس ده شیمدی
 غراندوقه تابع ایدی . مع مافیه ، یمینلرینه رغماً ، الآن قریم
 تاتارلریله کیزلی مناسباتده بولونیوردی . بوندن دولانی استراقان
 اوزرینه سترلیچ وقازاق عسکرلرینی کوندرمک لزومنی حس
 ایتدیلر . دریس ، چارک دشمنی اولان یوسف میرزانك اوغللرینه
 وولغانك اوته طرفه کچمکه مساعده ایتشدی . بونلر اوراده
 اسماعیل میرزایی مغلوب ایتشلر و روسیه یه صادق اولان قسای
 میرزایی اولدیرمشلردی . سترلیجلرک تقریبی دریبسی آستراقاندن
 قاچغه مجبور ایتدی . قریم خانی بوعصیانده اوکا مظاهرت
 اتمک اوزره پیاده وطویجی قوتلری کوندردی . فقط چارک
 قوماندانلردن قافتریه ف چارک دوستلغنی وعد ایدهرک کندیسنی
 دائرة اطاعته ادخال ایتدی . دیگر طرفدن اسماعیل میرزا بوتون

عسکرلرینی طوپلامش ، یوسفک اوغلارینه هجوم ایله اونلری
نوغازی مملکتندن کاملاً چیقارمشدی .

سنه

۱۵۵۶

مع مافیه در بیس دائماً قریمله مناسبات خفیه ده بولونیوردی .
یوسف میرزا ایله اسماعیل قارشی بر معاهده عقد ایتمشدی .
روس قوماندانلری بو اغتشاشاته مانع اولماق ایچون قازانه اولدیغی
کی آستراقانه ده بر قوماندان تعیین ایتسنی چاره توصیه ایلدیلر .
روس چاری قناز آندره تیچقین ایله غره غوار وه لینی نوغازی
میرزالری اسماعیل ایله آرسلان وباسایه کوندره رک روسیه یه
مربوط و صادق قاله لرینی توصیه ایتدی و کندیلرینه معاونت
وعد ایلهدی . بونلردن در بیسک عصیان ایتدیکی ؛ یوسف ایله قریملیله
التحاق ایدد رک چار طرفداری اولان بوتون میرزالری اولدیرد کدن
صو کره بش یوز کشی ایله وولغا قریبنده کوچوک بر قصبه یه قاچدیغی ؛
صو کره ، روسلر طرفندن هجومه اوغراینجه قازانه چکیلدیکی
خبر آلدی . چار آستراقانه سترلیچلرک قوماندانی ایوان
چره میسینوفی کوندردی . میرزالرک قسم اعظمی نفاق
ایچنده ایدیلر . کیمسی وطنلرینی مدافعه ایدیورلر و کندیلرینه
طاقلمق ایسته یان بویوندوروغی آتمغه چالیشیورلردی دیگرلری
چار طرفنی التزام ایدد رک بونلرک علیه قیام ایتشلردی .
اسماعیل میرزا چار طرفدارلغی ایدن قوماندانلرک اک ایلری
کانلرندن ایدی . مملکتلرینی مدافعه طرفداری اولانلر بوتون
غیرتلرینی بوکا قارشی صرف ایدیورلردی . اونک ایچون میرزا

اتهام ایلدیلر . چار اسماعیله و سائر میرزالره کوندردیکی
سفيرلرده چرمه ميسينوفه و وولغا اوزرندە قوماندا ایدن سائر
ضابطانه نوغایلری قازاقلرک و قریم تاتارلرینک تجاوزاتنه قارشى
حمایه ایتک و کندیلرینه سربستى تجارت بخش ايله مك ایچون
امرویرمش اولدیغنى بیلدیردی . بوتون میرزالر بونک اوزرینه
آستراقانه کیتدیلر . اوراده یمینلرینی تجدید ایتدیلر . نوغایلر
بوشهرک سورلری آلتنه تجارتد کلدیلر . دربنددن بورایه
برکاربان کلدیکی کورلدى . او سنه بعض میرزالرک آراسنده
برمنازعه چیقدى . فقط چاره مطبع قالدیلر . حتی ایچلرندن
دوقوزی ابتدا قریم خانى دولت کرایک یانه چکیلدکلری
حالده صوکره اوندن ممنون اولمادقلرندن عودت ایتدیلر،
دولت کرای ايله حرب ایلدیلر .

سنه

۱۵۹۹

اوزمان بوتون نوغای میرزالری آراسنده حکم سورن
وفاق و اتحاد و چار بوریس غودونوفک خوشنه کیتمدی . بونک
آستراقان شهرى ایچون مضر اولماسندن قورقیوردی [۱] .
۱۶۱۳ بوچار ، قوماندانلری واسطه سیله میرزالر آراسنه نفاق صوقق
ایستهدی و بوکا موفق اولدی . صوکره [۲] ، نوغایلر یالکیز
اوقرانیایى تخریب ايله اکتفا ایتمه یهرک اوقا نهرینی کچدیلر ،
قولومنا ، سرپوخوف و حتی موسقووهیه قدر آقینلر یابدیلر .

[۱] خلقت غلک ۷۱۰۷ نجی سنه سنده .

[۲] " ۷۱۲۱ " .

ايچرك Ystezrk اسمنده بررئيسلىرى واردى . ميشلك چار
اعلان ايدىلدىكى خبر آلنجه بو آقنى تقييح ايتدى . نوغايلىرك
بوندىن صوكردىكى تاريخلىرىنه دائر المزدده وئائق يوقدر . ذاتا
بوندىن صوكره نوغايلىرك تاريخى موجب مراق برشكلىن چيقمىشدر .
روسىيه تايىع اولان وميرزالرى طرفندن اداره ايدىلن بو قوملىر
آرتق عسكرى سفرلردن زياده اتقيالر طرفندن ياپلمش حيدود .
لقلره بكمزه ين آقنلردن باشقه برشى اجرا ايدمىز . ايشته
شمالى آوروپا ملتلىرى ايچون او قدر وحشت اور اولان قايچاق
ايمپراطورلغنىك بقايسى بو حالده در .

نوغايلىر آلآن موجوددرلر . بحر حزرىك شمالنده و غربنده
كائن او والره يايلىمىشلردر . بوراده عشيرت حالنده منقسمدرلر .
بونلرك اسملىرى بزه حالا قديم موغوللارى خاطر لاتيىر [۱] .

يىككىن صو
زان دولوقا

[۱] سابوروپول قلعهسى جوارنده بولونان نوغاي عشيرتلىرى

- شونلردر : ۱ - قايچاقلر . ۲ - نايماىلر . ۳ - آسلر . ۴ - ديكر
نايماىلر . ۵ - ديكر قايچاقلر . ۶ - بوتىكىلر وبوباتاتاشلر . ۷ -
چه وزه ليلر . ۸ - ماندىزايلىر . ۹ - قازان قوللار . ۱۰ - قاياسولار .
۱۱ - ديكر قاياسولار . ۱۲ - ايرخان قانغلىلر . ۱۳ - جه دلاىلر .
۱۴ - كليچيلر و قروتوياقيلر . ۱۵ - ايفورلر . ۱۶ - چيجيوتلر .
۱۷ - قانغلى آرغايلىلر . ۱۸ - باياتايلىر . ۱۹ - بوقويلر . ۲۰ -
ترسقوى قانغليلىر . ۲۱ - آلاشلر . ۲۲ - ترسقوى قايچاقلر . ۲۳ -
قانغلى تانشاليلر . ۲۴ - درسوناسلر . ۲۵ - جغال بولدىلر . ۲۶ -
ديكر چيجيوتلر . ۲۷ - بادراقيلر . ۲۸ - قولوپنديلر . بوتون
بو عشيرتلىر ۲۸۳۵ چادير تشكيل ايدرلر . ۱۷۳۲ ده ياپيلان برتخريىر

بۇنىڭ بويۇن كۆچۈك نوغايلىرى [۱] دىيەلىكى يە آريلىيور. كۈچۈك
 نوغايلىرى دۇن نەرىلە قوبان نەرى آراسىندە اقامت ايتىمىدە درلر .
 ھەر ئىشلىرىنىڭ مىرزا نامىدە بىر ئىسىمى واردر . بۇر ئىسىمى جانى نىزدە
 ايتىمىدە ئىشلىرىنىڭ قورار كە قور دىر . بۇنىڭ كۈي و قىسبەلىرى
 يوقدر . اولرى آراپە اوزرىندە طاشىدقلىرى چادىرلردىن عبارتدر .
 يايىق نەرىندىن پالوس مە ئۆتىدە قدر يايىلىرلر . ھەمان ھەمان داغستان
 تاتارلىرى كىدىرلر . ياللىكز يوزلىرى تاماماً بۇرۇشقدر . عمومىتە
 غايت يېقىملىق درلر . يوزلىرى كىنىش و ولغون ، قىللىرى قوجە -
 مان ، بۇرۇنلىرى چو كوك ، كوزلىرى كۈچۈك و ياناقلىرى
 غايت بويۇكدر . بۇندىن دولانى چو چوقلىرى دۇغدىقنى سەكرە
 اوزون مدت اطرافى اى كۆرە مىزلر . بۇتون مىراسمى ازدوا -
 جىللىرى بىر قاچ شەھىر تدارك ايتىمىدە انحصار ايلر . اقربالردە
 اولىنى بىلىرلر . ياللىكز ھەم شىرە ، تىزە و خالەلرلە ازدوا جىمىنوعدر .
 زۇجەلرلە بىر شى تادىيە ايتىمىلرلە دە قاين پدر و قاين برادرلرلە
 ھەدىلر و ىرىرلر . قادىنلىرى كىنىجلىكلرنىدە ضررلىق در . فقط
 ياشلىرى ايتىلەنچە غايت چىركىن اولورلر . جنازە مىراسمىدە
 طبقى قىرىم تاتارلىرى كىنى حركەت ايدىرلر . ياللىكز بىر فرقلرى
 نەشك اوزرىنە چوق طوپراق قويما لرنىدە عبارتدر . بۇدە
 حيواناتك نەشى طوپراقدىن چىقارما مىلرى ايتىمىدە . يازىلىرى

نەفسە نەظر مقدارلىرى ۳۶۵۸ نەفسىدىن عبارتدر . بۇنىڭ ۲۴۰۷ نەفىسى
 سلاح طاشىيە بىلىرلر .

[۱] روسلر كىندىلرلە ناخايسىكىلر دىيورلر .

تاتارلىرىنىڭ
 عمومىسى
 ايتىمى

و حروفاتلری یوقدر . عدالتی رئیسلی تأمین ایدر . یالکیز
تعمداً بر قتل ارتکاب ایدنلری اعدام ایدرلر . بوده غایت نادر
وقوعه کلیر . غایت فنا مسلماندرلر . نه اوروج طوتارلر نه نماز
قیلارلر . اماملر طرز معیشتلری اعتباریلر اونلرله برابر یاشه ما-
یورلر . علی العاده ، ایکی کوچوک قلهلری واردر . کوچوکی
زوج وزوجه ایچوندور . چوجوقلر بویوک قلهلری اشغال ایدرلر .
خدمتجیلر نه قدر صوغوق اولورسه اولسون ، طوپراق قارلرله
اورتولش اولسه ده هپ آچیقده یاتارلر . دائماً مبذول صورتده
مالک اولدقلری ات وسوت ایله تغدی ایدرلر . چرکسلر کبی
داری یاخود اکمک یمزلر . یمک یدکاری زمان غایت بیسدرلر .
اتی پارمقلریله طوتارلر . صوکره بونی آغزلرینه آتمق ایچون
باشلرینی قالدیریرلر . اکشیمش اینک سوتی صو ایله قاریشد .
یره رق ایچرلر . بایرام کونلرنده قصر اق سوتی واردر . بونی
ایکی کون تخمر ایتدیریرلر . قامیس یاخود قوسموس دیدکلری
ایچکی بودر . کونلشده یغورتی قوروتورلر وات ایله یرلر .
چرکسلردن آلدقلری داری ایله بر نوع چوربا یاپارلر .
عدالری بوندن عبارت اولدیغی ایچون آرالرند فقیر یوقدر .
بر آدمک یه جک بر شیئی یوقسه یمک یه نیان یره کیده بیلیر ،
هیچ بر شی سویله مده دن سفره یه اوتورابیلیر ، یمکدن صوکره ده
ایسته دیکی کبی چکیله بیلیر . بر چوق سورولری واردر . بوتون
بو واسع صحرالری بو سورولرله برابر دولاشیرلر . قابا بر

قورشونی قماشدن منتان کیرلر . اوزرینه سیاه قویون پوستندن
 بر کورک طاقارلر . توپلرینی موسمه کوره ایچرییه یاخود
 طیشارییه چویریرلر . قالباقلری عینی دریدندر . اونی ده عینی
 صورتله قوللانیرلر . غایت آغیر اولان چیزمه لری بار کیردریسندن
 یالیشدر . قادینلری علی العاده بیاض بر بزدن اثواب کیرلر .
 عینی قماشدن یووارلاق وسیوری بر تا کیه لری وارددر . قیدشین
 بو اثوابک اوزرینه سیاه قویون دریسندن بر کورک کیرلر .
 بو تانارلر آو ایله ، بالق ایله ، دوه دن ، بار کیردن ، صیغیر
 واینک ایله قویوندن مرکب اولان مواشیلریله یاشارلر .
 اورمانلردن قورد ، آبی ، تیلکی ، صیغین ، واشاق
 طوته رق دیلرینی ساتارلر . بار کیرلری غایت کوچوک ایسه ده
 یک انی قوشارلر . هیچ زراعت ایله مشغول اولمایان بونوغایلر
 قیش یاقلاشجه کلیتلی مقدارده آستراقانه کلهرک محتاج اولدقلری
 شیلری تدارک ایدرلر . حکومت کندیلرینه سلاح توزیع ایدر .
 بو سلاحلرله جوار سائر تانارلرد قارشى کندیلرینی مدافعه
 ایدیه یلیرلر . نهرلر دوگدیغی موسمه ده تانارلر برلرینک یرلرینه
 آقینلر یاپارلر . بهارده نوغایلر بو سلاحلری آستراقانه کتیرمکه
 مجبوردرلر . چونکه کندیلرینه هیچ بر زمان اعتماد ایدیلر .
 حتی میرزالردن بعضیلری ، صداقتلرینی تحت تأمینه آلمق ایچون
 آستراقانده طوتولور . روسیه نك تبعه سی اولمقله برابر هیچ بر
 ویر کو ایله مکلف دکدرلر . یالکیز بعض احوالده سلاحه

صارلمغه اجبار ایدیلیرلر. یکر می بیک قدر عسکر حیقار ایدیلیرلر.
بونلر یالکنز سوار ی اوله رق حرب ایدرلر . وقتيله قاپچاق
ایمپراطورلغنک اک اساسلی قسمنی تشکیل ایدن بو قوملرک
حال حاضر ی ایشته بودر . قاپچاق ایمپراطورلغنی قریمی ،
قزان قرالغنی و روسیه نک تحت اطاعته آلمش سائر ممالک نی ده
احتوا ایتکده ایدی .

قریم خانلری دنیامن موغول خانلرینك مابعدی

جنكيز خان نسلندن كلن وقاچاق ايمپراطور اغنك انحطاطی
 زماننده حاجی كرايك تشبیهله خصوصی بر حکومت تشكیل
 ایدن تاتارلره ياخود موغوللره آرامزده عمومیتله كوچوك
 تاتارلر نامی ویریلگده در. بعض محروملر بونلره موغول لسانندن
 اوغلان گله سندن تحریفاً اولانلر دییورلر. معناسی دلیقانیلی
 دیمکدر. میسونك افاده سینه نظراً بر اركك ایله مناسبتده
 بولونماش بر کنج قیزدن دوغمش آدم مناسبتده در. بوده
 جنكيز خانك خرافه آلود بر طرزده تولدینه ایمادر. بعضیلری
 کندیلرینه پردقوب شهرینه اضافتله پره قوپایلر، بعضیلری ده
 توریقانیلر دیمشدر. چونکه وقتیه قریم قطعه سینه توریک
 یاخود کرسونه س توریک دیرلردی. روسلر قریمسکی تاتارلر
 دییورلر. بزم آرامزده بو تاتار حکمدارلرینه قریم خانلری
 نامی ویریلیور. بوتون بو تاتارلرک اک صاحب قدرتی اولان

ژان دولوتا
 میشو
 قرومر
 بوپلان
 دوبان
 فران

بو حکمدارلر قریم شبه جزیره سنی وشبه جزیره نك شمالنده
 کائن اولوب اوقرانیان سامارا ؛ روسیه دن میوس نهری
 واسطه سیاه تفریق ایدیلن قطعه ارضی اشغال ایتکده درلر .
 بو قطعه ده شهر نامنه لایق پک آز مملکت واردلر . کنیشلمکی
 آنجق یاریم فرسخدن عبارت اولان شبه جزیره بوغازینک
 مدخلنده سورسز عادی بر قصبه یه تصادف ایدیلیر که بوتون
 استحکاماتی یکر می قدم کنیشلمکده ، آتی یدی قدم درینلکده ،
 یاری دولمش بر هندکن عبارتدر . عینی ارتفاعده وتقریباً
 اون بش قدم کنیشلمکده برده دیواری واردلر . تورکلر
 ویریلر بو شهره اورقاپی یاخود آلتون قاپو دیرلر . لهیلر
 پردقوپ یعنی قازیلش طوپراق نامی ویریلر . بوراده ، چیفته
 دیواری بر طاش حصار واردلر . شهرده تقریباً درت یوزخاه
 موجوددر . اورادن ده کیزک غرب ساحلنه قدر بر هندک
 قازیلشدر . دیگر شهرلره کلنجه ، قوسه سو ساحل بخرده
 کائندر ویک قدیمدر . بو نك برده لیمانی واردلر . تقریباً ایکی
 بیک خانه دن ترکیب ایدر . طوپ ترخان یاخود کره سون
 شهرنده یالکیز اسکی خرابه نر کورولور . خانک اقامتگاه ی اولان
 باغچه سرای ایکی بیک خانه دن ترکیب ایدر . الما یاخود ائوچولا
 الی خانه لک بر کویدر . بالوقلوه یاخود بالیق لاغی دگیر
 کنارنده بر قصبه در که شیمدی استانبول پادشاهلری ایچون
 بوراده کمیلر ، چکدیرمه لر و قالیونلر یاپیلیر . مانکیوب یاخود

منكوب بابا دنيلىن بر طاغ اوزرنده مېنى عادى بر حصاردر .
 قريمك پايختى اولان فقط ايچنده پك از تاتار بولونان ،
 سكهه سنك قسم اعظمى خرسهتيانلردن تركب ايدن كفهده
 اون ايكي روم كليساسى ، اوتوز ايكي ارمنى كليساسى وسن پيه ر
 نامنه اتخاف ايديش بر قاتوليك كليساسى وارددر . خرسهتيانلرك
 تاتارلردن صاتون آلدقلى اوتوز بيك اسيرده كفهده موجوددر .
 بو شهر سكهه سى استانبوله ، طربزونه ، سينوبه وبوتون قاره
 دكيز ايله جزاير بحر سفيده كیده رك تجارت ايدرلر . قريم
 ياخود قريمندا غايت قديمدر . آلتى يوز خانه يي احتوا ايدر .
 ديكر شهرلر قارا صو ، طوزله — كه بوراده مملحه لر وارددر —
 قورباس ، قرسى ، آق مسجد ، آراباق ياخود اوربوتق در .
 بو صوك قصبه ده كار كير بر حصار ايله برده كيزدن ديكر دكيزه
 منتهى بر ديوار وارددر .

بوتون بوتاتارلر مسلماندرلر ، قالموقلره پك چوق بكزدرلر .
 فقط اوقدر چير كين دكلدرلر . كوچوك ياپيني وپك طيقنازدرلر .
 رنگلى اسمر ويانيقدر . كوزلى از آچيق وپك پارلاقدر .
 چهره لرى دوت كوتسه وياصصيدر . آغيزلى كوچوك ،
 ديشلى بياض ، صاحلىرى قاره و قيل قدر سرتدر . صاقللىرى
 سيره كدر ، كتن بزندن غايت قيصه بر كوملك ايله عيني بزندن
 دون و غايت كنيش بر شالوار كيپرلر . بو شالوارلر قابا بر
 جوخه دن ياخود قويون دريسندن يالمشدر . مينتانلىرى توركلرك

قفتانلری طرزنده پاموقلی بز اوزرینه ایشلمه لیدر . اوستنه
چکه دن یاخود قویون پوستندن بر مانتو کیرلر . زنکینلری
بو مانتو یرینه ایچی کوزل کورک قاپلی چوخه برپالطو یاپارلر .
همان همان لهیلرک قالپاقلری بیچیمنده اولان قالپاقلرینک
کنارنده قویون پوستی یاخود ، درجه سنه کوره ، قیمتدار
کورکلر چه وریمشدر . قرمزی مارو کندن پوتین ده یاپارلر .
سلاحلری قیلیج ، اوق ، یادر . بونلری کمال مهارتله قوللانیرلر .
بار کیرلری پک کوستریشسز ایسه ده اوقدر دایانیق لیدرلر که هیچ
دورمادن یکر می دوقوز فرسخلق مسافه قطع ایده بیلیرلر .
اکرلری آغاچدن یالمشدر . اوزنکینلرینک قایدشلرینی اوقدر
قیصالتیرلر که بار کیره بپندکلری زمان دیزلری تمامیه قاتلامش
طوتمغه مجبور اولورلر .

قادینلری کوزل دکلدلرلر . چونکه قوجه لرینه پک بکزرلر .
مع مافیه اولدجه بیاضدرلر . پاموق بزندن اوزون کوملک
کیرلر . چوخه دن یاخود قویون پوستندن دار براثوابلری ،
صاری یاخود قیرمزی مارو کندن آیاق قابیلری واردر . بو
تاتارلر هم جوارلری اولان قوملره صیق صیق آقین ایتدکلرندن
جاریه لری آراسنده خوشلرینه اک چوق کیدتی انتخاب ايله
کندیلرینه مستفرشه یاپارلر و کندی ملتیرینه منسوب قادینلری
استحقار ایدرلر . هپسی عسکر در ، جسور در ، مشاقه متحملدر .
شداند هوائیه قولایجه مقاومت کوستیرلر . یدی یاشنده چادیرلرندن

چىقار چىقماز ھېچ آچىق ھۋادە ياتارلار. ىدى ياشىدىن اعتبار آيدىكلرى
شىاوق ايله اوردىقلرى آو اتلرندىن عبارتدر. اوناىكى ياشىدى
حربە كىدرلر. اونلرى بو يورغونلقلره حاضرلامق اىچون
كىچىكلىرىنىڭ والدەلىرى ھەركۈن كىندىلىرىنى بانيويە سوقارلر.
قىش اورتەسىنىڭ نەھرىلىرى يۈزەرك كچمكە مجبور قالەجىقلرى
زمان درىلىرىنى سىرتلىشىدىرمك، صوغوغە قارشى دىھا آز حساس
بولۇندىرمق اىچون صويك اىچنە طوز قارىشىدىرلر.

سفرە چىقدىقلرى وقت ياي ايله قىلىجىدىن باشقە بىللەرنىڭ
رىچاقلىرى، آتش ياقىق اىچون بر چاقماقلىرى، بر بىزلىرى
وطىئەتلىرى اسىرلىرى باغلامق اىچون بش آلتى قوللاچ
قاپلىرى باردر. كىذلك ھېسەندە بر بىسىطە شەمسىيەدە
بولۇنور. آنچىق زىنكىنلر زىرە كىرلر. دىكىرلىرىنىڭ سلاح
مىدافىسى يوقدر. دائىما يىك بىر بار كىر كوتۇرۇرلر. بۇدە
تەقىب ايدىلىدىكلىرى زمان، بىندىكلرى بار كىر يورۇلۇنچە دىكىرلىرىنىڭ
اوزىنىڭە اتلايەبىلىمك اىچىۋىتىدۇر. بۇنى بويۇك بر مەھارتلە
و ھېچ توقىف اىتمەدىن ياپازلر. اوزمان، آرتىق اىشلىرىنىڭ
يارامايان بىر ئىچى بار كىر كىلوب دىزىال صاحبىنىڭ صاغ طرفى
طوتار و دائىما صاحبىنى تەقىب ايدىر، اىككىنچى دىفعە صاحبىنىڭ
خدمەت ايدەبىلىمكە حاضر بولۇنور. قوشىمىقىدە بوقدر ماھىر
اولان بوبار كىرلىرى غايتە صىق و اوزۇنىدىر. ىرە قدر
صارقار. بۇتاتارلىرىنىڭ مەتاد اولان غىدالىرى بار كىر اىتىدۇر.

بونی سائر یمکلك كافه سنه ترجیح ایدرلر . فقط بارکیرلری
 آنجق قوشو ایچون ایشه یاراماز برحاله کلدکلرینه حکم ایتدکاری
 زمان کسرلر . برخسته لقدن اولمش بارکیرلری یمك خصوصنده
 مشکلات کوسترملر . آقین یابدقلى وقت بر بارکیر آرتق
 یورویه من حاله کلنجه بونی کسرلر و آرالرنده پایلاشیرلر .
 اون بولورلر سه قان ایله قاریشدیرارق برنوع صوجوق یاپارلر .
 اتی بارکیرلرینك اکرلرینك آلتنه قویارلر . بارکیر اوزرنده
 بش آلتی ساعت قوشدقدن صوکره ات بوزولمش برحاله
 کلیر . بونی غایت لذیذ و نازک بریمك کبی یرلر . بعض پارچه -
 لرینی بر آاز طوز ایله قایناتیرلر . بوتون ایچکیلری تصادف
 ایدرلر سه صودن عبارتدر . چونکه صو اورالرده پك نادردر .
 قیشین اریمش قاردن باشقه برشی ایچمزلر . رئیسلى اولان
 میرزالر قیصر ااق سوتی ایچرلر . بوقوملر هیچ برشی غائب
 اتمك ایسته مدکلرندن بارکیرلرینك یاغیله دارى یاخود آربه
 پیشیرلر . دریسيله یولار ، قایش ، اکر اورتوسی وقامچی
 یاپارلر . اللرینه اون کچرسه کول ایچنده پیده پیشیرلر .
 فقط اک معتاد یمکاری دارى ، آربه ، بوغدایدر . بونلری ذرع
 ایدرلر . دیشاریدن کتیریلن برنجی ده یرلر . مبذول اولان
 بالدن براپچکی یاپارلر که غایت شدتلى اوجاعه سببیت ویرر .
 چونکه بونی قایناتمازلر .

شهرلرده اوتورانلر ده مدیدرلر . بزمکنه بکزر اکمك

یاپارلر. قاینامش داریدن ترکیب ایدن برایچکیلری واردر که سوت قدر قویودر و سکر ویریحیدر. استانبولدن کتیریلان راقی بی ده ایچرلر. فقرالر اکئی سوت ایچمکده درلر. عمومیتله بوغازلرینه دوشکون دکدرلر. آز طوز قوللانیرلر. فقط بهاراتی بالخاصه بوبری پک سورلر. غایت یالانجیدرلر. پارهیه پک دوشکو. ندرلر. تاتارلر آراسنده سرقت جائز دکدر. فقط جزاسی ده یوقدر. خیرسنز یالکیز چالیدیغی اعادهیه مجبوردر. فقط یایدیغی حرکت خلقی یاخود حکومتی علاقه دار ایدرسه اوزمان ضرب جزاسنه اوغرار. قاتللر یاخود جبر و شدت استعمال ایدنلر تجاوزده دوچار اولان کیمسه نك عائله سنه تسلیم اونونور. بونلر مناسب کوردکلری انتقامی اوندن آلیرلر. بوده بعضاً وحشیانه شدتله میدان آچار. بوقوملرک شدت و خشونتی ضبط ایچون بوکی جزالر الزم عد اولونیور.

بوتاتارلرک خانی پادشاه یعنی ایمپراطور عنوانی آلیر. عثمانلی خاندانک ارکک ذریتی قالمادیغی تقدیرده تورک ایمپراطورلغنک وارثی کی تلقی ایدیلمکده در. چونکه عثمانلی ایمپراطورلغی حکمدارلرینک ده منشائی تاتارستاندر. مع مافیه، شیمدیکی حالد قریم خانی، عثمانلی پادشاهنه تابعدر. پادشاه خانی ایستدیکی کی عزل ایدر. مع مافیه کندیسنی هیچ برزمان قتل ایتدیرمز. اولجه چار کندیسنه هر سنه شونقار دنیلن ایکی آوقوشی ایله کورک ویا نقد اوله رق یوز بیک آلتون

كوندرمكه مجبور ايدى . قارلويچ معاھدەسەندىن سوكرە
بووير كوناك قالقماسى قرارلاشدى . فقط ايكي قوش ارسالى
مجبوريتى بىنە قالدى . بوايسە چارە غايت آغىر برشى كى
كوروندى . خان سالالەسنە منسوب اولوب سلطان دىيە ياد
ايدىلن شەزادەلر اك يوكسك مناصبى اشغال ايدرلر . معيتلرە
برچوق مسالاح آدملىر واردر . زىنكىن اولسەلردى بوھل
بويوك اختلافلرە سەبىت ويردەيليردى . فقط خان بىلە ،
لەستانك وچارك يوللادىغى ياردلر كەلەنچە يك فقير برحالدە قالير .
بوتون وارداتى اراضيسنك ايرادى ايلە كومروكلرك برقسەندىن
وبعض خفيف ويركولردن عبارتدر . واقعا ياپەجق بويوك
بر مصرفى دە يوقدر . چونكە يكرمى بيك قدر عساكر
خاصەسى اچون ايجاب ايدن مصارفى پادشاھ تسويه ايدر .
اردولرينك طوپلانماسى ، اعاشەسى كەنديسە ھىچ بر مصرفى
موجب اولماز . تاتارلرك كافەسى عسكردرلر . برطوپلانمەرى
كوستريالير كوسترلر سلاھلرى وارزاقلىرى ايلە بىلەكە بورايە
كليرلر . غنىمەت اميدى ويغما مساعەدەسى معاش يرىنى وتاتار .
خان سالالەسنە منسوب شەزادەلردن عبارت اولان
سلطانلردن سوكرە كرم بىكلر كلير كە بونار يوكسك اصيلزادەلر
عد ايدىلەبىلير . مملەكنك قانونلرى بونلرە تودىيع ايدىلشدر .
وظيفەلرى كرك خانلرك تعدياتنە كرك توركلرك تجاوزاتنە
قارشى خلكك حريتى محافظە ايتەكەن عبارتدر . ھر ايشدر

کندیلریله استشاره ایدیلیر . املاکری وعائله حکمداری ایله
 کثیر اولان صهریتلری حسبیه غایت ممتازدرلر . بك عنوانی
 طاشیان بررئیسـلری واردر . خان کبی بونک ده برقالنای
 ونورالدینی بولونور . میرزالر بوکرم بکلرک دوننددرلر .
 بونلر ده مجلسه اشتراک ایدرلر . بوندن باشقه خانک بر دیوانی
 واردر که همان همان پادشاهک دیواننده کی ذواتدن ترکیب ایلر .
 یعنی بونده برونیز اعظم ، برمفتی ، برقاضی العسکر بولونور .
 بونلر بوتوز امور حقوقیه و جزائییه نک دوغروندن دوغرویه
 حاکمیدرلر . خانک دور حکومتی دوام ایتدیکی مدتجه بونلر ده
 وظیفه لرینی محافظه ایدرلر [۱] . خان سفره چیقدیغی زمان
 اردوسی سکسان بیک کشیدن ترکیب ایدر . اردویه بر میرزا
 فوماندا ایدرسه اوزمان اوردو قرق ، الی بیک کشیدن
 مرکب اولور . دشمن مملکتنه یالکز قیشین و کانون نانی آینده
 گیرلر . بوده باتاقلقلر ونهرلردن دولایی توقفه مجبور اولماق
 ایچوندور . مملکتلرینک شمال طرفنده کی صحرالر اوموسمده

[۱] میشو بومملکتک مختلف عنوان ومناصبندن بحث ایتدیکی
 صیراده خان قرال دیمک اولدیغی سویلر . سلطان ، خان زاده در .
 بك بررئیسدر . میرزا بررئیسک اوغلیدر . اولبود براصیلزاده
 دیمکدر . اولبوآدولی براصیلزاده اوغلیدر . سید ، رئیس دیندر .
 اولان [اوغلان] خائفدن صوکره اک برنجی منصبدر . میشو درت
 مشاور بولدیغی ده سویلیور . برنجیسنه شیرنی ، ایکنجیسنه بارنی
 اوچنجیسنه غارغنی ، دردنجیسنه چیپلچان دیر .

قار ايله مستور اولديغندن بار کيرلری دهااي يورورلر. طوپراق
 آياقلىرىنىڭ طيرناقلىرىنى بوزماز. زنكىنلر بار کيرلرىنى چيوى
 ايله ميخلاقلىرى ياخود مشين ايله ديكىدكلىرى او کوز بويىنوزى
 ايله نعللارلر. فقط بويىك آزدايانير. اونىڭ ايچون بوز
 و دو کدن، ياخود قارسىز قيش موسمىدىن پىك قورقارلر. كونده
 على العاده آلتى فرانسىز فرسخى قطع ايدرلر. حسابلىرىنى اوقدر
 اىي ياپارلر كه بوزلر اريمدىن مملكتلىرىنه دورلر. كورولمەك
 ايچون دائما وادىلردن كيدرلر. عيى سببدن دولايى هيچ
 بر زمان آتش ياقمازلر و ايلرى يه كشافلر كونده درلر. برلكده
 كوتوردكلىرى پىك چوق بار كيردن دولايى يورويشلىرى سريعدىر،
 عادتاً بولوطه بىكزىلر واك جسور كيمسەلرە بيله قورقو القا
 ايدرلر. هر ايكى ساعتهه بر بار كيرلرىنى ديكلىدىرمىك ايچون
 بر چاريك دورورلر. بردودوك اشارتيله بونى ياپارلر.
 دشمن حدودينه اوچ، دوت فرسخ قدر ياقلاشدقلىرى زمان
 امين بر محلهه ايكى اوچ كون توقف ايدرلر. اوچ قولة
 آريلير. ايلك ايكى قول بر هيئت حالده در. اوچنجيسى
 ايكى قسمه آريلير، برى صاغ ديكلىرى صول جناحى تشكيل
 ايدر. صوكره دشمن مملكتده ياواش ياواش ايلريلرلر.
 فقط كيجه كوندوز يوردمكدن خالى قالمازلر. بار كيرلرىنى
 ياللىز بر ساعته ديكلىدىرلر. مملكت داخلنده التمش ياخود
 سكران فرسخ قدر مسافه قطع ايتمەدكجه هيچ بر ضرر ايقات

ایتمز لر . اوزمان یغمایی دوشونمکه باشلار لر . اردونك قوه
 اصلیه سی دائما عینی صورتده یورور . فقط سکز اون بیک
 کشیدن ترکب ایدن واون ، اون ایکی پارچه یه آریلان جناح لر
 هپسی بر طرفه ، بش آلتی فرسخ مسافه یه قدر یاییلار ق بوتون
 کویلری تخریب ایدر لر ، قادی ن ، ارکک ، چوجوق مواشی ،
 بار کیر ، صغیر ، اینک ، قویون ، کچی نه بولور لر سه آلیر لر .
 یالکیز دوموز لر ده دوقونماز لر . بونلری بر صمانلغه دولدی ره رق
 آتسه ویریر لر . چونکه بو حیوانلردن پک نفرت ایدر لر .
 بر جناح اردونك قوه اصلیه سنه التحاق ایده رک بوتون غنائمی
 تسلیم ایدنجه باشقه ایکی قول کوندریلیر . بونلر بو ایکی جناح ک
 یرینی آلیر لر ویکیدن یغمایه باشلار لر . بوصورتله قوه اصلیه
 دائما تام قالیر و دشمنله حربه مهیا بولونور . برله اردوسی
 کوردکلری زمان دولو دیزکین قاچار لر ، مملکتلرینک مدخلنده
 کائن اولان خالی اووالره چکیلیر لر . اوراده غنائمی پایلاشمق
 ایچون دورور لر . ایکی هفته دن آز زمان ایچنده بو صورتله
 الی بیکدن زیاده اسیر آلهرق صوکره اونلری صاتار لر .
 بوجاق تاتارلری قریم تاتارلرینک بر دالیدر . فقط نه قریم
 خانه ، نه پادشاهه تابع دکلدر لر . قاره ده کیزک غرب ساحلنده ،
 طونه نهریله بوغ نه رینک منصبلری آراسنده اوتورور لر .
 قریم تاتارلرینه بکزر لر . جسارت جهتیله اونلره فائقدر لر .
 مواشیلریله وزراعتله کچندکلرینی ادعا ایدر لر سه ده . اک باشلی

مشغولیتلری شقاوتدور. صالح نه اولدیغنی بیلیمز لر. کندیلرینه قارشى
 عسکر سوق ایدیلدیكى زمان د کیز قیدسندەكى باتاقلقلره دوغرو
 چکیلیر لر. اورادن اونلری طرد ایتک عادتاً محالدر. بویوک
 سفرلرده قریم تاتارلریله برلشیر لر. خانلری یوقدر. میرزالرینک
 قومانداسی آلتندە یاشار لر. تقریباً اوتوز بیك کشی چیقارایلیر لر.
 بوتون بو تاتارلرک اخلاق وعاداتی حقندە ویریلن
 ایضاحاتی اتمام ایچون قوبای تاتارلرینک خلاق وعاداتندە
 بحث ایتک قالیور. قوبان تاتارلری دە ایلمک قریم تاتارلری مانندە
 ایدیلر. بونلر آزوف نهرینک جنوبندە، پالوس مه ئوتیدە
 دوکولن قوبان نهری قربندە اقامت ایدر لر. الی سنەدن بری
 قریم خانلرینه تابعیتدن چیقمشلردر. فقط قریم خانلری
 عائله سندن برخان انتخاب ایتمشلردر. بو خان بوتون جوارندەکی
 حکمدارلردن مستقلدر. قوبان تاتارلرینک قوبان نهری اوزرندە
 بعض کوی وقصبه لری واردر. فقط ایچلرندن قسم اعظمی
 قفقاس داغلری اتککندە چادیر لر آلتندە شایار لر. دشمنلری
 طرفندن تعقیب اولوندقلری زمان قفقاس داغلری اونلره
 التجاکاه خدمتی کورور. وولغا نهرینه قدر آقینلر یاپار لر.
 چوق کره قیدشین وولغایی کچەرک قالموقلردن ونوغایلردن اسیر لر
 آلیر لر. اونلرک قازان حکومتنه آقینلری منع ایتک ایچوندر که
 توییا شهری قربندە وولغادن دون نهرینه قدر بویوک بر سپر انشا
 ایتمشلردر. بوتاتارلر قریمده کیلردن هیچ فرقلی دکلدر لر. یالکیز اونلر

قدر جنكاورلكارى يوقدر . آرالرنده دها آز اطاعت وانقياد
حكمفرمادر . تقريباً قرق بيك قدر عسكر چيقار ايليرلر .

ايشته حاجى كرايك قاپچاق خانلرينك زير اطاعتندن
چيقاردىغى ويكى ايمپراطورلق تشكىل ايتديكى قوملر بوكون
بو حالده در . قاپچاق خانلرندن بحث ايدر كن بو ايمپراطورلغك
منشأنى حكايه ايتدك . حاجى كرايك دورسـلطنتى ايله خلفى
منكلى كرايك بدايت حكومتنه عائد اوكره نه بيلديكمز وقايعى
سويلهدك . چوق كره ، ذكر ايتديكمز وقايعك قاپچاق
خانلرينه مى يوقسه قريم خانلرينه مى تعلق ايتديكنى تعيينده
مشكلاته اوغرادق . چونكه آوروپا مورخلىرى بونلرى يالـكـز
تاتار نام عمومىسى آلتنده ذكر ايدرلر آرتق بومشـكـلات
موجود اولماديغى ايچون منكلى خانك ۱۸۱ . لهليلرله ياپديغى
معاهده دن صوكره كى زمانه عائد وقايعى حكايه به باشلايه جغز .
بومعاهده موجبنجه صـوكـ قاپچاق خانى احمد ويلناده محبوس
طوتولا جقدى . منكلى خانك بو خدمتدن دولاي هيچ برحس
مستدارى بسله ميه جكى لهليلره سويلنمش اولمقله برابر لهليلر
معاهده نامه احكامنى تطبيق واجرا ايتديلر . منكلى كرايك
سفيرلى لهستان ديه تى ترك ايدر ايتمز منكلى خان بودوليايه ،
روسـيه به ، ليتوانيايه بش بيك تاتار كوندردى . بونلر

قروم
۱۵۰۶

[۱] روسلر كنديسنه منديكر اى ياخود منليكر اى ديورلر .
ميشو مندليكرى چار اسمنى ويرير .

اورالردن يوز بيك اسير آلدیلر ، كچدكلری يرلر ككافه سنده
تخریبات یاپدیلر . بوتون غنیمتلرینی امین بریره قویدقدن
صوكره ایکنجی دفعه اوله رق لیتوآنیایه کیردیلر . نه من نه ری
منبعك قربنده قله شه کلدیلر . اوراده سلطانلردن ایکیسنگ
قومانداسنده اون بيك كشی براقدیلر و دیگر ممالكه یکر می
بيك كشیلك بر قوت کوندریلر . لهستان قرالنگ خسته لغندن
ولیتوآنیالیلر ك تردندن استفاده ایدیورلردی . لیتوآنیالیلر
لهستان قرالی اولمادن دشمنه قارشى یورو مك ایسته میورلردی .
لهستان قرالی بوندن دولایى كندیسنی لیدایه نقل ایتدیرمكه
مجبور اولدی . فقط تاتارلر بورایه برگونلك مسافهیه قدر
یاقلاشدقلرندن كندیسنی علی العجله ویلنایه نقل ایتدیردی .
لیتوآنیالیلر تاتارلره قارشى یورو یه رك اونلری فراره مجبور
آمال روسیه ن ایلدیلر . منكلی كرای روسیه غران دوقه سی ایله بر صلح
معاهده نامه سی یامش اولمقه برابر بوكاده لهستان معاهده
نامه سندن فضله بر اثر مربوطیت کوسترمدی . تاتارلرینی پول
شهری یغمایه کوندردی [۱] . تاتارلر چكیلدكلری صیراده
اوقا نه ری قربنده تاتارلره یتیشدیلر و بوتون غنائمی استرداد
ایلدیلر . مع مافیه بر آز صوكره ، قریمده غران دوق طرفندن
خان ایله بر صلح معاهده نامه سی عقد ایتمكده اولان قونستانین
زابولوسكى قریم سفیرلریله مرسقوده كلدی [۲] . بونلر

۱۵۰۷

۱۵۰۹

[۱] خلقت عالمك ۷۰۱۵ نجی سنه سی آغستوسنده .

[۲] « « ۷۰۱۷ نجی سنه سی تشرین اولنده .

سنه
۱۵۱۰

معاهدہ پی کتیر دیلر . امضادن صو کرہ خانك زوجہ سی نور سلطان مو قوودہ بر سیاحت یادی ۱۱۱ . ہرشی صالحك دواملی

۱۵۱۲

اولہ جنی ظنی ویریوردی . فقط همان در حال صالح اخلاص ایدیلدی منکلی کرای ایکی اوغلاری احمدایہ بورناسی او قرانیایہ کوندردی [۲۱] . بونلر آنجق روس عسکرلرینك تقربی اوزرینہ

اورادن چیق دیلر . دیگر طرفدن قریم ولی عہدی محمود چارویچ رەزان الکاسنی استیلایہ حاضر لاندی . فقط چوق کچمہ دن ، روسستوف پرلسی قناز آلکساندر ولادیمیروویچك اوسہ ترادہ ومیشل ایوانوویچ بولغا قوفك اوپادہ قرار کاه قورمش اولدیغنی خبر آنجہ بوتصوردن واز کچدی . مع مافیہ ، ایرتہ سی سنہ [۳]

۱۵۱۳

بورناس کلہ رک رەزان شہرینی محاصرہ یہ آلدی . لہستان قرالی ستریس موئدك تشویقاتی اوزرینہ یاپیش اولان بو آقینلر سیتریس موئد ایلہ غران دوق آراسندہ بر محاربہ چیقارمغہ سببیت ویردی .

بر قاق سنہ صو کرہ منکلی کرای وفات ایدہ رک [۴] حکومتی اوغلی محمدہ براقدی . بو حکمدار در حال صالح معاہدہ لرینی

[۱] خلقت عالمك ۷۰۱۸ نجی سنہ سندہ .

[۲] » ۷۰۲۰ »

[۳] » ۷۰۲۱ »

[۴] خلقت عالمك ۷۰۲۳ نجی و ہجرتك ۹۲۱ نجی سنہ سندہ .

میشویہ کورہ بروجہ آتی دوقوز اوغلی قالمشدر : ۱ - محمد کرای ، ۲ - احمد کرای ، ۳ - محمود کرای ، ۴ - فتح کرای کہ اولاحیہ نك بر شہرندہ خلقت عالمك ۱۵۱۰ نجی سنہ سندہ بوغولمشدر . ۵ - بورناس کرای ، ۶ - مبارک کرای ، ۷ - سعادت کرای . دیگر ایکیسی معلوم دکلدہر .

- تجدید ایتمک اوزرد موسقو و دیه سفیرلر کوندردی. فقط صو کرده،
سنه ۱۵۱۵
کلیتلی مبالغ ایله کندیسنه آلبرمارتنی اعزام ایدن لهستان قرالی
سیتریسمونداک تشویقی اوزرینه روسیه علیه قیام ایدرک یکر می
بیك تاتار کوندردی. بونلر تولا الکاسنی تخریب ایتدیلر [۱].
سنه ۱۵۱۷
قناز ایوان میخایلوویچ و وروتینسکی ایله بازیل سیمونوویچ
اودوقفسکی کندیلرینه قارشى چیقیدیلر و تاتارلری ازعاج ایچون
ایوان توتیشین ایله وولقونسکی پرنسیرینی کوندردیلر. تاتارلر
اورمانلره چکیلدیلر. بوراده اوقرانیا پیاده لری کندیلرینی
هر طرفدن قوشاته رق مغلوب ایتدیلر و پک آزینی اللرندن قاچیردیلر.
سنه ۱۵۱۸
ایرتیه سی سنه تاتارلر پوتیبوب الکاسنه کیردیلر. بوراده قناز
بازیل ایوانوویچ شمایا چییچ کندیلرینی بوزدی. صو کره ،
غراندوق قریم خاننه سفیرلر کوندردی. صالح یکیدن عقد
ایدیلدی [۲]. معاهده نامه شرائطی موجبنجه خان روسلره
سنه ۱۵۱۹
قوه معاونه ویره جکدی. حتی خان، لیتوانیایه بر آقین یایمق
تکلیفنده بیله بولوندی. روسلر بورایه براردو کوندردیلر ،
ویلنایه اوتوز ورست مسافهیه وارنجهیه قدر بوتون ممالکی تخریب
ایتدیلر. فقط بوتون بومعاهدلر عقد ایدیلر ایدیلر اخلاص
اولونیوردی. شقاوته آلیشمش اولان تاتارلر حربدن باشقه
برشی تمی اتمه یورلردی. حربی صلحدن زیاده کارلی بولیورلردی.

[۱] خلقت عالمک ۷۰۲۵ نجی سنه سنده .

[۲] خلقت عالمک ۷۰۲۷ نجی سنه سنده .

سنه
۱۵۲۱
سپتریسیموند

برادری صاحب کرای قازانه کوتورمش اولان محمد کرای
عودتنده تانائیس نهرینی کچدی و موسقویه دوعرو ایلریله دی.
بو آنی آقین اوزرینه غراندوق بازیل علی العجله اردولرینی
ضوپلادی ، قومانداسنی ددمه تریوس بیه مسکیه ویردی . اوده
درحال کچیدلری مدافعه ایتک اوزره اوقا نهرینه دوعرو
بورودی . فقط محمدك اردوسی فائق ایدی . روسلرك مقاومتی
کندیسنی توقیف ایدم مدیکندن بونهری کچدی . موسقووه دن
اون اوچ ورست مسافه ده قرارگاه قوردی . اورادن بوتون
حوارلره آقینلر یادی . قازان خان اعلان ایدیلش اولان صاحب
کرای ولادیمیرایله نیژنی نوو غورودی تخریب ایتدکن صوکره
قولومنده برادری محمدالتحاق ایتدی . غراندوق بازیل بوقدر
غلبه لک بر اردویه مقاومت ایدم مه یه رك موسقووه یی ترك ایتک
طریقنی اختیار ایلهدی . بوراده سرای ارکانندن ایلری کلنلری
شهری مدافعه ایچون براقدی . صوکره [۱] تاتارلر ده ا زیاده
یاقلاشدیلر . هرشیئی آتش و قان ایچنده براقدرندن موسقووه لیلر
کندیلرینی شهرده تحت امنیتده کورمه یه رك اچ قلعه یه چکیلدیلر .
بوراده پک مزدهم برحاله بولونیورلردی . بوشرائط تحتنده
ا کر تاتارلر اوچ درت کون قالمش اولسه لردي شهر ضبط
ایدیایردی . باخصوص که طویجی قوتی پک فنا برحاله ایدی ،
طویلر لزومسز نقطه لره یرلشدیرلشدی . بونلری باشقه یره

نقل ايله مشغول اولدقلرى صيراده تاتارلرك ايلريله دكلرينه دائر
 برشايعه چيقدى . روسلرك كوزىنى قارارتان قورقو كنديلرىنى
 در حال بومساعيدن صرف نظر ايتديردى . سورلرك مدافعه سنى ده
 براقديلر . بوشرايط داخلىنده يوز تاتار شهرى ضبط ايدوبيليردى .
 فقط بو باربارلرك حرص و طمعى كنديلرينه هر شىئى غائب
 ايتديردى . والى قريم خاننه محاصره يى رفع ايتمه يى اچون
 هديه لر تقديم ايتديردى . خان ، هر سنه كنديسنه وير كوي ر مكه
 غران دوق طرفندن رضا كوسترلك شرطيله بو هديه لر
 قبوله ميل ايتك ضعفنى كوستردى . روسلر بوقدر خجالت اور
 بر معاهده نامه يى امضالامق مجبور يتنده قالديلر . بونك اوزرينه
 محمد رده زانه چكىلدى . روسلر اورا يه كيدهر ك اسرا يى فديه
 نجات مقابلنده اشترا ايتك وغنائى بدلنى ويرهر ك كرى آلمق
 صلاحيته مالك اولديلر .

محمدك مقصدى ايوان قوفارك قوماندا ايتديكى رده زان
 قلعه سنى ضبط ايتك اولديغى اچون بورالى يى تسليم اولمغه دفعات
 ايله دعوت ايتدى و كنديسنى غافل اولامق اچون هر دورلو
 حيله يه مراجعت ايلدى . فقط قوفار دائما افنديسى غراندوقك
 عقد ايتديكى معاهده دن خبردار اولما ديغى جوابى ويردى .
 غراندوقك قريم خاننه خراجكذار اولديغى بيلمه ديكنى ،
 بوكقناعت كتير ير سه اوزمان نه يابه جغنى دوشونه جكنى سويله يوردى .
 سوزلرينك دلىلى اولمق اوزره محمد كنديسنه معاهده يى كوستردى .

قوفار بونی تدقیق ایتدیکی صیراده بعض تاتارلر مختلف بهانه لرله
حصاره کیردیلر . بو، قریم خانك بر حيله سی ایدی . قوفارك
معاهده یی اوقومق اوزره مشغولیتدن استفاده ایتك
ایسته یوردی . بر آلمان طو یجیسی تاتارلر ك پك چوق کللكده
اولدق لر نی و حصارك ضبط ایدیلك تهلكه سنه دوشدیكنی كورده رك
بوتاتارلرله متفق لر ی لیتوآنیالیلر اوزرینه اوقدر مناسب زمانده
بر طوپ آتدی كه قسم اعظمی قاجدیلر . خان بو طو یجینك
کندیسنه تسلیم ایدیله سنی طلب ایتدی . قوفار بوکا موافقت
ایتمدیکندن خان معاهده یی قوفارك نرزدنده براقه رق چکیلیدی .
بوصورتله روسیه کندیسنه جبراً قبول ایتدیریلن او خجالت آور
بویوندورقدن قور تولدی . خان قریمه دوندی . برلكده سکنریوز
بیکنن زیاده اسیر کوتورییوردی . بونلر ك بر قسمی کفده ده بر
قسمی آستراقانده ساتلیدی . تاتارلر ك عزیمتدن صو کره غرانده
وقبازیل موسقوده کیردی . دوچار اولدیغی حقارتك کله جك
یازموسمنده انتقامنی آلق اوزره حاضرلق کورمکه باشلادی .
بویوك بر اوردو ایله کیدوب قولومناده قرارگاه قوردی . اورادن
محمد کرایه آدملر کوندره رك یامش اولدیغی آقیندن دولایی
مؤاخذاتده بولوندی و حرب اعلان ایتدی . خان ایسته دیکی
کی حرکتده سربست اولدیغی ایچون نه زمان مناسب کورورسه
اوزمان حرب ایده جکنی و کیسه نك رأینی آلق مجبوریتنده
بولومادیغی جواباً بیلدیردی . بازیل نیژنی نوو غوروده یعنی آشاغی

نووغوروده كيتدى ۱۱۱ . بوندن دەمقصدقازانى ضبط ايتىمكدى .
سورا نهرى اوزرندە برقلعه بنا ايتديرەرك بوكا كندى اسمى
ويردى . بوتون بوعظيم تداركات بونىكلە نهايت بولدى .

بوصيراده محمد كراى چركىسلىك و داديانلىك مملكتىندە
حرب ايدييوردى . كورجستان ناظرلرندىن برىنك نسلندىن
كلش برقرال عائلهسى واردركە اونلره داديان نامى ويريلير .
برناظر اريستاوى يعنى واليسى بولونديغى مملكتى ضبط ايتىمىدى .

كورجستان قراللىرى قوتائىس شهرندە اوتوردقلىرى حالده مختلف
ولايتلره برطاقم واليلر كوندرمشلىردى . بونلك اك مهمى
اوديسى ياخود قولكيدە واليسى داديان ايدى . بونك حوزه
حكومتى بوكون منيغردلى ديدىكمز حوالى يى تشكيل ايدردى .
محمد اورادن كيدوب آستراقانە هجوم ايتدى . آستراقان حكمدارى
شهرى محمدە براقدى . بونك اوزرينە نوغاي ميرزالرندىن
آجيس محمدك متفقلرندىن اولان برادرى مامايە قريم خانى
بك قدرت وشوكت صاحى اولورسە هرايكيسنى دە نفوذ واقتداردن
محروم براقماسى نەقدر محتمل اولديغى آ كالاتجه ايكي قارداش
اتفاق ايتدبلر . آجيس بويوك براردو طوپلامه يى وعد ايلدى .

مامايە دە محمدە عسكەرلرني اولره يرلشديرمه مەنى ، چونكه
جسارتلرني غائب ايتدكلرني سويله يەرك تاتار عادتى موجبنه
بونلرى قيره چيقارماسنى توصيه ايتدى . محمد آستراقاندن

لامبرتى

سيوئىسموند
عبدالله
رضوان باشا

چبقار چيقماز ايكي نوغاي ميرزاسي عسكرلريله بغتة كنديسي
 باصه رق اولديرديلر ۱۱۱ . اردوسني تانائيس نهرينك اوزرلرينه
 قدر تمقيب ايتديلر و پره قوپ شهريني محاصره يه آلديلر سه ده
 اله كچيره مديلر . بو مظفريت استراقانليلاك حريتلريني اعاده ايتدى .
 خانك اك كوچوك اوغلى غازى كراى درحال پدريينك
 يرينه كچدى . فقط تورك ايمپراطورى سلطان سليم كوچوك
 تاتارستانده جريان ايدن احوالك هيچ بريني نظر دقتدن
 قاچيرمادىغى ايچون خان عنوانى سعادت كرايه ويردى . سعادت
 كراى بعضيلرينه كوره محمدك اوغلى ، بعضيلرينه كوره برادريدر .
 سلطان سليم عيني زمانده سعادت كرايه كونده بيك غروش
 معاش باغلادى . خانده پادشاهه قارداشنى كوندردى . برادري
 استانبولده يك حرمتله قبول ايديلدى . سلطان سليم كرك بوكا
 كرك رفاقتنده بولونان قريم كبراسنه معاشر باغلادى . بوعادت
 اوتارنخدن برى دوام ايدى كلمكده در . سعادت كراى برمدت
 صليح و سكون ايچنده حكومت سوردى . نهايت اقربالرندن
 اسلام كراى خلق اياقلانديردى و حكومتى اله كچيرمك ايسته دى .
 اسلام كراى الله متفقى يوسف كراى بويوك اردولره صاحب اولمشلر
 و بونلرله روسيه ده آقنلر يامغه تشبث ايتمشلردى ۱۲۱ . فقط صو كره
 روسلرله برلشوب اونلردن قوت آلماي و خانه غلبه چالابيله جك

سنه
 ۱۵۲۳
 عبدالله بن
 رضوان پاشا

۱۵۲۸

[۱] ۹۲۹ تاريخ هجرىسنده .

[۲] خلقت عالمك ۷۰۳۶ نجى سنه سنده .

برحاله کله یی ترجیح ایتشاردی. هرایکی طرف ده عسکر لرینک

باشنه چکیدیلر . ایکی اردو آزوف قربنده قارشیلانیدی .

اوراده مصادمه یه کیریشدیلر . متعدد مصادمات وقوعه کلدی .
آنال روسیه ن
عبدالله بن
رضوان پاشا

هپسی ده بربرندن قانلی ایدی . بوا یکی شهزاده نك حرص جاهی

عسکر لرندن قسم اعظم نك هلا کنی موجب اولدی . متباقیسی

سلامتی فرارده بولدی . نهایت سعادت کرای بوقدر فلا کتک

غیر قابل تحمل برحاله کتیردیکی تاج و سلطنتدن نفرت ایدهرک

بوتون حقوقنی دشمننه ترك ایله باب عالی یه چکیدلی [۱] .

اوراده تمامیه پادشاهک خدمتنه حصر نفس ایدهرک توجهنی

جلبه قازانیدی . ایرانلیلر ده قارشلی تورکلرک آچدقلى حربه

اشترک ایدهرک اوراده بویوک بر قوماندان شهرتی اکتساب

ایتدیکی کبی سرایدده پادشاهک اوامرینه اطاعتیه تمیزایتدی .

سعادتک استعفا سندن صوکره اسلام کرای پادشاهک

کندی خط حرکتنی تقییح ایتمه سندن و خلعه قیام ایلمه سندن

قورقه رق بر مدت ممالکی داخلمده اوتیه بری یه دولاشدی .

نهایت یاپدیغی فئالقاردن طلب عفو ایتک اوزره سلطان سلیمه

مکتوب یازد رق تاج و سلطنتدن واز کچدیکنی بیلدیردی .

سلیم او زمان استانبولده بولونان واولجه قازاق خانى اولان

صاحب کرای کنديسنک یرینه قریم خانى نصب ایتدی .

صاحب کرای غایت ذکی بر حکمدار ایدی . تورک چکدیرمه لريله

[۱] ۹۴۱ هجری تاریخنده و خلفت عالمک ۷۰۴۹ نجی سنه سنده .

قریمه کیتدی . بدایت حکومتی صالح و سکون ایچنده کچدی .
فقط صوکره اسلام کرایک کندیسنه قارشى مقاصد مضره سی
اولدیغنى فرق ایدنجه اونى اولدیرتدی . اسلام کرای ،
صفا کرای ایله برلکده اولجه اوقرانیاه بر آقین یاپه رق [۱] ،
ره زانی یاقش و آنجق غراندوق اردوسنك تقریبی اوزرینه
چکیلیمشدی . اونك وفاتندن صوکره خان ، روسیه غراندوقیله
صلح یاپدی [۲] . فقط بو معاهده یی دفعات ایله تجدید ایتمش
اولقله برابر صوکره بر اردو ایله بیقلف و اودوف قطعه لرینه
تجاوز ایتمکدن کرى دورمادی ۱۳۱ .

سنه
۱۵۳۴

۱۵۴۵

اسلام کرایه قارشى یاسیلان معامله باب عالینك خوشنه کیتمدی .
صاحبى خلع ایچون سلیمك دامادی وزیر رستم قریمه اعزام
ایدیلدی ۱۴۱ . قریم حکومتی منکلینك اوغلى مبارکك اوغلى دولت
کرایه ویریلدی . بو خان ، بر آز وقت اول چار عنوانی آلان

۱۵۵۱

۱۵۵۲

غراندوقه قارشى بر محاربه ده مغلوب اولدی [۵] . ایرته سی
سنه روسلرله صلح یایمق ایسته دی . فقط چار ، خانك کیزلیجه
حربه حاضر لاندیغى خبر آنجه سراینده بولونان بوتون
تاتارلری توقیف ایتدی و بو حربك چر کسلره قارشى حاضر لاندیغى

[۱] خلقت عالمك ۷۰۴۱ نجى سنه سنده .

[۲] » ۷۰۴۲ »

[۳] » ۷۰۵۳ »

[۴] ۹۵۸ تاریخ عجرىسنده .

[۵] خلقت عالمك ۷۰۶۰ نجى سنه سنده .

آكلادقون صوكره اونلری سرابست براقدی . اوزمانه قدر
 قریم خانلری روسیهیه صلح معاهدنامہسی عقد ایتک اوزره
 سفیرلر کوندرمکه سوق ایدن باشلیجه سبیلردن بری غراندو-
 قلرک کندیلرینه بویوک هدیهلر ویرمه لری ایدی . صلح ، بوتاتارلرک
 هدیهلردن ممنونیتلری دوام ایتدیکی مدتجه دوام ایدردی . حتی
 خان چارک بونقطه نظرден کندیسینی پک ممنون ایتمه مش
 اولدیغنی سویله مکه بیله جسارت ایتدی [۱] ودها باشقه هدیهلر
 کوندررسه صلحک دها دواملی اولاجغنی آکلادتدی . چار ،
 صاحی آرزو ایتدیکنی فقط صاتون آلمق ایسته مدیکنی جواباً
 بیلدیردی . ایسته بوصورتله روسلر معاهدیه رغماً قریم خانی
 ایله محاربیه طوتوشدیلر [۲] . قریم خانی آستراقان خانه روسلر
 علیهنده عسکر و طوپجی ویردی . بو حرکت وقتيله آتیلانک ،
 رومالیلره قارشى تعقیب ایتدیکی خط حرکتک تماميله عینیدر .
 چارک قریمده بولونان مرخصنه خان پک سؤمعامله کوستردی
 و روسیهیه یکی بر آقین یاپدی [۳] . فقط روسلرله محاربده
 وچرکسلرله اولان دیگر بر محاربده پک ضرر کوردیکی
 جهتله ، ایرتهسی سنه ، صلح مذاکرهسی ایچون مرخصلرک
 طویلانماسینی طلب ایتدی . تبعهسی کندیسینی اولدیرمک

سنه

۱۵۵۴

۱۵۵۵

۱۵۵۶

۱۵۵۷

[۱۲] خلقت عالمک ۷۰۶۲ »

[۱] » ۷۰۶۳ »

[۳] » ۷۰۶۴ »

و حکومتی قازان خانى شاه على نك قاردشى توقتاميشه ويرمك
تصويرينه قالدقلى جهتله خان صلحه بك محتاج ايدى .
فقط بوتصور عقيم قالدى . شاه على نوغايلىرك ، اورازنده
چارك ياننه قاجدى .

بواغتشاشات تسكين ايديله كدن صوكره قريم خانى ،
دهمه تريوس ويشنه وه چكىنك برآز اول قريم تاتارلىرىنك
آقىنلىرىنه مانع اولمق فكريله قوردتسنىسكى اطه سنده انشا
ايتد يرمش اولديغى شهرى محاصره يه كيتدى . بر قلعه پيشكاهنده
يكرمى دوت لون قالدى . نهايت ضايعات ايله چكىلمكه مجبور اولدى .
فقط روس جنرالى برآز صوكره قىطلق يوزندن وبالخاصه
خانك يكي بر تشبته حاضر لانماسى خبرندن كندى كنديله كندن
بوراسنى تركه مجبور اولدى ۱۱۱ . مع مافيه خان عىنى تاريخلرده
چاره كوندردىكى خبرلرده كنديسنه دها چوق هديه لر كوندرد .
يليرسه ، حتى ليتوانيا ليله و يريلن ويركو كنديسنه
ويريليرسه صلحه حاضر اولديغى بيلدردى . بوتكليفاتدن
ممنون اولمايان چار قريم تاتارلىرىنه هجوم ايچون نوغايلىره عسكر
ويردى وقناز دهمه تريوس ويشنه وه چكى ايله قابارتاي پرنسنى
قريمى تخرىبه كوندردى . بو حاضرلق اثناسنده ينه صلح
مذاكراتى دوام ايدى يوردى . فقط چار ، خانك بهر حال
برويركو ايسته ديكنى خبر آلنجه تاتارلره هجوم ايتمه لرى ايچون

[۱] خلفت عالمك ۷۰۶۶ نجهى سنه سنده .

جنراللارینه امر ویردی . هیچ کیمسه یه تصادف ایدیلهدن
پردقویه قدر روسلر ایلریله دیلر . بوسفرک نتیجه سی نه اولدیغی
معلوم دکلدر . فقط بر قاق سنه صو کره قریم تاتارلرینک
ریدوب موسقوودیی یاقدقلری کوروا یور ۱۱۱ .

سنه
۱۵۷۰

دولت کرایک وفاتندن صو کره [۲] پادشاه سلطان مراد،

خان عنوانی محمد کرایه ویردی و آلتی سنه صو کره شیروانه

۱۵۷۷

کچمه سی ایچون امر کوندردی . محمد اطاعت ایتدیگی ایچون

عبدالله بن
رضوان پاشا

عثمان پاشا [۳] شیروان ایله دمیر قاپونی یاخود دربندی ضبط

ایتدکن صو کره کفه یه کیتدی واوراده استانبولدن کله جک

قوه امدادیه بی بکله دی . صو کره شهری محاصره ایتدی . محمد

محاربه ایتک اوزره کفه دن چیقدی . فقط محاربه ده مقتول

دوشدی [۴] . تورکلر بو محاربه ده پک چوق تاتار اولدی ریلر .

۱۵۸۴

فقط کلن تورک پاشا سی قریم حکومتی اسلام کرایه ویردی . اوده

سا کنانه و مسعودانه بر دور سلطنتدن صو کره وفات ایتشدر [۵] .

اسلام کرایه غازی کرای خلف اولمشدر . تورکلر بونی

۱۵۸۷

کوچوک تاتارستانده سلطنت سورن حکمدارلرک اک بویوکی

تلقی ایدرلر . پادشاه کندیسنه محبت و توجهنک نشانه سی

[۱] خلقت عالمک ۷۰۷۹ هجری سنه سی مایسنده .

[۲] ۹۸۵ تاریخ هجریسنده .

[۳] ایکنجی وزیر اوز دمیرک اوغلی .

[۴] ۹۹۲ تاریخ هجریسنده .

[۵] ۹۹۶ «

اولق اوزره متعدد سنجاقلرله برمهترخانه کوندردی. فی الحقیقه
غازی کرای سلطنت سورمهکلا یق بر حکمدار ایدی. شرق محررلری
کندیسندن بحث ایدر کن محارباده بو کورتیسی اورمانلری صارسان
و چوللری تیره تن بر آرسلا نه بکزدی دیرلر. کندیسنی ایران
حکمدارلری اردشیر ایله نوشیروانه تشبیه ایدرلر. نزاکت
و علوجنابنک بوتون قلوبی تسخیر ایتدیکنی، سراینه کلن فقیر
وزنکین هر کسک عزت و اکرام ایله معامله کورده رک هدیه لره
کری دوندیکنی سویلرلر و سخاوتی تعریف ایچون بش یاشنده
برچو جوق کندیسنک آرقه سی صیرا حربه کیتمش اولسه ایدی
قارون قدر زنکین بر حالدده عودت ایددجکینی علاوه ایلرلر.
خان اولمادن اول الکباشلی مشغولیتی علوم دینییه تحصیلندن کرک
لساناً کرک فعلاً مدافعه دیندن عبارتدی. شیروانده ایران حکمداری
خدا بنده نک اوغلی حمزه میرزا طرفندن اسیر ایدیلشدی. سربست
بر اقلدقدن صوکره اسلام کرایک حین وفاتنده باب عالییه کیتدی
پادشاه کندیسنی قریم خانی نصب ایتدیکی زمان معیاشنی
آرتیردی و برچوق هدیه لر ویردی. غازی کرای تاتارستانه
مواصلتنده سنان پاشانک روم ایلیده یانق قاعه یی محاصره ایتدیکنی
خبر آنجه اورایه امداد کوندردی. او قدر بویوک بر خدمت
ایتدی که پادشاه کونده بیک غروشدن عبارت اولان تخصیصاتی
ایکی مثله چیقاردی.

غازی کرایک بدایت سلطنتنده روسلرک مالات کرای آنال روسیه ن

دیدکاری و اغلب احتمالاً کوره متوفا خانک اوغلی اولدیغی ایچون
 قریم چارویچی عنوانی ویردکاری برشهرزاده عائلهسی دها سائر
 بعض تاتارلرله برالکده موسقوده چارته ئودورک نزدینه التجا
 ایتشدی. بوتاریخدن اعتباراً روسلرله بویوک خدمتدرده بولونمش،
 قریم تاتارلرینه هجوم ایتشدی. قریم تاتارلری اوندن قورتولمق
 ایچون کنیدیسی زهرلایه جک و بویو یاپه جق آدمار کوندردیلر.
 بونلر معیتده کیلرک قسم اعظمیله اونى اولدیردیلر [۱].
 صوکره، غازی کرای اوقرانیایه بر آقین یاپه رق روس
 جنراللرینی او قطعہ یی ترکه و موسقوده چکیلمکه مجبورایتدی.
 کندیلرینی موسقوده قدر تعقیب ایله دی. فقط کیجه لپن روس
 قرارگاهنده برچوق کورولتوا ایشیتدیکی و فراریلردن نوو و غورود
 عسا کرینک ورودینی خبر آلدیغی ایچون علی العجلاه چکیلیدی.
 روس پایتختنده او قدر قورقمشلردی که چار بو خلاصک تأیید
 خاطرہ سی ایچون تانائیس مریمی نامنه، خانک چادرینک قورولمش
 اولدیغی یرہ بر مناستر یاپدرتدی. ایرته سی سنه خانک اوغللری
 یکیدن اوقرانیایه کیردیلر، زهزان، قوسیر، قولا الکالرینی تخریب
 ایتدیلر. بونلرک آقینلرینی دوردیرمق ایچون چارته ئودور
 بیہ اغورود، اوسقول، و یق شہرلرینی بنا ایتدیردی [۲].
 فقط بوتدیر بو باربارلرک آقینلرندہ دوام ایتہ لرینہ وقوسہ مسک،

سنه
۱۵۹۱

۱۵۹۲

۱۵۹۳

[۱] خلقت عالمک ۷۰۹۹ نحی سنه سنده

[۲] » » ۷۱۰۱ » »

ووروتین، پرده‌میشل الکالرینه کیرمه‌لرینه مانع اولامادی ۱۱۱ .
 اوراده جنرال میشل آندره وچ بزم کندیلرینی مغلوب ایتدی .
 صوکره صلحدن بحث ایدیلدی و صلاح عقد اولوندی .
 شمالده صلاح و سکون تأسس ایتدکن صوکره غازی کرای
 ساطیرجی محمد پاشا قومانداسنده کی تورک اردوسنه قوای معاونه
 ویردی ۱۲۱ . بر شرق مورخنک افادسنه نظراً بر پر لانتهدن
 دها کوزل اولان روحنی خزینه دار آخرته تودیع ایتدیکی
 زمان یعنی وفاتنه قدر ۱۳۱ نه کی وقایع جریان ایتدیکنی هیچ
 بر مورخده کورده میورز .

اوزمان استانبولده بولونان سلامت کرای پادشاه طرفندن
 خان نصب اولوندی . سعادت کرای نسلندن محمد کرای ایله
 شاهین کرایک پادشاهه قارشی عصیان ایدرک آناطولییه
 کیردکلرینی و بعض شهر و قصباتی احراق ایتدکلرینی بیلدیکی
 ایچون تاتارستانه متوجهاً یوله چیقمادن اول بونلری دائره
 اطاعته ادخاله چالیشدی و بوکا موفق اولدقن صوکره پادشاهدن
 عفو لری استیصال ایله برابر تاتارستانه کوتوردی . اوراده تکمیل
 عاصیلری تحت انقیاده آلدی . محمد قالدغای عنوانی ویردی .
 یعنی کندیسنه ولی عهد تعیین ایتدی . شاهین کرایه ده نورالدین

[۱] خلقت عالمک ۷۱۰۳ نجی سنه سنده .

[۲] هجرتک ۱۰۰۷ نجی تاریخده .

[۳] « ۱۰۱۷ نجی سنه سنده .

عنوانی ویردی که بوده ایکنجی ولی عهد دیمکدر . برقاچ سنه
 صلح و سکون ایچنده حکمران اولدی . صو کره او قدر اییلکینی
 کورمش اولانلر ، علیهنده ترتیبات یاپدیله . فقط مبارک کرایک
 اوغلی جانی بك کرای بوسوء قصددن خبردار اولونجه محمد
 ایله شاهین کرای چرکستانه فاجدیله ، اوراده عسکر طوپلایه رق
 بونلرله خانی طرد ایتک ایچون کوچوک تاتارستانه کیردیله .
 بونک اوزرینه خان باب عالی یه مراجعت ایتدی . وزیر اعظم مراد
 پاشا درحال رضوانه [۱] کفه پاشایی عنوانی ویردی و بو
 اغتشاشاتی تسکین ایتک و خان ایله محمدی باریش دیرمق
 امریله کندیسنی قریمه کوندردم . رضوان کفه یه کیتدی [۲] .
 اوراده همان عاصیلره بر مکتوب یازدی . محمد ایله شاهین کرایه
 ترک سلاح ایده جک اولور لر سه کندیلرینی اسکی موقع و مأموریتلرینه
 اعاده ایده جکینی وعد ایلدی . فقط نصیحتلرینی قبول ایتمش
 اولان بو شهزاده لر قریمه متوجهاً یولده اولدقلری صیراده
 خان وفات ایتدی . باغچه سرایه تام وقتنده واصل اولدیله .
 پادشاهک نصیبی بکله مەدن محمد تختی یاقه لادی . شاهین کرای ده
 قالغای اولدی .

سنه
۱۶۱۰

بونلرک عصیانی اثناسنده جانی بك کرای قالغای ، دولت
 کرای ده نورالدین اعلان ایدیشلردی . بو ایکی شهزاده

[۱] بوراده ذ کر ایتدیکم محردک باباسیدر .

[۲] عجرنک ۱۰۱۹ نجی سنه سنده .

موقعلرندن محروم قالنجه علی العجله کفهیه رضوان پاشانک
 نزدینه التجا ایتدیله . بونلری بیهوده یره تعقیب ایتدیرمش
 اولان محمد درحال بر اردونک باشنه کچهرک کفهدن برآز
 مسافهده صاری کول قلعهسنی ضبط ایتدی ، اورادن رضوانه
 شو مکتوبی یازدی : « معلومکنز اولسونکه بن خانم ، صاحب
 قدرت و سطوتم . نزدکنزه التجا ایتمش اولان جانی بک ایله
 دولتی الیری آیاقلری باغلی بر حالده بکا تسایم ائمه کنزی امر
 ایدیورم . بونلری آتش کبی کندیسینه هیچ برشی مقاومت
 ایدمهین قلیجمله یارچه لایه جغم . بواوامری اجر ائمه یه جک
 اولورسه کنز بولوندیغکنز شهر اوزرینه صولت ایدرک اونی
 کول حالنه قلب ایدمه جکم . » رضوان شو صورتله مقابله
 ایتدی : « بونون تاتارستان خانلری ، نه قدر ذی قدرت
 اولورلرسه اولسونلر ، دائما قدیم بر عاده تبعیت ایتشلردر .
 سز بونی استخفاف ایدر کورونیورسکنز . تختک سزه عائد
 اولدیغی دوغرودر . فقط تخته صاحب اولان سزک شانلی
 خلفرکنز پادشاهک موافقتی اولمادن هیچ بر زمان بو تخته
 چیقمامشلردر . پادشاه کندیلرینی دائما برمهتر خانه وسنجاق
 احسانی ایله تلطیف ایدردی . اونلرک حرکاتنه امثال ائمه کنزی
 وسزه شرف بخش اوله جق برعادتی الغا ائمه مه کنزی توصیه
 ایدهرم . اطاعت ائمه یه جک اولورسه کنز تبعه کنز اولمایه جقدر ،
 خان طانمایه جقسکنز . نزدیمه التجا ایدنلری بندن ایسته یورسکنز .

پادشاهك غضبه معروض قالمق تهاكه سنده عرض نفس اتمكسزین
 بویله بر شی یاپه مایه جغمی سزه سویله مك مجبوریتندیم. بو شهر
 اونكدر . فراریلر ایوم پادشاهك تحت حمایه سنده درلر .
 بو مکتوب خانی دها چوق قیزدیرمقدن باشقه بر شیئه
 یارامادی . پادشاه حقنده او قدر متجاوزانه برلسان قوللانیدی که
 رضوان تاتارستانده کچن تکمیل وقوعاتی استانبوله بیلدیرمك
 طریقنی اختیار ایتدی . چونکه استانبولده خلك وفاتی خبر
 آلتیجه پادشاهك خانلیغی اخلاقی بیلمه دیکی محمد ویرمسندن
 قورقوردی . صوکره جانی بکه، ویره جکی نصیحتلری دیکلر سه
 کندیسنی تخته چیقارمق فکرنده اولدیغنی سویله دی . قریم
 خانلرینك تاریخی یازمش اولان اوغلی عبداللهك روایتنه نظراً
 رضوان پاشا جانی بکه شوسوزلری سویله مشدر : « بر حکمدار
 آنجق او امر دینه یه و حکومتك قانونلرینه توفیق حرکت ایتلیدر .
 بویکی رهبری تعقیب ایدر سه هیچ بر زمان تبعه سینه قارشی
 مدیون اولدیغنی حرکتدن آیرماز ، دشمنلرینه مقاومت و غلبه
 قوتنه جناب حقندن نائل اولور . دائماً عادل و منصف بر حالد
 قالمك یولنی بندن صوراجق اولور سه کز سزه اونك وسائلنی
 اوکرتیرم . بر حکمدارك الك بویوک دشمنی اولان کیمسه لری
 یعنی بوتون حکمدارلرک اخلاقی افساد ایتمش و باعث فلاکتی
 اولمش مداهنلری یانکزدن اوزاقلاشدیریکز . سزك حکم
 و نفوذ کز آلتده مملکتی اداره ایدنلر غایت عقیف و تمیز

اخلاقلى اولمايدرلر . چونكه اونلر ك ياپه جقلرى حق سز لىك
 مسئوليتى سزه راجع اولور . انسال واحفادى الى يوم القيامة
 پايدار اولسون، پادشاهمىز افندىمىز حضرتلرينه مديون اولديغىمىز
 حرمت واطاعت او قدر بويوكدر كه هر زمان اوامرىنى اجرايه
 مسارعت كوستر مىرسه كىز بختيارانه سلطنت سوره مىرسكىز .
 ايسته بودستورلر سز ك خطا كرتكىز ايچون برر قاعده تشكيل
 ايتمليد رلر . انشا الله بوقواعددن انحراف ايتىمىرسكىز . چونكه
 بويياده راحتكىز وعقباده سعادتكىز بونلرى موقع تطبيقه
 قويتمده كوستره جككىز اعتنايه وابسته در . تختكزى، تبعه كىز
 محبتنه ومتقابل بر دوستلق روابطنه مديون اولمى سز ك ايچون
 نه بويوك بر سعادتدر . بوتون بوسوزلرى پك يوكسك وتطبيقى
 مشكل بولان جانى بك رضوانه تشكر ايتد كدن صوكره بوتون
 نصيحتلى اسلافى كى پادشاهه اطاعت ايتمىك لزومنه منجر
 اوليورسه بونك او قدر زور برشى اولماديغنى، فقط كوستردىكى
 قواعد اداره وحكومتك غير قابل بولونديغنى، چونكه اسلافندن
 هيچ برينك بودرجه مكملته وارماديغنى سويله دى . رضوانك
 وعدلر ينك چوروك اولديغنى ظن ايدن وبونى ده ياننده هيچ
 عسكر بولونما سنده استناد ايتد رن بوشهزاده محمدك تجاوزاتندن
 مصون قالمى ايچون استانبوله نقل ايدىلك آرزوسنده ايدى .
 رضوان ، سلامت كرايك وفاتندن صوكره جريان ايدن
 بوتون وقوعاتى، محمدك غاصبلى وپادشاهه قارشى حرمت سز لىكى

استانبوله یازمشدی. محمدك هیچ بر زمان کندیلکندن عرض
انقیاد ایتمه یه جگنی آ کلاته رق خان عنوانك دولت کرای ایله
برلکده کفه یه التجا ایتش اولان جانی بکه ویرلمه سی منفعت
دولته موافق اوله جغنی و جانی بکك اوامر حکومته تماماً منقاد
کوروندیکنی فقط احوال و شرائط حاضر دیه کوره تاتارستانه
بویوك براردو کوندرمه دن بوشه زاده نی تخته چیقارمق قابل
اولمایه جغنی بیلدیردی. بومکتوبی استانبوله کورتورمکه مأمور
اولان دولت کرای کافی درجه ده سرعتله استانبوله و ارامادی.
باب عالی دها اول محمد کرای قریم خانی نصب ایتش و بوشه زاده نی
تخته اجلاس ایچون محمد آغایی قریمه کوندرمش ایدی.
مخالف روزکارلر بوزاتك مواصلانی تأخیر ایتدیکندن دولت استانبوله
واردی و مکتوبی وزیر اعظم خادم کورجی محمد پاشایه
ویردی، اوده سلطان احمده عرض ایتدی. در حال ایلك
امرلر کری آلندی. باشقه بر امر نامه کوندردی. جانی
بك خان نصب اولوندی و معتاد اولان هدیه لرله بو مکتوبك
ارسالی اصطلیل عامره مدیرینه امر ایدیلدی. بو امر نامه ایله
رضوان پاشا سکر سفینه و تاتارستانه کوندریلن اردو ایله
باشقه جه اصطلیل مدیرینك قومانداسی آلتنده بولونان اردو یه ده
قوماندان تعیین ایدیلیوردی.
بو اثناده محمد کرای کفه محاصره سنه دوام ایتمشدی.
بورایه التجا ایتش اولان ایکی شهزاده نی صلب ایتدیره جگنی

مقام تهديدده بيان ايدييوردی. اصطبل عامره مديرينك (؟) ورودندن بر کيجه مقدم، هجوملر او قدر شدتلی اولمشدی که جانی بک آرتق هيچ بر اميد قالماديغنی دوشونهرك فرار ايتمک تصوراته دوشيوردی. مورخ دييور که: فقط او کيجه، جناب حقت کنديسنه کوسترده جيکي لطف و عنایت ايله حامله ایدی. طلوع شمس ايله برابر بو الطاف سبحانيه ده دنيايه کلدی. فی الحقیقه، چوق کچمه دن کيلر کوروندی. جانی بک خان اعلان اولوندی. رضوان پاشا عسکره قوماندان اولدی. محمد کرای ايله شاهين کرای کفه محاصره سنی رفع ايتديلر، اردولریله باغچه سرايه چکيلديلر. اورادن، عسکرلریله کلوب کندیلرینه التحاق ایتلری ایچون شیرین بکلرینه نامه یازديلر. رضوان پاشا ايسه نصفی پیاده نصفی سواری اولمق اوزره کزیده اون ایکی بيک عسکرله حربه چيقدی. بر مقدارده طوبجی و خبره جي قونی واردی. پاشا تپه ده قرارگاه قوردی. اوراده عسکرینه رسم کچید یاپديردی. جانی بک معیتنده بش یوز کشی واردی. فقط حربه آليشقين دکلدیلر. محمد کرای شیریندن وچرکستاندن بو قطعه لرك الك کزیده عسکرلری آلمشدی. باشلرنده بولونان شاهين کرای زرهللی بر قوه عسکریه ايله ده تقويه ايديلمشدی. ایکی اردو ساحرا ده (؟) قارشی قارشیه کلدیلر. اوراده کيجه يي اولدجه سا کئانه کچيرديلر. طلوع شمس ايله برابر رضوان پاشا عساکری

هر طرفدن تاتارلر ايله احاطه ايدیلدکلرینی کوردیلر . تاتارلر
 بر طرفدن قاچهرق بر طرفدن اوق آتیورلردی . محاربه
 باشلادی و غایت قانی اولدی . مورخ دییور که صباحدن
 آقشامه قدر اوقلر بر یاغمور و یا دولو کی یاغدی ، صندوقه
 ارواحه چاریدی و روحلرک پروازی ایچون یول آجدی .
 محمد کرای احتیاط قوتلرینی ایلرویه سوق ایتدی . رضوان
 بوکا قارشى طوپ قوتيله مقابله ایتدی . طوپلرک آتشی او قدر
 مدھش اولمشدی که هیچ بر شی بوکا مقاومت ایدمییوردی .
 مورخ حربی شو صورتله تصویر ایدیور: « انسانلر بر برلرینک
 اوستنه دوشیورلردی . اک بی حس تیلرده بيله بر حساسیت
 نمایان اولیوردی . چارپیشان قانلرک کورولتوسی ایشیدیلیور،
 اوقلرک اوجی بيله نیوردی . اوقلر ، دشمنی دلمک ایچون
 زرھلرک ضعیف نقطه لرینی آرامغه کیدیورلردی . آلات موسیقیه نك
 جنك هوالری اطرافى تیرھ تیور و دشمنلرک قورققلقلرینی
 مواخذہ ایدیور کیدی . یالین قیلیجلر اوزرینه شعاعانی سرپن
 کونش نه قدر قیلیج وارسه او قدر کونشه منقلب اولیوردی .
 پاشانک او کنده طاشینان توغ هوايه قالدیرلمشدی . قیللرک
 هر برى جنك ووغايه هر کسی تشویق ایدر برر کوز کی ایدی .
 بوتون محاربیلر آزعین بر آرسالانه ، یاره لیلر برر حدتلی
 قاپلانه بکزییورلردی . قورقو نه اولدیغی بیلنمه یوردی .
 هر کس جسور ایدی . رعد و برق بکزه یین طوپلرک آتشی

و کورولتوخی بوجسارتی، جرأت جنسکاورانه یی تزییدایدیوردی.
 زمین تیتزه یوردی . « هر طرفدن تضیق ایدیلن محمد کرای
 فراره مجبور اولدی . غالب کان پاشا مظفریتدن استفاده ایله
 باغچه سرایه قدر ایلریله دی . اوراده جانی بکی تخته اجلاس
 ایتدی .

بو مغلوبیتدن صوکره محمد کرای ایله شاهین کرای اون
 بیک کشی طوپلادیلر . بونلرله علی العجابه باغچه سرایه کلدیلر .
 شهری بردن بره باصه جقلریخی امید ایدیورلردی . فقط اون
 بیک کشیدن زیاده بر قوت ایله بوراده قالمق احتیاطکارلغنده
 بولومش اولان رضوان پاشا اونلری طرد ایده بیلدی . محمد
 کرای روسیه یه، شاهین کرای ده ایرانه التجا ایتدی . تبعه لری
 جانی بکه عرض انقیاد ایتدیلر .

ایشته تاتارستانک بو اعتشاشاتندن صوکره درکه پادشاه ،
 وزیر اعظمی مراد پاشایی ایرانده حربه کوندرمشدر . بکی
 تاتارستان خانی عسکرلریله برابر دمیر قاپویا خود دربند طریقیله
 یوزومک امریخی آلدی . خان اردوسنه پادشاه ایکی بیک یکچیچری
 الحاق ایتدی . خان ایله رضوان پاشا یوزبیک تاتارک قومانداسنی
 آلهرق بوتون قریمی کچدیلر . اولو دکنزک یاخود پالوس
 مه ئوتیدک قربنده انجیک صویندن دربنده وارنجه یه قدر او قدر
 قورو بر اراضی یه تصادف ایتدیلر که هر کون قویو قازمغه
 مجبور اولدیلر . چیقان صو آجی اولمقله برابر سائقه مجبوریتله

بونی ایچمکه قاتلانیورلردی. بواردو دربنده واصل اولدیسده
 وزیر اعظمک وفاتی عثمانلی اردوسنک عودتی انتاج ایتدی.
 روسیه التجا ایتش اولان محمد کرای بو صیراده ادرنه
 سلطان احمدک نزدینه کیتدی واستحصال عفو ایچون یکی وزیر
 اعظمه مراجعت ایلدی. بونده وزیر اعظم کندیسنه او قدر
 خدمت ایتدی ووقوع بولان شفاعتی اوزرینه پادشاه کندیسنی
 او قدر النفات واحسانه غرق ایلدی که قریم خانی ایله عائله سنه
 منسوب بوتون شهزاده لر یک زیاده قیصقاندیلر. فقط محمد
 کرایک راحت دورماز خوی اونلری اندیشه دن قورتاردی.
 پادشاه، محمد کرای یدی قلهیه جزاء حبس ایتمکه مجبور اولدی.
 مع مافیه کندیسنه قارشى دائماً اثر رعایت و حرمت کوسترلمشدر.
 حبس محمد کرای عقلاندیرمادی. دوچار اولدینی فلا کتله تخته
 چیقماق آرزوسنی قلبندن چیقارماشدی. دائماً بوغایه یی استحصاله
 صرف ذهن ایدیوردی. یدی قله دن قاچقی یوانی بولدی. فقط توقیف
 ایدیلهرک ردوسه کوندریلدی. اوراده بر فاج سنه یعنی وزیر اعظم نصوح
 پاشا عزل ایدیلهرک یرینه حسین پاشا کلنجهیه قدر قالدی.
 بویکی وزیر اعظم محمد کرای ردوسدن کیتیره رک اوکا
 خان عنوانی ویردی [۱]. فقط دواته قارشى عصیان ایتمه سندن
 قورقدینی جهتله عینی زمانده قالغای اولق اوزره شعبان کرای
 نامنده بر تاتار شهزاده سی تعیین ایتدی. بو، استانبولده بویومشدی.

۱۶۲۳

صداقتدن آمین ایدی . هر ایکسینی ده سفائن حربیه ایله
تاتارستانه کوندردی . جانی بك کرای بونی خبر آلهجه در حال
قریمی ترك ایله استانبوله التجا ایتدی . محمد کرای تاتارستانه
واصل اولور اولماز ، ایرانه التجا ایتش اولان شاهین کرای
شاه عباسك سراینی ترك ایله باغچه سرایه کلدی . محمد کندیسنه
قالغای عنوانی ویردی وشعبان کرای نورالدین عنوانیله اکتفایه
مجبور ایتدی . برمدت دواتی سکونتله اداره ایتدیلر . خصوصی
دشمنلری اولان تیمورخان تاتارستانه هم حدود اولان حوالییه
پاشا تعیین ایدیلدیکی زمان آیاقلانمغه قالدیلر . محمد کرای ،
انتقام آلمق ایچون مساعد زمان کلمش اولدیغنی تخمین ایدهرک
عسکرلرینی طویلادی . طونه نهرینی تعقیب ایله پاشانك دائره
ادارهسند بولونان بابا طاغنه کیتدی . ایکی اردو آراسنده
برمحاربه وقوعه کلدی . محمد کرای قاچمغه مجبور اولدی .
اردوسنك بر قسمی طونه ده بوغولدی . بوموفقیتسزلیکه رغماً
کیدوب کفه شهرینی محاصره ایتدی . تیمور خان بورایه
چکیلیمندی . شهرک جوارلرنده او قدر تخریباتده بولوندی که
بالذات تاتارلر بواحواله چاره ساز اولماسنی پادشاهدن استرحام
ایتدیلر . محمد عزل ایدیلدی ، یرینه جانی بك خان نصب
اولوندی . قیودان دریا رجب پاشا کندیسنی تاتارستانه اعزامه
مأمور اولدی . ایلک محاربه ده شعبان کرای مقتول دوشدی .
محاربه غایت قانلی اولدی . عثمانلی اردوسی جانی بکی تکرار

استانبوله کتیرمکه مجبور قالدی . جانی بك استانبوله ایکی سنه
 اوتوردی . صوکره، اوزمان قپودان دریا اولان حسن پاشانك
 قومانداسنده یکی براردو ایله کندیسنی تکرار قریمه اعزام
 ایتدیلر . تاتارلردن شهله نن محمد کرای ایله شاهین کرای
 قازاقلردن امداد ایسته دیلر . بونلر غنیمت حرصیله و خانك
 وعد ایتدیکی پاره نك طمعیه بك کلیلی اوله رق کلدیلر . خان
 تبعه سنه آغیر ویر کولر طرح ایتك مجبورینده قالدی . عثمانلی دونانماسی
 کلنجه تبعه سی خانی ترك ایتدیلر . خان مغلوب اولدی، قازاقلر اسیر
 دوشدیلر . بونلر بویوک اغتشاشات یامش اولدقلری ایچون تاتارلر
 اللرندن آلنان مواشیلرینك یرینه کندیلرینی استیخدام ایتدیلر . ایشته
 بوباربار مملکتلرده انسانلرک بربرلرینه قارشى بسله دکلیری فکر
 بودر . محمد کرای مقتوللار آراسنده بولوندی . شاهین چرکستانه
 قاچدی . جانی بك خانلق تختنه تکرار اجلاس ایدیلدی [۱]
 صوکره [۲] شاهین استانبوله کله رك استیحصال عفو
 ایتدی . او قدر ا کرام ایله قبول ایدیلدی که تاتارستانده جانی
 بكك عزل ایدیلدیکنه ویرینه شاهینك تعین اولوندیغنه دائر
 بر شایعه چیقدی . خان بیله بوکا ایناندی . استانبول حکومتی
 کندیسنی بونك یا کلاشغنه اقناع ایچون شاهینی ردوسه کوندرمکه
 مجبور اولدی . شاهینه اوراده محتاج اولدیغی شیلرک کافه سی

سنه
۱۶۲۷

۱۶۳۳

[۱] ۱۰۳۷ تاریخ هجریسنده .

« [۲] ۱۰۴۳

ویریلدی . كرك بو شهزاده نك كرك محمدك دولتك ویردیكى
او امره اطاعت ایتمه مكدن و آنا طولیده بعض تخریب ائده بولونمقدن
باشقه بر قباحتلری یوقدی . جسور ، عالیجناب و عائله لری
ایچنده دیگر شهزاده لردن زیاده سلطنت سورمكه لایق ایدیلر .
چرکستان ، نوغای ، چغتای تاتارلری کندیلرینه تمامیه
صادق ایدیلر . داغستان ، لهستان حکمدارلری ایله قازاقلر
بونلرک دها ارزون مدت حکومت سورمه لرینی تمنی ایدرلردی .
فقط حرکتلری استانبولك خوشه کیتمه مشدی . کندیلرینه
جزاء مقصدلرینه دائماً ممانعت ایدیلمشدی . جانی بك اوزون
مدت پادشاهه صادق قالدی . مؤخرآ تبدیل حسیات ایدنجه عزل
اولونه رق [۱] ردوسه کوندرلدی . اوراده وفات ایتدی .

بو خانك یزینه غازی کرایك اوغلی عنایت کرای کچدی .
قالغای عنوانی برادرینه ویریلدی . بوايکی شهزاده موقعلرینه یراشیر
یراشمز پادشاهه قارشى عصیان ایتدیلر . در حال عزل اولونه رق
[۲] استانبوله جلب واعدام ایدیلدیلر . سلامت کرایك اوغلی
بهادر کرای حاجی کرای نسلندن صوك قریم خانیدر . وفاتندن
صوکره [۳] محاربات داخلیه بو عائله یه منسوب شهزاده لرك کافه سنك
وفاتی انتاج ایتدی . تختی منکلی کرای عائله سنه کچدی . بو صوك
زمانلرك تفصیلاتی یازمش مورخلره تصادف ایدم یورم . بو

[۱] ۱۰۴۳ تاریخ هجریسنده

» ۱۰۴۶ [۲]

» ۱۰۴۱ [۳]

خانلرك يالكوز اسملرينى ومدت سلطنتلرينى بيليورم . بهادر
كرايك خلفلى شونلردر :

محمد كراى ، ۱۶۴۲ تاريخنده عزل ايديلمشدر .

اسلام كراى ، ۱۶۵۳ تاريخنده وفات ايتمشدر . بوتون

زمان حكومتنده لهستان ايله حرب ايتمشدر .

محمد كراى ۱۶۶۶ تاريخنده تكررار خان اولمش و وفات

ايتمشدر .

عادل كراى ۱۶۷۱ ده عزل ايديلهركردوسه كوندلمشدر .

سلیم كراى ۱۶۷۸ ده عزل ايديلمشدر .

مراد كراى ۱۶۸۲ ده وفات ايتمشدر .

حاجى كراى ، آنجق سكيز آى حكومت ايتمشدر .

سلیم كراى ، ۱۶۹۰ ده تكررار خان اولمش و وفات ايتمشدر .

سعادت كراى ۱۶۹۱ ده وفات ايتمشدر .

صفا كراى ۱۶۹۲ ده وفات ايتمشدر .

سلیم كراى ۱۶۹۸ ده تكررار خان اولمش واستعفا ايتمشدر .

دولت كراى ۱۷۰۲ ده عزل ايديلمشدر .

سلیم كراى دردنجه دفعه اوله رق خان نصب ايديلمشدر .

سلیم كراى تكررار خانلق تختنه چيقنجه قالغايى ،

چركستانه التجا ايتمش اولان اوغلى دولت كراى عليهنه

حربه كوندردى . دولت كراى مغلوب اولدى ، پدرينه كتيرلدى .

بدرى كندیسنی مشفقانه قبول ایتدی . بوخان ، خرسیتیانلره

سنه

۱۷۰۲

قارشی محارباتنده کسب شهرت ایتمشدر. بر محاربه ده هم روسلری هم ایللری هم آلمانلری مغلوب ایتمشدر. بونلر آرنالغك بویوك بر قسمنی اله کچیرمشلردی. دفعات ایله خان اولدقدن صو کره مکهدن عودتنده ترك تحت ایدهرک ما کدونیا ده سیروزه چکیلمش واوراده راحتجه عمرینی نهایته ایردیرمک ایسته مشدی. فقط پادشاه کندیسنی دعوتله تکرار خالق تختنه اجلاس ایتدی. ۱۷۰۴ تاریخنده وفات ایلدی.

دوبان خانی غازی کرای ۱۷۰۶ تاریخنده [۱] عزل ایدیلدی. سبب عزلی، مظالم و تعدیاتیه مشهور اولان وزیر اعظم علی پاشانک روسیه یه قارشی عدم اعلاننده منفعتدار اولدیغی برحربی شدتله توصیه ایتیه سی ایدی. غازی کرای غایت یاقیشیقلی، اصل طورلی، نافذ نظرلی ایدی. تاتارلرک چهره سی علی العاده بیچمسز اولدیغی حالده کندیسنک خطوط وجهیه سی پک منظم دی. پادشاه، ایلری کلن مأموریندن بری اسطه سیله برادری دولت کرایه برقلیج، مرصع برسمور قالپاق و برخط شریف کوندردی. تاتار ملتک ایلری کلنلری اوکنده بوخط شریف قرائت ایدیلدی. بونک اوزرینه غازی کرای تختدن اینهرک یرینی برادرینه براقدی. استانبولدن یکرمی بش فرسخ مسافه ده کائن اولان کنکنای سرای Guinguenai یه کوندردی. اوراده زوجیه سی، همشیره سی ویوز اوتوز

[۱] ۱۱۱۸ تاریخ هجریسنده.

معیتی ایله برلکده وبادن وفات ایتدی والدہ لکی سلیم کرایک
زوجہ سی والدہ سلطان، الی یاشلرنده وچرکس ملتہ منسوب
ذکی برقادیندی. شدت نومیدیدن کندیسنه برخنچر اوردیسده
وفات ایتدهدی. غازی کرای بر حکمدارہ یاقیشہ جق حسیات
نجیبانہ یه صاحب ایدی. تاتارلر کندیسنی تکرار خان کورمک
آرزوسنده اولدقلری ایچون وفاتنه تأسفلر ایدیورلر .

دولت کرای ۱۷۱۳ تاریخنده عزل ایدیلدی . یرینه
قاپلان کرای کچدی . بعضیلرینک روایتجه [۱] قاپلان کرای
غازی کرایه خلف اولمش و ۱۷۰۸ تاریخنده عزل ایدیلشدی .
بو حکمدارلرک اوندن صوکره بوکونه قدر اولان تاریخلری
نجه مجهولدر . یالکیز تابع اولدقلری پادشاهک دائماً تحت
ادارہ سنده قالمش اولدقلری معلومدر .

[۱] رضوانک اوغلی عبداللہک اثرینک صوکنده بوخانلره دأثر
موجود برجدوله نظراً بویله در . فقط راهب دوبان P.Duban
شمالہ سیاحتلر اثرینک اوننجی جلدنده غازی کرایک یرینه دولت
کرای کچدیکنی سویلیور .

قازان خانلری

تیمورلنک قاپچاقی استیلاسی بو ایمپراطورلغک مختلف اقسامه آیریماسی انتاج ایتدی . قازان ولایتده بولونان تاتارلر آریلدیلر و آرالرنده بر خان تعیین ایتدیلر . فقط بو حادثه نك هانکی تاریخده ونه کبی شرائط دائرہ سنده وقوعه کلدیکی معلوم دکلدر . کوزمز او کنده بولونان یکانه اثرلر روس تاریخلریدر . روس مورخلری ایسه قازان حکومتدن ۱۴۶۸ تاریخنده آرتق تشکل و تأسس ایتیش بر قراللق کبی بحث ایدرلر و هیچ بر تفصیلات ویرمزلر . موغول ملتک هر طرفده کی تاریخی تعقیب ایتیش اولمق و ممکن اولدیغی قدر اتمام ایتک ایچون ، او کره نه بیلدیکم شیلری بوراده حکایه ایده جکم .

قازان اهلینک شهله آلق اسمنده بر حکمدارلری وار - آنال روسیه ن
دی که اولاد براقمیزین وفات ایتشدی . زوجه سی نورسلطان
سیریشموند

صو کره ابراهيم اسمنده بريله اولنمش ایدی . بو آدم قازان حکومتی اله کچیردی . نور سلطانك بو ازدواجدن محمد امین ایله عبداللطیف اسمنده ایکی چوجوغی اولدی . فقط ابراهيمك دها اول برنجی زوجہسی باتماسه سلطانن الغ اسمنده براوغلی اولدیغی ایچون یرینه بو کچدی . ایشته بو حکومتك تأسسی حقنده او کرده بیلدیکم شیلر بوکا انحصار ایدیور [*] .

سنه

۱۴۶۸

غراندوق ایوان واسیلوویچك قازان اوزرینه سوقایتدیکی [۱] اردو کندیسنه قارشى می ایدی یوقسه پدری ابراهيمه قارشى می ایدی ؟ بوراسی معلوم دکدر . تاتارلر بو غراندوق اردوسنی وولغا کچیدلرنده دوردیرمشلردی . هر حالده ، روسلر عودته مجبور اولدیلر . تاتارلر کیدوب غالیچ الکاسنی یغما ایتدیلر . اورادن قوستروم الکاسنه کچدیلر . ستریغا اوبولنسکی بوراده کندیلرینی مغلوب ایتدی . اوستیوغ الکاسنه و دیاققایه آقینلر یاپدیلر . بو آقینلری توقیف ایچون غراندوق ایوان برادرلری ژورژ ایله آندرهیی ، اوستیوغ قوللری طرفندن تجاوزه دوچار اولان قازان شهرینی محاصرهیه کوندردی [۲] . اوستیوغلر قاما نهری طریقيله اینمشلر ، قازانه یاقلاشه رق

۱۴۶۹

[۱] خلقت عالمك ۶۹۷۶ نجی سنه سنده .

[۲] » ۶۹۷۷ »

[*] مؤلفك قازان خانلری مك اوائلی حقنده ویرمش اولدیغی معلومات کلیاً یا کلهشدر - مکرمین

واروشلرینی یاقشیلر ، فقط عودتلرلنده نیثرنی نوو غورودده
مغلوب اولمشلردی . روس جنراللری بو قدرینه ده موفق
اولامادیلر . قازان حکمداری ایله صلح یامغه رضا کوستردیلر .
او زمان بربرلرینک الکالرینه آقین یامقله اکتفایدیلوردی .
روسلر بو باربارلری تحت اطاعته آلمغی هنوز دوشونمیلوردی
قازان تاتارلری شقاوتلرینه دوام ایدرک وولغا طریقله تومنه
کیدن اوستیوغ تجارلرینی یغما ایتدیلر [۱] . باشقه بر طاقم
تاتارلرده، غراندوق نوو غورودده بولوندیغی صیراده تکمیل
دیانتاالکاسنی تخریب ایلدیلر ۱۲۱ . غراندوق عسکر کوندردی،
قازان جوارلرینی یغما ایتدیردی . بو قارشیلقلی آقینلردن سوکره
بو مملکت خانیه صلح یاپلدی . بر مدت سوکره صلح بوزولدی .
روسلر آقین یاپدیلر . یکیدن صلح عقد ایدیلدی . سوکره
تکرار حرب اولدی . الغ نامنده کی قازان حکمداری اسیر
آلهرق وولودغایه کوتورلدی ۱۳۱ . اوراده اولدی . عبداللطیف
ایله محمد امین والده لرله برلکده بیهلوسره کوندردی .
الغ برادری قودای قالو وافتیز ایدیلرک کندیسنه پیه راسمی
ویریلدی . سوکره غراندوقک همشیره سیله اولمشدر .
قازانده بر فرقه واردی که [۱] غراندوقک دشمنی ایدی .

[۱] خلقت عالمک ۶۹۸۳ نجی سنه سنده .

[۲] ۶۹۸۵ »

[۳] ۶۹۹۶ »

[۴] ۷۰۰۲ »

سنه
۱۴۷۵

۱۴۷۷

۱۴۸۸

۱۴۹۴

چونکه اغلب احتمالاً نظر آنرا اندوق قازان محمد امینی کتیرمشدی .
 ماموق شیبانی ۱۱۱ بوکا قارشی سلاحه صاریلشدی . غراندوق
 قازان خانك امدادینه قناز سیمه تون ایوانوویچ ریاپولوفسکی
 کوندرمکه مجبور اولمشدی . روسلرک بو یورویشی ماموقك
 تصویراتی بر مدت ایچون تأخیر ایتدی . روسلر کیدنجه اوده
 تکرار تشبثانه باشلادی . محمد امین قازان امالیسنه اعتماد
 ایدم مدیکندن موسقودیه چکیلمك طریقنی اختیار ایلهدی .
 ایرته سی سنه ماموق قازانی ضبط ایله یغما ایتدی . اورادن
 کیدوب یاروئیسق شهرینی محاصره یه آلدی . فقط کندیسنه
 رفاقت ایتمش اولان قازان اکابری کیزلیجه قازانه چکیلد کلرندن
 خاقی سلاحه صارلمغه تشویق ایلدیلر ، شهرده قاپاندیلر و غران-
 دو قدن عفو طلب ایتدیلر . یالکیز سنه یانه حرکاتی مناسبته
 تقریب ایتدکاری محمد امینی کندیلرینه کوندرمه مسی رجاسنده
 بولوندیلر . غراندوق بوکامووافق کوستردی ، خان عنوانی محمد امینك
 برادری عبداللطیفه ویردی . ماموق چکیلمك ایسترن یولده وفات
 ایتدی . بووقعه دن برقاچ سنه سوکره ۱۲۱ ماموقك برادری آقزالاق
 قازان عاصیلرینه التحاق ایدرک عبداللطیفه هجوم ایلدی .
 فقط روسلرک یاردیمی کندیسنی عودته مضطر براقدی . مع مافیه
 مؤخر ۱۲۱ عبداللطیف خلع اولونمش ویرینه محمد امین کتیرلمشدر .

سنه
۱۴۹۵

۱۴۹۵

۱۵۰۳

[۱] اجمالکة محمود اوله جقدر .

[۲] خلقت عالمک ۷۰۰۷ نجی سنه سنده .

[۳] خلقت عالمک ۷۰۱۰ نجی سنه سنده .

سنه
۱۵۰۵

بوخان غراندوقه قارشى عصيانده تأخر ايتدى [۱].
 ممالكى داخلنده بولونان روس تجارلرينك ماللارنى آلدirdى.
 ايرتەسى سنه كيدوب نيثرنى نووغورودى محاصره ايتدى.
 ايكي كۈن محاصره دن صوكره بورادن چكىلدى. غراندوقك
 وفاتى بو عاصى يى تاديب ايچون روسلر ك ياپدقلىرى تداركاتى
 تأخير ايتدirdى. غراندوق اولان بازيل، برادري دهمه تريوس
 ودها سائر جنراللىرى قازانى محاصره ايچون بردونما ايله
 كوندردى. فقط سوارىلىرى بولونمايان بوروسلر قارديه چيقاركن
 قىلجىدن كچىرلدىلر. يكي عسكر كوندرمكه مجبوريت كوردولدى.
 بوقوت ده بوسكور تولدى وپريشان بر حالده قاچغه مجبور اولدى.
 بر قسمى نيثرنى نووغورودده ديكر قسمى مارومه قاچدىلر.
 محمد امين بونلرى قازان قرق ورست مسافه يه قدر تعقيب
 ايتدirdى. بوموفقيته رغماً قازان خانى غراندوقدن صلح
 طلب ايتدى. طرفيندن اسرانك اعاده سى قرارلاشى. روس
 ضابطلىرى قازان خاننك بىيىنندن صوكره معاهده نامە يى امضا
 ايتدىلر [۲]. صوكره محمد امين وخيم صورتده خسته لانتجه [۳]
 غراندوقدن عبداللطيفى عفو ايتە سنى و كىنديسنه خلف
 اوله رق اوفى تعيين ايلمە سنى رجا ايله قازان سكه نه سى نامنه

۱۵۱۲

۱۵۱۶

[۱] خنقت عالمك ۷۰۱۳ نجى سنه سنده .

[۲] « ۷۰۲۰ »

[۳] « ۷۰۲۴ »

غراندوقه ، روس سراينك موافقتى اولمقسزین برخان انتخاب
ایدیلمه یه جگنی تعهد ایلدی . بوتعهد یمینلرله تأیید ایدیلنجه
حالا روسیه ده موقوف بولونان عبداللطیف سربست براقلدی .

سنه
۱۵۱۸

فقط برمدت صوکره وفات ایتدی [۱] . صوکره محمد امین
اولدی [۲] . قازان اهالیسی یمینلری موجبنجه بووقعه یی

۱۵۱۹

غراندوقه بیلدیررک کندیلرینه چغاله یی [۳] خان تعیین
ایتمه سنی رجا ایلدیلر . روسلار یکی خاندن ، غراندوقه صادق

قاله جغه دائریمین ایسته دیلر . بویمنی ایتد کدن صوکره کندیسینی
قازانه کوتوردیلر . یکی خان اوراده اوزون مدت تحتده قالمادی .

طوتدیغی مسلك واغلب احتماله کوره ، روسلره کوستردیکی
بك فضله مربوطیت بوتون تبعه سنی عصیانه سوق ایتدی [۴] .

۱۵۲۱

قازان اکابری صاحب کرای چارویچی یعنی قریم خانی
منکلی کرایک اوغلانی دعوت ایتدیلر . مبارک محمد کرای

براردو ایله صاحب کرای قازانه کتیردی . صاحب کرای
اوراده خان اعلان ایدیلدی . چغاله بوتون عائله سیله

میسقوه یه چکیلدی .

صاحب کرای قازان خانی اولور اولماز عسکرلریله یوله

[۱] خلقت عالمك ۷۰۲۶ نجی سنه سنده

[۲] « ۷۰۲۷ »

[۳] سیریسمون دربشتاین بوکا شه آله دیور . [بزم تاریخلر-

مزده بونك اسمی شاه علی خان بن الله یارخان دییه مقیددر - مکرمین]

[۴] خلقت عالمك ۷۰۲۹ نجی سنه سنده .

چيقه رق قولومنايه كيتدى . اوراده ، روسيه يه برسفر ياپان
برادري محمد التحاق ايتدى . آز قالدی محمد موسيقوه يني
ضبط ايدەجكدى . غراندوق بو آقيناك و كندى مرخصى
لینوچكيناك قازان خانى طرفدن قتلنك انتقامنى آلمق ايجون
نيژنى نوو غوروده كيتدى [۱] . سورا نهري آغزنده
بازياغورود ناميله اخشاب براستحكام ياپديردي و ايرته سى سنه
قازانى محاصره ايجون متعدد قنازلرك قومانداسى آلتنده ، بحري براردو
كوندردي . صاحب كراي ۱۲۱ اوزمان اوز اوچ ياشنده بولونان يكنى
صفا كرايى قريمدن كيتيرتهرك كنديسى امداد طلب ايتمك
اوزره استانبوله كيتديكى صيراده قازان حكومتنى اوكا براقدى .
عزيتندن صوكره برسيد يعنى بررئيس دينى ، كنج شهزاده يني
روسلره تسليم ايتمك اوزره طوتمغه تشبث ايتدى . فقط قتل
ايديلدى . بواشاده روس اردوسى نيژنى نوو غوروددن
چيقمش ، غوستينو ووسهرو آطه سنه قدر ايلريله مشدى .
اوراده سوارى قوتلرينه انتظار ايدىيوردى . بواشاده ، اخشاب
قازان قلعه سى ظهورايدن بريانغين يوزندن كول اولمشدى . روسلر
بو وقعه دن استفاده ايدەجك يردە قلعه نك تكرر انشا ايديله سنه
ميدان براقه جق درجده احتياط سىز داورايديلر . صوكره كلوب
قازانقا شهرى قربنده قرارگاه قورديلر . بوراده ، تاتارلرك

سنه
۱۵۲۳

۱۵۲۴

[۱] خلقت عالمك ۷۰۳۱ نجى سنه سنده .

[۲] روسلر كنديسنه سائپ ياخود ساپ كره ي ديرلر .

و چره میسلرک باشنده بولونان کنج قازان حکمداری
کندیله رینی دائمی صورتده ازعاج ایتدی. روس اردوسنده بولونان
چغاله بو کنج شهراده بی دفعاتله قازان حکومتی تسلیمه دعوت
ایله دی. فقط صفا کرای دایم، النده ایسه کلوب جبراً آلماسنی
سویله دی. روسلر بطاشرتلیله تاتارلره قازانی تحکیم امکائی
براقشاردی. تکمیل ارزاقلرینی استهلاک ایدیورلردی. جوارلری
تخریب ایدن چره میسلر اونلرک تکمیل ارزاق قافله لرینی و مناقله
واسطه لرینی اله کچیریورلر، اطرافلرینی او قدر صاریورلردی که
غیراندوق اونلره دائر هیچ بر معلومات استحصال ایده میوردی.
آرتق رجعتدن باشقه بر شی دوشونمیورلردی. بو ائنده بر
سواری قوتی دشمن صفلرینی یارمق امکائی بولدیغندن بوتون
اردو بوکا امثال ایتدی. هرکسه جسارت کلدی. اردو
قازانه یاقلا شەرق شهری قوشا تدی [۱]. کنج قازان خانی
شهرک دیگر طرفنده قرارگاه قوردی. اورادن لاینقطع
روسلری ازعاج ایتدی. بو صیراده، بوتون بطاریه لر یرلرینه
یرلشدیرلش اولدیغندن روسلر قلعه بی شدتله دوکمه که باشلادیلر.
محصورین مالک اولدقلری صوک طوپیجی بی غائب ایدنجه یه
قدر مدافعه ده بولوندیلر. آرتق قازانک ضبط ایدیله جکی امید
اولونیوردی. فقط، پالیچکی نامنده کی روس جنرالنک جیاتی
بو فرصتی قاجیرتدی. چونکه بو جنرال طوپیچیلرینی قورتارمق

واردوسنی هیچ ضایعاته دوچار ایتمه مک فکر نده بولونمش
وبوکا کوره حرکت ایتشدی . حتی سورلره هجوم ایتمک
ایسته بن عسکرلرینی تکدیره بیله قالمشدی . اونک مقصدینی
خبر آلان تاتارلر موسقویه صلح ایچون سفیرلر کوندرمک
شرطیله تسلیم اولمق تکلیفنده بولوندیله . پالیچکی درحال
محاصره نی رفع ایتدی . بو حرکتی تاتارلره صامتلیش اولدیغی
شهره سنی تولید ایتشدر .

سنه
۱۵۲۵

قازان سفیرلری موسقویه کلدکلری زمان [۱] صلح عقد
ایدیلدی . غراندوق صفا کرای قازان خانی اوله رق طانیدی .
غراندوق بورایه دانیل واسیلوویچ پیه نقوف نامنده بر سفیر
کوندردی . کورونشه نظراً صو کره لری غراندوق قازانلیلرک
حرکاتندن ینه مشتکی بولونمشدر . چونکه قازان خانی عرض
معذرت ایچون موسقویه سفیرلر کوندرمشدر [۲] . فقط
خان ، غراندوقک مرخصنی علناً تحقیر ایتمش اولدیغی ایچون
غراندوق ایرته سی سنه قازانه بر اردو کوندردی . بو اردو
قازانلیلری ونوغایلری بوسکورته رک قازان شهرینه یاقلاشدی .
حتی بعض یرلری اله کچیردی . بولاق میرزا شهردن چیقدی ،
غراندوقک جنراللرینه ، آرتق غراندوقه قارشى عصیان
ایتمه جه جکلرینی ، موافقتی اولمقسزین خان قبول ایله میه جکلرینی

۱۵۴۹

۱۵۳۰

[۱] خلقت عالمک ۷۰۳۳ نجی سنه سنده .

[۲] « ۷۰۳۷ »

عرض ایتلمی رجا سنده بولوندی. بو عهددن ممنون اولان روس
جنرالاری کری دوندیله. قازان سفیرلری موسقوهیه کیتدیله [۱]
بوراده غراندوقه صادق قالد جققرینه یمین ایتدیله. غراندوق صفا
کرایه یمین ایتدیرمک اوزده ایوان واسیلوویچ بوله فی قازانه
کوندردی. صفا کرای رتبه جه ده یوکسک بر سفیر
اعزامی اصرار ایدهرک یمین ایتدی. موسقوه ده کی قازان
سفیرلری، بوباده کندیلرینه مؤاخذاته بولونان غراندوقه
بر اردو کوندرمکده اولدیغنه دائر قازانده شایع اولان
برروایتک خانی قیزدیرمش اولدیغنی جواباً بیلدیردیله. سفیرلرک
فکر نجه قریم تاتارلری ونوغایلر قازان خاننک فکرینی چلمشلردی.
اگر صفا کرایک طلبی خوشنه کیتمه یورسه کندیلرله برلکده
چغاله یی بازیاغوروده کوندمه سنی غراندوقدن رجا ایتدیله.
اوراده نوغایلری وچره میسلری روسلرک طرفنه جلب ایده جکلرینی
امید ایدیورلردی. بوغریب تکلیف غراندوقک حیرتی
موجب اولدی. بوسویله دکلری شیلرک قازان اکابری نامنه می
وقوع بولدیغنی صوردی. خایر دیه جواب ویردیله.
رؤسادن بر چوغنک اقربالری نیثرنی نوووغوروده موقوف
اولدیغنی جهتله بوتشبتک موفق اوله جنی امیدنده بولونقلرینی
بیلدیردیله. بونک اوزرینه غراندوق کندیلرینی چغاله ایله
اورایه کوندردی. بو اثناده قازانده قاریش یقلق واردی.

صفا کرای ، غراندوقك مرخصی ایوان پوله فی اولدیرمك ایسته مشدی . بوکا مخالف اولان اکابر ملت صفا کرای شهردن قوغمشلر ، قریمه التجایه مجبور ایتمشلردی . غراندوقه صادق قاله جقلرینی وعد ایدیورلردی . کوندردکاری سفیرلر کندیلرینه خان اوله رق اناله یك [*] تعیین ایدیلمه سنی ایسته دیلر . بو آزرولری قبول اولوندیغی جهتله اناله ی باز یلغوروده کیتدی ، اوراده غراندوقك مأمورلری حضورنده صداقت یمینی ایتدی . غراندوق چغاله یه قوشیر ایله سرپوشوفی ویردی [۱] . فقط همان آرقه سندن کندیسنی بیوله سرویه حبس ایتدیردی . چونکه غراندوقك ، یکی قازان خانه كرك کندیسنندن ضبط ایدیش اولان سلاحلری اعاده ایتك كرك برنوغای میرزاسنك قیزیله تأهل وعدنده بولونمق صورتیله کوستردیکی حسن معاملهی قیصقانه رق بعض حرکات اغتشاشکارانه یه قیام ایتمشدی .

سنه
۱۵۳۳

۱۵۴۱ غراندوق ایوان واسیلوو یچ ، پدرینه خلف اولونجه [۲] تخته جلوسنی اخبار وقازانلیلرله صلحی تجدید ایچون قازانه سفیرلر کوندردی . فقط بوندن صوکره بولاق [۳] ایله

[۱] خلقت عالمك ۷۰۴۱ نجی سنه سنده .

[۲] « ۷۰۴۲ »

[۳] کندیسنه بولاتده دیرلر .

[*] اناله مك بزم تاریخلر مراده کی اسمی جان علی خاندركه سالف الله کر شاه علی نك قارداشی در . [مکرمین

سائر بعض قازان اکابری ، خانلری انالہ بی اولدیردیلر [۱] ، صفا کرای قازانہ دعوت ایدرک خان اعلان ایلدیلر . صوکرہ کیدوب قوستروم النکاسنی یغما ایتدیلر . اورادہ قوۂ محافظہ قوماندانی بولونان قنازیہ رواسیلوویچی اولدیردیلر . یکی خان قازانلیلرہ سرت معاملہ ایتدیکندن ، اونلرک ماللرینی آلہرق قریمہ کوندردیکندن [۲] بوحرکتی شہرک ایلری کلنلرینی قیزدیردی . بونلر مرخصلر کوندردرک غراندوقدن طلب عفو ایتدیلر و خانلرینی اولدیردجکلرینی وعدا ایلدیلر . عینی زماندہ ، قوماندانلرندن برقاجنی کندیلرینہ اعزام ایتمہ سنی رجا ایلورلردی . غراندوق ، ایوان واسیلوویچ سرایسیتی فی اعزام ایتدی . بوقوماندان ، هنوز قریمدہ بولونان صفا کرایہ یاپیلان تکلیفاتک نتیجہ سنی بکلہ مک اوزرہ ولادیمر جوارلرینہ کیتدی . مع مافیہ ، بوخاندن یک شہہ لندیکی جہتلہ ، قوماندانلرینی براردو ایلہ قولومناہ کوندردی . بوندن خبردار اولان صفا - کرای دہ روسیہ کیرمک اوزرہ عسکرلرینی طویلادی و اونلرک قلام ایلہ قیلمیت دہ براشمہلرینی امر ایتدی . غراندوق درحال دہ مہتریوس تہ ئودوروویچ بیہمسکی یہ اوقا نہرینہ دوغرو و میخایلوویچ بولغا قوفہ پاشرایہ کیتمہلری ایچون امر ویردیکی کبی چغالہ یہ دہ قازان اوزرینہ یورون

[۱] خلقت عالمک ۷۰۴۴ نجی سنہ سندہ .

[۲] خلقت عالمک ۷۰۴۹ نجی سنہ سندہ .

سویسقییه التحاق ایتمه‌سی امرایله‌دی. صوکره ، صفا کرایک
 یوله‌ویسه کیتدیکنه دائر آلدیغی خبر اوزرینه بیه‌مسکییه
 سرپوشوف شهرینی تحکیم ایتمه‌سی، عسکری رده‌زان اورمانلرینه
 چیقارماسی ایچون خبر یوللادی. تاتارلر اوسه‌تره قدرکلدیله.
 غراندوق بونلرک یاننده کندیسنک عصیان ایتیش برطاقم
 تبعه‌سی و نوووغورود عشیرتلی افرادی ده بولوندیغی خبر
 آنجه بیه‌مسکییه قوه امدادیه کوندردی. صوکره موسقوه‌نی
 ترک ایدوب ایتمه‌ک مسئله‌سی مذاکره ایتک اوزره بوتون
 مجلس مشورتی طویلادی. بعضیلری غراندوقک موسقوه‌دن
 چیقماسی فکرنده بولوندیله. بعضیلری بوکا مخالفت ایتدیله.
 غراندوق ده بورائی تصویب ایتدی. صفا کرای اوقا نهرینه
 قدر ایلریله‌مشدی. نهری کچمکه حاضرلانیوردی. فقط
 روس اردوسی کندیسنی دوردیرنجه میرزالرینه روس اردوسنک
 قازان طرفلرینه کیتدیکنی کندیسنه سویله‌دکلرندن دولایی
 مؤاحذاتده بولوندی. بو قدر غلبه‌لق براردو هیچ کورمه‌مش
 ابلدیغندن چکیلیمک ایسته‌یوردی. ابتدا میرزالر کندیسنی
 دوردیردیله. فقط طوونجی قوتلرینی کورنجه قاچدی.
 بوسفرک ثمراتی تماماً غائب ایتمه‌ک ایچون کیدوب پروته‌سق
 شهرینی یغما ایتدی. روس اردوسی آرقه‌سندن دائماً تعقیب
 ایدیوردی. قازانه عودت ایدنجه‌صلح طلب ایتک اوزره
 موسقوه‌یه سفیرلر کوندردی. صلح درحال عقد ایدیلهدیکی

جهتله غراندوق قازاق جوارلرينى تخریب ایچون بر مقدار
عسکر کوندردى [۱]. خان، روسلرک قازانلیر طرفدن
دعوت ایدیلدیكى قناعتيله تبعه سندن بعضیلرینى اعدام ایتدیردی.
بوندن دولایى خلقدە او قدر حدت حاصل اولدی له ایلری
کلئر بر قوه معاونه کوندردە جک اولورسه خانى طوتوب کندیسنه
تسلیم ایدە جکلرینى غراندوقه بیلدیردیلر. فى الحقیقه، بر آرزو کره
صفا کرای قازاندن طرد ایدیلدی واکابر ملت غراندوقدن
چغاله یی ایسته دیلر. بو خان غراندوقه صداقت یمینی ایدوب ده
تخته چیقار چیقمازینه روسیه یه قاچغه مجبور اولدی. چونکە
بعضیلری عصیان ایددرک صفا کرای قازانه چاغیرمشلردی.
بر آرزو کره، قازان اکابری قریملیره پک فضله نفوذ
واقتدار ویرن بر خانه مالک اولمقدن صیقيله رق بومملکتی ترک
ایله روسیه یه چکیلدیلر [۲]. صو کره، اوصیرالرده چار
عنوانی آلمش اولان غراندوق داغلرده کی چره میش قوملرینک
رجاسی اوزرینه قازان اوزرینه براردو کوندردی. بو چره میشلر
قازان الکاسی تاتارلریدرلر. بعضیلر وولغا نه رینک صولنده
کائن اووالرده اوتورورلر. بونلره لوغوویا نامی ویریلیر.
بر قسمی ده بوشهرک صاغنده کی داغلرده سا کندرلر. بونلرده
زاناغورینا دنیلیر. پتلره طایمیان بوقوملر بویوک آغاجلره

[۱] خلقت عالمک ۷۰۵۳ نجی سنه سنده

[۲] خلقت عالمک ۷۰۵۵ نجی سنه سنده.

قارشى بر حرمت مخصوصه بسلرلر . بونلرك ياشنده سمايه دعا
ايدرلر . قربان اوله رق كسدكلرى حيوانلرك كيكلىرى و دريلرى
بو آغا جلره آصارلر .

سنه
۱۵۴۸
آنال روسيه ن

غراندوق قازان اوزرينه بالذات يورومكه حاضر لانيوردى
[۱] . ولاديمير يتدى . اوراده اردوسنى ، طوپچى قوتلرىنى
كوزدن كچيردى . صوكره نيژنى نوووغورود يولنى طوتدى
و چغاله يه جنرال ووروتينسكى ايله برلكده باشقه بريولدن كېتمه سنى
امر ايتدى . فقط هوا بر آرز معتدل كيدرك بوزلر چوزولمش
اولديغندن طوپلرك بر قسمى صولرك ايچنده قالدى . غراندوق
نيژنى نوووغوروده دوندى . بورادن آنجق اوتوز ورست
اوزاقده بولانيوردى . ايلرى حر كىلرينه دوام امرىنى آلان
چغاله ايله ديكر روس جنراللارى خانه قارشى بويوك بر مظفريت
احراز ايتديلر . خان ، قازان شهرينه قاچغه مجبور اولدى . جوار
مملكىلر كاملاً روسلر النده قالمشدى . روسلر چكىلد كدن
صوكره آراق بر مقدار قازان عسكريله كيدوب غاليچ قطعه سنى
تخريب ايتدى [۲] . قوستروم واليسى جنرال زاقارى پتروويچ
ياقوولوف بونى مغلوب ايتدى و قازانلىلرى اوسه زوفا شهرينه
قدر قووالادى . آراق بو محاربه ده مقتول دوشمشدر . بر آرزو كره
صفا كراى آتدن دوشه رك وفات ايتدى . ايكي ياشنده اوغلى

۱۵۴۹

[۱] خلقت عالمك ۷۰۵۶ نجى سنه سنده .

[۲] « ۷۰۵۷ »

اوتامیش کرای کندیسنه خلف اولدی . قازانلیلر چاردن
 صلح طلبنده بولوندیلسه ده چار رد ایتدی . چار موسقوده دن
 حرکتله نیژنی نوووغوروده کیتدی . اورادن کلوب قازان
 سورلری دینده قرارگاهنی قوردی [۱] . اوزمان شباط آی
 اولمقله برابر اولدقجه شدتلی صیجاقلر وصوکره ، مبذول
 یاغمورلر بوزلری قیردیلر ، نهرلری فیضان ایتدیردیلر .
 بووقعه جاری محاصره نی رفعه مجبور ایتدی . یالکیز سبویاغا
 نهرینک اغزندہ بوتاتارلری ضبط ایچون برشهر بنا ایتدیرمکله
 اکتفا ایلدی . تاتارلر ایرته سی سنه صلح طلبنده بولوندیلر .
 برطرفدن داغلی چرهمیشلر قازانه قدر آقینلر یاپیورلردی .
 دیگر طرفدن ، قازان شهری اکابرندن بعضیلری عن اصل
 قریملی اولان خانه عداوتلرندن شهره هجوم ایتدیلر . فقط
 مغلوب اولونجه چاره عرض انقیاد ایلدیلر . اولان قوساق
 ایله قریملیلر خانک روسلره تسلیم ایدیله جگنی کورنجه قاقچق
 طریقنی اختیار ایتدیلسه ده ویاتقیلر کندیلرینی ویاتقا نهری
 قریبده قیلیجندن کچیردیلر . رئیسلری موسقویه کوندرلدی .
 بونک اوزرینه قازان اهالیسی چاردن چغاله نی ایسته دیلر .
 اوده اوتامیش کرایک کندیسنه تسلیمی شرطیله موافقت
 کوستردی . عینی زمانده داغلرده کی چرهمیشلرک روسیه یه تابع
 اولمالری ، روس اسیرلرینک تخلیه ایدیلرلری ده شرائط جمله سندن

سنه

۱۵۵۰

۱۵۵۱

[۱] خلقت عالمک ۷۰۵۸ نجی سنه سنده .

ایدی . قازانلیلر ابتدا بونلرک هپسینی قبول ایتدیلر . فقط
چغاله شهره کلیر گلز آرتق روسلری آلداتمغه چالیشمقدن
باشقه برشی دوشونمیدیلر . چغاله بیله چره میشلر مسئله سنده
مشکلات چیقاردی . صوکره بوتون قازان اکابری ایله خان
وروس جنراللری قازان قربنده طویلاندیلر . معاهده نامه نك
شرائطی اوقوندی وبالضروره قبول ایدیلدی . چغاله ، قناز
رورژ میخایلوویچ غالچین وایوان ایوانوویچ شاربوروف ایله
برلکده قازانه کیردی . بوتون روس اسراسی سربست براقیلدی .
بالکز ویاتقا جهتندن آلتش بیک روس اسیری کلدی .
مه چرا ، قوستروم ، موروم طریقیه کلنلر بوحسابدن خارجدر .
چغاله ، نزدنده برروس اسیری بولونه جق کیمسه لرك اعدام
ایدیله جکلری اعلان ایتدیردی . معاهده نامه موسقوده
آصدیق اولوندقدن صوکره روس اردوسی کری دوندی .
فقط بو صلح ، ظاهری برشیددی . چغاله ، چارك برایکی
دفعه سدتلی طلبیه رغمآ ، اسیرلری اعاده دن امتناع ایدیوردی .
قازانلیلر داغلق قسمك کندیلرینه براقلماسنی طلب ایلدیلر
[۱] . چار بوکا راضی اولمادی . مع مافیه ، بوتون اسیرلری
اعاده ایتمه لری شرطیه یه صاحبه طالب اولدی . چغاله بونك برعصیانه
سببیت ویره بیله جکی بهانه سیله تبعه سنی معاهده نك بوقسمنی
اجرایه اجبار ایتمیوردی . نوغایلرله کیزلی مناسباتده بولونمالرینه

سس چيقارمايوردى . آنجق غاصبلىك كىندى غلپىندەدە بولوندىقلرىنە قناعت كىتىردى كىن سوكرە بونى چارە خبروئوردى . وىردىكى برىضىيافتدە ايلرى كللىرى توقىف ايتدىرەرك ھېسنى اولدىرتدى . منباقىسى نوغايلىك يانسە قاچىدىلر . سوكرە چغاله چازدە ، موسقودە بولونان وسوء قىسد رىتباتنە داخل بولونان سفىرلىرى توقىف اىتمەسنى رجا ايلدى . چارك داغلق حوالىي كىندىسەنە براقماسنى طلب ايتدى . چونكە اوراسى اولمازسە قازاندە قالەمازدى . بومادەيى قبول ايتدىرەمدى . روز ، اسىرلىرىنىڭ سىرېست براقماسى تىكرار كىندىسەنەن طلب اولوندى . چغاله ، كىندىسنى خلع اىتمك اىستەن تىبەسەنك پك منفورى اولدىغى صاقلایەرق مسائل حاضرە حقندە چار ایلە مذاكرەدە بولونمق اوزرە موسقودەيە كىتمك مساعىدەسنى اىستەدى .

سەنە

۱۵۵۳

اىرتەسى سەنە بدايتىندە بعض قازان مىرزالىرى موسقودە مواسىلتلە كىندىلىرىنە بروالى تەيىن اىتمەسنى وقازاندەدە سوياغادە اولدىغى كى برولايت تأسىس ایلەمەسنى چاردن رجا ايتدىلر . چونكە تىبەسەسنى قىل ايتدىرن ، ماللىرى مىصادرە ایدن ، قازىلىرىنى وقىزلىرىنى آلان چغاله دن ممنون دىكلدىلر . فىكرلىرىنجە موسقودەدە بولونان اوچ يوز قازان اكابرىدن برىنى چار قازانە كوندەرك اوامرىنى تىبلىغ اىتملى وخانى عزىل اىلملى ايدى . دىكرلىرى رھىنە اولەرق موسقودەدە قالەجىلردى . بونك اوزرىنە چار ، آلکسى آداسنى قازانە كوندەرك چغاله يە شەرى ترك اىتمەسنى امر ايتدى

وباشقه بر طرفه تلطیف ایدیله جکی وعدنده بولوندی .
 جغاله یکر می درت میرزا ایله بتش یوز سترلیچ اولدیغی حالدده
 قازاندن حیقدی و موسسئویه کوتورولدی . صوکره قازان
 اهالیسی چاره صداقت یمینی ایتدیلار و چغاله نك قریم خانلری
 عائله سندن بولونان و خلقی عصیانہ تشویق ایتمش اولان زوجہ - نی
 روس قوماندانلرینه تسلیم ایله دیلار . مع مافیہ ، چوق کچمه دن
 شهرک قایسی روس قوماندانلرینه آچقدن ینه امتناع کوستردیلر .
 بوتون قازانلیر سلاحه صاریلدیلر . نوغایلری امدادلرینه
 چاغیردیلر . آستراقان حکمداری قاسمک اوغلی ادی کرای [یادکار]
 قاما نهرینی کچهرک قازانه کیتدی . اوراده حکمدار اعلان
 ایدیلدی . چار بونی خبر آنجه بو مملکته بر اردو کوندرمکه
 قرار ویردی . بالذات قولومنايه کیتدی . فقط قریم خانی دولت
 کرایک بر آقینی بوسفری یاریم براقیدردی . چار ، دولت کرای
 اوزرنده بر غلبه تامه احراز ایتدکن صوکره سویا غایه کیتدی .
 اورادن ادی کرای [یادکار] تسلیم اولمغه دعوت ایتدی .
 بونک ویردیکی جواب رد اوزرینه چار قازانی محاصره ایدهرک
 شهری هجوم ایله الکچیردی . بونک اوزرینه بوتون بو الکاتمامیله
 روسیه تابع اولدی . اوتامیش کرای وافتیز ایدیلهرک کندیسنه
 آکساندر اسمی ویرلیدی . ادی کرای عینی معامله نی رجایتدی .
 اوکاده سیمه ثون اسمی ویرلیدی ، بوتار یخدن صوکره قازانلیر روس
 اداره سی آلتده قلمشلردر .

سوقاغه چيقدقلى زمان يوزلرني ايپك ايشلمهلى وكنارى
 صاحاقلى براورتو ايله قاپارلر . ابي سوارى ، جسور آدملىر
 اولان بوتاتارلر ، يكانه سلاحرلى اولان ياي واولقى غايت
 مهارتله قوللانيرلر . مسلمان ديتندن يالكىز سنت عادتنى ودها
 سائر بعض مراسمى محافظه ايتمشلردر . كنديلرينه بت پرست
 نظريه باقىلايلىر . بو صوك زمانلرده ايجلرندن بر چوغى
 خرىستيانلىقى قبول ايتديلر . روسلر كى روم اوتوردوقس آيينى
 تعقيب ايدرلر . مملكتلرى غايت منبت اولوب هر دورلو
 حبوبات و ميوه يتيشدير . بوتاتارلر زراعتله مشغولدرلر .
 كوى وقصبه لرده ساكن اولورلر . بالخاصه آرپه ، يولاف
 وقاره بوغداى يتيشديرلر . آريلردن بر چوق بال وبال
 مومى آليرلر . مملكتلرينك شمال قسمنده بر چوق
 سنجاب و سائر كوركلكر بولونور . روسلر كنديلرينه
 حلم و ملايمت ايله معامله ايدرلر . چونكه جوال بر طبيعته
 مالكددرلر و سائر تاتارلره التحاق اتمكه دائما ميالدرلر . تقريباً
 اللى بيك قدر عسكر چيقارايلىلر . لسانلرى اغاب احتماله
 كوره آستراقان تاتارلرى لسانك عيتيدر . برلرينك سوزلرينى
 آكلايه بيلورلر .

توران موغوللاری

موغوللار ك بو قوللاری ، وقایع تاریخیه لرینی اخلافه انتقال
ایتدیرمکه اهمیت ویرن عرقداشلرندن اوزاق مملکتلرده
حکمران اولدقلری و بو وقایعی بالذات انتقال ایتدیردیه جک
درجه ده جاهل بولوندقلری ایچون تاریخلری بزجه مجهول
قالمقدردر. مع مافیہ ابوالغازی بعض تفصیلاته دسترس اولمشدر که
بونلری اہمال ایتدیه جکز . سیبریایه قدر امتداد ایدن بو
ایمپراطورلغک اوغرا دیغی مختلف انقساملرله حکمدارلرک تعاقبی
حقننده ، بزی هیچ دکاسه قسماً خبردار ایتمکه خادم اولیورلر .
باتو ، شمال مملکتلرینه کنندیسنی صاحب قیلان سفردن
عودت ایتدیکی زمان برادری شیبانی ، روسلرک متفقلرندن
ضبط ایدیلن مواقعک بویوک بر قسمنی قودریس ، نایمان ،
قارلیق وایغور عشیرتلرینه منسوب برچوق موغوللارله برلکده
ویرمشدی . باتونک دیگر برادری اوردایچون بوکا اون بش

تاتارلرک تاریخ
عمومی

بيك موغول غاڭهسى ده علاوه ايتدى . يالكىز شىبىانىك
 باتويه تابع اولان الكالرايله اوردا ايچىنه تابع اولان حوالى
 آراسنده يرلشمەسىنى شرط قويۇمشى . بونك اوزرىنه ، شىبىانى
 يازلق اقامتگاه ايچون آرال ويايىق داغلىرى جوارىنى ، قىشلق
 اقامتگاه ايچون ده سىر و صارى صونهرلىرى ساحللىرىنه دوغرو
 قاراقوم و آراقوم الكالرىنى انتخاب ايتدى . اوغلارندن برىنى
 باتونك كندىنه وىرەش اولدىغى شەرلىرى اشغاله بر مقدار
 عسكرله كوندردى . بو الكالك نەمەسى اولدىغى مجهولدر . فقط
 ادعا اولوندىغى كوزە نەمەت Nemets خانلىرى ، شىبىانى احفادىنىك
 بو قولندن چىقمىشلردر . بزجە مجهول اولان بو نەمەتلىك
 قىرىم خانلىرى اولماسىدىن شەبە ايدىلەبىلىر . يايىق نهرى
 جوارلىرىندەكى الكادە وفات ايدىن شىبىانى [۱] نك ىرىنە اوغلى
 بهادر خان كچدى . قاچاق خانى منكو تيمور بوكا آق اردويى
 يعنى بياض عشىرتى وىردى . بوكادە [۲] اوغلى جوجى بوغا [۳]
 خلف اولدى . بوندن صوكرە ، اوغلى بادا كول ، صوكرە

سنه

۱۲۶۶

[۱] اون ابكى اولاد براقدى : باينال ، بهادر ، قاراق ،
 بلكا ، جىرىق ، مىرجان ، قونتغا ، آيازى ، باصىلغان ، باياندىسار ،
 ماسار ، كونجى .

[۲] فوتلوق بوغا اسمندە ايكنجى بر اوغلى دە واردى .

[۳] بونك درت اوغلى اولمشدر : بادا كول ، بىق تيمور ،
 يىنكجار ، يسو بوغا .

بادا كولاك اوغلى منكوتيمور كلير. منكوتيموره جسارت وذكاسى
حسبيله قوتلوق عنوانى ویرلشدر ۱۱۱.

منكوتيمورك یرينه برادری فولات خان كچدی . دولت-
شیخ اوغلان و عربشاه اسمنده ایکی اولاد براقدی . بونلر
حكومتی آرالرنده پایلاشدیلر. عربشاه كولاك اورد، كولاك عشیرت
رئیسى ایدی . روسیه یه بر آقین یاپدی ، نیژنی نوو غوروده
هجوم ایتدی . روسلر ابتدا كندیسنی چكیلمكه مجبور ایتدیلر
و آرقه سندن قووالادیلر. فقط پیانانهری قرینه واصل اولدقلری
زمان ، روسلر احتیاطلی بولونمادقلری ایچون ، تاتارلر کری
دوندیلر و هر طرفدن كندیلرینی صاردیلر . روسلر قاچدیلر.
تاتارلر كیدوب نیژنی نوو غورودی یاقدیلر. دولت شیخ اوغلانك
یرینه اوغلى ابوالخیر خان كچدی . هم جوار قوملر بوندن قورقیورلر
و كندیسنه حرمت کوستریورلردی . عربشاهك خلفی اوغلى
حاجی تولى در . اوندن صوكره تیمور شیخ [۲] حکمران
اولمشدر . بونك زمان سلطنتنده ایکی یك قالموق ممالکی داخلنه
بر آقین یاهرق تخریباتده بولوندیلر. تیمور شیخ بونلری تعقیب
ایتمك ایسته دیکی صیراده محاربه ده مقتول دوشدی و هیچ وارث
براقادی . تبعه سنك قسم اعظمی باشقه حکمدارلرک یانه چکیلدیلر.

سنه
۱۳۷۷
آنال روسیه ن

تاتارلرک تاریخ
عمومیسی

- [۱] بونك آلتی اوغلى اولدی : ایلبان ، دسانتا ، فولات ،
سیونج ، نیمور بونغا ، کوندی .
[۲] حاجی تولینك اوغلیدر .

يالكىز ايغورلر قالمشلىرى . بوسىراده تيمور شىخك زوجه لىرىدىن
 بىرىنىڭ كېمە اولدىغى آكلاشلىدى . بونى ترك ايتىك ايسىتەمدىلر .
 يولە چىقىمىش اولان نايمانلر بوخبرى آلدقلىرى زمان بولوندىقلىرى
 موقىعدە قالدىلر . تيمور شىخك قارىسى دوغورنجه يە قدر اوراده
 قالمىغە قرار وىردىلر . برارلك چوجوق دوغورورسە عودت
 ايدەجكارلىدى . بوقادىن ، يادكار نامى وىرىلن برارلك چوجوق
 دىيەيە كىتىردىكىندىن نايمانلر بوكنىچ شىزادەيى خان اولەرق
 قبول ايتىدىلر . بو اتحاددن حىس ايتىدكلىرى مىسرى ارانە
 ايجون ايغورلر نايمانلرە صول طرفى براقىدىلر . اوصورتدە كە
 اوتارىمىخدىن برى هر مناسبتلە ايغورلر صاغىدە قالمشلىرى . صاغ
 طرف اونلر ايجون صول طرف قدر معتبر دكلدر . يادكارخان
 درت اولاد [۱] براقىدى . بركا سىلطان نامىلە ياد ايدىلن اك
 بويوكلىرى پىك جسور برحكمدار ايدى . كىندىسىندىن دىيەشلى
 اولان ، دوات شىخ اوغلانك اوغلى بواخىر خان زمانىدە
 برحىات ايدى .

تيمورلىك احفادىدىن ابو سعید میرزا اوزمان ماوراءالنهرده
 حكمران ايدى . عىنى عائەدن عبداللطيف ميرزانك مالك اولدىغى
 ىللىرى ضبط ايتىملىدى . عبداللطيف ميرزانك اوغلى ميرزا محمد
 جوكى متفقى ابو الخىر خانك نىزىنە النىجا ايله مىشدى . بو
 خانك يانىدە بولوندىغى سىراده ابو سعید ميرزانك بوتون

[۱] بركا سىلطان ، ابلق ، آموناق ، ابلق .

قوتلریله خوراسانه ، صوکره مازندراته کیردیکی ، ماوراء-
النهر اداره سنی ، آزلاتلر عشیرتی رئیسین امیر ماسیه ته براقدیغی
خبر آلدی . میرزا محمد جوکی کندی مملکتلرینه کیرمک
ایچون عسکر ویرمکه ابوالخیری اقناع ایتدی . بورغا سلطان
اوتوز بیک کشیک براردو ایله کندیسنی کوتورمکه مأمور
اولدی . ایکی شهزاده طاشکند طرفلرینه کیتدیله . طاشکند
درحال کندیلرینه قاپیلرینی آچدی . صوکره شاهرخیه بی ضبط
ایتدیله . سیر یعنی سیحون نهرینی کچدکن صوکره سمرقند
اوزرینه یورودیله . بوشهر والیسنک کیریشمک ایسته دیکی حربی
قبول ایتدیله . بورغا سلطان صول جناحه ، جیشخان اوغلان
صاغ جناحه ، میرزا محمد جوکی مرکزه قوماندایدیورلردی .
سمرقند والیسی مغلوب اولدی . علی العجله شهره چکیلدی .
اورادن بووقعه بی ابوسعید میرزایه بیلدیله . اوده درحال
مملکتنک یولنی طوتدی . اوزمان ابوالخیرک عساکری قوزین ،
کرمینیه وماوراءالنهر شهرلرینک کافه سنه ، سمرقند ایله بخارا
مستثنا اولق اوزره ، حاکم ایدیله . بوایکی شهری محاصره ده
جسارت ایده میورلردی . بورغا سلطان ابوسعید میرزانک بلخه
دوغری یورودیکنی اوکره نجه محاربه دن جتناب ایدیله رک
کچیدی مدافعه ایتمک اوزره آمویاخود جیحون نهرینه کیدیله سی
فکرنده بولوندی . فقط میرزا محمد جوکینک طرفدارلری سیر نهرینی
کچهرک شاهرخیه اوزرینه چکیلمک ده مناسب اوله جنی

مطالعہ سنی اظہار ایتدیلر . بورغا سلطانك مخالفتنہ رغماً بوصورتلہ حرکت ایدیلدی . بونك اوزرینہ برچوقلری فرار ایدہرك اوسمید میرزا طرفنہ کچدیلر . بورغا سلطان یقیشہ بیلدکلرینك کافہ سنی الہ کچیردکدن صوکرہ میرزا محمد جوکی یی طرفدارلری ایله برلکده شاهرخیده براقہرق مملکتہ دوندی . میرزا محمد جوکی درت آی برمحاصرہ یہ قاتلانقدن صوکرہ دشمننہ عرض تسلیمیت ایتمکہ مجبور اولدی [۱] .

سنہ

۱۴۵۶

برمدت صوکرہ ، یادکار خانك ممالکنہ ہم جوار اولان خوجاش میرزا وموسایی نامندہ ایکی امیر بربرلریلہ اختلاف چیقارہرق حربہ طوتوشدقلرندن موسایی ، دوستی بولونان بورغا سلطانك نزدینہ التجایہ مجبور اولدی . بورغا سلطانك پدری خان اعلان ایدیٹمکله برابر هنوزحق حاکمیتی الدایتمہ مش اولدیغندن اوزمان موسایی لہندہ ہیچ برحرکتدہ بولونہ میان بورغا سلطان ملتک ایلری کلنلرینی طوپلادی واونلرہ حاکمیتی پدرینہ ویردیرمکہ موفق اولدی . صوکرہ عسکر طوپلادی وموسایی ایله برلکده خوجاش میرزایہ قارشی یورودی . موسم قیش ایدی . قارلردن دولایی یوللرغیرقابل مرور برحالہ کلمشدی . ارزاق جلب اولونامایوردی . ضابطلردن قسم اعظمی کری دونمک فیکرنده ایدیلر . بورغا سلطان شدائد هواثیہ رغماً حرکتدہ دوام ایچون اصرار ایتدی .

دها ایلری کیدیلسه هر شینک محو اوله جغه قناعت کتیرن
 موسایی بیله بوسفری کله جک یازده براقق ایچون دفعات ایله
 کندیسندن رجالرده بولوندی. بوتون استحصال ایده بیلدیکی شی
 اکر ایکی کونه قدر دشمندن هیچ [برخبر آلماناسه عودت
 قراری ویریه جکی وعدندن عبارت ایدی. برآز صوکره
 بویوک برداغه مواصلت ایتدیله. بورغا سلطان بونک تپه سندن
 دشمنلری کوردی. بونلر وادیده ایدیلر. بورغا سلطان
 عسکرلرینی ایلریتدی. خوجاش میرزا قوتلرینه او قدر نا کهمانی
 صورتده صولت ایتدی که بونلری پریشان ایلدی. بوامیرک
 کریمه سی مالای خان زاده اسیر دوشدی و بورغا سلطانیه
 زوجیه اولدی.

دیگر طرفدن، ابوالخیر او قدر کسب قوت ایتدی که
 جوارنده کی حکمدارلرک کافه سی علیهنده برلشدیلر و اوکا اعلان
 حرب ایتدیله. ابوالخیر فائیت عددیه قاریشیدسنده مغلوب
 اولدی. دشمن انه دوشمش اولان اولادلرندن [۱] بعضیسیله
 برلکده قتل ایدیلدی. دیگرلری داغیلدیله. بواغتشاشات
 آراسنده بورغا سلطان، ابوالخیره تابع بعض ولایتلری اله
 کچیردی. فقط صوکره اونک طورونی شینک سلطان بویوک

[۱] اون بر اوغلی واردی. اک بویوکی شاه بداق اسمنده
 ایدی. بعضیلری کندیسنه بوداق یاخود بوراق دیورلر. شینک
 خانک پدری اودر.

پدرينك ممالكنه كيرنجه هر كس اوکا عرض انقياد ايتديلر.
 شيك ، بورغا سلطانه قارشى اولان انفعالى برمدت صاقلادی.
 انتقام آلق اچون مناسب بر زمان قولادی. بر کون مرايكیسی ده
 سیر نهری جوارلرنده قرارگاه قورمش بولونقلری صیراده
 شيك آدمارندن بر قسمی آوه کیتک بهانه سیله طوپلادی.
 غنیمته هیچ اهمیت ویرمه یهرك بوتون غیرتلینی بورغا سلطانی
 اله کچیرمکه حصر اتمه لرینی توصیه ایله یهرك کندیلرینی بورغا
 سلطانك قرارگاهنه کوتوردی . قرارگاهی باصدی . ايلك
 کورولتوی ایشیدیر ایشیتمز بورغا سلطان برکولك کنارنده
 بولونان فامیشلر آراسنده صاقلانمق اچون تبدیل قیافت
 ایتمشدی . فقط اوراده کندى کندیسینی پك تهلیکلی
 صورتده یارالادی . بورغا سلطانی بهوده یره ارادیلر . شیبکه
 مانغا نامنده براغور رئیس کتیردیلر . بو ، کندیسنك بورغا
 سلمان اولدیغنی ادعا ایدیوردی . فقط یالان اولدیغنی
 آکلاشلدی . بورئیس ، غایت منندار اولدیغنی بورغا سلطانی
 قورتارمق امیدیه اونك نامنی طاقنمشدی . شيك بواغورك
 علوجانسه حیران اولدی و بورغا سلطانی تکرار آراتدیردی .
 اورتهلقده چوق قار اولدیغنی اچون یالین آياق یورووش
 بر آدمك ایزلری بولوندى . صوکره بعض قان داماللری کورولدی .
 بوازلری تعقیب ایدرك بورغا سلطانك صاقلاندىغنی یره واردیلر .
 کندیسینی بولهرق شیبکه کوتوردیلر . اوده قتل ایتدیردی ۱۸۱

اوز بكار طرفندن ، آبدالغى حسييله خواجه آمتين تاق دنيان
خواجه محمد سلطان ۱۱۱ بوسفرده يکني شيبکه رفاقت ايتمش و بورغا
سلطانك که بونونان زوجهي مالاي خان زاده ايله اولمشدر .
قادين بر چوجوق دوغوردی . بوکا جاني بك نامی ويريلدی
خواجه محمد بونك کندی اولادی ظن ايديله سنی ايسته يوردی .

[۱] ابوالخيرك اوغلی ایدی .

بۈيۈك بىخارا خانلىرى

درېلو
۱۵۹۰

صوكرەلىرى شىبىك آسيانك اك ذى قدرت حڪمدارلارندىن
برى اولدى. بۈيۈك براردو ايله ماوراءالنهره [۱۱] ، اورادندە
خراسانە كچدى ۱۲۱. تيمورلنك عائلهسنە منسوب بر حڪمدار
اولان بديع الزمانى خوراساندن طرد ايله عراق نجمە قدر
تعقيب ايلهدى . بو عائلهدن الە دوستن شەزادەلر ك كافەسنى
اولدىرتدى . بديع الزمان بر مدت ايراندە قالدى . شاه
اسماعيل صفوى يى امدادىنە چاغىردى . شاه اسماعيل بوتون
قوتلىرىنى شىبىك خانە قارشى سوق ايله مرو جوارندە اوکا ملاقى
اولدى . شىبىك ، اردوسنك قسم اعظميله برلكدە محاربەدە
تلف اولدى [۲] .

۱۵۱۰

موغول حڪمدارلرىنك اك ذى قدرتى اوزن كوجكەنجى ،
شىبىك خانە خلف اولدى . هندستان حدودلارندە حڪمران

[۱] ۹۰۰ تاريخ عجرىسنده .

[۲] ۹۱۳ هجرى و ۱۵۰۷ ميلادى تاريخنده .

[۳] ۹۱۶ تاريخ عجرىسنده .

اولان تیمورلنك عائله سندن میرزا بابر احمد اصفهانی ایله برلاکده
 اولنك مملكتنه كیردی [۱] و بوتون نخب الكاسنی تخریب
 ایتدی . صوكره [۲] كوچكنجی خان اولاری چكيلمكه
 مجبور براقدی . عینی تاریخده كوچكنجی خان وفات ایددرك
 یرینه اوغلی ابو سعید كچدی و درت سنه حكومت سوردی .
 یرینه برادرزاده سی عبید خان [۳] كچدی . كیدوب خوراسانی
 تخریب ایلدی . ایران حكمداری شاه طهماسب كندیسنی
 خوراساندن طرد ایتدی . یالتخی اولان بخاراده وفات ایدنجه یه
 قدر [۴] بو ولایته آقینلر یامقده دوام ایتشدر . وفاتی
 اوزرینه تخت عبدالله خانه [۵] كچدی . بو آنجق آلتی
 آی حكومت سوردی . بونك خلفی عبدالمؤمن [۶] دركه
 شیبانی سلاله سندن بویوك بخاراده سلطت سورمش حكمدارلرك
 صوكنجسیدر . توشی خاتك ایكنجی اوغلی بوغای تیمورك
 احفادی طرفدن قتل ایدیلدی ، ایمپراطورلقده اولنرك ذریقنه
 كچدی . عبدالمؤمنك خلفاری شونلردر : امام قولی خان ، كه

سنه
۱۵۲۹

۱۵۳۹

[۱] ۹۱۸ هجری و ۱۵۱۲ میلادی تاریخنده .

[۲] ۹۳۶ تاریخ هجریسنده .

[۳] شیبكك قاردشی محمودك اوغلیدر .

[۴] ۹۴۶ تاریخ هجریسنده .

[۵] ابن اسکندر ابن جانی بك بن خواجه محمد ابن ابوالخیر خان .

[۶] بعضیلری خلفنك عبداللطیف اولدیغنی سویله یوزلر . احتمالكه

ایکیسی ده عینی ذاتدر .

۱۶۴۳ تاریخنده وفات ایتمشدر . نذیر محمد ، که ۱۶۴۶ ده
 خلع اولونمشدر . صوکره ، اوغنی عبدالعزیزخان . بو حکمدارلر
 الآن بویوک بخاراده سلطنت ایتمکده درلر . فقط ایمپراطورلقبری
 نقسامه اوغرامشدر . بخاراده ، سمرقنده ، بلخده . الخ .
 برر خان واردر .

تاتارلرک تاریخ
 عمومی

بویوک بخارا قطعه سی الیوم سـجیان ایله قدمانک باقتریان
 قطعه سی و ماحققاتی احتوا ایدر . ۳۴ و ۴۴ عرض درجه لری
 و ۹۲ ، ۱۰۷ طول درجه لری آراسنده کائندر . شمالاً قالموقلرک
 الکاسیه ، شرقاً کوچوک بخارا یاخود کاشغر قطعه سیله ،
 جنوباً بویوک موغول و ایران حکومتلریله ، غرباً خوارزم
 الکاسیه محاطدر . اک اوزون قسمی تقریباً یوز اللی آلمان
 فرسخی طولنده در . اک کنیش قطعه سی ده همان همان بوقدردر .
 بوقطعه بوکون بویوک تاتارستانک اکایی مزروع واک مسکون
 قسمیدر . بوراسنی اشغال ایدن و دین اسلامه سالک بولونان
 تاتارلر ، سائر تاتارلر کی شقاوتله مألوف اولمقله برابر بوتون
 اوراده کی اقوامک اک مدنیسی عدایدلکده درلر . غایت آغیر
 چیزمه لرینه وارنجهیه قدر قادین ارکک ایرانیلر کی تلبس
 ایدرلر . فقط اوقدر تمیز دکدرلر . ایچلرندن ایلری کلندر
 صاریقلرینه توغ طاقارلر . سلاحرلری سائر تاتارلرک سلاحرلرینک
 همان همان عینیدر . یعنی قیلیج ، اوق ، مزراق و یایدر . یایلری
 معتار اولانلردن بویوکدر . بوی غایت قوت و مهارت ایله قوللانیرلر .

برآمدن بری عجم کاری تفکارده استعمال ایتکه باشلامشردر .
 حربہ کیتدکاری وقت سواریلرینک بویوک بر قسمی زرہ کیرلر .
 قیلیج ضربہ سندن تحفظ ایچون کوچوک بر قالقانلری واردر .
 بوتاتارلر سائر تاتارلرک کافہ سندن دها کوربوز ، دها جسور
 اولدقلری ادعاسنده درلر . فی الحقیقه ، جسور اولان ایرانیلر
 کندیلرندن قورقارلر . قادینلر بیله غایت جسارت ادعاسنده درلر .
 قوجه لر یله بر لکده چوق کرہ حربہ کیتدکاری محققدر . حربہ
 اشتراک ایتمکدن قورقمازلر . قادینلرک قسم اعظمی غایت ای
 یاییلدرلر . اولدقچہ کوزلدرلر . حتی بعضیلری جداً کوزل
 عد اولوناییلیر .

بوتاتارلرک بار کیرلری پک کوستریشسزدر . کوکسلری ، قالچہ
 لری یوقدر . بویونلری اوزون و دوغرو ، باجاقلری پک اوزوندر .
 قارینلری ده یوقدر . ذاتأھپسی غایت ضعیفدرلر . فقط غایت جانلی
 حیوانلردر . یورولمق بیلمزلر . نہ قدر فنا اولورسہ اولسون بر آز
 اوت بولونمازسہ یوصون کندیلرینہ کفایت ایدر . طبیعت بو
 مملکتی لطیف بر حالہ کتیر مک ایچون هیچ رشی اسیر کہمہ مشدر .
 داغلرده غایت زنیکین معدنلر مبدولدر . وادیلر هر دورلو
 یمش و سبزہ یتیشدیرر . اووالر انسان بویجہ اوتلرلہ مستورددر .
 ہرلردہ غایت عظیم مقدارده لذیذ بالقلر چیقار . بویوک
 تاتارستانک سائر طرفلرندہ غایت نادر اولان اورمانلر بورادہ
 مختلف طرفلردہ پک چوقدر . فقط تاتارلر او قدر تذل

طبیعتیدرلرکه اراضیلرینی زرع ایله اشتغال ایددجکلری یرده
 خیرسزلغی وقومشولرینک مملکتنه آقین یامه یی ترجیح ایدرلر .
 شرقیلرک طرز معتادی اوزره قاینالمش پرنجدن عبارت اولان
 پلاو ایله بارکیر آتی الک لذیذیمکلریدر . قیصراق سوتندن
 یاپیلان قوسموس یاخود قومیس ایله عرق ایچکیلرینی تشکیل
 ایدر . لسانلری تورکجه ایله عجمجه وموغولجه نیک برحلیطه سیدر .
 بویوک موغولک تبعه سی وایرانیلر کندیلرینه اوزبکلر دیرلر .
 خیوه یاخود خوارزم تاتارلری ده بونام عمومی آلتنه داخلدرلر .
 بویوک بخارا قطعه سی اوچ ولایتیه تقسیم ایدیلمشدر :
 ماوراءالنهر ولایتی که پایتختی سمرقند شهریدر . اصل بویوک
 بخارا ولایتی که بخارا شهری بوداددر . بلخ ولایتی که
 پایتختی بلخ شهریدر . بو اوچ ولایتک هر برنده خصوصی برخان
 وارددر . فقط برمدتن بری بخارا خانی ماوراءالنهرده مالکدر .
 او صورتده که آمو نهرینک شمالنده بولونان یرلرک کافه سی ،
 حتی بونهرک جنوبنده کی قسیمک شرق داغلری اونک تحت
 حاکمیتنددر . بوندن دولایی غایت ذی قدرت بر حکمدار
 اولمشدر . اوز بکلر ایرانیلرله دائمی صورتده حال حربده درلر .
 خوراسان ولایتک کوزل اووالرینه آقینلریاپارلر . فقط بویوک
 موغولک حکومتیه کیرمک کندیلری ایچون محالدر . چونکه
 یوکسک داغلر کندیلرینی آیردرلر . اوزبک سواریلری ایچون
 بو داغلردن کچمک قابل دکدر .

بویوک بخاراده ساکن اولوب مواشیلریله کچین تاتارلر ، قومشولری قالموقلر کی قلمبلرده یاشارلر . موسمنه وسورولرینک احتیاجاتنه کورد جوارده شورایه بورایه کیده رک قرارگاه قورارلر . اراضی نی زرع ایدن تاتارلر ایسه کوی وقصبه لرده اوتورورلر . شهرلرده اقامت ایدنلر نادرده . شهرلر بولایتلرک قدیم سکنه سی طرفندن مسکوندلر . بونلر الیوم بویوک بخارانک صاحبی اولان تاتارلره هیچ بکزه منزلر .

۳۹ درجه ۲۰ دقیقه عرضنده بولونان بخارا شهری الیوم بویوک بخارا خاننک پایتختیدر . شهر غایت واسعدر . اوزری چین ایله اورتولی ای بر استحکامی واردلر . شهر اوچ قسمه آیرلمشدر . خانک حصاری وتفرعاتی برنجی قسمی تشکیل ایدر . میرزالر ، سرای ارکانی و خانک معیتنده بولونانلرک کافه سی ایکنجی قسمی وجوده کتیرلر . اصناف ، تجار و ساتره اوچنجی شهری تشکیل ایلرلر . اک غلبه لغی بونلردر . بواوچنجی شهرده هر صنعت اربابی آیری بر محله اشغال ایدر . جامعلر ، حماملر و بوکا مماثل مبانی عمومیه طوغله دن بایلامشلردر . معماریلری ده اولدجه اییدر . فقط دیکر اولر طور اقدندلر . شهرک ایچندن کچن نهر صولری پک مضر صحتدر . بونی ایچنلرک باجاقلرنده قوردلر پیدا اولدیغی ادعا اولونیور . بخارا ، بویوک تاتارستان ایله ایران و هندستان آراسنده تجارت اعتباریله غایت استفادلی بر موقعدهدر . تسویه اولونان رسوم

يك خفيقدر . فقط اجنبى تجارلىرىنىڭ دائىمىي صورتىدە معروض
 قالدۇقلىرى تىجارەتات بورادە تىجارىتىڭ يىك دورغون اولماسىنى
 سىبىت وىرىيور . بخارا دىتداول ايدىن عجم وھىند مسكوكاتىدىن
 باشقىچە بويوك بخارا خانىڭ ضرب ايتدىر مەككە اولدىغى كوش
 وباقىر پارەلردە واردىر . رەئىس علما بو شەھردە بويوك بر حەكم
 ونفوزى حازىردىر . ارادە صىرادە خان سىلالەسى اعضاسى
 آراسىندە ظەھور ايدىن محاربات داخلىيەدە كىمىك طرفى التىزام
 ايدىرسە ھەن دائىما او احراز موفقىت ايدىر . بخارا شەھرى
 بويوك موغول دولتىلە ايرانە غايت لذىد وكونا كون قورو
 ميوە اخراج ايلر .

ماوراءالنھر ولايتىڭ پايتەختى اولان سمرقند شەھرى ۴۱ درجە
 ۲۰ دقيقە عرضىدە ، ۹۵ درجە طولىدە وبخارا شەھرىدى
 كونىك مسافەتكە ئىمانىدەدر . اسكىسى قدر ياردىق اولما مەقلە برابر
 ىنە اولدۇچە واسەع و غايت غلبەلقدىر . اوزرىنە چىن دىكىلىمش
 طوبراق سىرلىرى ايلە انى مدافەئە ايدىلىشىدۇر . مېانىسى ھەن ھەن
 بخارا مېانىسى ايلە عىنى حالەدەدر . يالىگىز سمرقندە كار كىر
 اولردە كورولىيور . چونكى جوارىدە بەض طاش اوجاقلىرى
 واردىر . آسىادە ياپىلان ك انى اىپىك كاغدىنىڭ بوشەردىن چىقىدىغى
 سويلەيور . شەرق حەكومتلىرىدە بو كاغدى غايت مقبولىدۇر . بورادە
 برانچىن داش موجوددۇر كە مسلمانلار آراسىندە يىك مشهوردۇر .
 علوم وادىياتىدە كسب كمال اىچون جوار مەلىكىتىلردىن بورايە

کیدر لر . خانلرك اقامتنه مخصوص حصار غایت واسعدر . فقط
اليوم ماوراءالنهر ولايتك خصوصى برخانى اولماديغى ايچون بو
حصار كيتدكجه خراب اوليور . چونكه يازين سمرقندده برفاچ
آي كچيرمكه كلن بويوك بخارا خانى ، على العماده ، شهره جوار
اولان چايرده چاير آلنده اقامت ايدر . سمرقند جوارلرى
غایت لذت الما ، ارمود ، اوزوم ، قاون يتيشديرر . بونلر
اوقدر مبدولدر كه بوتون بويوك موغول ايمپراطورلى و ايرانك
برقسمى بونلرى اورادن اشترا ايدر . شهرك ايچندن كچن و ۹۲
درجه طوله دوغرو آمو يعنى جيحون نهرينه دو كولن كوچوك
جاي اكر قابل سروسفر برحاله كتير يلسه ايدى جوار حكومتلرله
مناقلاتى غایت تسهيل ايدردى . بويوك بر تجارت مركزى اولمق
ايچون سمرقندك مسلمان تاتارلرك غيرى برصاحبى وقومشولرى
اولمقدن باشقه هيچ براكسيكى يوقدر .

بويوك تاتارستانك اوجنده ، ايران حدودلرينه دوغرو
برنقطه ده ، ۳۷ درجه ۱۰ دقيقه عرضنده و ۹۲ درجه ۲۰
دقيقه طولنده كائن اولان باخ شهرى اليوم بويوك تاتارستانك
جنوبى قسمنه حكيم ايدن اوز بك تاتارلرى خانك مقريدر .
بوقسم ، بخارا خانك النده بولونان سائر طرفلره نسبتله كوچوك
ايسه ده غایت منبت و تماميله مزروع اولديغى ايچون خان بوندن
سنوى بويوك بر واردات استحصال ايلر . بوراده بك چوق
ايك يتيشديريلير . اهالى بك كوزل ايكلى قاشلر ياتماسنى

بیلیرلر . بلخ خانك تبعه سی اولان اوزبكلكلر ایرانلیلرله و بویوك موغولك تبعه لریله وقوع بولان مناسبات تجاریدلرندن دولایي مسلمان تاتارلرك الكمدیلری حالنه ككشلدردر . سائر خصوصاتده بویوك بخارا تاتارلرندن فرقلری یالكلزدها آز خیرسز اولما لردن ودها فضله حرف و صنایع ایله مشغول بولونمالرندن عبارتدر . مسلمان تاتارلرك متصرف اولدقلری شهرلرك الیوم الك بویوكی اولان بلخ بلده سی جسم و غایت غلبه لقدر . میانیسنك قسم اعظمی طاشدن یاخود طوغله دن یالماشدر . استحكاماتی طوپراق سپرلردن تركب ایدركه طیش طرفلره ای بر دیوار اورولماشدر . دیوار ، استحكاماتی مدافعه ایله مشغول اولانلری ستر ایدیه یله جك درجه ده یوكسكدر . صلح زماننده بوتون اجنبی تجارلرینه و سائر سیاحلره بو شهره كلوب ایشلارینی كورمه لری مساعدده سی ویریلش اولدیغندن تجارت مترقیدر . الیوم بلخ بویوك بخارا ایله هندستان آراسنده وقوعه كلن بوتون تجارتك انتره پوسی مثابه سنددر . جنوب شرقیدن كان و بلخك خارجی محله لرندن كچك كدن صوكره ۳۸ درجه و ۳۰ دقیقه عرضنه دوشرو خوارزم و بویوك بخارا حدودلرنده آمو نه رینه دو كولن كوزل بر ایرماق شهره بویوك بر فائده تأمین ایدیور . خانك حصاری شرق اصولنده بویوك بر بنادر . همان كاملاً مرمردن یالماشدر . جوار داغلرده بك كوزل مرمر او جاقلرینه تصادف ایدیلیر . بلخ خانك شیعه دییه قدر ممالكی محافظه ایدیه بیلمه سی

صرف حسدسایه سنده در. هم جوار حکومتلردن بری کندیسنه
عجومه حاضر لایحه دیگر قومشولرنده دائما کندیسنه بر متفق
ظهور ایدیور.

خوارزم حدودندن چین حدودلرینه وارنجهیه قدر بویوک
و کوچوک بخارانك بوتون شهرلری بخارالیلرله مسکوندر .
بونلر تاتارلره نسبتله مملکتک قدیم سکنه سیدرلر . تاتارلر
عمومیتله بونلره تادجیکار نامنی ویریرلر . بویکله ، شهرلرده
اوتوران برقومه دلالت ایدر . بخاریلر عمومیتله اورتیه بویلیدرلر ،
فقط ای یاپلیدرلر . اقلیمه نسبتله رنگلری غایت کوزلدر .
قسم اعظمک کوزلری ای یاپلمشدر . سیاه و جانلیدر . بورونلری
بر آز مقوس ، چهره نك محیطی ای متشکل ، صاچلری سیاه
و دوزگون ، صاقلاری صیقدر . آرالرنده یاشادقلری
تاتارلرک یچمسزلکارندن کندیلرنده اثر یوقدر . قادینلری
عمومیتله اوزون بویلی و متناسبیدرلر . قادین ارکاک
پاموق بزندن کوملک و دون کییرلر . فقط ارکاکلرده
فضایه اوله رق برده قفتان واردر . اوزرلرنده ایپکلی یاخود
پاموقلی بعض قماش پارچه لری ایشلنمشددر . بونلر باجقلرینه
قدر صارقار . همان همان طبقی لهیلرک قالباغنه بکزر برشکلده
قماشدن یووارلاق برده قالپاق کییرلر . ایچلرندن بعضیلری
تورک طرزنده صاریق صارادلر . بوقفتانلری ایپکلی قره پدن
یاپلمش برقوشاق ایله بللرینه باغلارلر . قوشاقلرینی برقاق دفعه

وجودلرینه دولارلر . اودن چيقدقلری زمان قفتانك اوزرینه
چوخه دن اوزون برائواب کچیرلر . قیشین بونك کنارلری
حتی ایچی کورک قابلیدر . چیزمه لری عجملرک پوتینلری طرزنده
یاپلشدر . فقط اونلر کی قدر تمیز دکادر . بار کیر دریسندن
تمامیله خصوصی صورتده مشین یایق سرینه واقفدرلر . قادینلر
پاموقلی بزدن یاخود ایپکی برماشدن اوزون برائواب کیرلر .
برائواب کنیشدر ، بدنلر کاملاً اورتر . آیاق قابلری شمالی
هندستانده قادینلرک کیدکاری طرزده در . باشلرینه رنگلی
ویاصی کوچوک برتاکیه قویارلر . صاحب لری برقچ اورکو
ایله صارقار . صاحب لری ایچی و مجوهرات ایله تزین ایدرلر .
بخاریلر مسلماندرلر . اوافق تفك بعض مراسم استثناییدیلسه
تورکارله عینی مذهبه منسوبدرلر . هپسی شهرلرده وقصبه لرده
اوتورورلر . اجرا ایتدکاری صنعت و تجارتله کچیرلر . بونده
بك اسناددرلر . چونکه قاقوقلرله اوز بك تانارلری تجارتله
هیچ مشغول دکادرلر . بخاریلر جم غفیر حالده چینه ، هنده ،
ایران ، سیبریایه تجارت کیدرلر وعظیم کار تأمین ایدرلر .
مملکته صاحب بولونان قاقوقلرله واوز بکاره منتظم برویرکو
وبردرلر . سلاح قواللارلر . بوندن دولای تانارلر کندیلری
استحقار ایدرلر وجبین دییه تلقی ایلرلر ۱۸۱ .

[۱۸] بخاریلرک منشی مجهولدر . کندیلری ده بیلدرلر . یالکاز
بك اوزاقدن گلش اولدقلریسه دائر برعننه لری وارددر . تانارلر و ساثر
برچوق شرق نوملری کی قبیللره منقسم دکادرلر . بعض علما ،
آتوری حکمداری سالماناسارک مه دلر الکاسنه نقل ایتدیردیکی اون
قبیله نك بقیه سی اولدقلری ادعا ایتشلردر .

طاشكند خانلىرى

ياخود

قازاچيا اوردا وقاره قالپاق تاتارلىرى

بوتون قازاچيا اوردا وقاره قالپاقلر تاتارلىرىنىڭ صاحب اولدقلىرى السكانك حاكى بولونان طاشكند خانلىرى يايىق نهرى جوارلىرىندە اقامت ايدن وشىبك خان دها جنوبى قطعەلره يعنى ماوراءالنهره آقېن اجرا ايتدىكى زمان اوراده قالان موغوللار ك نسلندىرلر . فقط بو مملكتتە الآن پايدار بولونان بو حكمدارلر ك تسلسلى حقندە هيچ تفصيلات تاريخيه مال ك دكلز . بوكون قازاچيا اوردا وقاره قالپاقلر تسميه ايدىلن بوتون بو تاتارلر قانغىلر ك ؛ قاتاغونلر ك [۱] ، مانقاتلر ك

[۱] قاتاغونلر ، تاتارلرجه آلانقوانك دوغورمش اولدىنى

اوچوز قاردشلك اك بويوكى اولان بو قوم قاتاغوم احفادىدرلر .

و جنګیز خان زماندن بری یاخود دهااولجه اوراده یرلشمش
اولان سائر موغوللرک بقایاسیدرلر .

قازاجیا اوردا تاتارلری قاجاق الکاسنک شرق قسمنده
یمبا شهریه سیرت یاخود سیر نهری آراسنده اقامت ایدرلر .
قومشولری قالموقلره پک بکزرلر . اورته بویلیدرلر . فقط
غایت کنیشدرلر . یوزلری یاصی واکلیدر . رنکلیری پک
یانیدر . کوچوک ، غایت پارلاق و قالموقلر کبی یاریق کوزلری
واردر . سیم سیاه وسرت اولان صاچلرینی درت پارماق
اوزونلغنده کسرلر . سیاه و قالین برچوخه ویا کچه دن یووارلاق
برر قالپاق کییرلر . کناری کورکلیدر . اثوابلری پاموق بزندن
بر کوملک ایله قویون دریسندن بر کولوتدن و کتن بزندن
ایشلمه لی بر میئتاندن عبارتدر . روسلر بوکا قیتایفادیرلر .
قیشین بو اثوابلرک اوزرینه قویون پوستندن اوزون بر اثواب
کییرلر . یازین بو کندیلرینه شیلته خدمتی کورور . چیزمه لری
غایت آغیردر ، بارکی دریسندن پک قابا بر صورتده یاللمشدر .
چونکه هرکس کندی آباق قابیسنی کندیسی یاپار . سلاحلری
قلیج ، یای و میزراقدن عبارتدر . اسلحه ناریه شمیدی به قدر
آرالرنده پک آز تعمم ایتمشدر . قازاجیا اوردا تاتارلری
قادینلرینک قسم اعظمی اوزون بویلی و متناسب انداملیدرلر .
یوزلری پک یاصی و کنیشدر . بویله اولمقله برابر پک ناخوش
دکلدرلر . کینمه لری همان همان قالموق قادینلرینک عینیدر .

يالکىز يوكسك وسيورى برر كلاهلى واددر كه بونى صاغ
طرفه دوغرو قيويرىرلر . قابا برده ترلاک کيرلر .

بوتاتارلر يمبا نهري بوينده و ممالكتلرينى قالموق انكاسندن
تفریق ایدن داغلر جوارنده غایت ائی حوالی بی اشغال ایتمه
برابر بوندن اسنفاده ایتمه سنی بيلمه يورلر . چونكه هپسى اشقياد رلر .
طوپراقلرينى آنجق كچمه لرینه كفایت ایده جك قدر زر عايد رلر .
بوده پك از برشیدر . ذاتاً باشلیجه غدالرينى سورولرندن و اودن
تأمين ایتمه كده درلر . اكمك عادتاً هيچ قوللانماز كیدر . دائماً
آت اوستنده درلر . آقین یا پماد قلى وقت آوه كیدرلر .
سورولریله ، اقامتگاهلریله اشغال ایتمه بی قادینلرینه و بعضی اسرایه
براقیرلر . کوستریشى اولمایان بار کیرلری ایجه مقاومت درلر .
بحر حزر ك شر قنده بولونان بوتون تاتار بار کیرلرینك ك سریعیدرلر .
بودوی قوم قسم اعظمی اعتباریله چادیرلر دده و قلمبه لرده و تورور .
قالموق حدودلری ، يمبا نهري جوارلری ترجیح ایدرلر .
بوده شقاوت فرصتی بولا بيلمك فكریله در . بوتون قوم مشولریله
دائمی صورتده حال حربده درلر . کندیلری کبی مسلمان اولان
اوزبك تاتارلری ، علی العاده حسن امتزاج ایتدکلری یکانه کیمسه لرده .
بوکا اوللری احتیاج اجبار ایدر . قیشین ، برطرفدن بویوك بخارا
حدودلرینه و جنوب حوالیسینه کان قونتاییشك تبعه سی قالموقلری
صویارلر . دیگر طرفدن ، آیوقا خانه تابع بولونان نوغای
تاتارلریله قالموق عشیرتلرینه مسلط اولورلر . یازین یا ییق نهري

منبعلرینه دوغرو قارتالرداغنی اکثریا کچهرک سیریا ایچریلرینه،
 یرتیش نهرینک غرب طرفلرینه قدر آقین یامغە کیدرلر.
 بوراسی سیریانک اک مزروع قسمی اولدیغی ایچون بوتون
 یاز کویلردە، توبول، ایشیم، تەبندا نهرلری بویینده، براسقیلا
 وقوعنده مدافعه ده بولونه بيلمک اوزره نوبت بکله مک مجوریتنده درلر.
 بورالردە شدید بر مقابله یه معروض قالدقلى، غایت منبت
 اولان اراضیلرینی زرع ایتک کندیلری ایچون دها فائده لی
 اولمق محقق بولوندیغی حالدە شقاوتە میللری اوللری بوزجمتلی
 و تهلكلی طرز حیاتە سوق ایدر. آلدقلى اسیرلری خوارزم
 و بخارا قطعە لرندە ساتارلر. بورادە دائماً عجم وارمنی و حق
 هندلی تجارلر واردر که اسیر ساتون آلمغە کلیرلر. بوتاتارلرک
 اوز بکلرله خوش کچینمه لری اسیرلری صانه بيلمک امکاتنی تأمین
 ایچوندر. سورولری ایچون ایشلرینه یارایه بیله جک قدر اسیرایی
 و سیر یاده اله کچیره بیلدکلری بوتون روس قیزو قادینلرینی کندیلرینه
 آلیقویارلر. فقر و ضرورت اجبار ایتمه دجه بونلری صاتمازلر.
 بوتاتارلر مسلمان اولدقلىنی سویلرلر. فقط نه قرآنلری،
 نه منالاری نه جامعلری یوقدر. برخانلری وارد که علی العاده
 قیشین طاشکندده و یازین سیرت نهری ایله قالموق الکاسی
 حدودلری جوارنده اوتورور. فقط بونلرک خصوصی میرزالری
 غایت صاحب قدرتدرلر. خانه پک آز نفوذ و صلاحیت براقیرلر.

بوتاتارلر الكچوق اوتوزبيك وقاره قالپاقلرله برابر اللى بيك
عسكەر چيقارابيليرلر .

توركستانك بوقسمنده غرب جهتنده، بحر حزر ساحللىرىنه
دوعرو يرلرده اقامت ايدن قاره قالپاقلر نام ديكىرله مانقاتلر
قازاچيا اوردا تاتارلرىنك غايت صادق متفقلىرىدر. بويوك بر سفره
چيقىدقلىرى زمان، يادىدقلىرى آقنىلرده هر زمان اونلره رفاقت ايدىرلر.

سىبىرىيا خانلىرى

عرب موزخلىرىنە كۆرە توركلار سىبىرىيادە بحر منجمدە قەدەر
ھەر طرفە يايىلمىشلار دەر. نورالردە وحشىلار كېي ياشامقەدە درلر. شىبىيانى
واسطە سىلە جنكيز خان احفادى سىبىرىيادە بويوك برايمپراطورلق
تشكىل ايتىمىشلىرىدە بوكا دائر ھىچ معلومات يوقدەر. مع مافىە،
سىبىريانك يوقارىدە بحث ايتىدىكم توران خانلىرىنك تحت تابعيتندە
اولدىنى آكلاشيليور. چونكە ابوالغازى، صوك سىبىرىيا خانى
اولان قوتس-يوم خانك [۱]، توران خانلىرىندىن بىرى اولان
منكو تيمورك اوغلى بقوندى نىسلىندىن كلىدىكىنى سويليور.
بوقوتسيوم خان قرقسەنە حكومت سورمش وروسىلر طرفىندىن
ضرد ايدىلمىشدر.

بوملىكتك تاريخى حقندە بولا بىلدىكى تفصيلاتك كافەسىنى
طويلامش اولان معاصر برسياح وقتيله اون اسمندە برخان
بولوندىغى، اوشىم نهرى ساحللىرىندە تأسس ايتىدىكىنى وبونهرك
[۱] ابن مراضى ابن ماموداق جاجم محمد خان ابن على اوغلان
ابن بقوندى.

ايرتیشه منصب اولديغنى سويليور . بونك تبعه لرندن زىنجيدى
اسمىنده برى خلقى خانه قارشى آياقلاندير دقدين صوكره اونى
خلع ايتدى و ايمپراطورلغى اله كچيردى . بويكى خان تبعهسى
اوزرنده صلح و سكون ايچنده حكمران اولدى . غاصبلرده
على العاده كورولن حس انتقامدن عارى اولديغى ايچون صوك
خانك اوغلى طاي بوغايى نردينه جلب ايله اوكا برولايت
توجيه ايتدى . طاي بوغا زىنجيدىنك او قدراعتمادى قازاندى كه
زىنجيدى كنديسىنى براردو ايله او بى نهري طرفلرينه كوندردى .
اوراده دشمنلره غلبه چالدى . ايفا ايتديكى بو خدمت اوكا
ايسته ديكى مملكته اوتورمق حقنى ويرمش اولديغندن بوتون
عائله سيله برلكده تورا نهري ساحلارينه چكىلدى . اوراده
بر شهر بنا ايتدى . بوكا اون زىنجيدىن نامنى ويردى . بو شهر
بوكون تومن قصبه سنك بولونديغى . موقعده كائىدى . زىنجيدى
اولاد براقهدن وفات ايتديكى جهته طاي بوغا ايمپراطورلغه
وارث اولدى . يرينه اوغلى شود كچدى . بونك اوغلى مار ،
قازان . خانى اوپاقلق قيزيله اولدى . مار تخته چيقديغى زمان
قايى پدرى كنديسىنى مغلوب ايدىدرك بوتون ممالكنى ضبط
ايلدى . مار ، اوبدر و يربلاق نامنده ايكي اولاد براقدى . بونلر
اوپاقلق زمان حكومتنده سيرياده اولديلر . فقط اوبدر ك اوغلى
محمد بمقدار عسكر طويللايه رق اوپاقى بوزدى ، اولديردى و اون
زىنجيدىن شهرنى خاك ايله يكسان ايتدى . صوكره سيبريا

قطعه سندها ایلریله نفوذ ایلهرک ایتیش ساحلرلرلر سیمیر
شهرینی انشا ایلدی . صوکره روسلر بونی توسیع ایدهرک
توبولسق نامی ویردیله . یرینه یربلاقك اوغلی آتمیش کچدی .
بوکاده محمدك اوغلی قوسیم خلف اولدی . قوسیمك غویتجر
وبقولانامنده ایکی ارکك اولادی دنیا به کلمشدر . بونلری قوتسیوم
خان اولدیتمشدر . قوتسیوم خان کندیسندن شیمدی بحث
ایتدیگمز حکمداردر . فازان عشیرتنك رئیس اولدیغی
سویله نیور .

بوراده موضوع بحث اولان غویتجر روسلرک سیمیریا آنال روسیه ن
دوقه سی اودیجر دیدکلری کیمسه درکه ۱۵۵۵ تاریخنده چاره
عرض تابعیت ایتشدی . تأدییه بی تعهد ایتدیکی ویرکویه مقابل
اولق اوزره ۱۵۵۷ تاریخنده موسقودیه یدی یوز سمور
دریسی کوندرمشدر . فقط دها چوق مقدارده ویرمکه مجبور
اولدیغی ایچون چارویچ زیبانسکینك مملکتی کلوب یغما ایتمه سی
تعهداتی ایفا ایدمه مسنه بر سبب اوله رق کوسترمشدر . چار بوکا
حدت ایتدیگمندن سفیرینی توقیف ایتدی . ایتیه سی سنه
ادیجر ویرکوسی تام کوندردی . سفیری سربست بر اچقدی .
۱۸۵۳ تاریخنده قوتسیوم خان سیریا ده حکمران بولونیوردی .
بوتاریخلرده ، تانائیس وولغا نهرلری ساحلرلرلر ساکن اولان
وایران ایله بخارادن کلن کاربانلری اوراده یغما ایدن قازاقلر
چار ایوان واسیلوویچ طرفندن طردایدیلدکلری جهته ایچلرندن

تاتارلرک تاریخ
عمومی

آلتی یوزی یرماق تیموقه ویچ نامنده کی آتما نلرینک (خلمان) یعنی
 رئیس لرینک اداره سی آلتنده کندیلرینی دعوت ایتیش اولان سترو
 غانوف الکاسنه قامانهری طریقله کیتدیلر. اوراده سیربادن بحث
 ایدیلدیکنی ایشیدهرک یرماق ایله برلکده سترو بره نوا نهری
 بونجه یوقاری چیقیدیلر. اورادن قایق لری قاره طریقله تورا
 نهرینه طاشیدیلر. ایتیش نهرینه کیردیلر. قوتسیوم خانک
 حکمران اولدیغی شهره قدر بونلر یوقاری دوغرو چیقیدیلر.
 قوتسیوم خانی چکیلماکه مجبور ایدهرک زوجه سنی و چو جوقلرینی
 اسیر آلدیلر. چو جوقلر ایچنده آلتانای سلطان نامنده بری ده
 واردی. سیریانک پایتختنی بو صورتله تسخیر ایتدکن صوکره
 ظفر لری ده توسیع ایلدیلر. بواشاده، یرماق بو خبری ویرمک
 ایچون اللی قازاغی ۱۵۸۴ تار یخنده موسقوهیه کوندردی و عفوینی
 استحصال ایتدی. چار ته تودور بوندن او قدر ممنون اولدی که
 کندیسنه سیریا پرئسی عنوانی ویردی و قازاقلرله برابر جنراللارندن
 سیمه ثون بوخوفسکی ایله ایوان غلوخوفی کوندردی. بخارادن
 کان برکاربانی باصمق ایچون یوز اللی قازاق ایله ووشای نهرینه
 دوغرو یورومکده اولان یرماق قوتسیوم خانک باصقیغه
 اوغرا دی. قوتسیوم خان بوتون قازاقلری اولدیردی. یالکیز
 بردانه سی قاجغه موفق اوله رق بو خبری دیگر لرینه یتیشدیردی.
 اونلرده جنرال ایوان غلوخوف ایله برلکده اوبی نهرندن ایندیلر

و کیمبسی برآ کیمبسی نهرأ موسقوهیه التجا ایلدیله. بونک اوزرینه چارته تودور بازیل بوریسوو یچ سوقینی براردو ایله کوندردی. بوجنرال تومن قصبه سنی بنا ایتدی. دانیهل چوسقوفی بر مفرزه ایله اعزام ایلدی. بوده توپول نهرینک ایرتیش نهرینه دو کولدیکی نقطه ده توپولسوق حصارینی بنا ایتدی. ۱۵۹۱ ده روس جنراللری سیریاده بویوک فتوحات یاپدیله. ۱۵۹۸ ده قوتسیوم خان مغلوب ایدهرک قاریلرینی و اوچ چوجوغنی طوتدیله، موسقوهیه کوندردیلر. قوتسیوم خان مانقاتلر یاخود قاره قالیقلر زردینه التجا ایله اوراده وقات ایتدی. ایرته سی سنه روسلر بوالکاده یکی سه آنهری قیدسندده مانغاس، بلکه ده مانغابه یا شهرینی بنا ایلدیله. صوکره لری بوتون بوواسع قطعیه یی تحت تسخیره آلمشلردر.

سیریاده ساکن اولان بوتون اقوامی براده تصویره قیام ایتمه یه جکم. بونلرک هپسی بحث ایتدیکم خانه تابع دکلدیلر. ذاتاً باشق راداره آلتنه کچمشلردر. روسیه دن بحث ایدن بوتون اثرلر بوبابده مفصل معلومات ویرمکده درلر. بوتون بوقوملر، اسلامیتی قبول ایدنلر مستثنا اولمق اوزره، عمومیتله اورمانلرده ونهر کنارلرنده یاشارلر. بوراده یازین طوتدقلری بالققلره وقیشین آوایله بسله نیرلر. طبیعت هر طرفده کندیلرینه بوقدر حیوان عرض ایدرکن و اوسایه ده ییه جک و کیه جک

تدارکی قابل اولور کن بونلری یتشیدیرمک ایچون اوغراشمه یی
دلیلک عد ایدر لر . آمریکا وحشیلری قدر بارباردر لر . فقط
کندیلرینی مختیار ظن ایدر لر . حقیقه ده مختیاردر لر . چونکه
قناعتلری بویله در .

هونلرك تاريخ عمومىسى

اون دوقوزنجى كىتاب

خوارزم خانلىرى

خوارزم ايمپراطورلىقى، ايلك قاپچاق خانى باتونك برادىرى شىباني نسلدىن اوزبك حكمدارى ايلبارسك ايرانيلىردىن فتح ايتدىكى برالكادر. بو، اولجە تاريخنى كوردىكمز ايمپراطورلقلارك قسم اعظامى كى مشهور برحكومت دكلدر. خوارزم اوزبكلىرى خارجدە هيچ فتوحات يانماشيلردىر. محاربهلىرى همان دائىما داخلى ايدى. ياخود ايرانه وقوعه كلن بسىط آقنلردىن عبارتدى. ايران كنديلىرى ايچون آشيلما. غيرقابل برسد تشكيل ايتمشدر. جنكيز خان نسلندەكى او بى پايان حرص جاء اونلردە يوقدى. بحر حزر ساحلندە اقامت ايدىن توركنلرە هجوم ايدەرك اونلردىن اغتنام ايتدكلرى ياخود ويركو مقامندە ايستەدكلرى سورولرله زنكين اولمى كافي كورسيورلردى. پايختلىرى يعنى خانلرينك

قرارگاہی اور کنبج ایدی . خان، مملکتک اقسام سائر دسنہ یاہلش
اولان اقرباسندن دیگر برنسلردن دها آز ذی قدرت ایدی .
اونلر باشلیجه شهرلره صاحب و حاکم ایدیلر .

ایران حکمداری شاه اسماعیل [۱] شیبک خانی مغلوب
ایتد کدن و بوتون خوراسان شهرلرینی ضبط ایلد کدن صوکره
خوارزم الکاسنی اداره ایچون اوچ قوماندان تعیین ایتدی .
برنجیسنه خیوق [۲] و هزاراسب [۳] شهرلری اصابت ایتدی .
سلیمان قولی نامنده کی ایکنجی قوماندان اور کنبج شهرینی اداره
ایدہ چکدی .

رحمان قولی نامنده کی اوچنجی قوماندان اواسیر شهرنده
اقامت ایدی۔وردی . بوصول ایکی قوماندان قاردش ایدیلر .
اواسیر قوماندانی شهره واصل اولونجه ایلری کلنلرک کافه سسنه
محشم بر ضیافت چکدی ، برچوق هدیه لر ویردی . یالکز ،

[۱] بو کتابده مأخذلریمی هیچ ذکر ایتیمورم . چونکه ابوالغازی
طرفندن تألیف ایدیلش اولان تاتارلرک تاریخ انسابندن باشقه الله بر
کتاب قدر . ونی تعقیب ایتمکه مجبور اولیورم .

[۲] خیوق ، بویوک مخارا حدودلرنده ، ۴۰ درجه ۴۵ دقیقه
عرضنده و خسل نهرندن یاریم کونلک مسافه ده برخوارزم شهریدر .
اولر غایت پیس عادی قلبه لردن عبارت اولقله برابر اور کنبجندن
صوکره خوارزمک اک ابی شهریدر . ازاضیسی غایت منبتدر . فقط
یک فنا مزروعدر . برآز باغ واردر . بونلره سارتلر باقیورلر .

[۳] هزاراسب خوارزم قطعه سنک خسل نهرینک شمال ساحنده
کائن برشهریدر که ۴۰ درجه ۴۵ دقیقه عرضنده ۸۹ درجه طولنده در .

عفت واستقامتی و حسن اخلاقيله مشهور اولان اواسير قاضي سي
عمر بوضيافتده بولونمقدن اجتناب ايتمش و حتی خسته لق بهانه سيله
والی نی کورمکه بيله کيتمه مشدی . ايرته سی کونی کندینی
ایلاک زیارته کلنلره نماز قیلدیردقدن صوکره آلدقلىرى هديه لردن
دولایی تبریک ایتدی و حکومتک دینی قبول ایدجکلرنده
شهرسی اولمادیغنی سویله دی . بو سوز زیارتجیلری حیرته
دوشوردیکندن اونلره عجملرک تاتارلرک مذهبک غیری بر
مذهبیه سالک اولدقلىرى، شهرده کی ایران عسکرینک مقداری
آز اولدیغنی ایچون والینک بومسئله یی چیقارمغه جسارت ایدمدیکنی،
فقط صوکره عجملرک تاتارلر آراسنه یکی مذهبی ادخاله اوغراشه رق
ابتدا خلقه مثال تشکیل ایتک اوزره رؤسادن باشلايه جقلىرىنه
امین بولوندیغنی ایضاح ایتدی . اونلری خبردار ایتکی وظیفه سی
جهله سندن عد ایدیور و دینلرینک معروض بولوندیغنی تهلیکه کی
کو-تریوردی .

ایکی سنه صوکره، اواسیر شهرینک ایلری کلنلری باقیرغان ۱۱
الکاسنه کیده رک کندی مذهبلرینه منسوب و فضیلت واستقامتيله
غایت معروف برذاتی بوله رق کندیسنه خان عنوانی ویرمکه،
شهرده بولونان بوتون عجم قوه محافظه سنی قتل ایتکه عزم
ایتدکلری بیلدیردیلر . حسام الدین قاتال نامنده کی بوذات

[۱] باقیرغان خسل نهرینک شمال ساحلنده ۴۲ عرض درجه سنده،

توق شهرینک شمال شرقیسنده برحوارزم ولایتیدر .

اونلر ك تكليفلرني قبول ايتدى . اونلره بركا سلطانك [۱]
 اوغلى ايلبارس دن بحث ايلدى . ايلبارس اوزبكلر نژدنده مقيم
 ايدى . جنكيزخان نسلندى وجسارتى سايه سنده كنديلرني
 مدافعه ايدى بيلردى . بونصاحت اوزرينه اواسير سگنه سندن
 ايكي ذات برمكتوب ايله ايلبارسه كوندردى ايلبارس مکتوبى
 آلير آلاماز قارده شى بيلبارس ايله برلكده همان حركت ايدى جگنى
 بيلدردى . مرخصلر عودت ايتد كدن صوكره ايلبارسك ابتدا
 شهره كيرمه يهرك جوارده بر محله كيزليجه قالماسى و كنديسنك
 استقباله انتظار ايمه سى دهاموافق احتياط اولاجنى دوشونولدى .
 اتخاذايدىلن بوقرار همان كنديسنه خبر ويريلىدى . عيني زمانده
 بو ترتيبانى ياپانلر خلقى تسليح ايتديلر . شهر ك قاپولرني
 قاپاتدقن صوكره ايران واليسى معيتمده كى آدم لرله برابر قنل
 ايله ديلر . اچلرندن يال كىز برينى اله كچيرمه مشلردى . ايرته سى كوني
 كيدوب ايلبارسى استقبال ايتديلر . هم اوزبكلر هم سارتلر اوني كمال
 ممنونيتله قبول ايدىرك خان اعلان ايلديلر [۲] وقتيله كنديسنه تابع
 متعدد شهرلر بولونان اواسير شهرى صوك محاربه لرده بونلردن
 محروم قالمشدى . آرتق ملحق قاتى يكيشار [۳] ايله تارساقدن

سنه
۱۵۰۶

[۱] يادكار خانك اوغلى اسى .

[۲] ۹۱۱ تاريخ هجر بسنده . تاتار تفويقه كوره قويون سنه سنده .

[۳] يكيشار ، خوارزم قطعه سنده آموو نهر ندينك جنوب قولنك

صاغ ساحلنه دوغرو كوچوك برشهردر .

عبارت ایدی . ایلبارس خان برنجی شهری برادری بیلبارسه
 ویردی و دیگرینه شایان اعتماد بر قوماندان تعیین ایتدی .
 اواسیر قوه محافظه سنک اثنای قتلنده قورتولمق چاره سنی
 بولمیش اولان عجم کیزلیجه شهر دن چیقابیلمک امکائی ده تأمین
 ایتدی و کنجه چکیلدی . جریان ایدن احوالی والی یه خبر
 ویردی . هیچ بکلنمه یین بو خبر اوزرینه سبجان قولی ایلری
 کلنلری زدینه طوپلایه رق اونلره وقعیه یی حکایه ایتدی .
 اورکنج والیلککنده بولوندیغی مدتجه کندیسندن موجب
 شکایت بر حال صادر اولوب اولمادیغی صورتی . چونکه
 کندیسنی ایسته میورلر سه زورله اوراده قالمق املنده دکلدی .
 عینی زمانده ، کندیسندن ممنون ایه لر بونک دلائلی ابراز
 ایتمه لری لازم کله جکئی ده علاوه ایدیوردی . هپسی ،
 دشمنلرک تجاوزاتنه مقاومت کوستر می واسماعیل صفوی یه
 قارش صد اقلرینه شاهد اولماسی ایچون اورکنجده قالماسنی
 ایسته دکلری یولنده جواب ویردی لر . برادرینک وعجملرک
 قتلنده مدخلدار اولمادقلرینی ، یکی خانک اوزون مدت پاداز
 اولامایه جغه امین بولوندقلرینی ، طبیعتلری اعتباریله ثباتسز
 اولان اوز بکلرک بر آرزو کره اونی ترک ایده جکلرینی سویله دیلر .
 والی ، اوز بکلر طرفدن هجومه اوغرادینی تقدیرده کندیسنه
 یاردم ایده جکلرینی تکرار یمین ایله تأیید ایتمه لری ایسته دی .
 هر کس آرزوسنی اسعاف خصوصنده مسارعت کوسترمش

اولدینگی ایچون شهر اهالیسندن صداقتنه امین اولدینگی برنی
انتخاب ایله اوکا اواسیره کیدوب احوال حقنده دوغرو
و صریح بر معلومات کتیرمه سی ایچون بر چوق پاره وعد
ایتدی . فقط بو آدمک صداقتندن دها زیاده امین اولایلمک
ایچون اول امرده کندی مذهبنه کیرمه سی ایچون اصرار
کوستردی . کوندردیکی بو آدمدن اولجه عجمک کتیرمش
اولدینگی خبردن فضاه برشی او کره نه مدی . آرتق مدافعه
اسبانی حاضر لامقدن باشقه برشيله مشغول اولمادی .

اوج آی صو کره ایلبارس خان بر اردو ایله اورکنجه
یاقلاشدی . قارشى چیقمش اولان سببحان قولی یی مغلوب
ایتدی . عسکرلری بو والی یی او قدر شدتله تعقیب ایتدیلر که
فراریلرله رلیکده شهره کیردیلر . سببحان قولی یی ، بوتون
قوة محافظه یی و شهرک ایری کلنلرینی قیلیجدن کچیردکن
صو کره اورکنجی ضبط ایتدیلر . بونک اوزرینه ایلبارس خان مقر
حکومتی اورکنجه نقل ایلدی . هزارا سیده بولونان عجم
والیسی . وقعنی محافظه ایچون عینی تداییر احتیاطیه یی اتخاذ
ایتمشدی . شهر اهالیسی کنديسنه صادق قاله جقلرینی و یاردیم
ایده جکلرینی یمین ایله تأمین ایلشلردی .

ایلبارس خان ضبط ایتدیکی بوتون بویرلری محافظه ایده جک
قدر آدمه مالک دکادی . چونکه عائله سنه عائد تبعه نک قسم اعظمی
عموجه زاده لرینک تحت تابعیتنده ایدیلر . اونک ایچون ، قوتلرینی

تزیید ایتمك اوزرد اونلری تبعه لرله برلکده نزدینه کتیرتمك مناسب اولمایه جغنی باشلیجه طرفدار لرله مذاکره ایتدی . هبسی بوفکری مناسب کوردیلر . یالکیز ایغور عشیرتندن بر آدم سدتله مخالفت ایددرک مملکتلری داخلنده سکونی محافظه ایتمك ایسته ین حکمدارلرک کندی اقربالرینی ، اغتشاش چیقارمالری ملاحظه سنه مبنی کندی ولایتلرندن اوزاق طوتمالری لازم کلدیکنی مجلسه بیله یردی . خان ایله سائر اکابر بو آدمک سوزلری ابلق ایله آموناقک اوغللرینه قارشى بسله دیکی حسیات غرضکارانه دن ایلری کلدیکنه قانع اولدقلری ایچون آرالرینی آچغه خادم اوله جق بومطالعهدن دولای کندیسنی مؤاخذه ایتدیلر . حتی حکومت داخلنده نفاق تولید ایده بیله جک بو ایغورک ازاله وجودی ایجاب ایده جکی فیکرنده بولوندیلر . یادکار خانک درت اوغلی اولجه وفات ایتمش اولدیغی ، اورته ده یالکیز اونلرک اوغللری بولوندیغی جهتله ایلبارس خان بولره اواسیر واورکنج شهرلرینه صاحب اولدیغی ، هنوز عجملرک الده بولونان هزاراسب و خیوق شهرلرینی ضبط ایچون آدمه احتیاجی بولوندیغی سویله یهرک یرلشمک ایچون شهرلر بوله جقلری بوقدر کوزل مملکتک فتحه تبعه لرله برلکده اشتراک ایتمکه اونلری دعوت ایلدی . ابلق ایله آموناقک ۱۱۱ اوغللری بو خبری آیر الماز ایلبارس خانک نزدینه کلدیلر . اوده کندیلرینه

۱۱۱ یادکار خانک اوغلی .

ملحقاتی ایله برلکده اورکنج شهرینی ویردی و کندیسینی
اواسیره چکیلدی .

بوشهزاده لراورکنجده یرله شیریرلتمز خوق و هزاراسب
جوارلرینی تخریب ایچون آقینجیلر کوندرمکه باشلادیلر . عجملر
بوندن او قدر راحتسز اولورلردی که نه شهردن چیقمغه نه مواشیلری
جوار مرعالرده اوتلاتمغه جسارت ایدمیلرلردی . نهایت
مملکتلرینه چکیلمک اوزره بوایکی شهری تخلیه اتمکه مجبور
اولدیلر . بورالره حاکم اولان اوزبک پرنسلی کیدوب خوراسانده
حرب اتمکه باشلادیلر . اسماعیل صفوینک وفاتندن سوکره
آقینلرینه تکرار باشلادیلر و عجملری دورون الکاسیه
خوراسانک پاتختنک غربنده کائن داغلر آراسنده کی بوتون شهرلری
ترکه اجبار ایلدیلر . اوزمان اوزبکلرک قارشیسنه یکی دشمنلر
چیقدی . ابوالشان و مانقیشلاق [۱] حدودلرینه دوغرواسترآباد
ایله خوراسان حدودلری اوزرنده کائن شهرلری اشغال ایدن تورکنلر
بعضیلری کندیلرینک تحت تابعیتنه کچمکه برابرینه آقینلرینه
شدتله ممانعت ایتدیلر و کندیلرله دائمی صورتده مجادله ایلدیلر .
باجاقلری طوتمایان بیلبارس سلطان بوتون بو محاربه لرده حاضر

سنه
۱۲۲۴

[۱] مانقیشلاق بحر حزر ساحلنده ، آمو نهرینک جنوب قولک
منصبنک شمالنده ، ۳۸ و ۳۰ درجه عرضنده بر خوارزم شهریدر .
طوپراقدن یاپلمش تقریباً یدی یوز خانه سی واردر . بحر حزرده بولونان
یکانه بویوک ، امین و درین برلیماندر . باشقه لرینک النده بولونسه ایدی پک
شهور اولوردی .

بولونمق ایچون ، برابر کیره قوشولمش خفیف بر آرابه یه را کب اولوردی . یاننده آلتی جسور معیتی ایله عسکرلرینی محاربه یه سوق ایدر ، مصادمه نك اك آتشی نقطه لرینه صوقولور ، بوتون عسکرلرینی حیرتده براقه جق برجسارته حرب ایدردی ، ایلبارس خان ۱۱۱ ایله برادری بیلبارس سلطان ۱۲۱ بربرلرندن پك آز فاصله ایله وفات ایتدیلر . ایلبارس اورکنج و اواسیر عجملرینه غلبه سنك خاطره سی اوله رق بوتون اولادلرینه غازی عنواتی ویردی . بو عنوان باشقه دیندن دشمنلر اوزرنده مظفریت احراز ایدن بر حکمداره دلالت ایدر [۳] .

یالکیز برادرلرینك دکل بوتون عائله نك اك بویوکی اولان و عموجه سی ایلبارسك انای حیاتنده یکیشار شهرینك وارداتی آلان سلطان حاجی اواسیرده خان اعلان ایدیلدی . تبعه سی پك قلیل اولدیغندن حکم و نفوذی دائما پك محدود قالدی . خلقك قسم اعظمی ایلبارس خانك بویوک اوغلی سلطان غازی یه تابع بولونیورلردی . سلطان غازی ذکا ودهاسی سایه سنده

[۱] بدی اوغلی اولمشه ده یالکیز سلطان غازی ایله محمد غازی معلومدر .

[۲] بش اوغلی اولمشدر . یالکیز سلطان حاجی معلومدر .

[۳] ایلبارس زماننده اوز بکار شرق طرفنده ایرتیش نهرینه

قدر بوتون قاپچاق قطعه سینی ، جنوب طرفنده سیرت نهرینه قدر

اولان حوالی بی اشغال ایتدکاری کبی شیبكده بخارایی ضبط ایتشدی .

بویوک بخارا و خوارزم اوز بکاری ایغور ، فایان ، دورمان ،

کنکرات عشرت لرندن مرکبدر .

اطرافندہ کیلک قلبی تسخیرہ موفق اولمشدی . غایت حریص
 جاد اولدیغندن حاجی خانک التده پک آرنفوز واقتدار براقیوردی .
 حاجی سلطان خان عنوانیله وسلطان غازینک مراسم اشناسنده
 کندسنه ترک ایتدیکی حق تقدم ایله اکتفایه مجبور اولیوردی .
 حاجی خانک وفاتندن صوکره ، اورکنجه حاکم اولان
 ابلق زاده حسن قولی ، خاناعلان ایدیلدی . یادکارخان عائلهسنه
 منسوب شهزاده لک یعنی برکا سلطان ایله ابلق و آموناق [۱]
 نسلندن کلنلرک اک یاشلیلری ایدی . بونلر عینی برعائله
 تشکیل ایتدکلری جهتلہ هپسی ، خصوصی براراضی یه مالک
 اولمقلہ برابر برخانہ اطاعت ایدرلردی . ابلقک یکانہ اوغلی
 اولان حسن قولی خانک متعدد اولادی واردی . اک
 بویوکلری بلال کندیسنه کرکچهره کرک خصائل و مزیات
 اعتباریلہ پک بکیزردی . صوکره ، بو عائلهنک بوتون شهزاده لری
 یعنی ایلبارس خانک ، بیلبارس سلطانک و آموناقک اوغللری
 اورکنجده اقامت ایدن حسن قولی خانک کندیلرندن فضلہ
 وارداتی اولماسنی قیصقمانہ رق علیہندہ اتفاق ایتدیلر ، کلوب
 اورکنجی محاصره یه آلدیلر . حسن قولی خان معیتندہ کی آدم لرله
 برلکده پیاده اولہ رق شہردن چیقدی . خوراسانہ کیدیان
 قاپی اوکنده استحكامات اوستندہ اخذموقع ایتدی . صباحدن

[۱] آمونایک آلتی اوغلی واردی : سفیان ، بوجکا ، آواناش ،
 قال ، آقانی ، آغانای . بونلرکده هپسنک اولادلری واردی .

آقسامه قدر دوام ایدن بر محاربه ده دشمنلرینه قارشو جسورانه
مدافعه ده بولوندی . آموناقك هنوز یكرمی یاشنده بولونان اك
كنج اولادی آغانای سلطان بك ایلری یه آتیش اولدیغندن
حسن قولى خانك عسكەرلى طرفندن اولدیردی ، باشی
کسیلدی . قارداشلری شهزاده لر و سائر دشمن رؤسای بوندن
غلیانه كلهرك اوبدر شدتلی هجوملرده بولوندیلهر که محصورین
شهره قاپانمغه مجبور اولدیلهر . درت آی سورن بر محاصره دن
صوکره قیطلق صوكره درجه یه واردی . برابر کیر یاخود اینك
باشی ایچون قرق تانغا ۱۱۱ ویریلیوردی . اهالینك قسم اعظمی
شهردن چیقدیلهر و متفق شهزاده لرك مرهمته صیغیندیلهر .
قیطلمقدن و فرارلر یوزندن بوصورتله ضعفه اوغرایان اورکنج
آرتق متفقلرك هجوملرینه مقاومت ایده مه یه جك برحاله کلدی .
متفقلر صوكره عمومی هجوم یاهرق شهرى ضبط ایتدیلهر . حسن
قولى خانك شدتلی مقاومتنه رغماً محاصرین قلینج الدهه ایچری
کیردیلهر ، شهره حاکم اولدیلهر و بویوك اوغلی بلال ایله برلکده

[۱۱] تانغا بویوك بخاراده و خوارزمده تداول ایدن بر سکه در .
اغلب احتمال کوره خانلرك یکانه ضرب ایتدیکاری پاره بودر . اولدجه
خالص برکوموشدندر . تقریباً بر « اكو » ecu نك ربعی قیمتنددر .
مدوردر . بر طرفنده خانك اسمی دیگر طرفنده تاریخ هجریله برابر
مملکتک اسمی وارددر . سائر سکه لر باقیردندر . بزم اولقلره معادلدر .
ایران مسکوکاتی ده براده و بالخاصه خوراسان حدودلرنده تداول
ایتمکده در .

حسن قولى خانى اولدىردىلر . هنوز كوچوك بولونان اوتەكى
چوجوقلارنى بخارا قطعەسنە كوندردىلر .
آموناقك بويوك اوغلى سفيان سلطان بوتون متفق شەزادەلر
طرفدن خوارزم خانى اعلان ايدىلدى . شەزادەلر آرالرنده
شەرلرى ياكىدن بر تقسيم ايتىمكە قرار وىردىلر . بركا سلطان
احفادى اواسير ، ياكىشار ، تارساق و دورون [۱] شەرلرىنى
مانقىشلاق تور كمنلرلە برابر آلدىلر . آموناقك اوغللرىنە آمونهرى
جوارنده كائن اولان شەرلرىنى اور كنج ، خيوق ، هزاراسب ، كات ،
بولدومساس ، نيكىچا كاتا ، بويوزا ، باغات ، نسا ، ابيوردو ، راهاردا ،
ماهانابلدەلرى ، ابوالشان و دىهستان الكالرنده ساكن تور كمنلر
دوشدىلر بوتقسمدن صوكرە سفيان خان ايرشارى عشىرتىدن ابو-
الشان تور كمنلرندن هر سەنە كندىسنە بروىر كوتأديه ايتىلرىنى ايستەدى .
ردايدرلرسە كلوب اقامتكا هلرىنى يىقە جفى تەيدىندە بولونىوردى .
بونلر آرالرنده برپارە طوپلايه رق هديه مقامندە او كايوللا دىلر .
فقط بودورلو وىر كويه بك ممنون اولمايان خان ايرتەسى سەنە
اونلرك مملكتنه ابوالشان و دىهستان تور كمنلرندن بالذات وىر كو
طوپلامق اوزرە قرق ، أمور كوندردى . بومأمورلر مختلف
حوالى يە داغىلدىلر . تور كمنلر در حال كندىلرىنى قتل ايتدىلر .

[۱] دورون ، آمو نهرندن يارىم كونلك مسافەدە بر خوراسان

سفيان خان اردوسيله همان اوزرلرينه يورودى . آرقه سندن ده
دوت قاردشى كليورلردى .

توركلر آمو يعنى جيحون نهري ساحللىرىنده اقامت
ايدىيورلردى . آمو نهري اوركنىچ شهربى او كىندن كچىك كىن
صوكره غىربه وابوالشان داغلىرىنه دوغرىو جريان ايدىر .
بوداغلىك اطرافىدن دولاشىر ، صوكره جنوبه دوزر ، تىكرار
غىرب استقامتى آلىر واوراده اوغورزا [۱] الكاسىندن كچىر ،
مازندران دىكىزىنه دو كىلور . اوركنىچىدن اوغورزايه قدر
بوتون بوالكا صوك درجه ده منبت اولدىغى ايچون توركمىنلىك
بورالرده برچوق قرارگاهلىرى واردى . يازىن جوار وادىلرده
اوتورورلر ، اوراده مواشىلىرى ايچون صوبىلورلردى . قىشىن
نهر ساحللىرىنه دوزرلردى . آداقلى شىسر اىلى عشىرتنه منسوب
توركمىنلىر پىشغا [۲] الكاسىندن قارىقىزىت [۳] الكاسىنه قدر

[۱] اوغورزا بحر حزر ساحللىرىنه دوغرىو خوارزم قطعه سىنك
برولايتىدر . وقتيله آمو نهرىنك شمال قولى بورادن كچىكى زمان
غايت منبت ايدى . فقط نهر جرياتى دىكىش دىرنجه برچول حالنه
كلىمىدر . تاتارلساننده اوغورزا خىار دىمىكدر . چونكه اسفا ايدىلدىكى
زمانلرده بوراده پك چوق خىار يتىشىردى .

[۲] پىشغا اوركنىچ شهربىنك شرقىنده كوچوك برالكادر . آمو
نهرى اورادن كچىمىدىكى تارىخىدن صوكره آرتق مسكون بىله صابىلاماز .
[۳] قارىقىزىت اوركنىچ شهربىنك غىربىنده پىشغا و اوغورزا
الكالىرى آراسىنده خوارزم ولايتىدر . بوكون عىنى سبىدن دولابى
اهالىسى داغىلمىدر .

اولان یرلرده بونهرک ایکی ساحلنده ساکن ایدیلر . بوصولک
موقعدن ابوالشان داغنه قدر اولان حوالیده علی ایلی عشیرتی
تورکمنلری بولونورلردی . تیوآزی عشیرتی ایسه ابوالشان
داغندن مازندران ده کیزینه قدر آمو نهرینک . متباقی
ساحللارنده مقیم ایدیلر .

سفیان خان ابتدا برلکده اوتوران ایرشاری و خوراسان
سالوری تورکلرینه هجوم ایتدی پک چوقمقاومته تصاف ایتدی .
بوتورکمنلرک بر چوغنی اولدیردکن و بعضیلرینی اسیر آلدقن
صوکره متباقیسی ابوالشانک اوچ کونلک مسافهده شمالددکائن
اولان دزو داغنه دوغرو فراره مجبور اولدیلر . بو داغک
آتکنه قدر کندیلرینی تعقیب ایله اوراده اطرافلری قوشاتدی .
صودن محروم بولونان تورکمنلر ایکی کون صوکره تسلیم اولمغه
مجبوریت حس ایتدیلر . ایچلرندن بعض اختیارلری کوندردیلر .
بونلر سفیان سلطانک کوچوک برادری آقائای سلطانہ مراجعت
ایله اوزبکلرک من القدیم کوچوک قارداشلری دیکر برادرلره
ترجیح ایتدکلرینی آکلاتدقن صوکره برادری سفیان خان
نزدنده کندیلری ایچون شفاعت ایتمه سنی رجا ایلدیلر و استحصال
صالح ایده بیلیرسه اوکا صادقانه مربوط قاله جقلری وعدنده
بولوندیلر . آقائای سلطان ایچلرندن دهها معتبر بعض ذواتک اعزامی
ایسته دی . بونلره سائر تکمیل آرقداشلری نامنه قرآن
اوزرینه یمین و یردیردکن صوکره سفیانه مراجعتله عفو لرینی

طلب واستیصال ایلدی . صوکره کندیلرینه برویر کو قویدی .
 اوغرا دقلری خساراتدن دولایی بوویر کو کله جک سینه تأدیہ
 ایدله جکدی . اولدیر دکاری قرق مأمور ایچون قرق بیک
 قویون ویرملری قرارلاشدیغی کبی سلطانک تنسیب ایده جکی
 تضمیناتک تسویه سنی ده قبول ایلدیلر . بو تاریخدن بری بونلر
 هر سینه خانه عینی مقدارده قویون ویرمکه مجبوردرلر [۱] .
 سائر تورکمن عشیرتلی ده خان ایله معاهده یاپدیلر ومنتظماً
 بر مقدار معین قویون ویرمکی تعهد ایلدیلر [۲] . یالکیز آداقلی
 شیسر ایلی عشیرتلی کبی آمو نهری ساحلارنده اقامت ایدن
 عشیرتلی هر سینه بر مقدار عسکرویرمک تعهدی آلتنه کیردیلر .
 علی یلی تیوآزی عشیرتلی ایسه ویرکولرینی مال اوله رق
 تسویه ایتدیلر . اراضیلرینک محصولاتیله کچینن بوصوک اوچ

[۱] بوقرق بیک قویونی دولدیرمق ایچون تاقاه صاریق ، یامول
 عشیرتلی سکیز بیک ، ایرساری عشیرتی ۱۶۰۰۰ ، خوراسان سالوری
 عشیرتی ایله دیکرلری ۱۶۰۰۰ قویون ویرمکی تعهدایتشلردر . وقتیلہ
 بو عشیرتلیر بر عشیرتک تشکیل ایدرلردی . کوچوک کوچوک قولاره ایرلشلردی .
 [۲] ایچکی سالوری عشیرتی هر سینه ویرکو اوله رق ۱۰.۰۰۰
 و خانک مطبخی ایچون ده ۱۰۰۰ قویون ویریوردی . حسن عشیرتی
 ویرکو ایچون ۱۶۰۰۰ قویون و ۱۶۰۰۰ ده خان مطبخی ایچون
 ویریردی . ابقدور و دسودور عشیرتی ویرکو ایچون ۱۲۰۰۰
 و خانک مطبخی ایچون ۱۲۰۰ قویون ویریردی . آرابار عشیرتی ویرکو
 ایچون ۴۰۰۰ ، خانک مطبخی ایچون ۴۰۰ قویون ویریردی .
 قوتلان عشیرتی ویرکو ایچون ۱۲۰۰۰ ، مطبخ ایچون ۱۲۰۰ ؛
 آداقلی عشیرتی ویرکو ایچون ۱۲۰۰۰ ، مطبخ ایچون ۱۲۰۰ قویون
 ویریرلردی . اهمیتسز سائر عشیرتلیر ده سنوی ۴۰۰۰ قویون ویریورلردی .

تورکمن عشیرتی اوچیل یعنی اوچ قوله آریلمش بر قوم لقبیه
یاد ایدیلرلردی .

سفیان حانک [۱] وفاتندن صوکره برادری بوجنا سلطان
کندیسنه خلف اولدی . بویوک بخاراده حکمران اولان عبید
خان بو تاریخلرده ایرانلیلردن خوراسانک بعض شهرلرینی ضبط
ایتدی . دائمی صورتده دیگر شهرلرک جوارلرینه آقینلر یاپان
تبعهسی اوزبکلر برچوق اسرا کتیریورلردی . دیگر طرفدن
ابیورد ، نسا و دورون شهرلرینی اشغال ایدن حوارزم
اوزبکلری ، جیاقه بروق [۲] الکاسی حدودلرینه دوغرو
خدسان و اسفراین شهرلری عجملرینی عینی صورتده ازعاجدن
کری قالمایورلردی . بو اوزبکلر قیرلره طاقم طاقم یاییلیورلر ،
یالکیزراعته مانع اولماقده قالمایه رق ایرانلیلرک ، تحت حاکمیتده
بولونان سائر جوار شهرلرله هر دورلو مناقله و مناسباتی کسیونرلردی .
ایران حکمداری شاد طهماسب ، استانبول ایمپراطوریه موجود
منازعاتندن دولایی بواوز بکلرک تجاوزاتنه ، وئور صورتده چاره ساز

[۱] بو حکمدار بش اولاد براقدی : یوسف ، یونس ،
علی . آغیش ، پهلوان قولی . یکی خان بولره خیوق شهرنی تخصیصات
اوله رق ویرمشر .

[۲] جیاقه بروق آمو نهرینک جنوب قولنک جنوبنده ، استر
آباد حدودلرنده کوچوک بر ولایتدر .

اولامادینی ایچون بو مزعج دشمنلرله برلش-مك مسلكنى
طوتدی. بو مقصدله بوجغا سلطانك قیزلرندن یاخود اقربالرندن
برينك دست ازدواجنى طلب مقصديله قوماندانلرندن برينى
خوارزم قطعه سنه کوندردى. سفیر، متبوعى نه قدر معظم
اولورسه اولسون بويوك جنكيز خان سالاه سندن بر پرنسس
ایله اولنمكى شایان افتخار تلقی ایده جگنى، تیمورلنكك ده بو
عائله دن بر قیز آملقه غایت مفتخر بولوندیغنى، بو مناسبتله
شاهه، امیر تیمور کورکان نامنى ویریلسنی سویله دی. بو اسمی
صو کره دائما طاشیمشدر. بوندن باشقه متبوعنك بواز دواجدن
باشقه برفانده ده بکله دیکنى یعنی استانبولده کی تورك ایمپراطورینه
فارشی قوای معاونه ایسته دیکنى، اوندن چوق قورقوله جغنى
چونکه ایرانى ضبط ایتدکن صو کره اوز بکلرده هجوم
ایده جگنى علاوه ایلدى. بوجغا خانك کریمه سی اولمادینی
ایچون سفیان خانك کریمه سی عایشه بکی ویرمکی وعد
ایتدی. ابتدا بو پرنسسك برادری آغیش سلطان ایله ایلری
کلنلردن دوقوز ذاتی معاهده یی عقد ایچون کوندردی. ایران
شاهی خوارزم شهزاده سنی غایت اعزاز واکرام ایله قبول
ایده رك کندیسنه خدسان شهرینی ویردی. آغیش سلطان
بوراده یکریمی بش سنه قلدى. شاه طهماسب بوجغا سلطانه
اون کوچه آلتون، اون کوچه کوموش، اون کوزل آت
هدیه ایتدی که بونلرك اکرلری وطاقلری غایت کوزل صورتده

مزین ایدی . آیرجه بیک طوپ ایپکلی قماش ودها سائر
بر چوق ذی قیمتداراشیا و خلعتلرده واردی . صوکرده بوجغا
سلطان پرنسی کمال احتشام ایله ایرانه کوندردی .
اوتاریخدن صوکرده دائماً عجملرله ایی کچیندی . بوخان ، بحث
ایتدیگمز آغیش سلطانک وفاتندن برآز صوکرده وفات ایتدی .
یکرمی یدی سنه شرفلی برسلطنت سورمشدر [۱] .

بوجغا خانک برادری آوانش خان [۱۲] اورکنج شهرنده
خان اعلان اولوندی . بوخانک مانقات یاخود قارا قالیقلر
میرزالرندن برینک کریمه سی اولدیغنی ادعایدن برقادیندن دین سلطان
نامنده براوغلی اولمشدی . بوقادین برمحاربده ده اسیرایدیلرک صوکرده
خانه ساتیلمشدی . خانده کندیسيله اولنمشدی . چو جوقلرندن
ایکی کوچوکنک والده سی بولونان دیگر برزوجه سی حقیقه
مانقات میرزالرندن برینک قیزی ایدی . اوز بکلرک عادت
موجبجه خانک زوجه سی بومانقات میرزالرندن برینک زوجه سی
اولورسه (بکم) نامنی یالکز اوطاشیر . آوانش خان ، اوغلی
دین محمدک تربیه سنی بوقادینه تودیع ایتدی . بوشهزاده
خوارزمده سلطنت سورمش اولان حکمدارلرک اک مشهوری

[۱] بو حکمدارک اوچ اوغلی قالیوردی : دوست محمد ، ایش
محمد ، یوردم نام دیگرله ایش دوست . کندیلرینه تخصیضات اوله رق
کات شهر ی ویرلشدی .

[۲] بو حکمدارک اوچ اوغلی واردی : دین محمد ، محمود ، علی .

اولدینی جهته کنجلیکنه دائر وقعه لر کال اعتنا ایله حفظ
 و حکایه ایدیلیر . دها کنجلیکنده استقبالنک نه قدر پارلاق
 اوله جغی حرکاتندن آ کلاشیلیوردی . پدرینک زمان حکومتده
 دین محمدک حرکاتی قانلی بر محاربه یه سبیت ویردی . دها آلتی
 یاشنده ایکن کند یاشنده چو جوقلرله برابر طوپراق و طاشدن
 برقلعه یاپدی . ایچنه آرقداشلرندن برقاچنی یرلشدیرد کدن
 صوکره دیکر لرینه هجوم امرینی ویره رک بو محاربه ده تمیزایده جکلره
 مکافات ویره جکنی وعدایتدی ، جسارت کوسترمه ینلری اولوم
 ایله تهدید ایلدی . کندیسنی سومه یین اوکی والدسی بکم اونی
 فنا حالده آزارلادی و توغما کله سنی قوللاندی . اوزبک لساننده
 بو کله براسیردن دوغمش چو جوق معناسنه در . ۱۹ یاشنده ایکن
 اورکنج خانه تابع اولان خوراسان قسمنده مقیم اوزبکلرک
 اراده صیراده استراباده و ایرانه تابع خوراسان اقسامنه آقینجی
 مفرزه لری کوندردکلرینی دویونجه پدری خانک خبری اولمق سزین
 قرق کشی ایله یوله چیقدی . اورکنج اوکندن کچن آمو
 نه ری آیاغنی بر مدت تعقیب ایتد کدن صوکره بو نه رک دیکر
 آیاغنه واصل اولدی ، سیدالیق تافا دنیلن بر موقعدن بو نه ری
 کچدی ، دینار دنیلن بو غازه کیردی . اوراده ، محمد غازی
 سلطان کو توروان و تورکمنلرک بو حکمداره تأدیه ایتدکلری
 ویرکونی تشکیل ایله یین سورولره راست کلدی . دین محمد
 سلطان یولده یاشنده کی آدملره سوت تأمین ایتک ایچون صاری

برکچی نك كندیسنه ویرمه سنی ایسته دی. سوروی کوتورن آدم
 بوکا موافقت ایتدیکی جهته اوکا سوءمعامله ایتدی و بوتون
 مواشی نی ضبط ایتدی. بووقعه اورکنج شهرینك سبب تخیری
 اولدی واوزبکلر نزدنده برضرب مثله سبیت ویردی: اورکنج
 شهرینی صاری برکچی خراب ایتدی دیرلر. دین محمدسلطان
 صوکره استرآباد اراضیسنه آقینلر یاپدی. اوراده، ایرانیلره
 عائد برچوق مواشی اعتنام ایله دی. بوصیراده، کندیسنه
 یاییلان تجاوزدن خبردار اولان محمد غازی سلطان، دین محمد
 سلطانك کچه جکی یوللره عسکر کوندردی واونی طوتمالری امرینی
 ویردی. فی الحقیقه، دین سلطان غنائم ایله راحت راحت
 دوزرکن بو عسکرک اورتیه سنه دوشدی. بونلر مواشی نی الندن
 آلدیلر و کندیسنی محمد غازی سلطانیه کوتوردیلر. معیتنده کیلرک
 کافه سی داغیلدی. بر قسمی اورکنج یولنی طوتدیلر. بعضیلری،
 دین محمدك باشنه کلن وقوعادن صوکره اورایه دونمکه جسارت
 ایدهمیه رك رئیس لرینك عاقبتی نه اوله جغنی بکله مک اوزره
 قیرلرده قالدیلر. اورکنجه دونمش اولانلر آوانش خانه اوغلنك
 اسارتی خبر ویردیلر. فقط بو حکمدار کندیسنی هیچ
 سومدیکی کبی الی یاشنده اولدیغی حالدیه محمد غازی سلطانك
 همشیره سیله ده تأهل ایتمش اولدیغی ایچون قاین برادر یله دارغینلق
 چیقارمق ایسته مدی. دین محمد سلطان خصوصی بر آوه حبس
 ایدیلدی. اوراده تحت نظارتده طوتولدی. صوکره جزا

کوردی . صوکره ایغور عشرتندن ریشا شودای بیردی
 قومانداسنده آلتی کشیدن مرکب بر قوه محافظه ایله باباسنه
 کوندردی . بو آدم ، محمدغازی سلطانک مساعدده سی اولمقسزین
 عجملرک اراضیسنه آقین یاپدیغندن و محمدغازی سلطان آدملرندن
 بعضیلرینی صویدیغندن دولای خاڭ کندیسنی تأدیبه مجبور
 اولدیغنی ونهایت اونی کتیردیکنی سویله مکه مأمور ایدی .
 دین محمد سلطان یولده کیدر کن تصادفاً اورالرده بولونه بیله جڭ
 کندی آدملرینک کلوب قورتارملری امیدیه آراده صیراده
 قریاد ایدیوردی . فی الحقیقه غوردیش [۱] الکاسنده آدملرندن
 بعضیلری واردی . بونلر دین محمدی طانیدیلر واوزاقدن
 تعقیب ایتدیلر . دین محمد سلطان ، کندیسنی کوتورن و کیجه بی
 اوراده کچیرمک ایسته ین آدمه اوراده توقف ایتمه ملرینی و غلبه لق
 ایچنده تشهیر ایدیلمه سنی رجا ایتدی . ریشا شودای بیردی
 صباحه قدر یورو مکده دوام ایلدی . بار کیرلرینی اوتلاتمق
 و بر آر استراحت اتمک ایچون پک کچید یری اولمایان
 نقطه ده قافله بی دور دیردی . دیگر محافظلرله برلکده درین
 اویقویه دالمش بولندیغنی صیراده دین محمد سلطانک آدملری
 یاقلاشدیلر و اونی قورتاردیلر . دین محمد سلطان

[۱] غوردیش ، خوارزم قطعه سنک کوچوک برولا یتیدر .
 پشغا ایله قونقات الکاسی آراسنده کائندر . آمو نهری دولایسیله
 غایت منبتدر . بو نهرک شمال آیاغی اورکنجندن کچن اسکی مجراسنی
 بو ولایت داخلنده ترک ایله خسل نهرینه دوکولمکه باشلامشدر .

محافظلرینی اولدیرتدی. بونلری خالی برطرفه دفن ایتدیرد کدن.
واله کچمه مک ایچون هر دورلو تداییری اتخاذا ایله د کدن صو کره
اور کنجه عودت ایتدی و پدری خانی، برطاقم هدیه لرله اعاده
ایدلایکنه اقناع ایله دی . مع مافیہ ، انتقام آلمق ایستین.
دین محمد سلطان بری پدرینک مارقه سی دیکری محمد غازی
سلطانک همشیره سی اولان اوکی والدہ سنک مارقه سی ایله ایکی
مهر قازدیردی وایکیسی طرفندن محمد غازی سلطانہ بر مکتوب
یازدی . بونده همشیره سی تهلکه لی صورتده خسته لاندیقندن
همان کلامی لزومی بیلدیریایوردی . صو کره ، یاپدیغی آتینده
کندیسنه رفاقت ایتش اولان قرق کشی بی غایت حسن معامله
ایله بوتون بوتون جاب ایتدی . محمد غازی سلطان بومکتوبی
آنجه اور کنجه کیتدی . اوراده ، همشیره سنک هیچ خسته
لاماش اولدیغی خبر آله رق حیرتله دوشیدی . آوانش
خان اوزمان اوراده یوقدی . محمد غازی سلطان بوندن شهه
له ندرک کری دونمه بی تصور ایدیوردی . فقط سرایک
طیسنده دویدیغی بویوک برکورتلو اوزرینه کیزلیجه قاجق
ایچون آوانش خانک آخورلرینه کیمکه مجبور اولدی . کوردیکی
بویوک برغلبه لقدن دولای بوتصورینی اجرا ایده مدی ، برصمان
بیغینک آراسنه صاقلاندی . دین محمد - سلطان کندیسنی
آرادی ، بولدی ، قفاسنی کسدیردی . بوتون اور کنجه
شهرینده بوخبر شایع اولونجه محمد غازی سلطانک آدمارندن

بری اواسیر شهرینه قوشه رق سـلطان غازى به ۱۱۱ برادرینك وفاتى آكلاتدى . بونك بوتون حدت وشدتى آوانش خانك یكـنى على سـلطان اوزرىنه یوكلندى . على سلطان اواسیر شهرنده ایدی . بونی قتل ایتدیردی .

بوانشاده دین محمد سلطان فرار ایتشدی . پدری آوانش خان بوناكهانی وقعه حقنده مذا کرده بولونمق اوزره مجلس مشورتی طولادی . مناسب بعض قرارلر اتخاذایدیلدیکی صیراده برساعی کلهرك على سلطانك وفاتى خبری کتیردی . آوانش خان نه یاپه جغنی شاسیردی . آوانش خانك هپ آموناق احفادنن اولان یکنلری بوقتلردن خبردار اولوبجه قانلی برمحاربه داخلیه ظهور ایده جکـنى تخمین ایدەرك اورکنجه کیندیله . محمد غازى سلطان طرفدارلری ده اواسیره چکیلدیله . آوانش خان حربه طرفدار دکلدی . عائله سینه منسوب بوتون شهزاده لرك رجا وتشویقی اوزرىنه حربه قرار ویردی . سلطان غازى ، آوانشك براردو ایله اواسیر اوزرىنه یورودیکنى خبر آلنجه یکیشاره حاکم اولان بیلبارس سلطان احفادنن همان استمداد ایتدی . فقط صبر سزلقدن بوقوه امدادیه نك وروینی بکله یه مدی . معیتنده کی عسکرله دشمنلرینه قارشى چیقدی . اواسیر شهرینك غریبنده کائن اولان قومقانتلر الکاسنه قدر آوانش

[۱] بوحکمدار ، على سلطانك همشیره سی ، آوانشك یکنی وسفیان خانك کریمه سی ایله تأهل ایتشدی .

خانه دوغرو يورودى . بربرلرني آرايان ايكي اردو قارشىلا .
شمقده كچيكمه ديلر . سلطان غازى ، دشمنلرينك جبهه سنه
مساوى بر جبهه تشكىل ايدى . جك قدر عسكروه مالك دكلدى .
انى آيلق آلمان وفنا باقىلان عسكەرلرى كنديسندن غير ممنون
ايديلر . بولونديغى مشكل وضعيتده اردوسنك ايچندن شو
سوزلرى سويلهين برسس ايشيتدى : « شيمدى يه قدر عسكەر-
لر كدن زياده بار كيرلر كه وحيوانلر كه اهميت ويردك . شيمدى
عسكەر نقصاننى اونلرله تلافى ايت باقم . » ايكي اردو جنكه
كيريشتيلر . سلطان غازى محاربه يي غائب ايتدى . سائر
اون بش شهزاده ايله برابر مقتول دوشدى . بوتون اولادلرى
[۱] آقاتاي سلطان طرفندن اسير ايديلهرك بويوك بخارا
قطعه سنه كوندرلديلر . اواسيره كيتمش اولان بيلبارس سلطان
حفيدلرى سلطان غازى يه التحاق ايچون استعجال ايتدكلرى
صيراده مغلوبيتنى و وفاتنى خبر آلنجه بويوك بخارا قطعه سنه
قاچديلر ويكيشاره تيكرار كلكه جسارت ايدى . مديلر . غالب
كان شهزاده لر اللرينه دوشن حكمدار عائله سى افرادينك
تكميل ار ككلرينى اولاديرتديلر ، قيزلرى وقادينلرى اسير
اوله رق صاقلاديلر . وقتيله غايت كشير اولان ايلبارس خان

[۱] اوليغتو باسماك بك نامنده برتوركن رئيسنك قيزندن عمر
غازى سلطان وشيرغازى سلطان نامنده ايكي اوغلى وسـ حاره خانون
ايله قوناش خانون نامنده ايكي قيزى اولمشدى .

احفادی بومظفریت نتیجہ سنده همان تماماً سوندی ، خوارزم
قطعه سنده آرتق همان همان هیچ قلمادی .

بوقدر بویوک برانقلابدن صوکره بوتون مملکت آمو ناق
احفادی آراسنده پایلاشلدی . آوانش خان اسکی اراضیسی
و اورکنج شهری ایله اکتفا ایتدی . سائر شهرلری اقربالرینه
داغیتدی . دین محمد سلطان دوزون شهرینی آلدی . بوتون
بوشهزاده لر اوتارینخدن صوکره غایت صیقی براتحاد آلتنده
یاشادیلر . سلطان غازیغ ک اوغلی اولوب بویوک بخارا قطعه سنده
قاجمش اولان عمر غازی سلطان ، عبید خانک خدمتینه کیردی
و کنجلیکنه رغماً بعض وسیله لرله قابلیتینی کوستردی ، حقنده
بویوک امیدلر ویردی . اورکنجه کیتمک اوزره کندیسنه
براردو ویرمه سی ایچون عبید خانه یالوارمقدن خالی قلمادی .
اوزمان بو طرفلرده بولونان ابوالخیر خان نسلندن سائر بوتون
شهزاده لرده اوکا رفاقت ایتمک آرزوسنده ایدیلر . بویوک
بخارا خانی عبید ، سمرقند خانی دسوا نمارت ، هانیدسا سلطان
ومهدی سلطان احفادی عمر غازی سلطانک تشویقاتی اوزرینه
بوتون قوتدیلرله خوارزم قطعه سنده کیرمکه قرار ویردیلر .
بوخبر شایع اولونجه ، آمو ناق احفادندن اولوب خیوق ،
هزاراسب شهرلرینه و سائر جوار بلده لره صاحب اولان شهزاده لر
آوانش خانه التحاق ایتدیلر . فقط آوانش خان دشمنلرینی اورکنجده

بکله مکّه جسامارت ایدمهیه رک چوللره چکیلدی . عبید خان ایله متفقلری اورکنجه کیردیله . اورادن آوانش خانی تعقیب ایچون بعض مفرزه لر کوندردیله . آوانش خان بایالقیری [۱] الکاسنده یاقه لانه رق افراد عائله سندن بعض شهزاده لرله عبید خانه کوتورلدی . هپسی اسیر ومتفق شهزاده لر آراسنده تقسیم ایدیلدیله . عمر غازی سلطانک حصه سنه آوانش خان دوشدی . پدرینک روحنه بر قربان مقامنده بونی درحال اولدیرتدی . عبید خان کندی حصه سنه آوانش خانک برادری آقاتای سلطانی آلدی . آوانش خانک دیگر برادری قای سلطانی هانیسایه واورکنج شهرینی اوغلی عبدالعزیز سلطانه ویردی . تورکمنلرله سارتلر کندی یرلرنده براقلدیلر . فقط خوارزم الکاسی ملحقاتنده ساکن اولان دوت اوز بک قبیله سی عبید خان ایله سمر قند خانی ، طاشکند خانی وحصار حکمداری آراسنده تقسیم اولوندی . صوکره بو حکمدارلرک هر بری کندی حصه سنه دوشن قبیله لر اوزرنده بر والی براقه رق مملکتلرینه دوندیله .

آوانش خان اسیر دوشدیکی زمان اوغللری محمود ایله علی عینی عائله دن دهه بعض شهزاده لرله [۲] دورون شهرینه بویوک

[۱] بایالقیری اورکنجک شمالنده کوچوک برخوارزم ولایتیدر .

اراضی صوسزلقدن دولای غات قوملق وچوراندیر .

[۲] سفیان خانک اوغللری یوسف ایله یونس .

برادرلری دین محمد سلطانک نزدینہ لتجا ایتدیلر یالکیز ،
اون سکیز یاشنده بولنان حاجم سلطان پدرینک اسکی
خدمتکارلرندن دساتراپیت نزدینہ چکیلدی . بو آدم دورمان
فیله سندن ایدی . بونک یاشنده اسیر قیافتنه کیره رک بار کیرلره
باقماقلا مشغول اولدی . فقط صو کره دورمانلردن بعضیلری
اونی طانیلیر . بو آدم لر عیید خان طرفندن اسیر ایدیلد کدن
صو کره خیل رابت الکاسنده سا کن اولق اوزره اعزام
ایدیشلردی . بونک اوزرینہ دساتراپیت باشقه طرفه کیتمه سنی
حاجم سلطاندن رجا ایتدی و اوکا دورونه کیتمک اوزره بارگیر
وییه جک ویردی . دین محمد سلطانک یانہ التجا ایتش اولان
آموناق احفادندن شهزاده لک کافه سی بو صورتله برله شنبجه
حربه چیقدیلر و اور کنبج طرفلرینہ یورودیلر . بونلره قوماندا
ایدن دین محمد غوردیش الکاسنه کیتدی . اوراده آداقلی
شیر ایلی عشیرتی رئیسندن بیک تورکمنلک بر قوه معاونه
آلدی . بو یاردم سایه سنده معیتندہ کی قوت اوچ بیکه بالغ
اولمشدی . بونکله پیشغا الکاسنه کیردی . اوراده بر مجلس
مشورت قوردی . اور کنبجده اقامت ایدن عیید خانک اوغلی
عبدالعزیز سلطانه هجوم ایدہ جک قدر قوتی یوقدی . بوندن
باشقه آمو نهرنی کچمک ایچون لازم کلن قایقلردن ده محرومدی .
بنا علیه خیوق طریقنی طوتمق قراری ویرلدی . اوراده قایغہ

احتیاج کورولمزدی. یورویش اثناسنده کورولمك تهلكهسی ده یوقدی. چونکه اورالری يك آز مسكون ایدی. بونلر خیوقه واصل اولونجه شهری ضبط ایتدیله و قوماندانی اولدیله. درحال شایع اولان، بو خبر هزاراسب والیسی اورکنجه عبدالعزیز سلطان نزدینه گیتمه مجبور ایتدی. بونی، دشمنك شهره کیرمش اولدیغنه اقناع ایلدی. عبدالعزیز سلطان بونلرک انه دوشمکدن قورقه رق علی العجله اورکنجه ترك ايله بویوک بخارا قطعه سینه پدرینك یانه قاچدی. عبید خان چوق کچمه دن یکی بر اردو طوپلادی. بو اردولر ايله اورکنج طرفه یورودی. قارامیت عشیرتی توزکمنلری نزدده توقف ایتدی. بورادن قوماندانلرندن ایکیسینی [۱۱] اورکنجه سوق ایتدی.

بوحرکتدن خبردار اولور اولماز دین محمد سلطان دشمنه قارشى یورولمك اوزره اردوسيله خیوقدن چیقدی. اردوسی آنجق اون بيك کشیدن ترکب ایدیوردی. فقط کنديسینه رفاقت ایدن اقرباسندن شهزاده لر ايله، سائر ایلری کلنلر قرق بيك کشییه بالغ اولان دشمن اردوسيله حربه کیریشمك تهلكهسی کوزده آلمق مناسب اولمايه جغی فیکرنده ایدیلر. دورونه چکیلمك مطالعه سنده ایدیلر. خوارزم قطعه سینه یالکیز کنديلرینی پوسکورتمك ایچون کیرمش اولان عبیده خانك، بونی [۱۱] اولقیان عشیرتندن سام ايله کنکراتلر عشیرتندن حافظ.

خبر آنجه در حال کړی دونه جگنی امید ای دیورلردی .
 اوزمان تکرار عودت ایدە رک اور کنجی ، آکسزین باصه -
 بیلرلردی . دین محمد سلطان دشمن ایله حربه کیریشمک
 بولنده کی ایلاک قرارنده اصرار ایتدیکی ایچون معیتنده کی
 کیمس، لړک ایلری کلنلرندن ایکی یوزی کړی یه دونه سنی رجا
 ایچون آیاقلرینه قاپاندیلر . فقط دین محمد سلطانی فکرندن
 واز کچیرمک قابل اولامادی . بو رجایی دفعات ایله تکرار
 ایتدیلر سه ده هیچ بری بر موفقیت تأمین ایتدی . نهایت دین
 محمد سلطان اونلری بویله آیاقلرینه قاپانیر کورمکدن ده قیزارق
 حدتله بار کیردن ایندی ، بر آوچ توز آلهرق باشنه قویدی :
 « روحی اللهه ، بدنی طوبراغه ویریورم » دید کدن صوکره
 اطرافنده کی اکا ره توجیه خطاب ایتدی : « بو کون ترک حیات
 ایتدی کوزه آلیورم . سز حیاتکزه بو قدر مربوط ایسه کز
 کړی دونه بیلر سکز . فقط بزی بکله ین شان و شرفی بنمله
 برابر پایلا شمع ایستر سه کز دشمنه قارش یورومک لازمدر . »
 بو نطق اوزرینه بوتون اردوسی آرقه سندن یورودی . بر
 فلاکت محققه یه دوغرو کیتد کلرینه امین ایدیلر . دین محمد
 سلطان دشمنک کیجه لین هزاراسب او کندن کچدیکنی ،
 ایرته سی کونی دشمن ایله قارشیلانجه جغنی خبر آنجه آقشامه
 دوغرو کروان شاه [۱] الکاسنده قورومش بر کوچوک

[۱] کروان شاه خیوق ایله هزاراسب آراسنده کاشن بر
 خوارزم ولایتیدر . بوراده بالکز سارتلر مقیمدرلر .

كوله ۱۱۱ قدر يورودى. اوراده دشمنى بىكلمكه قرار ويرهرك
 اردوسنى دوردىردى. عسكرلرىنى كوك غرب ساحلنه دىزدى.
 ايكى قىسمه آيردى. بريسنى قومانداسى سفيان سلطانك بويوك
 اوغلى يوسف سلطانە ويردى. كنديسى ده آقاتاي سلطانك اوغلى
 حاجى سلطان ايله ديكر قىسمك قومانداسى آلدى. اوزمان آنجق
 سىكز ياشنده بولونان برادرى على سىلطانى آلتى محافظ
 ايله حرب ميدانندن اوزاق بريه كوندردى. محاربه ده دشمنك
 غلبه ايتدىكىنى كورورلرسه بوشهزاده نى آلوب برطرفه قاچالرى
 ايچون امر ويردى. صوكره دشمنى بىكلمه دى. چوق كچمه دن
 دشمن اردوسى كوروندى. رؤسادن باشليجه لرى قوماندانى
 درعه ده ايتىشلردى. بونلرك او كنده قرق مشعله طاشينيوردى.
 دين محمد سلطان بونلرك كچمه لرینه مساعدە ايتدى. آرقه ده كى
 عسكر اوزرينه بردن بره صالدىردى. بوشجوم او قدر شديد
 اولمشلى كه برآز مقاومتدن صوكره دشمن صفلى بوزولدى.
 دشمن ، فائقيت عددیه سینه رغماً فراره مجبور اولدى .
 بوبرمظفريت تامه ايدى . برچوق دشمن قتل ايدىلد كدن
 باشقه رؤسانك قسم اعظمى وباشليجه قوماندانلر برچوق عسكر
 ايله برابر دين محمد سلطانك انه اسير دوشدىلر . دين محمد

[۱] بوراده وقوعه كلن محاربه دن صوكره بو كوله شيقاست قولى

نامى ويرىليور .

سلطانك تابعلرندن كنگراتلر عشيرتى رئيسى توغار بهادر
 كندى ايله آلتش كشى اولدىردى . دين محمد سلطان ايله
 حاج سلطان دشمنك اورته لرینه دوغرو پك آتلاشردى . دين
 محمد سلطان اوزمان آنجق يكرمى سكر حاجم سلطان ايسه
 اون سكر ياشنده ايدى . بو بويوك مظفريتدن صوكره بوتون
 اسرا دين محمد سلطانك حضورينه كتيرلدى . دين محمد
 سلطان ، عيده خان سراينك اك ايلرى كلن اركانندن بولونان
 كنگراتلر عشيرتندن حافظه ، اور كنجليلرى سائر مسلمانلرك
 مذهبندن آيرى برمذهبه سالاك ديه روايتلر نشر ايتدكلرندن
 دولاي مؤاخذاتده بولوندى . بوذات دين محمدك آياقلىرينه
 قاياندرق شو جوابى ويردى : « طوته جفگىز خط حركت
 سىزك حقيقى مسلمان اولوب اولماديغكىزى ، بزم مذهبمزدن
 غيرى برمذهبه سالاك بولونوب بولونماديغكىزى كوستره جكدىر .
 بوصورتله ، دين محمد سلطان اسرا ايله عيني مذهبندن ايسه
 اولرك حياتى باغشلاماسى لازم كله جگىنى آكلاتيوردى .
 دين محمد ان بوسوزلره هيچ جواب ويرمدى . اساساً ،
 اور كنجليلرك مذهبي حقتنده بسله نن شېهه لر پك يا كلش دكلدى .
 اور كنجليلر ايرانيلرك مذهبنه برآز متمايل بولونيورلردى .
 دين محمد سلطان اسرايى تماماً كوزدن كچيردكن صوكره
 سائر شهزاده لرك رايلىرى موجبىجه كنديلرندن بخارابويوك قطعه سته
 كوندولمش اولان اسرا ايله بونلرى مباديله قرار ويردى .

اسرایہ بوتکلبفی یاپدیلر . اونلرده عید خان رضا کوسترمه .
 یه جک اولورسنه عائله لری وامواللری ایله برابکرده کلوب
 کندیسنک تحت حمایه سنه کیره جک لری نه یمینلر ایتدیلر . بومعاهدده
 نامه بی عید خانه ومتفق لری نه امضا ایتدیرمک وظیفه سی ایله
 مکلف ارلان حاجم سلطان رفاقتنده بو اسرای کوندر دیلر .
 حاجم سلطان در حال بویوک بخارا قطعه سنه کیتدی . عید
 خان اوراده کندیسنه یدی آقاتای سلطانی و حصه سنه دوشمش
 اولان سائر اسرای اعاده ایتدی . حاجم سلطان صوکره
 سمرقنده و حصاره کیتدی . وظیفه سی حسن صورتله اکمال
 ایتدکن صوکره خوارزمه عودت ایتدی ، دین محمد سلطانک
 ضبط ایش ایلدینی اورکنجه کیتدی [۱۱] .

سنه
۱۵۴۳

آموناقک احفادی دین محمد سلطانک جسارتی سایه سنده
 بوصورتله خوارزم الکاسنک بوتون شهرلری استرداد ایدنجه
 خان عنوانی قال سلطانه ویریلدی . اوده اورکنجده اقامت
 ایتدی . آقاتای سلطان اواسیر شهرینی آلدی . اوغلی حاجم
 سلطان باغاباد شهرینه صاحب اولدی . سفیان خانک احفادینه
 خیوق شهری دوشدی . بوجغا خانک احفادی ده هزاراسب
 شهرینه یرلشدیلر . دین محمد سلطان ایله قاردشلی دورون ،
 یاورسوردی و نسا شهرلری آلدیلر . قل سلطان براقچ سنه
 حکومتدن صوکره وفات ایتدی . یرینه برادری آقاتای

سلطان خلف اولدی . بو حکمدار کات شهرینی قال خانک
شیخ محمد و شاه ناصر نامنده کی ایکی اوغلنه ویردی . اورکنج
شهری ایله اورایه مربوط اولان تبعه آوانش خانک اوغلی
علی سلطانه ویریلدی . کندیسسی اواسیزده اوتوزمقده دوام
ایتدی . فقط چوق مدت حاکم مطلق قاله مادی . سفیان
خانک اوغللرندن یونس سلطان حکومتی اونک الندن آلدی .
بو حرایص و جسور شهزاده مانقاتلر بیاوللرندن [۲] اولوب
اورکنج جوارلرند یولشمش اولان اسماعیل نامنده برینک
قزیله اولتمشدی . برکون قاین پدرینی زیارت بهانه سی آلتنده
قرق کشی ایله خیوقدن چیقدی . اورکنج و اواسیر طرفنه
کیتمش اولان سکنه سی طرفندن تمامیه ترک ایدیلش توق [۳]
قصبه سنه واصل اولدینی زمان برقله یه چیقدی ؛ اورادن ،
وطنی اولان اورکنجی کوردی . بوراسنی ضبط ایتکی ذهننه
قویدی ، یاننده کیلره سویله دی . اونلرده کندیسنک آرقه -
سندن ایرمایه جقلرینی وعد ایتدکلرندن درحال یوله چیقدی
و کیجه یاریسی اورکنج پیشکاهنه واصل اولدی . شهرک
صاحبی اولان علی سلطان نساده اقامت ایتک اوزره اورکنجی

[۲] بیاول مانقاتلرده یاخود قارا قالپاقلرده وقازاجیا اوردا
تانارلرند بر عسکری رتبه در . بر نوع میر آلایدر .

[۳] خوارزم قطعه سنک کوچوک بر شهری اولان توق اورکنجک
شمال شرقیسنده آلتی فرسخ مسافه در . خسل نهرینک جنوب
ساحلندن پک آز اوزاقده در .

ترك ايتمش واداره سنى برادرى محمود سلطانه براقشدى . يونس سلطان اللارنده مشعله لرله نوبت دولاشان كيمسه لرك كچه سنه انتظاراً هندكلرده عسكر لريله برابر صاقلاندى . صوكرده ، بىض صيريقار سايه سنده سورلرك اوزرينه چيقايلىدى . بوتون معيتمده كيرله برلكده محمود سلطانك اقامتگاهنه قوشه رق بونى اله كچردى و آقاتاي خانك نردينه اواسيره كوتوردى . كنديسى آقاتاي خانك دامادى ايدى . محمود سلطان آقاتاي خانى دامادى علمهنده سلاحه صارمغه تشويق ايدىيور ، يونس سلطانك معيتمده آنحق قرق كشى اولديغى ايجون اور كنج اور بىكلرينك كنديسنه مظاهرتله حكمدار مشروعارى خان علمهنده عصيان ايتلمرى هيچ محتمل اولماديغنى سويليوردى . اور كنجى ضبط ايجون بويك ابي بروسيله اولاجقدى . آقاتاي خان ابتدا بوتوصيه ي قبول ايتك ايستهمدى . نهايت ، سرايى اكابرينك مكرر اصرارلرينه مجلوب اوله رق معيتمده كى عسكرله سفره چيقدى ، اور كنج اوزرينه يورودى . بوشهره قريپ بر محله مظه دن شيخ نجم الدين نامنده بر ذاتك تر بهسى قربنده ، اردوسى ايله برلكده كنديسى بىكله ين يونس سلطانه راست كلدى . بر محاربويه كيريشمك ايجاب ايتدى . بونده طالع حرب يونس سلطان لهنده تجلى ايتدىكى ايجون آقاتاي خان فراره مجبور اولدى . طورونى قاسم [۱۱] كنديسى طوته رق اور كنجه كوتوردى .

[۱۱] يونس ايله آقاتايك كرىم سىك اوغليدر .

اوراده خصوصی بر او قیادیلر. اختلاطدن منع ایتدیلر. بودوقه
شایع اولونجه اورکنج جوارنده ساکن اولان اوزبکلر
کورولتولی بر اجتماع عقدایدرك، آموناق نسلندن سائر شهزاده لرك
رأینی آلمق سزین یونس سلطان خان عنواتی ویردیلر، بر قاچ
کون موکره یونس سلطان خان اواسیرده اوتوران آقاتای
خانك اوغللرینه، پدرلری ارکله یین غایت صیجاق بر زمانده فرار
ایتدیکی ایچون شدتلی بر صانجی یه طوتولدیغنی، کندیسیتی توقیفه
واورکنجه نقله مجبوریت کورلدیکنی، حیاتی تهلکه ده بولوندیغنی
بیلدیردی. ساعینك حرکتندن صوکره درت کشی یه بوزواللی
خانی دیری دیری قازیغه کچیرمه لرینی، فقط اوغللرینه حقیقه
صانجیدن وفات ایتدیکی ظنی ویرلمک ایچون وجودنده هیچ
بر علامت جبر و شدت اثری کورولمه مسنه دقت ایتمه لرینی امرایلدی.
صوکره آقاتای ۱۱۱ خانك نعشینی بویوک علائم ماتم ایله اواسیره
کوندیردی. بو حکمدار تبعه سنك سکون و استراحتنی تأمین
و کندیلرینی مسعود ایتمه که او قدر دقت ایدردی که بر کویلینك
زدینه کیدرك ییه جك ایستهمس اولان اون بش یاشنده کی
اوغلی تیموری شدتله ضرب ایتدیرمشدی. کویلی بر قویون
کسهرک شهزاده یه اکرام ایتمش، متباقی پارچه لریده یوللق اولق

[۱] بو خان آلتی اولاد بر اقمشدر: حاجم، محمود، پولاد، تیمور، الله
قوی، سامان. بویوک اوغللرینك ایکیمی خوراسان داخلند
آبادده دیکرلری اواسیرده اقامت ایدرلردی.

اوزره ويرمىدى. بووقعه يى خبر آلان خان اوغلنه شوسوزلىرى
سويله دى : « بن اللى ياشنه كلديكم حالده تبعه دن يوزلرجه
كىمسه يى تعجيز ايتدم . سن دها اون بش ياشنده ايكن
بركويلىنك نوزدينه كيدهر ك كندينه ضيافت چكدير مك ايچون
سميز برقويون كسدير ييورسك . دها بويوديكك زمان نه
اوله جق ؟ بار كيرلى ، اينكلرى دهمى كسمك ايجاب ايدى جك ؟
سكا تابع اولان بكلردى بو كاكاقه رق خلقه بويله معامله ايدى جكلر
وخلقى خراب ايله يه جكلردى . بووقعه دن صوكره كنج
شهزاده پدرينك نصيحتنى كال دقتله تعقيب ايتمىدر .

آقانى خانك اوغللىرى بابالرينك وفاتى خبر آلىر آماز
بوتون قوتلرىنى طوپلادىلر . يونس خان بونلرى اور كنجده
بكله مكه جسارت ايدى ميهرك برادرى وقال خانك اوغللىرى
ايله برلكده بويوك بخارا قطعه سنه قاجدى [۱] . معيتنده كيلوك
قسم اعظمى يولده كنديسى ترك ايتدىلر . اوغلى قاسم غائب
اولدى . بر كولاك قاميشلىرى آراسنده صاقلانمق مجبوريتنده
قالدى . ييه جكى يوقدى . ياننده كى آدمك خيانتى نتيجه سنده
طوتولدى ، اور كنجده كوتوزلدى . اوراده در حال اعدام
ايدىلدى [۲] .

سنه
۱۵۴۹

سفيان خان ايله قان خانك اولادلىرى خوارزم قطعه سنده

[۱] ۹۵۶ تاريخ هجرى سنده .

[۲] بووقعه مناسبتيله بو كوله خان ژونغانى (جنكل ؟) نامى ويرمىدر .

مالك اولدقلى بوتون يرلردن بوصورتله محروم قالمشاردى .
 آوانش خانك اولادلى خوراسان ملحقاتندن ارلان شهرلى
 محافظه ايتديلر . اوركنج شهرى ايله اواسير شهرى آقاتاي
 خان اوغللرنده قالدى . بوجغا خانك ايش ، دوست وبوردم
 نامنده كى اوچ اوغلى خيوق ، هزاراسب ، كات [۱] شهرلرينه
 صاحب اولديلر . صوكره ، خان عنوانى دين محمد سلطانه ويريلدى .
 دين محمد سلطان قاردشليله برابر چوقدن برى دورون
 وياورسوردى شهرلرينه مالك بولونيوردى . فقط جرئتكار
 ومتثبت طبيعتى راحت دورماسنه مانع اوليوردى . خوراسان
 شهرلرينه صاحب اولان ايرانليلرله صيق صيق حرب ايديوردى .
 شاه طهماسب اوكا قارشى بر اردو كوندركه مجبور اولدى .
 ايران اردوسى ياورسوردى شهرينى ضبط ايتدى . ايران
 عسكرلى چكىلدكن صوكره دين محمد خان نرينه كيدرك
 اوراده اقامت ايدن شاه طهماسب بولدى وياورسوردى شهرينك
 اعاده سنى رجا ايتدى . ايران شاهى بولطفى دريغ ايتديكى جهته دين
 محمد كيزليجه شاهك مهرينك عينى قازديردى ، ياورسوردى
 قوماندانه برمكتوب يازدى ، شهرى دين محمد خانه تسليم ايدرك
 على العجله سرايه كلمه سنى امر ايتدى . صوكره شاه طهماسب ايله برابر

[۱] كات خوارزم قطعه سنك ۴۱ درجه ۵۴ دقيقه عرضنده كائن
 برشهريدر . خسل شهرينك شمال ساحلنده در . بويوك بخارا حدودلى
 طرفنده در . خسل نهري اوزرنده برچكيد يري اولقى اعتباريله حائز اهميتدر .

کیتدیکی آوده قاقچق یوانی بولدی. آدملریله برابر یاور سوردی یه
 کیتدی. شاهك مصنع مکتوبی قوماندانه ویردی. اوده
 عینی کونده شهری کندیسنه تسلیم ایتدی. دین محمد شهره
 صاحب اولور اولماز قاپیلری قاپاتدی و بوتون عجملری توقیف
 ایتدیردی. بو خبر اوزرینه شاه طهماسب دین محمدك حیلہ کار -
 لغندن انتقام المق ایچون بویوک براردو ایله سفره چیقدی.
 مسجد اراضیسنه، قارا صو دنیان کوچوک برنهر کنارینه
 واصل اولدیغی زمان ایلری قره غوللری دین محمد خانك للی
 سواریدن مرکب بر قوت ایله کلمکده اولدیغی خبر ویردیله.
 شاه طهماسب بونی اوقدر خارق العاده برشی کبی تلقی ایتدی که
 اینامق ایسته مدی. دین محمد خانك چادیرك او کنده اولدیغی
 خبر ویردکلری، کندیسنك ایچری یه کیروب آیاقلرینه
 قاپاندیغی کوردیکی وقت بیلہ کوزلرینه ایناهه مایوردی. شاه
 طهماسب بوجرا ائدن اوقدر متحیر اولدی که صاغ النی دین
 محمد خانك صول اوموزینه قویمقله اکتفا ایدمه یه رک صول
 النی ده خانك قلی چارپوب چارپمادیغی آکلامق ایچون کوکسنه
 قویدی. هیچ بر فوق العاده اثر حرکت حس ایتمه نیجه بونک
 جسارتنه حیران قالمقدن منع نفس ایدم مدی. بوتون ماضی یی
 عفو ایلدی، یاور سوردی شهرینی کندیسنه بر اقدی. صو کره
 بویوک و محتشم بر ضیافت ویردکن صو کره بر طاقم قیمتدار

هدیه لرله دین محمد خانی کری کوندردی و قرارگاهندن برقاج فرسخ مسافه یه قدر تشییع ایلدی.

برمدت صوکره، مرو شهرینی ضبط ایتمش اولان بویوک بخارا خانی عید بو شهرک اداره سنی نایمانلر عشرتی رؤساسندن یولومبی یه ویردی و ایران والیسنی اسیر اوله رق بخارایه کوتوردی. مع مافیه یولومبی نی قیصقانان بعض کیمسه لر اونی خانک کوزندن دوشوردیلر. خان درحال کله سی ایچون امر کوندردی. فقط والی خان نزدنده علیهنده سویله ن شیلردن خبردار اولدیغی جهتله وقت قازانیرسه معصومیتنی خانه اثبات فرصتنی بولمق امیدیه بو اوامری اجراده پک مسارعت کوسترمدی. عید خان بو تأخرک برعصیان تصورندن ایلری کلدیکنه قانع اوله رق کندیسنی دائره اطاعته ادخال ایچون اوتیز بیت کشیک براردو کوندردی. یولومبی درحال، دین محمد خانی امداده چاغیردی. اوده مرو شهرینه دوغرو یوله جیقدی. برلکده پک آز عسکر بولوندیغی ایچون هر برینه اوچ آغاج دالی کسمه لرینی وبارکیرلرینک یان طرفلرینه قویروقلرینه باغلامالرینی امر ایتدی. صوکره بونلری برلرندن اوزون فاصله لرله یوروتدی اراضینک یموشاق و باتاقلق قسملری اوزرندکی ایزلره باقیلنجه اورادن بویوک برقوه عسکریه کچدیکنه قولایجه احتمال ویریله بیلیردی. عید خانک قوماندانلری بوکا آلدانلیر. بویوک براردو ایله

دین محمد خانك یورودیکنی خبر آلهجه کثرت عددیه آلتنده
ازیلك قورقوسیه علی العجله چکیلدیلر . دین محمد خان
کیدوب مرو شهرینی ضبط ایتدی .

سنه
۱۵۵۳

اوراسنی کندیسنه مقر یاپدی . قرق یاشنده اولدیغی حالده
سروده وفات ایتدی [۱] . دین محمد خان صوک درجه ده
عالیجناب ، ظریف ، بلیغ و ذکی ایدی . جسارتی قدر فن
حربه ده وقوفی واردی . وفاتنده ایکی اولاد براقدی . بویوکی
ساغاندا محمد عقلسز ایدی . کندیسندن برآز صوکره وفات
ایتمشدر [۲] . ایکنجیسی آبول سلطان نامنی طاشیوردی .
بواوردی اوکا خلف اولدی وسنه نرجه مملکتی عقل وتدبیر
دائره سنده اداره ایتدی . یالکیز ، خان عنوانی دوسته
ویریلدی . آبول سلطان، یاننده اسمی مجهول اولان یکانه اوغلی
ایله برابر خوراسانه برآقین یاپدی . مسجد قربنه واصل
اولدیغی زمان بوکنج شهزاده یی اردوسنك قسم اعظمی ایله
دها ایلریله دوهرو سوق ایتدی . یاننده آلیقویدیغی
برمقدار عسکرله مروه دوندی . اوغلی ، مسجدك غربنده
کائن وقارده صو دنیلن برنهره قدر ایلریله نجه اوراده بویوک

-
- [۱] ۹۶۰ تاریخ هجریسنده . تاتارتقویمنه کوره صیغیرسنه سنده
[۲] براوغلی قالمشدی . بومرو شهرینه صاحب اولدی . فقط
خدمتکارلری ، ۲۳ یاشنده ایکن کندیسنی قتل ایتدیلر . بونک
چوچوغی اولامشدر .

برارد و ايله گنديسنة قارشى يوروين بر ايران قوماندانى بولدى .
 خوارزميلر مغلوب اولديلر . كنج شهزاده محاربه ده اون بيك
 عسكرله برابر مقتول دوشدى . آبول سلطانك اوغلنى غائب
 ايتمكدن دويديغى كدر او قدر عظيم ايدى كه تهلكه لى صورتده
 خسته لاندى . حياتندن اميد كسيلىدىكى صيراده مړولى برقادين
 كله رك ، بو حكمدار برقاق سنه اول بر كيجه گنديسنى چالغى
 چالمق ايچون دعوت ايتديكىنى واوندن راوغلى اولديغى ،
 فقط خانك زوجة سى سلطانك حدتندن قورقديغى جهته
 چوجوغى ميدانه چيقارماديغى ، اوندن صوكره كيمسه ايله
 اولمه ديكنى بيلديردى . فقط شيمدى آبول سلطان وفات
 اتمك اوزره اولديغى ، اولادى دوت ياشنى بيتديكى جهته
 بونى خبر و يرمى وظيفه دن عد ايتديكىنى سويليوردى . بونك
 اوزرينه مملكتك اكماهر دوكتورلرندن برى چوجوغى حالت
 نرعه بولونان پدرينك اوسته ياتيرارق هيچ برشى دوياناين
 حكمدارك ياننده بر اوغلى اولديغى كونده اوچ كره
 هايقيردى . سلطان ياواش ياواش كنديسنة كلدى ، ا كتساب
 عافيت ايتدى . صوكره بوچوجوغى اولاد اوله رقتا نيدى واوكا
 نور محمد اسمنى ويردى . بو كنج شهزاده پدرينك بوتون
 ممالكنه وارث اولدى . فقط برقاق سنه صوكره خوارزم
 شهرلرينه مالك اولان حاجم سلطان عائله سندن بوتون شهزاده لر ،
 بريسچ كى تلقى ايتدكلرى نور محمد عايهنده اتفاق ايتدكلرندن

اوده بويوك بخارا قطعہ سی خانی عیددن استمداد ایلدی
 واوکا مرو، نسا، یاورسوردی، دورون شهرلری تسلیم
 ایتدی. عید خانك صوکره بونلری کندیسنه اعاده ایدهرک
 برویرکو ایلہ اکتفا ایدہ جکنی امید ایدیوردی. عید خان
 هر طرفه قوتلی عسا کر محافظه اقامه ایتدی وبوصورتله حاجم
 خان عائله سی شہزادہ لرینک بوتون تصوراتنی عقیم براقدی.
 نور محمدی تکرار تخته چیقارمادی واوده عید خان سرایندن
 چکیلہرک اورکنجه کیتدی. اوراده بش سنہ یعنی عیدخانك
 رینہ عبداللہ خان چیقنجه یه قدر قالدی. نور محمد، عیدخانك
 غضب ایتیش اولدیغی درت شهری کیدوب آلدی. بوشهرلرده
 بولدیغی بوتون اوز بکلری الہ کچیردی، اورالہ سبارتلر
 وتوکنلر یرلشدیردی. فقط ایران حکمداری شاه عباس ده
 عید خانك وفاتندن استفادہ ایتک ایستہ دیکی جهتلہ بالذات
 کلہرک قوتلی براردو ایلہ مروی محاصره ایتدی، قرق کون
 محاصره دن صوکره مروی، نسا، دورون، یاورسوردی شهرلری
 الہ کچیردی. هر طرفه قوای محافظه اقامه ایتدی. نورمحمد شیرازہ
 کوتورلدی. اوراده بر محبسده اتمام حیات ایلدی. جسوردین
 محمدك عائله سی اونکله سوندی [۱].

[۱] دین محمد خان عائله سی حقنہ کی معلوماتی اکمال ایچون شو
 تفصیلاتی ده ویرمیلیز: دین محمد خانك ایکی برادری واردی. بری
 عائله سی ایچنده یکانہ صاری رنگلی اولدیغی ایچون صاری نمود اقبیلہ

یاد ایدیلردی: هردورلو فضاحه وبالخاصه سرخوشاغه متلا ایدی .
چوجوق براقادن وفات ایتشد .

دیگری علی سلطاندر . مختلف زمانلرده نسا ، یاورسوردی ،
اورکنج ، هزاراسب وکات شهرلرینه ، بورالره مربوط بوتون
تبعه لرله برلکده متصرف اولمشدر . بهار موسمنده ، علی العاده ،
آمو نهرینی کچر وخوراسان حدودلری جوارنده اقامت ایدهرک یازی
اوراده امصار ایلردی . آراده صیراده استرآباد وخوراسان دیارلرینه
آقینجیلر یوالاردی . صوک بهار باشلانغچنده اورکنجه عودت ایدردی .
هرسنه ، خدمتنده بولونان اوز بکاره رسم کچید یاپدیرر و بونلرک منتظم
دفترنی طوتاردی . هر برینه سنوی تخصیصات اوله رق اون آلتی
قویون ویریردی . ایران حکمداری شاه طهماسب علی سلطان
قوتلرینک هرطرفده یاپدینی تخریبات عظیمه دن خبردار اولونجه بدر
خان نامنده بر قومانداتی اون ایکی بیک کشیلک بر قوت ایله خوراسان
حدودلرینه کوندردی . بواردونک ورودندن خبردار بولونان علی سلطان
بر مقدار عسکر ایله استرآباد اراضیسنه کیردی . بودفعه ده مقصدی
تورکمنلرک اوقلی قوقلان عشیرتی ویرکو ویرمکه اجبار ایتکدی .
بدرخان بونی بسطامده خبر آلدی ، علی العجله استرآباده بورودی . علی
سلطان اونک آکسزین ورودینه رغماً ایی مقاومت کوستردی .
فرار ایتک پک تهاکلی اولاجنی ایچون دشمنلرینی جسورانه بکلیمک
فکرله کیدوب قورغان نهری ساحلرینده اخذ موقع ایتدی . قورغان
کچیلیمه سی غایت زور برنهردر . هر نقطه ده دریندر و سریع آققده در .
ساحلری غایت یوکسکدر .

بالکیز بعض یرلری مستشادرکه بورالردن بار کیرلرله کچیله بیلیر .
دیگر نقطه لر بوز آرشوندن زیاده مرتفعدر . علی سلطان معیتنده کی
کوچوجک فرقه سی تشکیل ایدن اوچ بیک کشی بی ممکن اولدینی قدر
فائق نقطه لره ایی بر صورتده یراشدیردی . یاننده برجوق آرا به ،
بار کیر و مواشی بولوندینی ایچون بونلری آرقه خطه ، نهرک ساحلنه

یا قلاش دیردی. آرابه لری اردو سنک جبهه سنی محافظه ایچون سپر مقامنده قوللاندی. ایشته 'ایرانلیلره بو وضعیتده منتظر بولوندی. ایرانلیلر دفعات ایله شدید هجوملر یاپدیلر. فقط سواریدن باشقه قوتلری اولمادی، علی سلطانک عسکرلری - سورانه مدافعه ده بولونقلری ایچون مظفریت اوزون مدت مشکوک قالدی. نهایت، علی سلطان ایله برابر کلمش اولان آبابک نامنده بر تورکمن رئیس محاربه نك بیتمه مسندن اوصانه رق قومانداسی آلتنده بولونان او قلی عشیرتی تورکمنلریله آرابه لرك آراسندن چیقدی. مقدارلری تقریباً اوچ بوزه بالغ اولیوردی. خوارزمیلر بونلرک مقصدلری، بيلمه یورلردی. کندیلرینه خیانت ایتمه لرندن قورقغه باشلامشلردی. علی سلطان شو جوابی ویرمکه اکتفا ایتدی: «اگر دشمنه التحاق ایتکه کیتدیلسه بن امیدمی جناب حقه باغلارم. چونکه تهاکه دن بزی بالکیز او تخلص ایده بیلیر. اون بیک عسکرلری اولان دشمن احتمالکه بو اوچ بوز کشی به محتاجدرلر. «فقط بویله بردنائی ارتکاب ایده مه به جک قدر مراد اولان آبابک ایرانلیلره حربه لغو توشمشدی. بونی کورن علی سلطان ده ایرانلیلر اوزرینه هجوم ایتدی و اونلری فراره مجبور براقدی. او قدر چوق بارگیر اغتنام ایتدیله که علی سلطان کندیسنه اصابت ایدن بارگیرلرک دو قوزده برینی کندی سایسینه هدیه ایتدی. ساییک حصه سنه یدی بوز بارگیر دوشدی. بو وقعه دن اون بش سنه صو کره علی سلطان ایرانه یکی بر هجومده بولوندی. فقط اوموزلری آراسنده ساری برچیبان چیقدیغندن قرق یاشنده اولدینی حالد ۹۷۹ تاریخ هجریسنده و تاتار تقویمه کوره صیغیر سنه سنده و ۱۵۷۲ تاریخ میلادیسنده وفات ایتدی. علی سلطان جسور، حوسرد، متواضع و مجرملری تأدیپ خصوصنده غایت شدید بر حکمدار ایدی. ایکی اولاد براقشدر. بویوکنک اسمی اسکندر ایدی. کندیسندن آتی آی صو کره وفات ایتشدر. کوچوکی سنجر اسمنده ایدی. فقط ذهنی بوزوق ایدی. اون سنه حکمران اولمش و اولاد براقادن ترک حیات ایتشدر.

دين محمد خانك وفاتىدىن سو كره دوست سلطان [۱] خان
 اتخاب ايدلى . ايش سلطان نامىده بويوك بر قارده شى
 واردى كه كىدىسىدىن دها جىسور و عاليجناب ايدى . فقط
 ذكى دكلى . صلابت دىنىسىدىن شىبه ايدىلىوردى ، سفاخته
 بك مبال بولونىوردى . حايىم طبعلى بولونان دوست سلطانك
 ترجيح ايدىله سىنه بو سبب اولمشدى . برادرىنىك ترجيح
 ايدىله سىدىن ممنون اولمايان ايش سلطان ، قاردهشلىرىدىن قواى
 امداديه آلدقدىن سو كره اور كىنج شىرىنى ضبط امليله يوله
 جىقدى . كومكان [۲] الكاسى ملىحقا سىدىن كوچوك بر الكا
 اولان جىلبوقده فائق قوتلىرله كىدىسىنه قارشى يوروين حاجى
 سلطانه راست كلى . آرقه سىنى جوارىر نهره دايدى . آرابه لرى
 جىبه يه دىزدى . دشمنى ملىنانه بكه دى . حاجى سلطانك
 هجوملىرىنى او قدر شىدته دفع ايتدى كه سكر كون دوام ايدى
 بر محاربىدىن سو كره اونى اوزلاشمغه مجبور ايتدى . صالح
 عقد ايدىلنجه ، انه دشمنش اولان اىغور و نايمان شىرتلىرى
 افرادىنى ظالمانه قتل ايتدىردى ، خيوق جوارنده اوتوران
 شىرتلىر افرادىنى قوغدى ، يىلرىنه دواملىرى اقامه ايتدى .
 بر قاچ سىنه سو كره ، ايش سلطان اور كىنج اوزرىنه يكى

[۱] بوجغا خانك اوغلى

[۲] كومكان غوردىش الكاسىنىك شىرقنده آمو نهرىنىك شىمال
 ساحلنه دوغرو خوارزم قطعه سىنىك كوچوك بر ولايتىدر .

بر سفر ترتیب ایلدی . فقط حاجم سلطان قوتلی بر اردو ایله
 حربہ چیقدیغندن توق و اورکنج شهرلری آراسنده قارشیللا .
 شدیلر . ایش سلطان آرابهلری آرقه سنده تحصن ایتدی .
 یدی کون طرفیندن مساوی ضیاعلرله مصادمه دوام ایتدکن
 صوکره بوتون معیتی ایله برابر ایش سلطان کیجه لین سپرلرندن
 چیقدی و کیدوب اورکنجی اله کچیردی . حاجم سلطان ،
 بونی شهره کیردیکی زمان خبر آلدی . اوراده بوکا او قدر
 آز منتظر ایدیلرکه شهرده قالمش اولان حاجم سلطانک
 قاردشلری بیک زحمتله قاچه بیلدیار . ایش سلطان ، اورکنجده
 بولونان بوتون ایغورلرله نایمانلرک علی العجله اواسیره کیتمه لرینی
 امر ایتدی . ماللرینی برابر کوتورمه لرینه مساعدده ایتدی .
 بونلری عسکرلرینه داغیتدی . فقط اورکنجده یرلشمش
 اولان سائر اوز بک عشیرتلرینک اقامتگاهلرینه دوقونمادی .
 حاجم سلطان ایله ایش سلطانک ایکسی ده نسادہ حکمران
 اولان علی سلطانی کندی طرفلرینه جلب ایچون صرف
 مساعی ایدیورلردی . علی سلطان حاجم سلطان طرفنی التزام
 ایدهرک دین محمد خانک اوغلی آبول سلطانی ده کندیلرینه
 التحاق ایتدیردیکندن حاجم سلطان ایله برابر کیدوب اورکنجی
 محاصره یه آلدیلر و عمومی بر هجوم یاپدیار . ایش سلطان بوتون
 معبثنی سورلره یرلشدیردکن صوکره وجودینه لزوم کوروله جک
 هر نقطه یه قولایلاقه یتیشه بیلمک ایچون آتیه ینمشدی . همشیره سنه

وقوع بولش بر تجاوزدن دولای کندیسنه دشمن اولان
تین علی نامنده بردورمان کندیسنه براوق آتهرق بارکیرینی
یارالادی و ایش سلطانی آتدن دوشوردی . ایش سلطانك
باجاغی تیریلدی . برسارت کندیسنی بارکیره بیندیرمکه
اوغراشدیسه ده دیوارلری آشمش اولان دشمنلر بوصیراده
یتیشدیلر . ایش سلطان کندیسنی قورتارمق ایسته یین آدمله
برابر اولدیرلدی . اورکنج ضبط ایدیلدی . صوکره خوق
شهری ده اله کچیریله رك صاحبی بولونان ایش خانك [۱] برادری
دوست سلطان [۲] قتل اولوندی .

سنه

۱۵۴۳

حاجم سلطان [۳] درحال خان اعلان ایدیلدی . اوتوز
بش یاشنده ایدی . اواسیر شهرینی کندیسنه مقر اتخاذایتدی .
آموناقك تکمیل احفادندن خوارزم قطعه سنده یالکیز آوانش
خان ایله آقاتای خانك اوغللری قالمش اولدیغی ایچون اورکنج
هزاراسب وکات شهرلری آوانس خانك ایکنجی اوغلی علی

[۱] ایش سلطان شاه قولی ایله طاهر اسمنده ایکی اولاد
براقدی . حاجم سلطان ایله قاردشلی بونلری بویوک بخارا قطعه سنه
کوندردیلر . چوجوق براقه دن اوراده اولدیلر . بوصورتله بوجغا
خان نسلی تمامیه سوندی .

[۲] ۹۶۵ تاریخ هجریسنده . تاتار تقویمنه کوره بارکیرسنه سنده .

[۳] آقاتای خانك اوغلیدر . ۹۳۰ تاریخ هجریسنده ، تاتار

تقویمنه کوره قورت یاخود تمساح سنه سنده . و ۱۵۲۴ تاریخ
میلادیسنده تولد ایتمشدیر .

سلطانہ ویریلدی . آقاتای خانك اوغلارندن ایکسی ، الله قولى [۱] ایله سلیمان [۲] عینی تاریخلرده وفات ایتشلردی . دیگر دردی یعنی محمود سلطان [۳] هپ برادری حاجم خانك یاننده یاشادی . ایکسی ده عینی والدهدن دوغمشلردی . ایکسی ده بروالدهدن اولان پولاد سلطان ایله تیمور سلطان [۴] خیوق شهرینی یازی یارییه پایلاشدیلر . اولوقتو باقوناش دنیلن تورکمن عشیرتی پولاد سلطانہ [۵]، قارا بوغول عشیرتی ده تیمور سلطانہ ربط ایدیلدی .

پولاد سلطانك عقلی برآز ضعیف اولدیغندن برادری حاجم سلطان خیوق شهرینی اداره ایچون ایغور عشیرتندن ایتدهبای نامنده بر ایلری کلن ذاتی اونك معیتنه ویردی .

[۱] ۲۳ یاشنده وفات ایتشدر .

[۲] ۱۸ « «

[۳] بوشهزاده فرق یاشنده وفات ایتدی . آلتی اوغل براقدی :

محمود سلطان ، امین ، علی ، محمدامین ، عرب ، آق بابا . امین ایله محمد امین پدرلرینك وفاتندن برآز صوکره اولشلردر . محمد امین ایکی اولاد براقدی : شاه علی ایله شای بك یاخود شاه بخت . بونلرده عائلهلرندن سائر بعض شهزاده لرله برابر بویوک بخارا خانی عبداللهك الله دوشمش واوراده قتل ایدیلشلردر .

[۴] فرق یاشنده وفات ایتدی . اوچ اوغل براقدی : محمد

سلطان ، قادربردی ، ابوالخیر .

[۵] بونك درت اوغلی اولدی : بابا سلطان ، حمزه ، قویزی ،

پهلوان قولى .

تیمور سلطان عقل و ذکا جهتیله يك پارلاق دكلی . فقط خط حرکتك انسجامی ، محاربه لرده کی جسارتی ، حکومت ایشلرینه غیرتی هر کسه کندیسنی سودیریوردی . راحتسز ایتمك قورقوسیه تبعه سندن هیچ کیمسه نك اوندە يمك یمه مشدر . پدری آقائای خانك شدتلی بر تأدیبدنن صوکره بو نصیحت قولاغنده قالمشدی . بو کنج شهزاده يك دیندار ایدی . فضیلتکار آدمیری سوردی . او قدر ای بر حافظه سی وازدی که او قویوب یازمق بیلمه دیکی حالدە وارداتنك منتظم حسابنی طوتار و هر شعبه وارداتی مکمل صورتده بیلیردی . آوانش خانك اور کنجده اقامت ایدن ایکنجی اوغلی علی سلطان رفات ایدنجه حاجم خان کندیسنه اور کنجی مقرر یاپدی . محمد سلطان او اسیرده قالدی . پولاد سلطان خیوق ؛ تیمور سلطانده هزاراسب وکات شهرلرینی آلدی .

بر قاچ سنه صوکره ، بویوک بخارا خانی عبدالله براردو ایله خوارزمه کیردی . حاجم خوراسانده بر آقین ایله مشغول اولدینی صیراده اور کنجی محاصره ایتدی . بخارا خانی ، ظن ایتدیکندن زیاده مقاومتە تصادف ایتدیکندن محاصره یی رفعه ویانغی یاریق [۱] دیارینه چکیلیمکه مجبور اولدی . بر چوق

[۱] یانقی یاریق بویوک بخارا حدودلرنده ، آموهرینك شماله دوغرو بوا یکی مملکتی بر برندن آیران داغلرک ایتکنده کوچوک بر خوارزم ولایتیدر .

ضایعات ویرمیش اولدیغی ایچون ، بویوک بخارادن کله جک
 قوه امدادییه انتظاراً ، ضبط ایتیش اولدیغی موقعلرده
 طوتونه بیللمکدن باشقه برشی دوشونمئوردی. حاجم سلطانک
 کندیلله حرب ایچون بویوک بر اردو ایله ایلری کلدیکی
 خبر آنجه اعتماد ایتدیکی بر ضابطی کزیده الی کشی ایله
 تفریق ایدهرک ، دشمنک یوروشندن معلومات استحصالی ایچون
 کوندردی . بو کشف قوی بر قاچ اسیر آله رق اونلردن
 حاجک دورونه کلدیکی ، اوراده جوارده کی تورکمنلردن
 بر قوه مظاهره آلدقن صوکره بخارا خانی ایله حرب ایچون
 حرکت ایتدیکی و اوصیرالرده اورکنجده بولونماسی لازم کلدیکی
 او کوندیلر . عبدالله خان خوارزم خاننه مقاومت ایده بیلجه
 بروضعیتده بولونمادیغدن خیوقده بولونان پولاد سلطان ایله
 تیمور سلطانه تکلیفات صلیحه ده بولوندی. ایکی طرفده
 صلیحی عینی صورتده آرزو ایندیکندن درحال عقد
 ایدیلدی . عبدالله خان ، اردوسنک انقاضی بویوک بخارایه
 کوتوردی .

بخارا خاننک عزیمتدن صوکره حاجم سلطان [۱] ایله
 برادرلری شهزاده لر خوارزم شهرلرینه بر مدت راحت راحت
 صاحب اولدیلر . محمد ایله تیمور سلطانک وفاتندن صوکره

[۱] بو حکمدارک از زمان بش اوغلی واردی : سیونچ محمد

سلطان ، عرب محمد ، محمد قوی ، محمد ، ابراهیم .

حاجم اونلرک چوققلرينى بابالرينک ملکنده براقدى. عبدالله خان خوارزم الکاسنى بخارا قطعہ سنه ربط ایتک تصورندن واز کچمه مشدى. خوارزمى يکيدن استيلايه تشبث ايچون شايان قبول بروسيله بکله يوردى. حاجم خان عائله سنه منسوب شهزاده لر چوق کچمه دن اوکا بووسيله يى ويرديلر. اوتاربخلرده استانبول پادشاهى، عبدالله خانه پياله پاشا اسمنده بر سفير کوندره رک کنديسيله اتفاق عقد ایتک واونى ايران حکمدارينه هجومه سوق ايله مک ايسته مشدى. عيني زمانده تورکلرده ايرانه کيره جکلردى. هندستان طريقيه دولاشمغه مجبور اولديغى ايچون بويوک بخارا قطعہ سنه اوچ سنده کله بيلمش اولان بو سفير، عودتنده خوارزمى کچمک و بحر حزر ساحلنده تورکمنلر نزدندن سفينه يه پينه رک او زمان کندى متبوعنه تابع بولونان شيروانه کيتمک ايسته دى. فقط اورکنجه واصل اولديغى زمان حاجم سلطانک اوغللرى محمد و ابراهيم سلطان کنديسنى تماماً صويديرديلر، ياننده يالکيز سياحته دوام ايچون الزم اولان شيلرى براقديلر. مانقيشلاغه کوندرديلر. اوراده تصادفاً بض شيروان تجارلرى بولوندى ده پياله پاشانى کميلرينه آلدیلر.

بو ايلک سبب اشتکايه ايکنجى برسبب ده انضمام ايتدى. مکيه حجه کيتمک ايسته ين هر مسلمان، سياحتنى ذى الحجه نک اوننده اوراده بولونمق اوزره تنظيم ایتکه مجبوردر. مسلمانلرک

عنعناتنه كوره ابراهيم او كون اوغلى اسحقى قربان كسمك
 ايسته مشدى . بو سياحتى ياپان بويوك بخارا مسلمانلرى صلح
 زماننده خوارزم قطعه سندن وايران ولايتلرندن كچرلر . فقط
 حرب زماننده هندستان طريقيله دولاشمغه مجبوردرلر .
 ماوراءالنهر اهالي سندن وتجارلرندن بعضيلرى حجه كىتمكه تشبث
 ايدرك ، عبدالله خان ايله حاجم خان سالاهسى حكمدارلرى
 آراسنده صلح انعقاد ايتمش اولماسى دولاييسيله خوارزم الكاسى
 طريقنى طوتديلر . حاجى قوتباس نامنده برى كنديلرينه رياست
 ايدىوردى . بونلر خيوق قربنه واصل اولدقلىرى زمان پولاد
 سلطانك بويوك اوغلى بابا سلطان كنديلرينك بوتون اموال
 ونقودنى آلدى وكلكلىرى يره يايان اوله رق اعاده ايتدى .
 بويوك بخارايه عودت ايتدكلىرى زمان بو معامله شديده دن
 دولايى كيدوب عبدالله خانه شكايت ايتديلر . عبدالله خان
 بونلر شكائتنه قولاق وىرميور كى داوراندى . كاروان رئيسى
 اكر اللهك كنديسنه وىرمش اولديغى قدرت وشوكته رغماً
 كعبة اللهه كىدن كيمسه لرك شخصنه تعرض دولاييسيله
 اللهه وقوع بولان تجاوزى جزاسى براقيرسه حضور الهيده
 دعواجى اولاجغنى سويله مه سى اوزرينه عبدالله خان خوارزميلرله
 حرب به قرار وىردى . ذاتآده سلفى عبيد خانك خوارزم
 قطعه سنده ياپديغى فتوحاتى كنديسنه غائب ايتدىرمش اولدقلىرى
 دولايى اونلردن مشتكى ايدى . عبدالله خانك حرب به حاضر لاندیغى

هر طرفده دویولونجه خوارزم اوزبککری ایکی قسمه آیرلایلر.
 برطاقی شدتلی بر مقاومت طرفداری ایدی . دیگرلری عرض
 تابعت و انقیاد فیکرنده بولونیوردی . حاجم خان بونفاق کوردرک
 تبعه سی اوزبککله هیچ کووه نه مه یه جگنی آ کلاینجه اورکنج
 شهرینک اداره سنی اوغللری محمد ایله ابراهیمه تودیع ایتدی .
 یاننده بویوک اوغلی سیونچ محمد سلطان ایله عائله سندن بعض
 شهزاده لر اولدیغی حالده دورونه کیتدی . بهار ابتداسنده نسا
 شهرینی محاصره ایده بیلیمک اوزره قیش موسمنی اوراده امرار
 ایده جکی شایعه سنی چیقارتدی . تیمور سلطانک اوچ اوغلی اوزمان
 هزاراسب شهرینه مالک ایدیلر . پولاد سلطان ایله درت اوغلی
 خیوق شهرینی و محمد سلطانک درت اوغلی ده محمد امینک اوغلی
 بولونان ایکی یکنلریله اواسیر شهرینی اشغال ایدیورلردی . بونلر
 عبدالله خانک بهارده کندی مملکتلرینه کیرمه حاضر لاندیغنی
 اوکره نجه هزاراسب و خیوق شهرلرندن اونر کشی کوندره رک
 اونک حرکاتی تجسس ایتدیردیلر . فقط بومفرزه دشمنک اله
 دوشدی . آنجق اوچ ششی قور توله رق هزاراسبه دوندیلر
 و عبدالله خانک یاقلاشدیغنی خبر ویردیلر . بونک اوزرینه محمد
 سلطان خیوقه چکیامک و بوشهری مرکز اجتماع اوله رق
 کوسترمک مناسب اوله جغنی دوشوندی . عبدالله خانک برنجی
 استیلاسنده محمدک پدری اولان تیمور سلطان بویه حرکت
 ایتمشدی . مملکتی قورتاران ده بوتدیر اولمشدی . بودوعه ده عینی

فائده تأمین ایدیه جکی امید اولونیوردی . محمد، کندینه تابع
 اولان اوزبکارله یوله چیقدی . فقط بونلرک صداقتدن شبهه
 ایتدیکی جهته حضرت پهلوان نامی ویریان مظنه دن برذاتک
 تره سینه موصلت ایتدکاری زمان قرآنی الله آلدی و کندینه
 ترک ایتمه یه جکلرینه دائر اونلری قرآن اوزرینه یمینه اجبار ایتدی .
 خیوقه موصلتنده شهزاده لرك بوراسنی ترک ایله اواسیره کیتمه
 قرار ویرمش اولدیغنی کوردی . اونلری فکرلرندن جایدیرمغه
 چالیشدیسده موفق اولامادی . آرقه لری صیرا کیتمه مجبور
 اولدی . بوتون عسکر واشیا ایله اواسیره واصل اولدیلر .
 بوانسان و آرابه قافله سی او قدر اوزوندی که ایلک حرکت ایدنلر
 شفق سوکر کن شهردن چیقمغه باشلادقاری حالد آرقه ده کیلره
 آنجق اوکله اوزری صیرا کلدی . اوصورتده که اوکده کیلر
 قرارگاهه اوکله وقتی واصل اولدقلری حالد بونلر پک کیچ
 اورایه واردیلر .

عبدالله خان ، حسام قولی نامنده کی بر قومانداتی بر قول
 اردو ایله خیوق اوزینه کوندردی . خوارزمیلرک صوک عسکرلری
 چیقارکن بونلر اورایه واردیلر . حسام قولی باشقه بر قاپیدن
 شهره کیردی . بوتون اوزبکلرک شهره کله لری ایچون تبلیغاتده
 بولوندی . اقتداری اولانلره عبدالله طرفندن ایش ویریه جکنی ،
 کندیلرینه ای اراضی تخصیص اولونه جغنی وعد ایدیوردی .
 برچوق اوزبک شهره کلدیلر . حسام قولی بونلره ، عبدالله خانک

خدمته كیرهك يارارلق كوسترمك ايسسته يئرلك ايرتهسى.
صباح پولاد سلطان ايله متفقرينك تعقيبنه قويولمق اوزره
حاضر بولونمالرينى اعلان ايتدى . فى الحقيقه اوتوز بيك
كشيك براردو ايله آلماتيش شان كوينده بونلر يتيشدى . اوزبكلك
على العجله آرابه لرني برنوع استحكام كى قوللانهرق مدافعه يه
قالقديلر . فقط حسام قولى بومانعه يي زورلايه رق اونلرى
پريشان ايتدى . پولاد سلطانك اوغللارندن برى اولان قويزى يي
اسير آلدى . كنديسى ده چوق ضايعات ويردىكى ايچون
بوموفقيته اكتفا ايلدى . دشمنى تعقيب قالمادى . اونلرده
قارمه قاريشيق برحاله اواسيره چكىلدیلر . اوراده ، كنديلرينك
باشنه بوحرى دعوت ايتمش اولان بابا سلطانى قوغمغه وعبدالله
خانه تكليفات صليحيه ده بولونمغه قرار ويرديلر . بو فكره
مخالف بولونان پولاد سلطان ديكر ايكي اوغلى حمزه وپهلوان
قولى ايله دورونه حاجم خانك نرينه چكىلمكى تنسيب ايتدى .
اواسيره ايكي يكنلرى ايله برابر محمود سلطانك اوغلى
وآلماتيش شان هزيمته بولونمش اولان تيمور سلطانك اوچ
اوغلى قالمشدى . موخرآ ، حاجم خانك اوغللرى محمد وابراهيم
سلطان ده كنديلرينه التحاق ايتدى . محمود سلطانك اوغلى
على سلطان بوشهرده باش قوماندان ايدى .

عبدالله خان بوتون اردوسيله اواسير پيشكاهنه كلدى .
بر آى محاصره دن صوكره ، محاصره يي رفته مجبور قالمقندن

قورقهرق بوشهزادەلرى آلداتمى دوشوندى . اصل شكائى بابا
سلطاندىن اولدىغى جەتتە اونى طرد ايتد كدن صوكره آرتق
بى پروا كلوب كندىسى كوره بىلە جكلرىنى سويلدى ، اقربالرىنە
ومتفقلىرىنە فارشى كوستردىكى عزت وا كرامى اونلره قارشى ده
اسير كه مە يە جكنى تامين ايتدى . اوز بك شهزادەلرى بو وعددن
ممنون ومفتخر اوله رق نه جانلرىنە نه ماللرىنە دوقونولمايه جفنه
دائر كندى نامە يمين ايتك اوزره ايلرى كلنلردن بهض
ذاتلرك نزدلرىنە اعزامنى ايسته ديلر . عبدالله خان اونلرى
تماميله اغفال اچون الكاعتماد ايتدىكى بش ذاتى ، حسن خواجه ،
سرشيبى ، محمد باقىبى ، سمر قند واليسى هاچمى ايله دوست
مرجانى كوندردى . بونلر معيتلرندە قرق سوارى ايله شهره
گيتديلر . اوراده ، اوز بكلكر ايسته دىكى يمينى عبدالله خان
نامە ايضا ايتديلر . بو صاح ظواهرىنە رغماً خلق شهزادەلرك
دشمن انه كتديلرىنى تسام ايتەلرىنە طرفدار دكلدى . بو
كان كيمسەلرى آليقويىمق فكلرىندە ايديلر . چونكه عبدالله
خانك بوذاتلرى برتهلكيه معروض براققدن ايسه اور كنج
ايله او اسيرك ضبطلدىن واز كچه جكنى بيلورلردى . معيتلرندەكى
قرق كشينك برمكتوب ايله عبدالله خان نردىنە اعاده ايدىلەلرىنى
وبومكتوبده بوذاتلرك آليقونولماسى محاصردنك رفعنه دها زياده
امنيت كتيرمك فكلرىلە وقوعه كلكيكينك بيلدیرلمەسنى ده
ايسته يورلردى . عبدالله خانك چكىلدىكى تحقق ايدنجه رهينه لر

سربست براقیه جق و حتی اوز بك شهزاده لری بالذات اونلره
 رفاقت ایده جکلردی . غایت عاقلانه اولان بومطالعه قبول
 ایده لیدی . علی سلطان بوکا شدته مخالفت کوستردی . چونکه
 عبدالله خان ایله هیچ منازعه ایتمه مش اولدیغی کبی اوز بك
 شهزاده لری ده هپ بخارا خانك اقرباسی اولدقلرندن بخارا
 خاندن فنا بر معامله کورمکه منتظر دکلدی . مملکتلری
 ضبط ایتسه بیله کندیلرینی بویوک بخارا قطعه سنه
 سوق ایده رك اوراده دها ای یرلر تخصیص ایده جکنی ،
 اورکنج ایله اواسیری کندیلرینه براقه جغنی امید ایدیوردی .
 ملك ایلری کلنلری ده بو فکرده بولوندقلری جهته خلق
 سکوت ایتمکه مجبور اولدیلر . شهزاده لر شهردن چیقهرق
 عبدالله خانك نزدینه کیتدیلر . عبدالله خان کندیلرینی درحال
 طوندیردی و محافظه لرینه معیتی اکابرندن ایشیمتی نامنده برینی
 مأمور ایلدی . حسام قولی ضابطان ایله عسکرک تفتیشه
 مأمور اولدی . بوتون اسرآنك صحیح برجدولی تنظیم اولوندی .
 خلق اوز ، اون ایکیشر کیشلک کومه لره آریلدی . بونلرک
 هر بری بر مسئول ذات اراهه ایلدی . هپسی بویوک بخارا
 قطعه سنه سوق اولوندی . بوضورتله اورکنج و اواسیر شهرلرینه
 صاحب اولان عبدالله خان بونلرک اداره سنی امراسندن صاری
 اوغلانه ویردی . دورمانلر عشیرتندن منکلیشی بی خوق
 والیسی تعیین ایتدی . خواجه یه ده هزاراسب شهری ایله

قرووق نامنده دیکر بر کوچوک شهری تخصیص ایله دی .
زهد و تقواسیله مشهور اولان دیکر بر منلایی کات والیدکنه
تعین ایتدیکی کبی بایات نامنده بر تورکمن عشیرتی معتمدلکنی ده
توجیه ایله دی . صوکره کندی مملکتنه دوندی .

بر آی صوکره حاجم سلطان ایله دورون شهرنده بولونان
عائله سی افرادی اورکنجده جریان ایدن وقعهی و عبدالله
خانك خوارزم قطعه سنه صاحب اولدیغنی خبر آنجه عراق
عجمه ، شاه عباس نزدینه کیتمه قرار ویردیلر . یالکزیتمش
باشنده بولونان پولاد سلطان کندی کبی اختیار بر آدمك باشقه
مذهبه منسوب کیمسه نك نزدینه التجا ایتمه سی موافق اولمایه جغی
فکريله عبدالله خانك نزدینه کیتدی . عبدالله خانك سنده
حرمة کندیسنه بقیه عمرینی راحتجه کچیره جك تخصیصات
باغلايه جغنی امید ایدیوردی . حاجم سلطان یاننده افراد
عائله سندن شهزاده لرله برلکده شاه عباس نزدینه کیتمك
وزره یوله چیقدی ۱۱ . دوروندن چیقدیغنی وقت یاننده
اوچ بيك بارکیر واردی . بونلر یولده قاچدیلر . یاننده آنجق
یوز الی سوارى قالدی . پولاد سلطان ایسه عبدالله خانك نزدینه
کیتدی . اوراده آموناق نسلندن کلن بوتون شهزاده لرله برلکده قتل

[۱۱] یاننده اوغلی سیونج محمد سلطان ، عرب محمد سلطان ،
محمد قولى سلطان ؛ ابراهم سلطانك اوغلی حفیدی برندق ؛ سیونج
محمد سلطانك اوغلی عبدالله ؛ عرب محمد سلطانك اوغلی اسفندیار ؛
محمد سلطانك اوغلی محمد و پولاد سلطانك اوچ اوغلی واردی .

ایدیلدی [۱] . بو محاربده اسیر دوشن اوز بکلرک کافه سی
 آدم باشنه سنوی اوتوز تانغا ویرکی ویرمکه مجبور طوتولدی .
 او قدر فقیر دوشدیله که ایچلرندن برچوغی بوویر کوی تأدیه
 ایچون اولادلرینی صاتمغه مجبور اولدیله . اون یاشندن یوقاری
 اوز بکلرک کافه سی بلا استئنا بوویر کویه تابع ایدیلر . اون کشی
 نامه ارائه ایدیلن مسئول ذاتلر بو اون کشیدن بری قاچه جق
 اولورسه اونک حسابنه ده اوتوز تانغای ویرمک مجبوریتنه ایدی .
 حاجم خان ایرانه موصلت ایدهرک [۲] اوراده بویوک بر حرمت
 ایله استقبال ایدیلشدی . فقط اوغلی سیوچ محمد سلطان یولنه
 دوام ایدهرک استانبوله پادشاهک نزدینه چکیلدی . بر مدت
 صوکره [۳] عبدالله خانک اوغلی عبدالمؤمن سلطان بویوک
 براردو ایله خوراسانک ایران شاهنه تابع اولان طرفلرینه
 کیره رک اسفراین شهرینی ضبط ایتدی . شاه عباس در حال
 قزوینی ترک ایله بسطامه کیتدی . حاجم خان ایله سائر اوزبک
 شهرزاده لری ده کندیسنی تعقیب ایلدیله . اوز بک شهرزاده لری

[۱] محمد سلطانک دوت اوغلی : محمود سلطان ، علی ، عرب
 و آق بابا ، ایکی یکنی ؛ شاه علی ، شاه بخت ؛ تیمور سلطانک اوچ
 اوغلی : محمد سلطان ، قادر بردی ، ابوالخیر ؛ حاجم خانک ایکی کوچوک
 اوغلی : محمد و ابراهیم سلطان ؛ پولاد سلطان و اوغلی قونزی .

[۲] تاتار قویغنه کوره بیلان سنه سنده .

[۳] تاتار قویغنه کوره قوی یعنی قویون سنه سنده . بوسنه

بویوک بر قویروقلی ییلدیز ظهور ایتشدر .

خیو قدہ دشمنلرندن آنجق آلتش ، اور کنجدہ ایسه قرق
 کشی بولوندیغنی خبر آنجه مملکتلرینه عودت ایتک و بوشهرلری
 استرداد ایله مک ایچون مناسب برفرست ظهور ایتش اولدیغنه
 حکم ایلدیلر بوتشبی ایران حکمدارندن صاقلامق وعینی زمانده
 بویله آنی مفارقتدن مغیر اولماسنی حسابہ قاتمق اقتضا ایتدیکی
 ایچون حاجم خان ایلہ سائر بعض شهزادہلر ایشہ اشتراک ایتک
 ایستہمدیلر . فقط عرب محمد سلطان ، برادری محمد قولی
 سلطان ، پولاد خانک اوغللری بابا سلطان ، حمزه و پهلوان
 قولی ایلہ برلکده هر تہلکینی کوزہ آلمغہ قرار ویردیلر . کیزلیجه
 آسترآبادہ کیتدیلر . بوشهر بسطامدن پک اوزاقده دکلدی .
 بورادہ تورکمنلردن معاونت کورہ جکلرینی امید ایدیورلردی .
 اونلرک حرکتندن صوکرہ حاجم خان ایران حکمدارینی تشبث
 واقعدن خبردار ایتدی . عبدالله خانک فعالیتنی پک اعلا تقدیر
 ایدن ایران حکمداری بوسیاحتک موفقیتہ اقتران ایدہ جکینی
 امید ایتدی ، حاجم خانہ اونلری کری چاغیرماسنی نصیحت
 ایلدی . شاه عباس عبدالله خان برحیات بولوندقچہ اوز بکلرک
 هیچ برزمان مملکتلرینی استرداد ایدہمیه جکلری قناعتمده
 ایدی . کندیسنک خبری اولمادن یایدقلری برتشبثده کی
 موفقیتہ نزلکک خجالتی سراینہ عودتدن اونلری منع ایتہ سندن ،
 باشقہ برطرفہ التجا ایتلرندن قورقیورلردی . حاجم خان بارکیرینه
 بیندی . علی العجلہ آسترآبادہ کیتدی . اوز بک شهزادہلرینی

عودتہ اقناع ایچون الندن کلنی یادی . فقط اونلر بعض تورکمن
 عشرتلرینک وعد ایتیش اولدقاری بویوک معاونتلره وودنهرک
 فکرلرندہ اصرار ایتدیلر . حتی بوتشبتک نہ نتیجہ ویرہ جکی
 آکلاشینجہ یہ قدر یانلرندہ قالمایہ حاجم خانی بیلہ قاندردیلر .
 استرآباددن یولہ حیقہرق قوران داغلرینہ دوغرو کیتدیلر .
 تیکہ و یاموت تورکمن عشرتلری بوداغلر جوارندہ ساکن
 ایدیلر . بونلر وقتیلہ حاجم خانک برادری محمود سلطانک تبعہ سی
 ایدیلر . اوز بک شہزادہ لرینہ بش یوز کشیلک برقوہ معاونہ
 ویردیلر . صوکرہ ، تمامیلہ خالی اولان مانقیشلاق اراضیسندن
 کچدیلر . بوقطعہنک تورکمنلری برطرفدن مانقاتلر یاخود
 قارہ قالپاقلرلہ دیگر طرفدن ایرصاری عشرتنہ منسوب
 تورکمنلرلہ حا حربدہ بولوندقلرندن دولای غوردیش دیاریلہ
 ہم حدود اولان اوردا قونوق الیکاسنہ چکیلیمکہ مجبور
 اولمشلردی . اوز بک شہزادہ لری مانقیشلاقدن ایرصاری
 عشرتی اراضیسنہ کیتدیلر . بونلر وقتیلہ تیمور سلطانک
 وبابا سلطانک پدری اولان برادری پولاد سلطانک تحت تابعیتندہ
 بولونمشلردی . بونک ایچون بش آلتی یوز کشیلک برقوہ
 معاونہ ویردیلر . نہایت یدشکایہ واصل اولدیلر . بورادہ حاجم
 سلطان ایلہ ایکی اوغلی اورکنج طریقنی وبابا سلطان ایلہ ایکی
 برادری خوق یولنی طوتدیلر . بونلرک مواصاتی دویولونجہ
 اورکنج والیسی صاری اوغلان حصارہ چکیلدی . فقط

حاجم سلطان کیجہ این طوپراق آلتدن بریول قازدی رارق
 حصاری الہ کچردی، والی بی یانندہ کی قرق کشی ایلہ برلکدہ
 اولدیرتدی . بومظفریتدن صوکرہ بوتون تیکہ و یاموت
 تورکمنلری برچوق غنائم ایلہ یرلرینہ دوندیلر . خان ایلہ
 اوغلارینی اورکنجده عادتاً یاپہ یالکیز براقدیلر . دیگر طرفدن
 بابا سلطان خیوق پیشکاهنہ واصل اولونجه بوشهرده اقامت
 ایدن سارتلر کندیسنہ قاپیلری آچدیلر . بابا سلطان دہ والی
 منکلیشی بی معیتندہ کی آلتش کشی ایلہ برلکدہ اولدیرتدی .
 بونک اوزرینہ هزاراسب وکات والیلری بویوک بخارایہ دوغرو
 قاچدیلر . بابا سلطان ایرصاری تورکمنلرینک کافہ سنی صاوارق
 یانندہ آنجق اون بش کشی آلیقویدی . برادری پهلوان
 قولی ایلہ برلکدہ هزاراسبہ کیتدی . یوز الی سوارای ایلہ
 برلکدہ شہرہ دوغرو دوت نعلہ ایلریلہ ین ایکی ضابطہ بردن
 برہ میدانہ چیقدیلر . بابا سلطان شہرک قاپیلرینی قاپامق لزومنی
 حس ایتدی . فقط بونی علی العجلہ اجرایہ موفق اولامادی .
 ضابطلردن بری ممانعت ایتک اوزرہ یانہ یاقلاشدی . اہالیدن
 بعضیلری دہ قوشوب کلش اولدقلرندن سواریلر چکیلمکہ مجبور
 اولدیلر . خیوقک عساکر محافظہ دن خالی اولدیغنی آکلا نیجہ
 اوطرفہ دوندیلر . ایرتہ سی کونی اوکلہ اوزری شہرک اوکنہ
 مواصلت ایتدیلر . اوضہ یرادہ حمزہ میدانده کزینوردی .
 اقشامہ قدر بکلہ دیلر . چونکہ بر مقدار قوہ معاونہ کلہ جکدی .

بر آلتندن بریول قازدیلر. بوسایه ده شهرردن ایچری یه کیردیلر. عسکرلری قیلجدن کچیردیلر. بو سواریلر بخارا خانك حسام قولى قومانداسنده اسفراینی محاصره ایچون سوق ایتدیکی اردونك بر مفرزه سی ایدیلر. حسام قولى یولده بابا سلطانك خبوق شهرینی ضبط ایتدیکنی خبر آلهجه بو مفرزه یی سوق ایتشدی. کندیسى حرکته حاضر لانیوردی. فقط مواصلت ایدوب ده عسکرلرینك شهرى ضبط ایتش اولدیغنی کورنجه اورکنج جهته دوندی.

حاج خانك اوچنچی اوغلی اولان محمد قولى سلطان عموجه زاده سی حمزه نك وفاتی صاقلادی. هزاراسیده بابا سلطانك نزدینه یالکزجه کیدوب التحاق ایتک فیکرنده ایدی. امین اولدیغی بعض چغایلیلرله تورکمنلری واورکنجده کی اوزبکلردن ایکی یوزینی آیردی. بو کوچوک قوت ایله هزاراسبه متوجهاً یوله چیقدی. اورکنج نهری قیدسنى تعقیب ایدیوردی. کوچوک زیلپروق قصبه سی قرینه واصل اولونجه بردن بره اطرافنك حسام قولى عسکرلری طرفندن احاطه ایدیلدیکنی کوردی. حسام قولى محمد قولى سلطانك حیا طوتولماسنى امر ایتشدی. محمد قولى سلطان بوتون قوتلرینی طوپلایه رق دشمن جناحلرندن برینه شدتلی هجوم ایتدی و دشمنلرینك آراسندن کندیه یول آچغه موفق اولدی. مانقاتلر خانى کوچوکک نزدینه التجا ایلدی. بو خانه ابتدا براتفاق تکلیف ایتدیه ده

بخارا خانك هجومى دوشون كۈچۈك بۆتكلىنى قبول ايتدى .
 ھەر دورلو اندىشەدن قور تولق فېكرىلە محمد قولى سلطانى توقىف .
 ايتدىرەك روسلر كۈنە كۈندردى . محمد قولى سلطان بىرمدت
 صوكرە اورادە وفات ايتدى .

اوغلنك حسام قولى طرفندن مغلوب ايدىلدىكى خبر
 آلان حاجم خان درحال اوركنىج شېرىنى ترك ايدىرك اوغلى
 عرب محمد سلطايە بىرەن لىكەدە مانقىشلاقە دوغرو قالىدى .
 يولەدە دشمنلر طرفندن دفعات ايلە تعجىز ايدىلدى . بونلرلە
 مصادماتە كىرىشمەكە مجبور اولدى . معيتىدەكى كۈچۈك قوتك
 يارىسندن زيادەسىنى بۆسۈرتلە غائب ايتدى . استرآبادە ، اورادن
 قزویندە ايران شاهنك سرائىنە التجا ايتدى . عبداللە خان
 بالذات كىدەرك ھزاراسب شېرىنى محاصرديە آلدى . شېرى
 ضبط ايتەكەن صوكرە بابا سلطانى اولدىرتدى . صوكرە بويوك
 بخارايە دوندى واورادە ترك حيات ايلدى [۱] .

بۇ وفات خبرى اوزرىنە ايرتەسى سەنە [۲] شەھ عباس
 غلبەلق براردو طوپلايەرق بسطام قىرىندە قراركە تأسىس ايتدى .
 حاجم خان ، پەدى عبداللەھ خەلف اولان عبدالمؤمن خاندن
 بىر قاچ شېر آلەرق اورادە آخىر عەمرىنى راحتجە كچىرمەك .

[۱] تەبار تەقوئە كۈرە طوق لىنى طوق دىنلەن سەنە ۹۰۰۶ .

تارىخىدە .

[۲] ايت لىنى كۈپك سەنە ۹۰۰۶ .

فكريله ماوراءالنهر حدودلرينه كېتمەسنە مساعده وېرمەسى
 ايچون ايران شاهنه رجاده بولوندى. ايران شاهى بولكاموافقت
 ايتدىكى جھتله حاجم خان اوغلى عرب محمد سلطان و طورونى
 اسفنديار سلطان ايله برلاكدە يولە چىقدى . فقط يولى غائب
 ايتدى . مرو شەرى جوارلرنده بولوندىغنى ظن ايدر كن قوران
 داغلى قربنده تەكە توركمنلىرى نژدنده اولدىغنى كوردى .
 نە يايە جغنى تعيندە مشكلاتە اوغرايەرق داغك كولكەسندە
 برآز استراحتە واردى . اورادە ، كندىسنى طانىمش اولان
 ايكي اوز بكدن ، عبدالمؤمنك حكومتە صاحب اولغە كيدر كن
 قتل ايدىلمش اولدىغنى خبر آلدى . حاجم خان على المعجلە اوركنج
 يولنى طوتدى . اورايە سالماً واصل اولدى . كرك اوركنج
 شەرىنى كرك اواسىرى قولايجه الە كچىردى . چونكە عبدالمؤمن
 خانك وفاتندن صوكرە بويوك بخارا ايشلىرى پك قارىشمش
 اولدىغى ايچون خوارزم الكاسنك بوتون شەرلىرى واليسز
 وقوۋ محافظەسز قالمشلردى . حاجم سلطان بو ايكي شەرى
 كندىسنە آلتقويەرق خيوق ايله كاتى اوغلى عرب محمد سلطانە
 وىردى . حفيدى اسفنديار سلطانك [۱] حصەسنە هزاراسب
 شەرى دوشدى . عبدالله خانك بويوك بخاراىە اسير اولەرق
 كوتورەش اولدىغى اوز بكارك كافەسى اوركنجە دوندىلر .
 برآز صوكرە حاجم خانك بويوك اوغلى سيونج محمد سلطان
 [۱] عرب محمد سلطانك بويوك اوغلى .

استانبولی ترك ايله شيروان ولايته كيتدى. اوراده عبدالمؤمنك وفاتى خبرينك تاييد ايدىلدىكى كورونجه بحر حزرده بر سفينه يه يندى. مانقىشلاقه كلدى وحاجم خانك تىكرار تاسسندن اوچ سنه صوكره اوركنجه مواصلت ايلدى. پدرى اوركنج و اواسير شهرلرني اوكا براقدى. خانلق موقعنى اوكا ترك ايتدى، اوغلى عرب محمد سلطانك نردينه خيوته چكىلدى.

سيونج محمد خان اوزون مدت تحتنده قالمادى. اوركنجه عودتندن بر سنه صوكره وفات ايتدى. يرينه كچن اوغلى عبدالله سلطان پدرندن بر سنه صوكره ترك حيات ايلدى. صوكره، حاجم خان سكسان بر ياشنده اولديغى حالده ارتحال ايتدى [۱]. ينكىفسون ۱۵۵۸ تاريخنده چارك نامه لرني حاجم خانه [۲] تقديم ايتمىدر. ۱۵۹۵ تاريخنده بو اوز بىكار چار ته ئودوره دوستاغنى رجا ايچون سفيرلر كوندرمىشلىردىر.

حاجم خانك وفاتندن صوكره اوغلى عرب محمد يرينه كچدى. بو حاكمدار كات شهرينى ده اوغلى اسفنديار سلطانك اراضيسنه الحاق ايلدى وتكميل وقتنى دولت ايشلرينه حصر ايلدى. فقط آلتى آي صوكره، ياز موسمنى كنديسنه تابع اكابر ايله

[۱] عجزتك ۱۰۱۱ نجى سنه سنده. تاتار تقويمه كوره پارس

يعنى قاپلان سنه سنده.

[۲] ينكىفسون بوكا عازم خان دييور. سليزور حصارنده

اقامت ايتدىكى سوبليور.

سنة

۱۰۶۳

ينكىفسون
آنالروسين

برلکده آمو نهری ساحلارنده کچیرمک اوزره یوله چیقنجه ،
 یازین اورکنج شهرنده عسکر قالمادیغنی خبر آلان یاییق قازاقلری
 بیک کشی ایله اورایه کلدیله . اهلینک بیکدن فضلہ سنی
 اولدیردکن صوکره بیک آرابه دن زیاده غنائم آلدیلر ،
 کوتوره مدکارینه ده آتش ویردیلر . بیک قادین یاخود قیز اسیر
 آله رق کری دوندیله . بو آقیندن وقتنده خبردار اولان عرب
 محمد خان بربوغازده کندیلرینی بکله دی . اوراده او قدر کوزل
 تحصن ایتدی له دشمنلر کچیدی زور لایه مادیلر . بوتون غنائمی
 ترکه مجبور اولدیلر . عرب محمد خان صوکره اونلری دیگر
 برکچیدده علی الغضله باصدی . قازاقلر ایچون بوبوغازی کچمک
 محال اولدی . بو حوالیده نادر اولان صودن محروم قالدقلری
 ایچون کندیلرینی تعذیب ایدن صوسزلغی بر درجه یه قدر تسکین
 حرصیله مقتول دوشن آرقداشلرینک قاتی ایچمکه مجبور اولدیلر .
 سپرلری زور لامق اوزره یایدقلری صوک نومیدانه هجومده
 او قدر شدتلی بر مغلوبیته اوغرا دیلر که ایچلرندن آنجق یوز کشی
 قورتولایلدی . بونلر خسل نهری ساحلارینه واصل اولدیلر .
 مملکتلرینه دونمک فرصته انتظاراً اوراده کوچوک برقله
 یایدیلر . فقط عرب محمد خان بوراده ده کندیلرینه یتیشه رک
 اونلری محو ایتدی . آلتی آی صوکره بیک قالموق خواجه
 قولی دنیلن برکول ایله شیخ عزیز دنیلن برداغ آراسندن
 کچهرک کات شهری طرفلرینه دوغرو خسل نهری بویجه آقینلر

بايديلر . کات ده اھاليدن بر خيليسنى اولدير دکن صو کره
برچوق غنائم واسرا ايله کرى دونديلر . عرب محمد خان
بونلرک اوزرينه يورودى . کنديلرينى اوقدر شدته تعقيب
ايتدى که آلدقلى بوتون غنيمت واسيرلرى براقه رق بيک
زحمتله قاچه بيلديلر .

برمدت صو کره ، عرب محمد خانک اداره سندن غير ممنون
اولان نايمانلر ، برکيجه ، ايلبارس خان سلاله سندن شيسران
سلطانى خيوق شهرينه ادخال ايتديلر . مقصدلرين خانى
اولديره رک بونى تخنه چيقارمقدى . فقط عرب محمد خان وقعهدن
خبردار اولونجه شيسران سلطانى اوليرتدى . بوسوء قصد
ترتينک رئيسى بولونان صوفى ميرزا ايسه کندى برادري
بابا ميرزا طرفندن قتل ايديلدى . ايکى سنه صو کره ساش ميرزا
معيتنده يکرمى اغور اولدينى حالده اور کنجدن حر کتله سمرقنده
کيتدى . آبولاقک اوغلى حسن قولى خان سلاله سندن صالح سلطانى
خان اعلان ايتک فکريله اور کنجه کتيردى . عرب محمد خان بو
شهرزاده يى ده قتل ايتديردى . فقط بوسوء قصده اشتراک ايتمش اولانلرک
آراشديرلما سنه مساعدده ايتمدى . انتقامى اللهه حواله ايتديکنى
سويليوردى . بوسوء قصده حسن نيتله اشتراک ايتمش اولماسى
محتمل اولان بر طاقه معصوملرک فنا بر آدم يوزندن جزايه
اوغرامالرينى ايسته ميوردى . شيسران سلطان سوء قصدينک
مرتجى اولان صوفى ميرزايى ده عيى معامله يه مبنى قتل ايتدير .

مهمه مش اولدیغنی علاوهً بیان ایدیوردی . قاردشی بابا میرزا
اونی یاشامغه غیر لایق کوروبده اولدورمه مش اولسه ایدی
صوفی میرزاده آلآن حیاته بولونه جقدی . ایغورلر عشیرتی ساش
سلطانن انتقام آلمق ایسته مزلر سه عرب محمد خان اوکاده بر
جزا تعیین اتمه یه جکنی اعلان ایدیوردی . اون سنه صو کره
بیک قالموق عرب محمد خانک اراضیه نه باقیرغانک دیکر طرفندن
ایکنجی بر آقین یابدیلر . بر چوق کویلری خراب ایتدیلر
وعظیم غنائم آلدیلر .

عرب محمد خان [۱] اون درت سنه سکون ایچنده حکمران
اولدقدن صو کره بر خیلی کنج اوزبک خیوقده اوغللری حبش
سلطان ایله ایلبارس سلطانک نزدنده طوپلانه رق اونلری پدر -
تترینک خانی صفیه اور کنجه برابرجه کیمکه تشویق ایتدیلر .

[۱] عرب محمد خانک یدی اوغلی واردی : ۱ — اسفندیار
سلطان ، ۲ — حبش ، ۳ — ایلبارس ، ۴ — ابوالغازی بهادر ،
۵ — شریف محمد ، ۶ — خوارزم خان سلطان ، ۷ — آوغان .
اسفندیار سلطانک والده یی عرب محمد خانک یقین اقرباسندن ایدی .
حبش — سلطان ایله ایلبارس سلطان نایمانلر عشیرته منسوب عینی
والده دن تولد ایشلردی . ابوالغازی بهادر سلطانک والده سنک اسمی
میربانوش خانم ایدی . وسان غازی سلطان ابن شیرغازی سلطان ابن
سلطان غازی ابن ایلبارس خانک کریمه سی ایدی . شریف محمد سلطان
ایله خوارزم سلطان عن اصل ایرانی وهرات الکاسنده زشت شهرنده
خواجه مودود عائله نه منسوب بر والده دن دنیا یه ککشلردی . آوغان
سلطانک والده یی یادکار خان نسلندن ایدی .

بو شهزاده لرك بويوكى او زمان اون آلتى ، كوچوكى اون دوت
 ياشنده ايدى . بو مقصدله پيشكا الكاسنده ، اور كنجدن بر
 كونلك مسافه ده بر چشمه يه قدر كلديلر . بوراده اون كون
 دورديلر . عرب محمد خان كنديلرينه اواسير شهرينى ويرمك
 تكليف ايدىيور وياننه گللىرى ايچون امر ويرىيوردى .
 بابالرينك امرينه اطاعت اتمه يهرك تكميل آدملرينك طوپلانما
 لرينى بكه ديلر . عرب محمد خان ايچون ، اوزبكلكر جوجوقلرينه
 التحاق اتمه لرينه مانع اوله رق بو قاريشيقلنى تسكين اتمك پك
 قولاي ايدى . هر كس كنديسندن قورقديغى جهته تبعه سندن
 هيچ برى اوامرى خلافنده حركت ايدمه يه جكدى . فقط بو
 اغتشاشى تسكين ايچون ايجاب ايدن هيچ بر تدبيرى اتخاذه
 اتمدى . ايكي شهزاده كنديلرينى تجاوزى حر كته قالقه بيله جك
 قدر قوى تلقى ايتدكلرى زمان خوراسان داخلنه بر آقبن
 ياپديلر . اورادن ، پيشكا چشمه سنده كى قرارگاهلرينه برچوق
 غنائم ايله عودت ايله ديلر . خان ياننه گللىرى ايچون كنديلرينه
 ايكنجى دفعه تبليغاتده بولوندى . كوندردىكى آدم ، داروغان
 الكاسيله باقىرغان آراسنده ساكن اولان بوتون اوزبكلكر
 ايكي شهزاده يه التحاق ايتدكلرينى وشهزاده لرك كيدوب پدرلرينى
 كورملرينه لزوم اولماديغى فكرنده بولوندىقلرينى خبر ويردى .
 عرب محمد خان ، خالقك فكرينى آكلامش اولان بو آدمك
 ويردىكى نصيحت اوزرينه على العجله خيوقه چكىلدى وشهزاده لر

عجملرک اراضيسنه بعض آقینلر یاپدقدن صوکره کلوب پدرلرینک بوتون دبویلرینی ضبط ایتدیلر و غایت عظیم مقدارده حبوبات بولهرق بونلری عسکرلرینه داغیتدیلر . ذخیره نك بو مبذولیتی کوچوک مودقان قصبه سندن باقیرغان اوتهلرینه وقویغان الکاسنه قدر اولان یرلرده ساکن اهالینک هپ بغدادی زرع ایتمهلرندن و بو طرفلرده غایت واسع اراضی یه صاحب بولونان عرب محمد خانک طوق شهری آرقه سنده خسل نهرینه جدول قازدیرمش اولماسندن ایلری کلیوردی . کرک بو قانال کرک بوکا آچیلان دهاسائر کوچوک قاناللر واسطه سیله اراضی قولایجه اسقا ایدیلوردی . نهایت ، خان ایکی شهزاده نك طرفدارلرینک کوندن کونه آرتدیغنی کوره رک اونلره اواسیر شهرینی بوتون تورکمنلری ایله برابر ترک ایتمک صورتیله اوزلاشماق طریقنی اختیار ایلدی . بو معاهده دن صوکره ایکی شهزاده معیتلرندمه دوت بیک کشی ایله پدرلرینی سلاملامق اوزره خیوقه کلدیله . ایلبارس سلطان هنوز فکر عصیانی ذهنتدن تمامیه چیقارمش دکلدی . دوت سنه صوکره ، یاورسوردی شهرینی محاصره یه کیتمک بهانه سیله عسکر طوپلادیغنی کورولدی . اصل مقصدی خیوق شهرینی اله کچیرمکدی . یولده عرب محمد خانک اورکنجه متوجه آخرکت ایتدیکنی خبر آلتجه درحال او طرفه دونه رک اورکنجی ضبط ایتدی . خان درحال خیوقه عودت ایلدی . اوغلی مواصلتنی ایشیدنجه بورادن چیقار امیدنده ایدی . فقط

خیوق قربنده شاسکان اسمنده کوچوک بر کویده توقف
ایتدیکی زمان ایلبارس سلطان کزیده سواریلرندن بش یوز
کشی یی یوللادی . بونلر کیجه لین عرب محمد خانی اسپر
ایدرك خیوقه کوتوردیلر . ایلبارس سلطان باباسنك بوتون
پارده سی و باباسیله برابر طوتولمش اولان اکبرك بوتون اموالی
کندی عسکرلرینه داغیتدی .

اورکنجده بولنان ابوالغازی سلطان ایله شریف محمد
سلطان بو وقعہ یی خبر آنجه درحال ایلبارس سلطان ایله حربہ
کیریشمه قرار ویردیلر . حبش سلطان بیله بو سفرده کندیلرینه
رفاقت تکلیفنده بولوندی . معیتلرنده بولونان اکبردن بعضیلری
اونلری بوفکرلرندن وازچیردیلر . بونلر، قاردهشلی کندیسی
پک صیقیشدیراجق اولورلرسه ایلبارسك، باباسی عرب محمد خانی
اولدیرتمه سندن قورقورلردی . حالبوکه هجومه اوغرامازسه
باباسنك النده کی شیلری آله رقاونی سربست براقه جنی امیدنده ایدیلر .
فی الحقیقه بر آرزو کره بوتخمینلری دوغرو چیقدی . خان اورکنجه
عودت ایدرا تیز ایلبارس سلطاننی اله کچیرمك ایچون اوغلی اسفندیار
سلطان و سائرلریله برابر لازم کلن تدابیری اتخاذ ایتدی .
فقط ایش ایجابی درجه سنده کیزلنه مدی . ایلبارس سلطان
بش آلتی کشی ایله چوله قاجق امکای بولدی . کندیسنه
تابع اولان یرلر تخریب ایدیلدی ، تبعه سی باشقه طرفلره
نقل اولوندی . بو سفردن صوکره ابوالغازی سلطان اورکنجده

پدرينك نذرینه كيتدی ، عاصی ایله طرفدارلرینی اولدیرتەرك
 بو عصیاننی تماماً سوندیرمکی تەكلیف ایتدی . ابتدا اواسیره
 كیدهرك حبش سلطانی اولدیرتمك ایسته یوردی . چونكه حبش
 سلطان ایلبارس سلطان ایله كیزی مناسباتنی ادامه ایدیوردی .
 اورادن ایلبارس سلطان اوزرینه یورویه جكدی . یدی اوغلی
 اولوبده دائمی صورتده بونلرك تشبثات جانیانه لرینه معروض
 قالمقدن ایسه مطیع و صادق بش اوغلی اولماسی دها ایی
 بولوندیغنی آ کلاتیوردی . عرب محمد خان بابا ایدی . یعنی ،
 ایکی اوغلی ، اولادلق وتبعهلق وظیفه سنده قصور ایتمش
 اولمالرینه رغماً ینه اولدیرتمك ایسته میوردی . ابوالغازی سلطان ،
 مجلس مشورتنده برطاقم خائنلر بولوندیغنی پذیرینه خبر ویرهرك
 تەكلیفنده اصرار کوستردی . عرب محمد خان بوفكره
 اشتراك ایتمه مكدە مصر داوراندیغنی جهتله ابوالغازی سلطان
 كیدوب برادری اسفندیار سلطانی بولدی . عینی تەكلیفلری
 اوکاده درمیان ایتدی . اوده بوفكری تصویب ایتدی . هر
 طرفده جاسوسلری بولونان حبش سلطان، و ایلبارس سلطان
 کفیتدن خبر آلدیلر و ابوالغازی بی هیچ عفو ایتدیلر .

برمدت صوکره عرب محمد خان خیوکه ، اسفندیار
 سلطان هزاراسبه عودت ایدنجه حبش سلطان آرتق میدانه
 چیقماق وقتی کلدیکنی ایلبارس سلطانه کیزلیجه اخبار ایتدی .
 ایشته عرب محمد خان اوزمان ابوالغازی سلطانك سوزینی

دیکله مدیکنه ندامت کتیردی. بو خطایی تعمیر ایچون اسفندیار
ایله ابوالغازی سلطان بولاییلکلی قدر عسکر طوپلایه رق
کلوب کنديسته التحاق ایتلری امرینی ویردی. بواشاده
حبش ایله ایلبارس سلطانن ، اولادلرینک عصیاننک مشوق
ومسببی کبی تلقی ایتدیکی اون کشی بی ایسته دی. بونلری
تسلیمدن امتناع کوستره جک اولورلرسه کنديلرینی اولادلقدن
طرد ایده جکنی سویلیوردی. بو تشبث فائده ویرمدی.
سلاحه صار یلق اقتضا ایتدی. عرب محمد خان ، عسکرلرینک
باشنده خیوق قربنده قاندوم کوینه قدر ایلریله دی. اوغللری
اسفندیار ایله ابوالغازی سلطانن اوراده بکله مک فکرنده ایدی.
ابتدا ابوالغازی سلطان یتیشدی. کنديسی معیتنده کی سکنز
یوز کشی ایله چولده کی تورکمنلر نزدینه کیدرکن اسفندیار
سلطانک عسکرلریله برلکده نهرک صاغ ساحلنی تعقیب
ایتمه سنی توصیه ایدیوردی. چولده کی بو تورکمنلرک نصفندن
زیاده سی کنديسنک تبعه سی ایدی. بونلری برلکده حرکته
تشویق ایده جکدی. بونلردن حبش سلطان ایله ایلبارس
سلطانک تبعه سیندن اولوبده کنديسنه التحاقدن امتناع
ایده جکلری ده محو ایله یه جکدی. تورکمنلر مظاهرت کوسترمه یه جک
اولورسه عاصی ایکی شهزاده درت یوزدن فضله عسکر
چیقارامایه جکلری ایچون ابوالغازینک توصیه ایتدیکی بوتدیر
پک الزم کورونیوردی. خان بو فکری رد ایتدی. آرقه ده

قالمش اولان ابوالغازينك عسكرلرينك كنديسنه التحاق
 ايمه لرني ايسته دي. بونلرك هيسي طويلاندقدن صوكره ايكرزي
 قومانى [۱] الكاسنه كيرديلر. ابوالغازى سلطان ايله شريف
 محمد سلطان توركنلر الكاسنه هجوم ايديلمه سي فكرنده
 بولونيورلر ده اونلرك بومطالعهنه اهميت ويريلمه مشدى.
 صوكره قيصه مرحله لرله طاشلى جرمىش دنيلن برقاناله قدر
 ايلريله ديلر. اراضيسنى دها منبت برحاله كيتيرمك ايجون على
 سلطان بوجدولى قازديرتمشدى. بوتون عسكرلرينى طويلامغه
 وقت بولمش اولان ايكي عاصى شهزاده بو نقطه ده بابالرينه
 او قدر شدتلى، او قدر نا كهانى برصورتده هجوم ايتديلر كه
 عرب محمد خانك اردوسى پریشان اولدى، كنديسى ده اسير
 دوشدى. ابوالغازى سلطان بومحاربه ده غايت پارلاق آثار
 شجاعت كوستردى. دشمن صفلى آراسنه او قدر صوقولدى كه
 آز قالدى اسير دوشه جكدى. فقط كندى آدملرندن آلتى
 كشى يتيشه رك اطرافنى صارمش اولان قرق دشمنك الندن
 اونى قورتارديلر. آغزبنه براوق اصابت ايتدى. سالماً قاچه.
 بيلدى. مع مافيه ينه يكي تهلكه لره معروض قالدى. نهايت،
 بويوك بخاراده حكمران اولان امام قولى خان [۲] زدينه

تاناارلرك تاريخ
 عمومى ييسى

[۱] ايكرزي قومانى، خيوق الكاسنك غربنده، خسل نهريك
 جنوب ساحلنده كوچوك برخوارزم ولايتيدر.

[۲] امام قولى خان ابن يار محمد سلطان ابن مانقىشلاق سلطان

چکیدی. اسفندیار سلطان هزاراسبه کیتی. برادرلری
 شریف محمد سلطان و خوارزم خان سلطان ایله برلکده
 اورایه تحصن ایتدی. ایلبارس ایله حبش سلطان کیدوب کندیلرینی
 محاصره یه آلدیلر. فقط قرق کون محاصره دن صو کره صلح
 یاپدیلر. اسفندیار سلطان، مکیه حجه کیتمک بهانه سیله ایران
 شاهنک نزدینه التجا ایتدی. شریف سلطان هزاراسب
 شهرینی محافظه ایتدی ایسه ده آنجق درت آی قاله رق صو کره
 بویوک بخارا قطعه سنه برادرلی ابوالغازی سلطانک یانه کیتی.
 اونک عزیمتی نتیجه سنده حبش سلطان ایله ایلبارس سلطان پدرلرینک
 بوتون الکاسنه صاحب قالدیلر و ممالکی آرا لرنده تقسیم ایتدیلر.
 اورکنج و اواسیر شهرلریله ملحقاتی حبش سلطانه، خیوق
 و هزاراسب شهرلری ده ایلبارس سلطانک حصه سنه اصابت
 ایتدی. عرب محمد خانه کوچوک قوم قلعه [۱] قصبه سنی
 تخصیص ایتدیلر. اوچ زوجه سی و کوچوک ایکی اوغلی ایله
 بوراده اقامت ایده جکدی. ایرته سی سنه ایلبارس سلطان
 پدری ایله برادرلی خوارزم خان سلطانی اولدیرته رک [۲]
 خیانت و جنایتک صوک درکه سنه دوشدی و برادرلی آوغان

ابن صاراق سلطان ابن محمد خان، ابن تیمور سلطان ابن تیمور قوتلوق
 اوغلان، ابن تیمور بك اوغلان، ابن قوتلوق تیمور اوغلان ابن تومغان
 ابن آباء، ابن عوض تیمور ابن توغای تیمور ابن توشی خان ابن جنکیزخان.
 [۱] قوم قلعه او آسیرک شمالنده کوچوک بر قصبه در.

[۲] ۱۰۳۱ تاریخ هجریسنده. تاتار تقویمنه کوره ایت سنه سنده.

سلطانی حبش سلطانك خبری اولمقسزین كندی نردینه
كوندردی . برادرینك ده كندیسی كبی حرکت ایدرك آوغان
سلطانی اولدی رته جكنی ظن ایدیوردی . فقط حبش سلطان
الی قاردش قاننه بولاشدیرمق ایسته مدیكندن آوغانی روسیه یه
كوتورمكه اکتفا ایتدی . آوغان مؤخرأ روسیه ده
وفات اتمشدر .

عرب محمد خاك وفات خبری انتشار ایدنجه ایران شاهی ،
اسفندیار سلطانی پدرینك تختنه چیقارمق ایچون كندیسنه
اوج یوز كزیده عسکر ویردی . اسفندیار سلطانه تکه
عشیرتندن یتمش تورکمن ، یاموت عشیرتندن ده یوز تورکمن
التحاق ایلدیلر . بو کوچوك قوه عسکریه ایله طوق شهرینه دوغرو
يورودى . حبش سلطان بوجوارده قرارگاه قورمشدى .
اسفندیار سلطان واصل اولدیغی زمان حبش سلطان كندی
معیتی اکابرندن برینك ضیافتنده ایدی . بورو سسی اوزرینه
جوارده دشمن بولوندیغنه حکم ایتدی . چونکه باشقه بر
سیدن دولای بورو چالماسی ممنوع ایدی . درحال انه
بربار کبر کچیرهرك برادرى ایلبارس - سلطانك نردینه التجا ایتدی .
عرب محمد خاك خاطره سنه الآن برحس حرمت بسله ینلرله
وقتیله ابوالغازی سلطانك وشریف محمد سلطانك تبعه سی
اولانلر اسفندیار سلطانه التحاق ایتدیلر . هر شی اسفندیار
سلطانك موفق اولاجغنی کوستریوردی . فقط ناصر خواجه

نامنده برينك شيطنتى اونك بوتون تصوراتى برباد ايتدى .
 باقىرغان الكاسنده ساجى داتا نامنده مظنه دن برينك نسلندن
 كلن بو آدم ، دامادى بولونان ايلبارس سلطانه پك زياده
 مربوط ايدى . ايلبارس سلطاني بويله تهلكه ده كورنجه نوميد
 اولماماى ايچون خبر كوندردى . جواردن طويللايه بيله جكي
 قوتلرله ايكي كونه قدر كنديسنه التحاق ايدى جكنى ده
 بيلديريوردى . فى الحقيقه ، على العجله طويلاديغى اللى كشى ايله
 ودها يولده بولديغى سائر قوتلرله كيدوب خسل نهرينك
 كچيدنى طوتدى . اسفنديار سلطانه التحاق ايتك ايسته يه جكلره
 بوصورتله مانع اوليوردى . صوكره النه قرآنى آله رق اسفنديار
 سلطاني تلعين ايتدى ، اوني عجملك مذهبنى قبول ايتمش
 اولمقله اتهام ايدىوردى . كچديكى يرلرده بوتون ار ككلرى
 طوتيور ، قادينلرى وچو جوقلرى اسير آليوردى . تلقيناتى
 خلق اوزرنده او قدر عظيم بر تاثير حصوله كتيردى كه
 بويله مبارك نسلدن كلن ذاتك كنديلرني اغفال ايچون
 قرآنى وسائر بالمله مقدساتى سوء استعمال ايدى بيله جكنه
 احتمال ويرمدكلرندن اسفنديار سلطانه التحاق مقصدينى ترك
 ايله بر قسمى حبش سلطان ايله ايلبارس سلطانه التحاق ايتديلر .
 بر قسمى ده بو حربه هيچ اشتراك ايتمه مكى مناسب كورديلر .
 بوصورتله ايلبارس سلطان وحبش سلطان اسفنديار سلطانه
 قارشى يورويه بيله جك حاله كلديلر واوونى شدتلى بر مصادمه ده

مغلوب ايتدكدن صوكره ماقيشلاق طرفلرينه چكيلمكه
مجبور ايلديلر . فقط ، ايكي شهزاده نك اداره سندن بيقمغه
باشلامش اولان برچوق اوز بكلرله اوچ بيك توركن اسفنديار
سلطانہ التيق ايتدكلى ايچون اسفنديار سلطان تكرر
كلدى ، قاردشلىنه بويوك برغلبه چالدى . اسير دوشن ايلبارس
سلطان اسفنديار سلطانك امرى اوزرينه درحال اولدى .
حبش سلطان سیر نهري ساحلارنده اقامت ايدن مانقاتلر
نزدينه التجا ايلديسهده اوراده كنديسنى تحت امنيتده
كورمديكندن دها ايچريده عيني ملتدن شارنيق ميرزا نامنده ،
يه ما نهري ساحلارنده مقيم بررئيسك ياننه كيتدى . وقتيله
مانقات اسيرلرني اعاده ايتمش اولديغى ايچون بوندن دولاي
اوراده يارديم كوره جكنى اميد ايدىوردى . فقط شارنيق
ميرزا اونك اخلاقسزلغنه قارشى نفرت بسلمه ديكي جهتله
كنديسنى توقيف ايتدىردى ، اسفنديار سلطانہ كوندردى .
اوده حبش سلطاني اولدىرتدى . بونك اوزرينه بوشهزاده
عموم طرفندن خان اوله رق قبول ايدىلدى [۱] . شهزاده لر
بابالرينك ممالكنى آرالرنده پايلاشديلر . اسفنديار خان خيوق ،
هزاراسب ، كات شهرلرني ؛ ابوالغازى سلطان اوركنج
شهرى ايله ملحقانى ؛ شريف محمد سلطان اواسيرى آلدى .

[۱] ۱۰۳۲ تاريخ هجرىسنده . تانار تقويمه كوره تونغوز يغنى

ايرتەسى سەنە اسفنديار خانك معيتى اكابرينك كافەسى صوك
 بهارده كنديسنك نەزدينە عزيمتله عرض تعظيمات ايتديلر .
 اوزمان آنجق اون دوقوز ياشنده بولونان ابوالغازى سلطانده
 برادرينك نەزدينە كىتمەكە حاضرلاندى . فقط يوله چىقمادن
 اول شريف محمد سلطان ايله اونك تبعەسندن واكابر ملتدن
 اوچ رئيسى دعوت ايله بونلر مواجهەسندە كنديسەنە خانە
 قارشى برحس خصومتى اولوب اولماديغنى صوردى . شريف محمد
 سلطان هيچ برحس خصومت بسلمەديكنى سويلەنجە ابوالغازى
 نە كنديسنك نە ياننده كيلرك كنديلرينە توديع ايدەجكى سىرى فاش
 اتمەيە جكلرينە دائىم اين ايتملرينى طلب ايلدى . صو كره ، اسفنديار خانك
 برسەنەدن برى توركمەنلرى نەزندنە دولايى آليقويدىغنى
 آكلاياماديغنى ، احتمالكە مقصدى دائما ايلبارس سلطان
 طرفنى التزام ايتدكلرندن دولايى خيوقة تابع اوز بكلرى
 قتل ايتديرەرك انتقام آلق اولديغنى ، اكر بويلە برشى
 وار ايسە خيوقة مواصلت ايتدكلرى زمان كنديلرندن امداد
 ايستەيەجكنى ، بناءً عليه ياپيله جق اك اي حركتك اسفنديار
 خانك سراينە كىتمەمكن عبارت بولونديغنى ، بوصورتله
 اونكده بلكە فكردن واز كچەجكنى سويلەدى . اكر كىتمەكە
 قرار وىرمشلسە كنديسى يولده راستكلەجكى بوتون توركمەنلرى
 اولديرمك ، صو كرده بويندە ايپ ايله اسفنديار سلطانك
 حضورينە چيقوب عفو ايستەمك فكردنە اولديغنى علاوه

آكلاتى . بوحر كتنه سبب اوله رقده تور كمنلرك دائماً
 حيله كارانه حر كت ايتدكلرينى ومن القديم باعث شكائت
 تجاوزانده بولوندىقلرينى ايلدى سوره جكدى . ذاتاً بر كره
 بو ايش وقوعه كلدېكى اچون آرتق تعميرى ده قابل اولمادىغنى
 سويله يه جك وهر اميرنى قبوله مهيا اولديغنى بيان ايله يه جك
 ايدى . بوفكرى تصويب ايمه ين شريف محمد سلطان دها
 شدتلى بر تكليفده بولوندى . بوده اسفنديار خانى قتل ايدەرك
 يرينه ابوالغازى سلطانى تخته چيقارمقدن عبارتدى . ابوالغازينك
 معيتى اركاندن برى مستثنا اولمق اوزره هپسى بوتكلىفى
 تصويب ايتديلر . بوكا ممانعت ايدن آدم بوايشده دها ايلرى يه
 كيدە جك اولورسه خانه خبر ويره جكنى سويله يهرك تهديدده
 بولوندى . بوندن دولاي باشقه تدبيرلر اتخازينه مجبور اولديلر .
 خيوقه كيتديلر . اوراده اوچ كون قالدیلر . حر كته حاضر لاندقلىرى
 صيراده اسفنديار خان ابوالغازى سلطانى توقيف ايتيردى .
 خيوقه بولونان بوتون ايغورلرله نايمنلرى اولديرتدى و
 بو ايكي عشيرتدن بش يوز كشى بومناسبتله ترك حيات ايتديلر .
 آرالرنده بعض اوز بكلرده واردى . خان بو ايكي عشيرتى تماماً
 احيا ايتمكه قرار و ير مش اولديغنى اچون خيوق جوارنده كى
 قرارگاهلرينه بر مقدار عسكر سوق ايتدى . فقط بونى اجرايه
 مأمور اولانلر هزاراسبدن آمونهرينك ساحلنده بر كائن قلعه يه

[۱۱] قدر اولان محله ساکن بوتون اوز بکارده امری
تشمیل ایتدیلر . بشیکده کی چوققلره بیلر آجیادیلر .

اسفندیار خان حدتک بو مدهش آثارینی حس ایتدیرمکه
قانه مادیغی ایچون شریف محمد سلطانی اورکنجه تابع بوتون
ایغورلرله نایمانلری قتل ایتک امریله اورکنجه کوندردی .
قاردهش لرینک باشنه کلن عاقبتی دویمش اولان بو ایغورلرله
نایمانلر خانک آرزوسنه ممانعت ایچون لازم کلن تدابیری اتخاذ
ایتدیلر ، بویوک بخارا قطعه سینه یاخود یرلشه بیلر جکلی
باشقه بر محله چکیمه لرینه مساعده ایدیلر سه جانلرینی پک
بهالی صاته جقلرینی مقام تهدیده آکلاتدیلر . مع مافیله ، خان
کندیلرینی یرلرنده راحت براقیرسه ابو الغازی سلطانی خانک

[۱۲] آمو نهری ساحلنده طاشدن یاپیش غایت یوکسک برقلعه
کورولور . بونک جوارنده قارا ایغور توقایلر دنیلن برایغور شعبه سی
اقامت ایدر . آمو نهری بواغور شعبه سی قرارگاه قریبنده ایکی قوله
آیریلیر . بری قلعه نک اوکندن کچر . بوکا توقای دیرلر . دها بویوک
اولان دیکر قول برمدتن بری اسکی مجراسنی ترک ایتش اولدیغندن
کنیش برقانال ایله طوق شهر قریبنده خسل نهری نه منصب اولور .
بوخول مجرا اورکنجه شهرینه چوق ضرر ویرمشر . شهرک ایچندن
کچن اسکی آمو قانالی بو یوزدن قورویله بری اورکنجه برخرابه زاره
دوئمشر . مع مافیله خان قیشلری حالا اوراده اقامت ایدیور . بهار
کلنجه تبعه سنک قسم اعظمیله برلنکده آمو ساحل لرینه کیدر . تبعه سنک
کافه سنک او طرفلرده اراضیلری واردر . صوک بهارنه اتنده خان
تکرار اورکنجه کلیر .

اك شىتلى طرفدارلاردىن محمد ساين بىكى آرالرىنى قىبول ايدىرىك
اونلارك تىحت نظارتىدە ياشامىنى قىبول ايدىرىك بىكى بىيان
ايلپورلاردى. شىريف محمد سلطان بو تىكلىقاتى خانە بىلدىردى .
اسفندىار خان درحال ابو الغازى ايله محمد ساين بىكى بو اوز بىكلر
زىدىنە كوندردى . بوتون حرىكتلىرىنى تىحت نظارتىدە طوتمىق
امرىنى وىردى . ابو الغازى سلطان طوق جوارىدە خىسل
نەرى ساحلارنىدە ، هىچ اوز بك قراركاھى اولمايان بر مىلدە
ىرلىشىدى وبوراسنى تىحكىم ايتىدردى . بر آاز صوكرە شىريف
محمد سلطان ايله محمد ساين بك دە يانە كىلدىر . چوق كچمەدن ،
خىسل نەرىنىك قارشى ساحلنىدە قراركاھلىرى بولونان بعض
اوز بىكلر كاوب ابو الغازى بى بولدىر و كىندىسە كىزىدە بىك
عسكر تىكلىف ايتدىر . مقصدلىرى كىدوب اسفندىار خانە
هجوم ايتىمكىدى . ابتدا محمد ساين بىكى وشىريف محمد سىلطانى
ترك ايتىد كىن صوكرە اونك خىدمىتە كىرەش اولان سىكسان تور كىنى
على الغفله باصمىق ، صوكرە قاردىلارنىك قىتلنىك فاعل مىستقى
كى تلىقى ايتىدكارى سائر بوتون تور كىنلىرى اولدىرمىك ،
نەيت كىدوب قىش ائناسىندە خىوق شىرىنى محاصىرىدە آلىق
فىكرىدە ايدىر . اورادەدە خىوقە تابع بوتون تور كىنلىرى
اله كچىرە جىكلاردى . ابو الغازى سلطان بو تصور كى موقع اجرايه
وضعنى بك مىشكىل كوردى . چونكى مىتقىظ بولونان بوسىكسان
تور كىن اوز بىكلارك تصور ائىدىن دىكر تور كىنلىرى خىردار

ایده جککردی و بوتون اشیا لریله برابر چکیله جککردی. سوکره،
 کندیلری خوق محاصره سی ایله مشغول اولدقلری صیراده
 قالموقه کله رك قادینلری، چو جوقلری نی اسیر آلا جقلر و اقامتگاهلری
 آتسه ویره جککردی. بونك ایچون محمد ساین بکه و سکسان
 تورکمنه دوستانه معامله کوستره رك آلداتمق واسفندیار خانی
 مستریح بر صورتده یاشاتمق طریقنی مناسب کوردی. شریف
 محمد سلطان قیش موسمنی خوقده اسفندیار خان نزدنده
 کچیردیکی صیراده نهرک اوتیه طرفنده بولونان اوزبکلر قالموقلرک
 تجاوزاتنه قارشى مدافعه ایچون سپرلر یاپه جقلردی. بهار کلنجه
 قالموقلرک آقین یاپدقلری روایتی اورتیه چیقاریله جق، اونلره
 قارشى یورومک بهانه سیله علی العجله بوتون عسکرلر طوپلانه جق ودر-
 حال خوق اوزرینه یورونه رك اوراده کی تورکمنلر اسیرایدیله جمکدی.
 اوز بکلر بو تصوری قبول ایتدیله. کیفیتدن خبردار اولان
 محمد ساین بك کیجه حلول ایدنجه تورکمنلریله برابر چکیلدی.
 آرتق هیچ بر شی صاقلانما یهرق خوق اوزرینه یورومک
 حاضرلاندیلر. ابوالغازی سلطان بوکا مخالفدی. تورکمنلرک
 نه دن دولایى کیتدکلری نی اسفندیار سلطان قارشى بیلمه یور کی
 داورانمق فکرنده ایدی. خوق اوزرینه یورودیلر. شيقا [۱]

[۱] شيقا، طوق اراضی سنک شرقنده، ایکزی قومانى الکاسنک
 غربنده، خسل شهرینک جنوب ساحلنده کوچوک بر خوارزم
 ولایتیدر.

الکاسنده طاش کو پروکده قرارگاه قوردیلر . بوراده بعض
 تورکمنلری اولدیردیلر . فقط قالموقلر اوز بک قرارگاهندن
 بر قسمنه باصقین یا پنجه اوز بکلرک قسم اعظمی داغیلدی .
 اوز بکلرک بو عصیانی خبر آلیئر آلمانز ابوالشان داغیله
 مانقیشلاق طرفلرنده ساکن اولان تورکمنلر خیوقده اسفندیار
 خانه التحاق ایتدیلر . خان سفره چیقدی . اوز بکلر مغلوب
 اولدیلر . ابوالغازی سلطان سپرلره چکیلدی . اوراده
 طرفدارلرندن بش یوز کشی بی بولدی . بونلر فراره
 حاضر لانیورلردی . بونلری دوردیردی ، هپسنی آتلرندن
 اینمکه اجبار ایتدی . بار کیرلرک اکرلرینی چیقارتدقدن صوکره
 هپسنی بر برینه باغلادتدی . بوصورتله اوز بکلردن فرار امیدینی بوتون
 بوتون چیقارمق ایسته یوردی . ابوالغازی سلطان دشمنه کمال
 متانتله منتظر اولدی . اسفندیار خان هجومه کلنجه ، ابوالغازی
 بش یوز پیاده ایله کندیسنی یقینده بر نقطه یه چکیلمکه مجبور
 ایتدی . اوراده بر قاچ کون قالدقدن صوکره بر صورت
 آسویه بولدیلر . هر ایکی طرفده معناد اولان اقامتگاهلرینه
 چکیلمکه حاضر لاندی . اسفندیار بومقاروله یه دشمنلرینی آچیق
 صحرا یه جلب ایتک ایچون موافقت کوسترمشدی . بوندن
 خبردار اولمایان تورکمنلر ، شاناقا تعبیر اولونان سارتلر طرفندن
 مسکون بر قصبه یه هجومه کیتدکلرندن ابوالغازی سلطان بو
 فرصتدن استفاده ایله سپرلردن چیقدی . بش بیک کشی ایله

کندیسی تعقیب ایدن اسفندیار خان ابوالغازی سلطان طوتمغه موفق اولامادی . ابوالغازی سلطان دشمنی کورور کورمز علی العجله آراهه لرندن بر سپر وجوده کتیردی ، او قدر شدت و موفقیت ایله مدافعاتده بولوندی که اسفندیار خان سکسان تلفات وایکی بیک مجروح ویرد کدن صوکره یکی بر معاهده یامغه مجبور اولدی . آنجق یکرمی مقتول و یوز مجروح ویرمش اولان ابوالغازی سلطان قاردشی شریف محمد سلطان ایله برلکده کیدوب اورکنجده اقامت ایتدی . وقتیه آمو نهرینک ایکی ساحلنده اقامت ایدن بوتون اوز بکلرده اورایه کیتدیله .

بر مدت صوکره ظهور ایدن بر قویروقلی ییلدیز بوتون بو خلقی دهشت و تلاش ایچنده براقدی . بونلر قویروقلی ییلدیزی بر چوق فلاکت و مصیبتک بر علامتی کبی تلقی وسببینه حکمدارلری آراسنده کی نفاقه حمل ایدیورلردی . اوزبکلر طاقم طاقم ایرلیدیله . کیمیی بویوک بخارا قطعه سینه کیمیی تورکستانه کیتدیله . ابوالغازی سلطان بو قاریشیقلاغه مانع اولامادی . بوتون تبعه سنی الندن آلوب کوتورن سیله کندیسی ده قایلحق مجبوریتنده قالدی . شریف محمد سلطان بویوک بخارایه کیتدی . ابوالغازی سلطان ، قاساجیا اورداده حکمران اولان ایشیم خانک نزدینه چکیلدی . طاشکنده بوتون بو حوالینک صاحب و حاکمی بولونان طورسون خان نزدینه عرض

تہظاہرہ کیدن ایشیم خانہ رفاقت ایلدی . ایشیم ، اوزبکلرک
عائلسنہ ایفا ایتیش اولدقلری خدمتلری نظر اعتبارہ آلہرق
طورسوم خاندن طاشکندہ وطنہ عودت ایدنجه یہ قدر حال
وموقعیلہ متناسب صورتدہ یاشایہ بیلیمہ سی ایچون لازم کلن معاونتہ
بولونماسنی رجایتدی . ایکی سنہ صوکرہ ، ایشیم خان طورسون
خانی اسکی تبعہلری اولان بوتون قاتاغونلرلہ برلکدہ قتل
ایدنجه بو حکمدارلر آراسندہ اوزبکلردہ اولدینی قدر نفاق
اثری کورن ابوالغازی سلطان بویوک بخاریہ امام قولی خان
نزدینہ چکیلدی . چوقکچمہ دن بوکا ندامت ایتدی . امام قولی
خان ابوالغازی سلطانک ابتدا من القدیم دشمنی اولان طورسوم
خان سراینی ترجیح ایتیش اولماسنہ مغیر بولوندیغی ایچون کندیسنی
باردانه قبول ایتدی . ابوالغازی آرتق اسکی مملکتنہ عودت
چاره سندن باشقہ بر شی دوشونمہ مکہ باشلادی . تورکمنلر
ماضی بی اونو تماسنی رجا ایدہ رک کندیسنی دعوت ایدیورلردی .
دیگر طرفدن ، اوزبکلردہ کندیلرینک صداقتنہ اعتماد ایدہ بیلہ
جکی حقندہ تأمینات ویریورلر ، تورکمنلر نزدینہ مواصلت
ایدر ایتمز التحاق ایتکی وعد ایلورلردی . بر آاز صوکرہ
اسفندیار خانک تورکمنلرلہ اولان مناسباتی خبر آلہرق تلاش
واندیشہ یہ دوشدیکی ، ناکہانی بر باصقین قورقوسیلہ هزاراسب
شہرینہ چکیلدیکی دویولدی . ابوالغازی سلطان ، درحال ،
معیتمدہ یالکز بش کشی اولدیغی حالہ دوغروجه خیوقہ

کیتدی . اوراده هر طرفدن کان بر چوق کیمسه لر کندیسنه
 التحاق ایتدی لر . برادری شریف محمد سلطانك اسفندیار خان
 ایله باریش-دیغنی وایکینک بوتون قوتلریله کندیسنه قارشى
 یورودکلرینی خبر آنجه اونلرله حربه کپیشدی و صالح عقد
 ایتکه برادرلرینی اجبار ایتدی . فقط ، آلتی آی صوکره ،
 آرتق اونلردن هیچ بر قورقوسی قالمادیغنی ظن ایتدیکی بر
 صیراده خیوقده کهنانی بر باصقینه اوغرادى . ابوالغازی سلطان
 خیوقده اقامت ایدیوردی . دشمن اردوسی اون بش بیك
 کشی به بالغ اولیوردی . کندیسنک معیتده آلتی یوزدن فضله
 عسکر بولونماقتله برابر جباری غائب ایتدی . او قدر شدتله
 مدافعه ده بولوندی که دشمنلرینی ضایعات ایله چکیلمکه مجبور
 ایلدی . اونلرک رجعتندن صوکره هزاراسپ طرفلرینه مفرزدر
 کوندردی . بونلر بر جوق مواشی اغتنام ایتدی لر . شریف
 محمد سلطان کندیلرینی تعقیب ایتک ایسته دیسه ده آدملرینک
 امدادینه قوتمش اولان ابوالغازی سلطان طرفندن ایکنجی
 دفعه مغلوب ایدیلدی .

بر مدت صوکره ، اسفندیار خان اوز بکلرک ایلری
 کلنلردن سکیز یوز کشینی قاریلری و جوجوقلری ایله برابر
 کات شهری حوارینده قتل ایتدیردی . بونلر آزال ۱۱۱ الکاستده

۱۱۱ آزال ، بحر حزر ساحلرینه دوغرو حواریزم قطعه سنک
 خصوصی بر ولایتیدر که ابوالشاه داغلرندن و آمو نهرینک شمار قولک

يرلشمك اوزره بويوك بخارادن كليورلردى . اسفنديار خان
ايكى قارداشلىك ده وجودلرىنى ازاله ايتماك ايسته يوردى . بومقصدله
شريف محمد سلطانى آزال قطعه سىنه اوز بىكار نىزدىنه كىتمىكه
وابوالغازى نى الدامق انجون خاندن قاجيورمىش كى كورونىمىكه
سوق ايتدى . بو اثناده اسفنديار خان توركمنلره برادرىنىك
قراردن هيچ برخبرى اولمايىقى ئامىن ايدىيوردى . توركمنلرى
شريف محمد سلطان علمىنه تحريك ايدىيور ، ابوالغازى سلطانك
بويوك بخاراده كى اوز بىكلرى آزال الكاسنده يرلشمىكه آنجق

اسكى منصبىك شىمالىدىن قاره قاپاقلر الكاسنه قدر امتداد ايدر . خوارزمك
بو قسمى هان هان ياللىز توركمنلر طرفىدىن مسكونار . اونلر بوراده
غايىت اىي مرعالر بولورلر . معافىه عمومىته آزال ولايتى پىك داغلقدر .
قومله دولودر . غير منبتدر . خىسل نهرىنىك شىمالىدىن كاش اولان
آزال كولدىن دولانى بو قطعه بىده عىي نام وىرلىكدهدر . سولرى
طوزلى اولان بو كول آزال الكاسىنى خوارزمك شىمال ولايتىدىن
فريق ايدر . شىمالى آسىياك اك بويوك كولارنىدىن بىرىد . تقريبن
سكسان آلمان فرسخى چوره سىندىدر . جنوبىدىن شىماله دوغرى طولى
اوتوز ، شرقىدىن غرىبه دوغرى طولى اون بش فرسخىدر . بحر حزرده
بولونان بالقى بورادهده مېذولا بولونور ، بحر حزر الله بىر مناسبتى
بو قدر كى كورونىيور . سىرت ، خىسل ودها سائر نهرلر ك سولرى
بورابه منصب اولدىنى حالده نه سوبه سى بو كىلىيور . نهده بىر طرفىدىن
سولرى بو تالييور . قاره قاپاقلرله توركمنلر يازىن كولك سولرىنى
متعدد قاناللرله قوملى اووالرده ايتىدكلرى ارتفاعه قدر نقل ايدى بىلييورلر .
سوكره بوسولر كوشك حرارىي الله قورونجىه متبار بىر طور طابقى
براقييور . بونون بوحوالىده بو طور استعمال ايدىلييور .

بوتون تورکمنلری محو ایچون دعوت ایتیش اولدیغنی ، شریف محمدی ده کندی طرفنه جلب ایتدیگنی ، بناءً علیه دها اول داورانهرق اونلرک بو تصورینه مانع اولمق لازم کلدیکنی سویلیوردی . بوتون تورکمنلر بومطالعہ یی تصویب ایتدکلرندن اسفندیار خان حصارک قاپلرینی قاپاندیردی . راحتجه اویقوده بولونان ابوالغازی سلطانی توقیف ایتدیردی . بونی بالذات یاورسوردی یه کوتوردی اوراده کندیسنی بوشهر والیسنک انه تسلیم ایتدی . ای بر قوه محافظه ایله ابوالغازی ایرانہ سوق ایدیلہ جکدی . ابوالغازی سلطان همدانہ کوتورلدی . شاه عباسه خلف اولان شاه صفی او شهرده ایدی . اورادن کندیسنی اصفهانہ نقل ایتدیلر . ایران شاهی ابوالغازی یه بر او ایله مصارف سنویہ سی ایچون اون بیک تانغا تخصیص ایتدی . فقط ابوالغازی یی نظارت آلتندہ طوتدیلر . اسفندیار خان اون ایکی سنہ حکومت سوردکن صوکره وفات ایتدی [۱] . بونک اوزرینه ، برادری شریف محمد سلطان خان عنوانی آلہرق اورکنجده اقامت ایتمکک باشلادی . قالموقلرله برچوق محارباده بولوندی . بونلر اونک زمان حکومتندہ خوارزم الکاسنک بویوک برقسمنی ضبط ایتدیلر .

سنہ
۱۶۳۴

وفاتندن صوکره [۲] ، اون سنہ ایرانده اسیر اولہرق

۱۶۴۲

[۱] ۱۰۴۴ تاریخ هجری-نک برنجی کونی . تانار تقریمنه کورم

جیلکی یعنی بارکیر سنہ سنده .

[۲] ۱۰۵۲ تاریخ هجریسنده .

طو تولىش اولان ابوالغازى سلطان اورادن قاجق وقوران
داغلك اتككندہ آمونہرى ساحلارندہ مقیم تىكہ عشیرتی تورکمنلرینك
یانہ كیتك یولنی بولدی . تام ایکی سنہ اورادہ قالدی . صوكرہ
مانقىشلاقہ كیتدی . آنجق یدی یوز عائله بولدی . بونلر
قالموقلرك تحت حکمنہ کیرمشلردی . قالموق خانى كندیسنہ
در حال نزدینہ دعوت ایددرک حرمتلرله قبول ایتدی . ابوالغازى
سلطان ۱۱۱ اورکنجہ کیتدی [۲] . تورکمنلر ، آلتی آی
صوكرہ [۳] ، آرال الكاسندہ آمونہرىنہ دوغرو، كندیسنہ
خان عنوانی ویردیلر . اسفندیار خان یوشان سلطان واشرف
سلطان نامندہ ایکی اولاد براقشیدی . خیوق و هزاراسب شہرلری
بونلرك النده ایدی . ابوالغازى خان اورکنجده و اواسیرده
یرلہ شنجہ، یوشان سلطان ایلہ اشرف سلطانك اراضیسندہ اقامت

[۱] ابوالغازى بہادر ایلہ ابن عرب محمد خان ابن حاجم خان
ابن آقائى خان ابن آموناق ابن یادکار خان ابن تیمور شیخ خان ابن
حاجى تولای ابن عرب شاه ابن فولات ابن منکو تیمور خان ابن بادا کول
ابن سہ جوجی بوغا ابن بہادر خان ابن شیبانی خان ابن توشى خان ابن جنکیز
خان . ۱۰۱۴ تاریخ ہجریسنده ، توشقو یعنی طاوشان سنہ سنہ
و ۱۶۰۵ تاریخ میلادیسنده اورکنجده تولد ایتشد . برادری شریف
محمد ۱۰۵۲ ہجری و ۱۶۴۲ میلادی تاریخندہ وفات ایتشدی .
[۲] ۱۰۵۳ تاریخ ہجریسنده . تاتار تقویمنہ کورہ جیلان
یعنی بیلان سنہ سنہ .

[۳] ۱۰۵۴ تاریخ ہجریسنده . تاتار تقویمنہ کورہ قوی یعنی

قویون سنہ سنہ .

سنہ
۱۶۴۳
۱۶۴۴

ایدن تورکمنلری کندیسنه اطاعته دعوت ایتدی . فقط بونلر
 اشرف سلطانی تربیه ایدیلک اوزره ایران سراینه کوندردکن
 صوکره ، برادری امام قوی خانه خلف اولمش اولان بویوک
 بخارا خانی نذیر محمدک تحت حمایه سنه کیردیلر . ابوالغازی خان
 خیوق اقوامنک اقامتگاهلرینی تخریب ایتدیکی جهته نادر محمد
 خان کرک بوشهره کرک هزاراسبه قوماندانلر و محافظه عسکرلر
 کوندرمه مجبور اولدی . اسفندیار خانک زوجہ سی ایله بویوک
 اوغلنی ده قانسق الکاسنه اعزام ایتدی . صوکره ، بویکی شهرک
 واونلر ملحق اراضینک اداره سنی بون وارداتیلر برلکده حفیدی
 قاسم سلطانہ ۱۸ ویردی . خیوق شهرینی اله کچیرمکد عزم ایتمش اولان
 ابوالغازی خان اقشام اوزری پیاده قوتی آرا ال کاسنده
 قایقلره ارکاب ایتدی . طاش کوپروک کوپروسنه قدر خسل
 نهرندن یوقاری یه دوغرو چیقماق و کندیسنی اوراده بکله مک
 امرینی ویردی . سواری قوتیلر قارندن اونلری تعقیب ایتدی .
 صوکره پیاده سنک برقسه منی آلہرق خیوقدن یک اوزاق
 اولمایان قاندوم نامنده برکویه دوغرو ایلریله دی . شفق
 سوکرکن بورایه واصل اولدی . کندیسيله خیوق آراسنده
 بونان کوچوک برجایی کجی . معیتده کیلردن یوز سکسان
 کشتی صول طرفده کوچوک بروادیده صاقلادی . آلتش
 تیرانداز ویکرمی تفکلی ایله ساکنانه خیوقه یاقلاشدی .

دشمنلر جوارده ابوالغازی خانك عسكەرلرندن بره فرزه
بولونديغى آكلايجه بيك كشي ايله بر خروج حر كشي ياپديلر .
ايچلر نده يدى يوزدن فضله سى زرهلر كيמשلردى ابوالغازينك
معتننه آتخق بئس دانه زرهلى عسكەر بولونمقله برابر قارشيسنده كى
توق عددیدن شاشيرمقسرين دشمنلرينى بر پوصويه چكدى
و اوراده اونلرى تماميله بوزدى . صوكره طاش كوپروكه
عودتله خيوق جوارنده كى كويلردن بر خيليسنى تخریب
ايتدرد كدن صوكره عسكەرلرينى يرلرينه كوندردى .

بر مدت صوكره ، نذير محمد خان حفيدى قاسم سلطانى
خيوقدن چاغيردى ، بوللايى معيتى اركانندن يعقوب اسمنده
برينه ويردى . بولدن دولايى ، خيوقده وجوارلر نده ساكن
اولان توركمنلر ك Kafه سى طرخان ۱۱۱ الكاسنه چكىلدیلر .
صوكره ، ارتكاب ايتديكى تعديايدن دولايى نذير محمد خانى
معيتى اركانى تختدن طرد ايدنجه اوغلى عبدالعزیز سلطان
باباسنك برينه چيقدى . ابوالغازى خان خيوقه كيردى [۲]
وشهره صاحب اولدى . صوكره ، اسكى اغتشاشات يوزندن
قراركاهلرينى ترك ايتمش اولان بوتون توركمنلر عودت

[۱۱] طرخان ، باقيرغان الكاسنك غرينده خسل نهرينك شمالنده
كائن كوچوك بر خوارزم ولايتيدر . اعلامرعالرى وارسه ده مملكت
مرروع دكلدر .

[۲] ۱۰۵۶ تاريخ هجرى سنده . تاتار تقويمنه كوره طوق يعنى

طوق سنه سنده .

ایده بیله جکلرینی اعلان ایله اونلره قارشى خصوصیتلرینی
اونوته جغنی وعد ایلدی . هزاراسبك اوتة طرفنده کی الكالره
داغیلماش اولان تورکمنلر کندیسنه رئیس لرندن اوچ کشی نی،
یوسلوم بهادری ، دین محمد اولدیجی نی ، اوروس کوندردی لر .
باشقه سکز مرخص دها واردی . بویوك بخارادن عودتندن
بری کندیسنه دائما منقاد بولونقلری جهته حسن قبول
کوره جکلری امیدنی اظهار ایدیورلردی . ابوالغازی خان
هزاراسب شهرینی آله جغنی ، اونلری مرخص اوله رق کوندرن
بوتون تورکمنلرک اوراده یمین وعرض تعظیم ایتک اوزره
اورایه کله بیله جکلرینی سویله دی . ابوالغازینک وعدلرینه
اعتماد ایدنلر اسرلرینی اجرایه مسارعت کوسه تردیلر . فقط
ابوالغازی مقدارلری ایکی بیکه وارن بو تورکمنلرک کافه سنی
قتل ایتدیردی . مسکنلرینی تخریب ایتدیردکن صوکره
خیوقه دوندی . ابوالغازی خان بونلری محالیله اکتفا ایدمه یه رک
بر مقدار عسکرله طرخان الکاسنه کیتدی [۱۱] . قاسم سلطانک
عنایتندن صوکره خیوقی ترک ایتش اولان تورکمنلره هجوم
ایتدی . تارشان الکاسنه مواصلت ایدنجه بونلرک قسم اعظمی
باما بوریناق [۲] ولایتنه قاچدی لر . قسم متباقیسی قیلجدن

[۱] ایت سنه سی جاذی الا اولنده .

[۲] باما بوریناق طرخان الکاسنک غربنده ، آرال کولنک
جنوب ساحلرینه ، وغرو ، خسلهرینک شمالنده کوچوک برخوارزم ولایتیدر .

کچیریلدی . صوکره [۱] ابوالغازی خان باما بوریناق الکاسنه
 کیتدی . بورایه چکیلیمش اولانلری ده طردایتمک ایسته یوردی .
 آرتق هیچ برملجألری قالمایان بو تورکمنلر قاریلرینی وچو جوقلرینی
 آزال الکاسنه کوندردیلر . بعض قدیم دیوارلرک انقاضی آراسنه
 تحصن ایستدیلر . شاهار خواجه نامنده بررئیسک قومانداسی
 آئنده ایدیلر . حیاتلرینی ممکن اولدیغی قدر بهالی صاتمغه عزم
 ایلمشلردی . ابوالغازی خان کندیلرینه بعض ائتلاف تکلیفاتنده
 بولوندی . فقط تورکمنلر صلیحی قبول ایتمکدن ایسه سپرلرندن
 پیاده اوله رق چیقوب ابوالغازی خانک عسکرلرینه هجوم ایتمکی
 ترجیح ایستدیلر . هپسی قیلجدن کچیرلدی . بردانه سی بیله قور تولمادی .
 ایرته سی کونی ابوالغازی خان معیتنده کیلردن بعضیلرینی بو
 تورکمنلرک قادینلرینی وچو جوقلرینی آلق اوزه آزال الکاسنه
 کوندردی .

صوکره ۱۲۱ ، قورلات عشرتندن بر قالموق رئیسی کله رک
 کات جوارلرینی تخریب ایتدی ، شهر سکنه سندن برچوغنی اسیر
 آلدی . برمدت صوکره ، طورغود قبیله سنه منسوب بایان اسمنده
 بررئیس اجرای تجارت ایچ-ون متعدد قالموق تاجرلریله
 خوارزم الکاسنه کلدی . ابوالغازی خان بونلری سر بر نتیجه
 اجرای تجارتیه راقدی . فقط عزیمتلرندن اون بش کون

[۱] سیجکان یعنی صیچان سنه سنده .

[۲] صیغیر سنه سنده .

كېنچە عسكەرلەرلە كەندىلەرنى تەقىب ايدەرك بوتون ماللىرى
 اللەردن آلدى ، رەيسلەرنى اولدىردى و كەندىلەرنى تامامە
 پەشان ايتدى . سوكرە ، بايرات عشىرتە مەسوب
 توركەنلەرلە حرب ايتدى ۱۱ . بونلار رەيسلەرى آدى
 من القديم كەندىنك دشمنى ايدى . بولايلىكى كويلار كافەسى
 تخریب ايتدى . بو مەلىكەتدە ياپدىغى خەسارات او قدر بويوك
 بر قىطلغە سەبب اولدى كە بر پارچە اكەك ايچون بر بار كىر
 و يىلىوردى . عسكەرلەردن قىسم اعظمى داغىلدى . نەيات ،
 توركەنلار كەندە قالان يكانە كويە كىتمەك ايچون كچىلە جاك يوللارى
 بىلەن تەكە عشىرتەندەن آوانش نامەندە بر توركەن تاجرى ابو الغا
 زىنك الە دوشدى . توركەنلار رەيسى بو كويە قايماشدى .
 ابو الغازى خان بو سەيەدە توركەنلار كوك التىجا كاهنە قدر
 سوقولەرق اوراسى دە تخریب ايتدى . بوتون توركەنلارى احما
 اتمەك ، ياخود هيچ اولماز سە آرتق قورقومايە جق حالە كىتەردە جاك
 سورتەدە ازمەك قرار . يەمش اولدىغى ايچون كەركىللى ، ساريق
 وسائر عشىرتلار اوزرىنە يورۇيەرك ۱۲ بونلارى دە مەوايتدى .
 ابو الغازى ، اوز بىكلار كە دائىم دشمنلارى اولان بومەلى
 بو سورتە مەوايتە كەن سوكرە مەلىكى داخلىدە صالح و سكوكت
 حەكم سوردە جەكەنى اميد ايدىيوردى . فقط قالوقلر صيق صيق

۱۱ | توشقو يعنى طاوشان سەنە سەندە .

۱۲ | جىلان يعنى يىلان سەنە سەندە .

اولامادی . يوللرينه دوام ايچون تحصنكاھارندن چىقمغە
جسارت ايدەمەين قالموقلر آلدقلىرى تەكمىل غنائى اوقلىرى
ويايلىرى ايله برابر ابوالغازى يە يوللادىلر ، عفو طلب ايتدىلر .
تخريب ايتدىكلىرى ايكى كويك كنديسنە عائد اولدىغى
بىلمەدكلىرىنى ، مقصدلىرىنىك بويوك بخارا يە آقېن يامقۇدن عبارت
اولدىغى سويلەدىلر . استقبالدە كنديسنىك ممالىكەنەدوقونمايە جقلىرىنى
حتى رئيسلرندن بعضىلىرى اورايە آقېن يامغە قالقارسە بونى
وقتندە خبر وىرە جكلىرىنى ، كنديسنى طرد ايچون ابوالغازى
خان ايله برالشە جكلىرىنىمېن ايله وعد ايدىيورلردى . ابوالغازى
خان بو قالموق عشىرتىنىك كندى تىبەسىلە دائىما اى كچىندىكىنى
نظر دقتە آلەرق سىلاھلىرىنى اعادە ايتدى وراحتىجە عودت
ايتەلرېنە مساعىدە كوستردى .

بو مختلف سىفرلردن سو كره ، بلخ دە حىكمىران اولان
سلطان قولى خان بويوك بخارا خانى عبدالعزىز قارشى ابوالغازى
خاندن قوۋە امدادىە اىستەدى . عبدالعزىز خان بلخ شىرىنى
ضبط ايتىك وساطان قولى خانى اولدىرمىك فكىرىلە حربە قىيام
ايتىشىدى . ابوالغازى خان ، بلخ خانىك يقىن اقرباى ايدى .
بلخ خانى ، شريف محمد خانك كرىمەسى ايله اولىنىشىدى .
ابوالغازى خان ، بخارا خانى عبدالله خانك وقتىلە آقاتاى خان
سىلالەسنە قارشى نەلر ياپدىغى ، بونلرى ناصل اولدىرتدىكىنى ،
يالان وعدلرلە اواسىر شىرىندن خارجه ناصل جلب ايتدىكىنى

تخطر ایدیوردی . بناءً علیه سلطان قولى خانه یارديم ایتمه
قرار ویردی و بر قره عسکریه ایله کوغرتلیق [۱] ولایتیه
دوغرو ایلریله دی [۲] . بو ولایت بویوک بخارا حدودلری
اوزرنده در . اوراده بیکا علی ایناق نامنده بر قومانداتی کزیده بیک
عسکر ایله بویوک بخارایه تابع بولونان قارا کول شهرى اوزرینه
کوندردی . کندیسى کیدوب سیونچ بالا شهرینی ضبط ایله
بوراده کی اوتوز قرق کوی ایله برابر تماماً تخریب ایتدی .
صوکره کوغرتلیق الکاسنه عودت ایتدی . اوچ کون کچمه دن
بیکا علی ایناق ده قارا کول شهرینی تخریب ایتش اولان مفرزه سی
ایله برلکده کلوب کندیسنه التحاق ایلدی . ابوالغازی خان
خیوقه دوندی و عبدالعزیز خانه عائد اراضیه تجاوز ایتکده
کچیکمه دی . بالذات کیده رک قارا کول شهرینی تخریب ایتدی .
عسکرلرینک مفارقتدن صوکره بر چوق خلق بورایه
جکیلمشلردی . اورادن کوردیش الکاسنه کچدی . او زمان
مخشب شهرنده بولونان عبدالعزیز خانک قوماندانلری معیتده
بولونان اون بش بیک کشیک براردونی بوالکاده پریشان ایتدی .
قاجه بیلنلر قارا کول شهرینه کیردیلر . ابوالغازی خان بونلری تعقیب

[۱] بالنی یاریق ولایتک شمانده ، بویوک بخارا حدودلرنده

خوارزم ولایتی .

[۲] ق ی یعنی قریون سنه سنده .

ایله شهرده قالمش صوك اولرى ده ياقدى . باشقه بر زمان ۱۱۱ كيدوب
 بويوك بخارا يه تابع اولان زرد صوينى شهرينى ضبط ايتدى . صو كره [۲] ،
 قارا كول شهرندن نرسم شهرينه قدر امتداد ايدن يايچى
 ولايتنى تخریب ايلدى . ممالكنه عودت ايتديكى صيراده عبدالله خان
 قاسم سلطان ايله برلكده برشاشيرتمه ياپمق فكريله كوغر تليق
 الكاسى اوزرينه يورويوردى . فقط ابو الغازى خانك خوارزم
 حدودلرينه عودتى خبر آلنجه او قدر استعجال ايله چكيلدى كه
 معيتمده كير ، ابو الغازى كنديلرينى تعقيب ائتمه مكله برابر ،
 بار كيرلرندن برچوغمى اتلاف ايتديلر . بورجعتدن صو كره
 ابو الغازى بويوك بخارا يه يكي بر سقر دها يابدى ، گرمينه يي
 ضبط ايله يغما ايتدى ، غايت عظيم غنائم ايله كرى دوندى .
 فقط بر نهري چوب كنديسنى تحت امنيتده كورنجه بوتون
 دوه لرك ، بوك بار كيرلرينك ، مواشينك وعلى العموم تكميل
 اشيانك نصف اليله قارشى يه چمه لرني امر ايتدى .
 اردونك قسم متباقيسنى ده بونلرك آرقه سندن يوللادى . ياننده
 هر زمانكى يوز كشيلاك قوه محافظه سنى آليقويه رق راحتجه
 اويقويه ياتدى . حالبوكه اردوسى يكرمى بش بيك كشيدين
 فضله ايدى . سفق سو كر كن برضا بط كلهرك نهرك اوته
 طرفنده دشمنلرك كورونديكى خبر يردى . عبدالعزير

[۱] چين يعنى مايمون سنه سنده .

[۲] طوق يعنى طاوق سنه سنده .

خان آلتش بیک کشی به بالغ اولان بوتون اردوسيله
 کایوردی . ابوالغازی ، کوچوک برچایی کچمکه مشغول اولان
 اردوسنه النحاق ایچون استعجال ایتدی . اونلری بولونقلری
 یرده آلیقویدی . چونکه دشمندن آیریلهرق ایلریله مش
 اولان بیک زرهللی سوارینک هجومه اوغرایوردی . ابوالغازی
 خان ، اوکنده بولونان بر بوغازک نهایتنه قدر کیتدی .
 اوراده آتندن ایندی . معیتده کی یوز سواریه عینی شیئی
 یاپدیردی . بوسایه ده تفککرینی دها ایی استعمال ایده .
 سیله جککردی . بایراق طاشییان نفره ، قسم اعظمی چایی کچمش
 اولان اردویه دوغرو علی العجله کیده رک کندیلرینی کری
 چایرملق ایچون بورو چالماسی امر ایتدی . صوکره ، بیک
 زرهللی سواریه به ، بوغازک مدخانده هجوم ایچون یادکار آتالغی
 اوتوز سواریه ایله کوندردی . کندیسیده متباق قوت ایله
 ایجاسنده امداده قوشه جقدی . یادکار آتالق وظیفه سنی اوقدر
 موقتیه یابدی که بوغازی اوزون مدت مدافعه ایتدی . اوزمان
 ابوالغازی خانک آنجق اون درت یاشنده بولونان اوغلی
 نوتته محمد بهادر سلطانه آلتی یوز سواریه ایله پدرینک
 امدادیه بقیشه سیله جک زمان تأمین ایتدی . بو آلتی یوز
 سواریه کندیلرله برابر اوچ یوز کشی دها کثیر مشاردی .
 مع مافیه ، بوتون دشمن اردوسی کیتدکجه یاقلاشدیغی جهته ،
 بیک سواریه مر طرفدن ابوالغازی خان صاردیلر . ابوالغازی

خان در سال اوغلی انوشه محمد بهادر سلطانہ ، اردولرینک
 کندیلرینہ التحاقہ مانع اولان بویوک بر دشمن سوارى
 قوتنک صاغ جناحنہ درت یوزکشی ایله شدید بر هجوم
 یاماسی امرینی ویردی . متباقی آلتی یوزکشی ایله ده کندیسى
 بالذات هجوم حرکتی یاپدی . هر ایکیسى ده دشمنی یاردیلر
 وبو صورتلہ ، امدادلرینہ کلن اردویہ التحاق ایتدیلر . بونک
 اوزرینہ ، ابوالغازی خان ایلك قوللری اوغلی انوشه محمد
 بهادر سلطانک قومانداسی آلتندہ دشمنہ قارشى سوق ایتدی .
 آرقه دن کلنرلده کندیسنه ظہیر اولدی . حرب ، عمومیلشدی .
 طرفیندن مساوی موفقیت وشدتلہ حرب ایدیلیوردی . نہایت
 انوشه محمد بهادر سلطانک جسارتی ظفری ابوالغازی خان
 لہندہ تجلی ایتدیردی . عبدالعزیز خانک اردوسی بویوک فائقیت
 عددیہ سنہ رغماً مغلوب اولدی . مظفر عسکرلر دشمنی نہرہ
 قدر تعقیب ایتدیلر . دشمنک ہزیمتی او قدر زیادہ اولدی کہ
 کوپرویه قدر کیدہ مہینلر نہردہ بوغولدیلر . عبدالعزیز خان
 بیلہ یاردلی اولقلہ برابر غالبلرک الہ دوشمہ مک ایچون نہری
 یوزہ یوزہ کچمکہ مجبور اولدی . ابوالغازی خان بو سفرہ بو
 قدر شرفلی بر صورتدہ نہایت ویردکن صوکرہ بر چوق
 اسرا ایله خیوقہ بوندی . اورایہ وارنجہ ممالکینک تکمیل
 اکابرینہ وضابطانہ بویوک بر ضیافت ویردی ، اوغلنی مدح
 وستایشہ غرق ایتدی و اوکا ہزاراسب شہرینی ویردی .

ایت سنه سنده وقوعه کان بو بویوک سفردن صوکره ،
 ابو الغازی خان بویوک بخارا قطعہ سنه تکرار کیده رک [۱]
 واردانی شهرینی ضبط ایتدی . باشقه بر آقینده ، بومملکتک
 پایتختی اولان بخارا شهرینک تا سورلرینه قدر ایلریله دی ،
 جوارده کی بوتون کویلی تخریب ایتدیردی و شهری ضبطه
 حاضرلاندی . فقط سمرقندده بولونان خانک غیبوبتنده و ایچریده
 یالکیز قادینلرله تاجیکلر یعنی غیر محارب کیمسه لر بولوندیغی
 برصیراده بخارا شهرینی ضبط ایدرسه بوندن کندیسنه بویوک
 برشرف کلمه یه جگنی دوشونورک بونی باشقه بر زمانه تعلیق
 ایتدی . او تاربخده آتش باشنده بولوندیغی جهتلہ ، عبدالله
 خان طرفندن قتل ایدیلن عائله سی افرادینک انتقامنی آلمق
 ایچون دو کدکاری قانک کافی اولدیغنی دوشوندی . کندیسیله
 عینی دین و مذهبه سالک اولان عبدالعزیز خانہ قارشی
 محاربه ده دوام ایتمکه استحصال ایده بیله جکی بوتون فوائد
 وجداتی معذب ایدیوردی . سلاحرینی قالموقلره و عجملره
 قارشی توجیه ایتک دها موافق اولاجغنه قناعت کتیردیکندن
 بخارا خانہ تکلیفات صالحیه ده بولونمق اوزره سفیرلر کوندردی .
 بو محاربه دن پک ضرر کورمش اولان عبدالعزیز خان تکلیفاتی
 قبول ایتدی . اوتاربخدن صوکره ایکی حکمدار پک ایی

[۱] ایت سنه سنده .

[۲] پارس یعنی قاپلان سنه سنده .

کچیندیلر . ابوالغازی خان تختی اوغلی انوشه محمد بهادر سلطانه
براقدی . آخر عمرینی عبادت و طاعت ایله کچیرمک فکرنده
ایدی . فقط ، برمدت صوکره ، یکر می سنه حکمدارلغی
متعاقب ، وفات ایتدی [۱] .

چار بویوک پترو داخل ممالکده تجارتی دها ترقی ایتدیرمک
فکرنده اولدیغی جهتله سیریا ایله آسیانک جنوب حکومتلری
آراسنده ، تورکستانی اروا ایدن سیرت نهری واسطه سیله بر مناقله
تأسیس ایتمک ایسته دی . بو نهرک ، پک طبیعی اولدیغی اوزره ،
بحر حزره دو کولدیکنی فرض ایدهرک ، بحر حزره ساحلر نده
دولاشمغه آلیشتمین بولنان یاییق قازاقلرینه بو نهرک هانکی
نقطه ده بحر حزره آقدیغنی تدقیق ایتمک اوزره بحریه ایشلر ندن
آکلایان بعض کیمسه لری دفعات ایله ترفیق ایتدی . بونلر
یه مبا و آمو نهرلری آراسنده بحر حزره خسل نهرندن باشقه
بر نهرک دو کولدیکنی کوره رک بونک سیرت نهری اولدیغنه
حکم ایتدیلر . کندیلری اصل آلدان شیده قازاقلرک
بو نهرک آدی دریا اولدیغنی ادعا ایتمه لری ایدی . چونکه سیرت

[۱] ۱۰۷۴ سنه هجریه یی رمضاننده . تاتار تقویمه کوره
توشقور یعنی طاوتان سنه سنده . خوارزم الکاسنده الان بو حکمدارک
احفادی حکومت سورمکده در . حفیدی حاجی محمد بهادر خان
۱۷۱۴ تاریخنده روسیه سرایی ایله بر اتفاق عقد ایتمک اوزره
پترسبورغه بر سفیر کوندرمشدر . او تاریخدن صوکره بو حکومتده
یکی بر انقلاب وقوعه کلشسه ده تفصیلاتی معلوم دکلدیر .

نهرينك بر اسمى ده بو ايدى . بو متخصصلر بونهرك منصبينك
 عمقلىرىنى تدقيق ايتدكدن صوكره قناعتلىرىنى مابين برراپور
 تنظيم ايله ديلر . بونك اوزرينه چار ۱۷۱۹ - سنه سنده يورايه
 آسترخان طريقيله يقوويچ نامنده بر لوا قومانداسنده ايكي بيك
 بش يوز عسكر كوندردرك بو شهرك منصبى ضبط ايتمك
 قرارىنى وىردى . بو سفر ايچون بو قوماندان بالخاصه انتخاب
 ايدىلشدى . چونكه چركسدى . تاتار لسانه حقيله واقف
 اولديغى جهته تشبث واقعى باشه چيقاراجق قابليت مخصوصه
 حائز كورونيوردى . فقط خسل نهرنده دفعات ايله تدقيقات
 ياپماسندن شهبه لشمس اولان تاتارلر عيىنى زمانده اراده
 صيراده اراضىلىرىنى صولامق ايچون آچدقلىرى جدو-
 للردن بو نهرك مجراسىنى دكيشديرمك . و آران كولى
 طرفنده بولومان چوقور اراضى واسطه سيله نهرى آرال كوله
 آقتمق قابل اوله جغنى آكلامش بولوندىقلىرى ايچون بونى يامغه
 قيام ايلديلر . نهره او قدر مختلف نقطه لرنده او قدر قانالار
 آچديلر كه او چ قولدن آرال نهرينه آقتمغه موفق اولديلر .
 بو صورتله حقيقى مجرا غايت آزالدى . بونى طيقاماسى پك
 قولايلاشدى . بقوويچ بر مدت صوكره قايقلىرله خسل منصبينه
 كلديكى زمن بوراسىنى قوروش بولدى . مع مافيه ، آلدېغى
 امرلرى اجرا ايتمك ايچون عسكرلرىنى قاره يه چيقارمقده
 تردد ايتدى . او جوارده قوماق اراضينك مساعدىسى نسبتنده

بعض طایفه لر یاپدیرمغه باشلادی. فقط برآز مقاومت ایدیه بیه -
 جك حاله هنوز کلدیکی صیراده خوارزم اوزبکلری بویوك
 بر سواری قوتیه کنديسنه هجوم ایتدیلر . بقوویچ اوقدر
 شدتلی مدافعه ده بولوندی که نهایت کنديسنی قوتله مغلوب
 ایتمکدن امیدلرینی کسن اوزبکلر حیلله مراجعت ایلک
 مجبوریتنده قالدیلر . هجوم قوتنك بالذات باشنده بولونان تاتار
 خانی کیزلیجه کوندردیکی خبرده قلاباً روسلرک دوستی اولدیغنی،
 اونلرک اوجوارلره یراشمه لرینی آرزو ایتدیکنی ، فقط
 اقرباسی و قومشولری اولان سائر تاتار حکمدارلری یوزندن
 روسلره قارشى ممانعت کوسه ترمك مجبوریتنده بولوندیغنی، ایرتهسی
 کونی صوك بر هجومه دهما قرار ویریلدیکنی ، بر موفقیت
 استحصال ایدیه مزسه بر صورت تسویه بولمغه چالیشیله جغنی
 بیلدیردی . بو خان بر مدت اول روس سراینه عینی یولده
 تأمینات ویرمش اولدیغنی ایچون بقوویچ اونك صمیمیتنه
 ایناندى . تاتارلر ایرتهسی کونی ، خانك کوندرمش اولدیغنی
 خبر وجهله ، بر هجوم اجرا ایتدیلر. فقط ضایعات ایله پوسکور -
 تولدیلر . خان نه دن دولایى بویه مسلحاً کندی اراضیسنه
 کیردیکنی و مقصدینك نه اولدیغنی آ کلامق ایچون میرزالرندن
 ایکیسنى کوندرنجه بقوویچ نه رده آچیلان منفذلرک قاپالاسنى
 ونهر اسكى مجراسنه کیرمیلیمك ایچون تمامیه سد ایدیلماسنی
 طلب ایلدی. تاتارلر، شهرک صولری آرال نه رینه منتهی قوملره

صوك درجه شدته دو كولدیلی جهته بونی یا مق غیر قابل
اولا جغنی جواباً بیدیردیله . بقوو یچ بونی کندی عسکرلریله
اجرا ایده جگنی ، فقط بر مقدار رهینه ویرله سی ایجاب ایتدیکنی
سویله دی . تاتارلرک ایسته دیکی ده بو ایدی . تکلیفی قبولدن
امتناع کوسه ترمدیلر . بقوو یچ همان یوله چیقدی . طایه لری
محافظه ایچون بر مقدار عسکر براقشدی . فقط کندیسنه
ویریلن وعینی زمانده رهبر خدمتی ده ایفا ایدن رهینه لر اونی
خالی یرلردن کچیردیله . بوراده دورغون صولردن ،
باتاقلقلردن باشقه برشی یوقدی . صولر کافی دکلدی . بش
کونلک بر یولدن صو کره بقوو یچ ایله عسکرلری صوسر
قالدیله . رهبرلر ، صانکه کندیلکلرندن دوشونمشلر کی ،
طاقم طاقم آیریلهرق صو آرامالری ده ا مناسب 'وله جغنی
سویله دیله . بقوو یچ پک ایلری یه کیتمش اولدیغی جهته ،
نه وقوعه کله بیله جگنی آز چوق تخمین ایتکه ، باشلامش
اولقله برابر بو تکلیفی قبول ایتکه مجبور اولدی . روسلر
مختلف قوللره آیریلنجه تاتارلر کله رک کندیلرینی برر برر احاطه
ایتدیله . بقوو یچی معیتند کی عسکرک قسم اعظمیله برلکده
اولدیردیله . متباقیسنی ده اسیر آلدیلر . بونک اوزرینه طایه لرک
محافظه سی ایچون براقلمش اولانلرده علی العجله قایقلرینه
بندیلر و آستراخانه دوندیله .

بو کون خوارزم قطعه سی مختلف کوچوک تاتار پرنسلی

آراسنده تقسیم ایدیلشدر . هپسی عینی عائلهیه منسوبدرلر .
 ایچلرندن بری خان عنوانی طاشیر ، یولنی بیلیرسه دیکرلری
 اوزرنده بر درجهیه قدر صاحب نفوذ بولونور . خان ، اور کنج
 شهرنده یاخود ایران حدودینه دوغرو اور کنج جوارلرنده
 اقامت ایدر . خوارزم تاتارلرینه ، علی العاده ، خیوه تاتارلری
 دیرلر . بوده خانلرینک یازین آمو نهری ساحلارنده اقامت
 ایتدکاری محلك اسمی خیوه اولماسنددر . بو خان ، کندی
 ممالکی داخلنده حاکم مطلقدر . بویوک بخارا خانه تابع دکلدر .
 مع مافیه عجملر خوارزم تاتارلرینی بویوک بخارا تاتارلریله
 قاریشدیرلر و بونلره اوز بک نامنی ویریرلر .

خوارزم قطعه سنده اوچ دورلو قوم سا کندر . بر قسمی
 سارتلردر که بونلر مملکتک سکنه قدیمه سیدرلر . تورکمنلر
 وقتیه تورکستانده قانغیلر آراسنده سا کن اولدقلری حالده
 اونلردن آیریله رق تاتارلردن چوق زمان اول خوارزمه
 کلشردر . اوز بکلر یاخود تاتارلر ایسه بورایه شیک سلطان
 وتوشی خانک اوغلی شیبانی خانک سائر احقادی ایله برابر کچمشلردر .
 سارتلرله تورکمنلر مواشیلریله و زراعت ایله کچنیرلر .
 اوز بکلرک قسم اعظمی ایسه غما کرانکه تعیش ایدرلر . بویوک
 بخارا قطعه سنده کی اوز بکلرله عینی قوم اولدقلری جهته
 ظاهر آده اونلره بکزرلر و عینی عبادتی اجرا ایلرلر . تمایللری ،
 عادتلری ده بربرینک عینیدر . یالکیز اونلر قابا و دها

کوردولتو جیدرلر . قیشین خوارزم الکاستک وسط طرفلرند
اولان قصبه و کویلرده اوتورولر . یازین قسم اعظمی آمو
ساحلرینه و سائر مرعا اولان محللره داغیلیرلر . جوار
اراضیده آقین یامغه کیتمک ایچون دائما مناسب بر زمان
کوزتلرلر . چونکه بوتون ثروتی آلدقلى اسیرلردن
و قیمتدار اشیادن عبارتدر . بو دولتک قوتی انقسامه اوغرامازسه
قرق اللى بیک قدر اولدجه ای سوارى چیقارایلیر . بو اوز
بکلك ثابت اقامتگاهلری بولونمقله برابر اراده صیراده اجدادلى کى
ای مرعالر آرامق اوزره بوتون مواشیلریله برلکده مختلف
محللره نقل مکان ایتمکدن خالی قالمازلر . مع مافیه شقاوته
بک مبالدرلر . بوندن دولاییدر که خسل نهري ساحلرینه
کیتمزلر . چونکه اورادن قومشولری نزدینه آقین یامالری
بک قولای دکلدر . بوکا قالقه جق اولسه لر کندیلریله عینی
تایله مالک اولان قاره قالپاقلرله حرب ایتلری لازم کله جکدر .
خسل نهري ساحلرند بولونان مرعالردن یالکیز سارتلرله
تورکمنلر استفاده ایدرلر . اوز بکلى آمو نهري نه دوغرو
چکیلیرلر . بورادن کیدوب ایرانی تخریب ایتلری قولایدر .
اورکنج بوکوند خوارزمک پایتختیدر . آمو نهري نیک
شمالده بویوک بر او واده ، ۳۹ درجه ۵۰ دقیقه طولنده و
بحر حزرک شرق ساحلندن یکر می بش آلمان فرخی مسافه ده دره
وقتیله غایت بویوک ایدی . فقط تاتارلرک انه کچدکن ووقتیله

سورلرینک دیندن آقان آمو نهرینک شمال قولى باشقه بر مجرا
 آلدقن صو کره تقریباً بر فرسخ محیطنده عادى بر کوى
 حاله دوشمشدر . سورلرى کونشده پيشمش طوغله لردن انشا
 ايذيلمشدر . غایت دار بر هندكى واردر که متعدد یرلرى
 سو پرونتو ايله دولمشدر . بو شهرده کورولن اولرک کافه سی
 طوپراقدن یاپلمش قولبه لردن عبارتدر . واقعا طوغله دن یاپلمش
 بر حصارى وارسه ده او قدر خرابدر که آنجق درتده بر قسمی
 قابل اسکاندر . شهرده کورولن طوغله جامعلرده همان همان
 عینى حال خرابیده در . خوارزم تاتارلری ده سائر بوتون
 تاتارلر کی ییقمقدن باشقه برشى بیلمزلر . بنا یامغه ویاپلمش
 بنالری محافظه ایتکه استعدادلری یوقدر . اورکنجده اولدقجه
 اعتنا ايله باقیلان یکانه شی شهرک اورته سنده کی بویوک و کنیش
 جاده در . بورالرده تشهر ایدیلن امتعه یی شدائد هوائییه دن
 محافظه ایچون بوتون سوقاقل اوستی اورتولمشدر . بو سوقاق
 بوتون شهره چارشی خدمتی کورور . اورکنجک جوارى
 پک چوراقدر . چونکه آمو نهرینک صولریله آرتق اروا
 ایدیلهمیور . خوارزم الکاسی خانلری علی العاده ، قیشلری
 اورکنجده اوتورورلر . یازین آمو نهری ساحلرینه یاخود
 هوایه وایشلرینه کوره سائر لطیف بریره کیدرلر . اورکنج
 شهرینک وضعیتی غایت ای اولقله برابر تجارت معامله سی

پك آزددر . حالبوكه اور كنيج بوتون جوار مملكتلر امتعهسى
ايچون بر مركزز تشكىل ايدىبيلير . بوتاتارلرك الكاسنده
آسایش مفقود اولديغى جهتله اجنييلر اور كنيجى اھمال ايتمكده درلر .

قازاقلر

قاپچاق كەلسى تحريف ايدىلەرك كىندىلرىنە قازاق دىيىلن.
قوملار ۋولغا نەرىنك شىرقىندە كاۋن اولان واسىع اووالردىن
چىقمىشلاردر وىنئە ئىلە مۇخلىف زىمانلاردا كىلۇب بورادە يىلەش
ر چوق تورك وتانار عىشىرتلىرىنك بىقىە سىدرلر . اون اوچىنچى
عسىر باشلانغىچىدە مەجارىستانك بىغىز دۇمىنىكىن راھىلرى بورادە
خىرىستىيانلىقى نىشر ايتدىلر . بو اھالىدىن چوغىنى خىرىستىيان
دىننە جىلپ ايتدىكلرى سىرادە جىنكىز خان بوكا مانىع اولدى .
قاپچاقلار ياخۇد تىغىر دىكلە قومانلار موغۇللارە مەغلۇب اولۇپ
مەلىكىلىرىنى ترك ايلە مەجارىستانە ، قىرال بەلانىك ياننە كىتدىلر .
اودە كىندىلرىنە اقامتەكە تەخسىس ايتدى . مەقدارلىرى قىرق
بىكە باغ اوليوردى . قاپچاقلارك بىر قىسمى دە موغۇللار طرفىدىن
صلاح الدىن عائەلىسى حەكىمدارلىرىنە كۆلە اولەرق ساتىلمىشلاردر . بو
كۆلەلرە ۋىخرا ئەمىرى الە كچىر مىشلار و مەلۇكلار نامىلە شەرت بولمىشلاردر .
بو مەلۇكلاردىن كەلكە جىلدە بىخا ايدە جىكز . بورادە ،
آوروپا حەدودلىرى اوزىرىنە داغىلەرق بوپوك تەخرىباتدە بولۇنمىش

اولانلر والآن ده بولونمقدن خالی قالمايانلر حقنده معلومات ویره جگیز .

قازاق ملتی [۱] غایت واسعدر ، مقداری پک عظیم بر قوم تشکیل ایدر . روسلر بونلری اوچ قوله آیریرلر . هر بری اشغال ایتدیکی محلك اسمنی آلیر . روسجه ده نهر شلاله لرینه « بورووی » نامنی ویردکلری جهتله بوریسته نهری شلاله لری قربنده ساکن اولانلره « ساپورووی » دییورلر . بونلر ۴۸ عرض درجه سندن ۵۱ عرض درجه سنه قدر اولان حوالی یه یاییلمشلدردر . ایکنجی قول دون نهرینک ایکی ساحلنه آلیشمش بولونان قازاقلری احتوا ایدر . بونلر قوزاقی دونسکی نامنی طاشیرلر . یاییق نهری اطرافنده یاشایانلرده اوچنجی قولی تشکیل ایدرلر و قوزاقی یاییقزی نامنی آلیرلر .

[۱] پوفندورفک تاریخنده قازاقلر حقنده بعض تفصیلاته تصادف ایدیلیور . بو معلومات « تاتارلرک تاریخ انسابی » ندن استعاره ایدلشدردر . بونلره بعض علاودلر یاپلشدر . بو ایکی منبعدن آیریلنی موافق کورمدم . قازاقلرک تاریخی دها بویوک تحریات و تدقیقات اجراسنه دکه جک بر قیمتی حائز دکلدر .

ساپورووی قازاقلری

بورستهن نهرينه جوار اولان ساپورووی قازاقلری ۱۵۰۰ تاریخیلرینه دوغرو ، بو نهري جوازنده کی واسع اووالره یاییلمشلردی . بورالره موغول استیلاسی زماننده التجا ایتمشلردی . موغوللر ضعیفلامغه باشلادقلری وقت بونلردن پک فنالق کورمش اولان قازاقلر کندیلرینه هجوم ایتمکدن کری دورمادیلر . اولدجقه شایان دقت موفقیتلرا حراز ایتدیلر . جسارتلرینی آرتیراجق غلبه لره نائل اولدیلر . کیتدکجه جرأتلری وتشبشکارلقلری آرتدی . موغوللره صیق صیق هجوم ایله متعدد مصادماتده اونلری مغلوب ایلدیلر . روس ولهلر مشترک دشمنلرینک کندیلرندن نه معاونت نه پاره ایسته مهین بر قوت وشوکت طرفندن ضعیفلاتلایغنی نظر ممنونیتله کورییورلردی . قازاقلرا اوزمان قومشولریله هیچ بر رابطه لری اولمادن یاشایورلردی . حر ومستقل ایدیلر . تاتارلرله آنجق فکر انتقامه قاپیلهرق حرب ایتمشلردی .

نهایت روسیه ده قومشولری ایچون قورقوله جق بر قوت

اولمغه باشلادی . مورخلر مزدن قسم اعظمك باسیلید نامنی
 ویردکلری چار ایوان واسیلوو یچ پک وحشیانه برجسارته ،
 واسع بر حرص جاهه مالک ایدی . تاتارلردن قورقدقلری
 قدر بوندن ده اورکن لهر قازاقلری ایجابنده کندیلرینه
 مفید اوله بیله جک بردوست صفتیله جلب ایتکی دوشوندیلر .
 اونلره اتفاق تکلیف ایتدیلر . ۱۵۶۲ تاریخنده عقد ایدیلن
 بر دیته قازاقلری رسماً تحت حمایه لرینه آلدیلر . بواتفاق
 شرائطی موجبجه لهستان قازاقلره کندیسنی دائماً مدافعه یه
 مهیا مکمل براردوی حاضر طوتمالری ایچون معاونت
 نقدیه ده بولونه جقدی . حتی بورسته ن خانلری ایله نیه ستر
 نه ری آراسنده تاتارلرک حدود لرینه دوغرو بوتون حوالی ،
 کیه فدن اون اون ایکی فرسخ مسافه ده و بورسته ن نه ری نك
 صاغ ساحلنده کائن تره تیمیروف شهر ی ایله برابر کندیلرینه
 تخصیص ایدیلدی . بوراسی مرکز عسکری اولاجقدی .
 بو ولایت تاتارلرک صیق صیق یاپدقلری آقینلردن دولای
 اوتاریخنده غیر مزدوع ایدی . قازاقلر چوق کچمه دن
 ایلدکنی آکلادقلری بو اراضی یی زرع ایله مشغول
 اولدیلر . پک آز بروقت ایچنده بوتون الکاک حالی د کیشدی .
 بویوک شهرلر ، گوزل کوپلر وجوده کلدی . اوقرانیا ولایتی
 لهستانک اک گوزل قسملرندن بری اولدی .
 قازاقلر بر عصر دن زیاده بر مدت لهستانک اک امین

برقلعه مدافعی کبی تلقی ایدیلدی . نه روسلر نه تاتارلر هیچ
 بر حرکت یایما یورلردی که قازاقلری قارشیلرنده بولماسونلر .
 حتی قازاقلر قاره ده کیز ساحلارینی تخریب ویغما ایدرک
 استانبول جوارلرینه قدر کیدیورلر ، تورکلره میدان اوکو .
 یورلردی . شالالهرک آلات طرفنده بورسته نهرینک تشکیل
 ایتدیکی کوچوک آطهلردن پک استفاده ایدیورلردی . اورتهیه
 دوغرو بعض آطهلر واردر ، بونلر اطرافلرنده کی برچوق
 آطهلر آراسنده او قدر کیزلنمش برحاله درلر که نه کبی دولامبا جالر
 یایمق لازم کلدیکی غایت صریح صورتده بیلنمزسه بونلره
 یاناشمق قابل اولماز . شاشیرمق پک قابلدر . قازاقلر ایشه
 بو آطهلرک اک هجرالرنده انشآت دستکاهلرینی و دبویلرینی
 بولوندیوریورلردی . زمان زمان بورالرده کوچوک سفینهلردن
 مرکب بر دونانما تجهیز ایدرلردی . بوتون قاره دیزی
 دولاشیرلر ، ساحللرده یاناشه بیلدکلری کوی وقصبهلری
 یغما ایدرلردی . قوماندان اوله رق یالکیز کندی خطمانلرینی
 طانیرلردی . خطمان هم اردویه قوماندان هم مملکته حکم
 ایدردی . لهستان حکومتی طرفندن نصب ایدیلن بویوک
 قومانداندن مستقل اولان بورئیس قازاقلرله همان دایما آیری
 صورتده حرکت ایدر ، فقط لهیلرک فکرینی آلمادیغی پک
 نادر اولیورلدی . بو ، کندیسنه امر ویریله جک بر تبعه یا خود
 مادون برما مور دکلدی ، مفید صورتده استخدام ایدیلن

و خاطرینه رعایت کوسترین بر متفق ایدی . ملت طرفندن
 انتخاب ایدیلن بوقوماندان میللیس عسکرینک مخالف درجائی
 قطع ایش بر قازاقدن باشقه بری اولامازدی . لهیلر بوملندن
 ایتدکاری استفادده اعتدال کوسترمش اولسه لردی بوقدر
 مهم بر مظاهرتی محافظه یه قادر اولایلر لردی . فقط قازاقلره
 ویردکاری غیر مزوع اراضی اونلر طرفندن مزوع
 برحاله کتیریلنجه له کبارلرینک نظر حرص و طمعنی دعوت
 ایتشدی . بونلر یاواش یاواش اوقرانیاده بر طاقم املاک الده
 ایدرک بویوک چفتلکلر تشکیل ایتدیلر . بواراضی باشقه
 طرفده مالک اولدقلری چفتلکلره نسبةً دها فضله ایراد
 کتیردیکندن اراضینک قوه انباتیه سندن الدن کلدیکی قدر
 چوق استفاده ایتک چاره سی دوشونمکه باشلادیلر .

لهستانده کی اراضیلرنده یاشایان کویلیلره اسیر معامله سی
 کوسترمکه آلیشقین اولدقلری ایچون قازاقلره ده عینی معامله یی
 کوسترمک ایسته دیلر و اراضیلرنده بولونان قازاقلردن بر طاقم
 آنغاریه لر و بوکا ممائل خدمت لر طلب ایتمکه قالدیلر . حریتلرینه
 صوک درجه ده مربوط بولونان قازاقلر کندیلرینک استقلال -
 پرست طبیعتلرینه مغایر بر بویوندروغ قاتلانامادیلر . لهیلر
 اونلری جبراً بوکا منقاد بولوندیرمغه قالدیلر . قازاقلر سلاحه
 صارلدیلر ، تورکلردن و روسلردن استمداد ایتدیلر . بونک
 تولید ایتدیکی محاربه یکر می سنه دن زیاده سوردی . تورکلره

قارشى كندىلارغىنا وقتىلە سېر خىدمىتى كوردلار شىمدى توركلار
لەندە حربە اشتراك ايتىدكلرى واونلار لەستان قاپىلارغىنا آچىدقلىرى
جەھتە بو محاربە لەلىلار ايچون پىك مضر اولدى . روسلار
قازاقلارنى كندىلارغىنا جلب ايتىك يولنى بولدىلار . بو محاربە
ائاسىندە لەستان اوقرانىياسى خراب اولدىغى جەھتە قازاقلار
كىدوب روسىيە اوقرانىياسىندە يرلىشىدىلار .

باشقى بر سەبب دەها قازاقلارنى عصيانە سوق ايدىيوردى .
توركلار كىمما لكەنە آقېن يانغىغى آلىشقىن ايدىلار . اكثريا پىك
زىنكىن غنائىم ايله عودت ايدىرلردى . توركلار بوندن دولايى
لەستان قرالى اتىيەن باتورىيە شكائىت ايدەرك بوكا ممانعت
ايدىلار كىمكى تقديردە اعلان حرب ايدەجكلرىنى مقام تەھدىدە
بيان ايدىلار . لەستان قرالى صلحى اخلال ايتدىكىندىن ولەستانى
يىكى بر حرب تەھلىكەسەنە معروض براقديغىندىن دولايى قازاقلار
رئيسىنى اولدىرتدى . صوكرە ، قازاقلارنى صىقى بر انضباط آلىندە
طوتمق و كندىلارغىنا حدودلردە كى تىجارلارنى صويمقدىن منع ايتىك .
ايچون اصول و نظامات وضع ايدىلدى . فقط قازاقلار بو
امرلارنى اجرا ايتىك ايسىتەمدكلرى جەھتە كندىلارغىنا كوگىنى
قازىمق قرارى وىرىلدى . مع مافىيە لەلىلار اسوۋە چلىنرە قارشى
ياپىدقلىرى محاربەدە قازاقلارە محتاج اولدىلار . قازاقلار بويوك
خىدمەتلار ايفا ايتدىلار و ۱۶۰۱ تارىخىندە تىكرار كوزە كىردىلار
فقط قازاقلار بر درلو راحت دورامادقلىرى ايچون كندىلارغىنا

انضباط آلتندە بولوندىرمق ايچون ياپلىش اولان قانونلرى تىجدىد.
مجبورىتى حس ايدىلدى . قرال سىرلىسموند ايله ۱۶۱۱ ديه تى
قازاقلارك غير قابل تحمل سـوء استعماللرندن دولايى حرىدم
آرتق قطعياً استخداام ايدىلەملرىنى امر ايلدىلر . يالكر لهستان
جهورىتى بويوك بر تەلەكەيە دوشـىدىكى تقدىردە بوكا جواز
ويرىلەبىلە جكدى . ۱۶۱۳ تاريخندە لهستان اردوسى قوماندان
نلرىنە قازاقلارە قارشى يورومك واونلرى دشمن كى تلىق ايتمك
امرى ويرىلدى . كورونوشە نظراً بو تشبث اوزرىنە قازاقلر
كسب سكون واعتدال ايتىلردر . چونكە ۱۶۱۸ تاريخندە
قازاقلارك جوار حكومتلر اراضيسنە تجاوز ايتەملرى امرىلە
اكتفا اولوندى . قازاقلر بر قاچ سـنە بو اوامرە رعایت
ايتدكن صوكرە آقینلرىنە تىكرار باشلادىلر . ۱۶۲۶ تاريخندە
ر دونانما ايله بوغاز ايچنە كيتدىلر ، قارە دە كىز بوغازىنە
كىردىلر ، كويلرى ياقدىلر واستانبولى تلاشە ويردىلر . توركلر
كندىلرىنە قارشى كوچوك بر دونانما چىقاردىلر . ايكى دونانما
غروب شمسە قدر قارشى قارشى يە قلدىلر . صوكرە قازاقلر
غنائم ايله كرى دوندىلر . تورك ايمپراطورلغىك وهنوز كوچوك
اولدىغى جەتله والده سـنك وصايتى آلتندە ياشان مراد رابعك
ضعفندن بالاستفاده دفعات ايله بو قبيل آقینلردە بولوندىلر .
احتمالكەدە قريم تاتارلرىنك لهستانە ياپدقلىرى آقینلردە باعث
اولدقلىرى فناقلارك بو صورتلە توركاردن آجىدى چىقارلماسى

خوشه ده کیدیوردی . قازاقلرک آقینلری مرادرابی سراینده
 بیله ازعاج ایتدی . لهستان سفیرینه قازاقلردن شکایت ایتدیلر .
 سفیر قازاقلرک حقی اولدقلری، چونکه تاتارلرک لهستانه صوک
 آقینلرینه پادشاهک انجمنلرندن برینک مساعده ایتدیکنی متعظمانه
 جواب ویردی . بر آز صوکره قازاقلر ایکی یوز پارچه سفینه
 ایله باشقه بر آقینه باشلادیلر . تورک دونانماسی لیمانده اولمقله
 برابر Colonne de Pompée یه قدر ایلریله دیلر . بوصورتله
 هر کون قاره ده کیزدن کلن ییه جکک شهره ادخالنه مانع
 اولیورلردی . عیی زمامده لهیلر حدودده اوتوز بیك کشیلک
 بر قوت بونوندریسیورلردی . باب عالی ، قازاقلرک آقینلری
 منع ایدیلک شرطیله بعض فائده لی تکلیفلری حامل بر چاوش
 اعزام ایتدی . چاوش ابتدا حسن صورتله قبول ایدیلدی .
 معاهده عقد ایدیلک اوزره ایدی . بوصیراده اون بیك تاتارک
 پودولیا قطعه سنه کیرمش اولدقلری خبر آلندی . تورکلرک
 حیله کارانه حرکت ایتدیکی یولنده بر مؤاخذه ایله چاوش کری
 کوندرلدی . انقطاع مناسبات غیرقابل اجتناب کورونیوردی .
 فقط مولداویایه کوندریلن یکی بر وویوودا باب عالی ایله لهستان
 آراسنده بوسطه خفیاً مأمور ایدیلشدی . وویوودا وظیفه سنی
 اوقدر ای بر صورتده ایفا ایتدی که صلاح امضالاندی . لهیلر
 آرتق قازاقلرک آقینلرینه مانع اولمای واستابوله بر سفیر کوندرمه یی

وعد ایلدیلر . لهیلر قازاقلری مشغول ایتک ایچون اونلری روسلره قارشى قوللانیدیلر . لهستان سفیری کندى ماتى فامنه هر سنه تانارلره یکر مى بیک فیلورین واسکی معاهدات موجبجه سنوی آلنى بیک چیفت چیزمه ویرمکی تعهد ایلدی . بوکا مقابل تانارلرده دشمن صفتیله لهستانه کیرمه مکی و عثمانلی دولتدن ماعداسائر دولتلرله یاپه جقلری محاربه لرده کندیلرینه یاردیم ایتمکی وعد ایلدیلر .

روسیه یه قارشى بو محاربه اوزون مدت سوردی . بویوک ولادیسلاس بو محاربه ده او قدر مهم موفقیات استحصال ایتدی که نهایت تورکلرله اتفاقه طالب اولدیلر . بونک اوزرینه قازاقلر تورکیه یه آقینلرینه تکرار باشلادیلر . ۱۶۳۴ تاریخنده لهستان ایله صلح اخلال ایدیلدی . مع مافییه ینه اوسنه تکرار صلح انعقاد ایتدی . ایرتسی سنه طوپلانان لهستان دییه تی تورکلرک اراضیسنه تجاوزدن قازاقلری پک شدید صورتده منع ایلدی . امرنامه لرله منع ایدیلش اولان تجاوزات ، قازاقلر اوفاجق برفرست بولونجه ، بوتون بوتون شدتله میدانه چیقیوردی . لهستان ایله تورکیه آراسنده کی اک خفیف برودت قازاقلره امر بکله مکسزین همان آقینلره باشلامق ایچون روسیه تشکیل ایدیوردی . نهایت ولادیسلاس بونلرک معاهده نامه احکامنه رغما تورکلرک اراضیسنه آقین یامالرندن وباشنه یکی غائله لر چیقارمالرندن قیزدرق لهستانک بویوک قوماندانی

قونیہ شپولسکی قازاقلرک مملکتنه اعزام ایتمکه قرار ویردی .
 بو قوماندان قازاقلری الدہ طوتہ بیلماک ایچون ۱۶۳۷
 تاریخندہ سامورا و بوریسٹن نہرلرینک برلشدکلری نقطہدہ،
 ہوداق یاخود قوداق قلعهسنی بنا ایتدی . بوچارہ بکله نیلن
 نتیجہی تأمین ایتمہ دیکی جہتلہ دہا شدتلیلرینہ توسل ایتدیلر .
 ایرتہسی سنہ قازاقلرک رئیس پولوقو اعدامہ محکوم ایدیلدی .
 و بو حکم وارسوویدہ اجرا اولوندی . عینی زماندہ تردشیتمیرون
 شہری قازاقلرک الندن آلدی و امتیازلری قلدیرلدی .
 مقاولات اعتباریلہ لہستانہ تابع اولمقدہ دوام ایتدیلر . فقط
 کندیلرینہ عسکر معاملہسی ایدیلدیکندن شکایت ایتمکدن
 خالی قالمادقلری کی آرتق لہستان بویوندوروغنی سیلکوب
 آتمقدن باشقہ برشی دوشونمیدیلر . بوفرست چوق کچمہدن
 ظہور ایتدی . شہرین حوالیسی والیسی اولان شاپلینسکی
 ایلہ شمیہ لینسکی براراضی مسئلہسندن دولایی منازعہ ایتدیلر .
 شمیہ لینسکی لیتوآ نیانک بویوک عائلہلرندن برینہ منسوب
 اولمقلہ برابر وطنندہ اوقدر اعتباردن دوشمشدی کہ بلا تہلکہ
 اورادہ قالہ مادیغندن اوقرانیایہ چکیلمشدی . قازاقلر عصیان
 ایتدیلر ، کندیسنی رئیس یایدیلر واورمانلرہ چکیلدیلر .
 ابتدالری بونلر آز مقداردہ برطاقم غیر ممنونلردن ترکیب
 ایدیورلردی . فقط دہا برچوقلریدہ کندیلرینہ النحاق
 ایلدیلر . غوغایہ کیریشہ بیلہ جک درجہدہ قوتلندکلرینی حس

ايتدكاري زمان التجا كاهلرندن چيقديلر ، لهليلري مغلوب
ايتديلر وپك چوق غنائم آلديلر .

۱۶۴۷ تاريخنده قرال ژان قازيمير برادري ولاديسلاسه
خلف اولديغي زمان بومحاربهدن دولايي پك مشكل بوموقعده
بولوندى . له اصيلزادهلري كنديسنى قازاقلري ازمكه تشويق
ايدىوردى . فقط قازاقلرك حقسىز اولماقلرينى حس ايتديكسندن
اصيلزادهلري كندى حاللرينه براقدى . اونلرده مغلوب
اولديلر . غنائم پايلاشمغه دائمامهيا بولونان تاتارلري كنديلرينه
تشرىك ايتمكى اهامال ايتدمش اولان قازاقلر وارسوويدن
آنحق يكرمى فرسخ مسافهده كائن بولونان تراموسقايه قدر
آقنلرينى ايتريلانديلر وكيه فى اله كچيرديلر . شهميه لينسكى
بوراسنى كنديسنه مقر حكومت اتخاذايتدى . قرال نهايت
ملك ايتسدديكنى ياپدى . بر اردوايله قازاقلره قارشى يورودى ،
اونلرله محاربويه كيريشدى وغالب كلدى . بوموفقيتى متعاقب
بر صلح معاهده نامهسى ياپلدى . بونده قازاقلره ويريلن
مساعداست قرالك بو غائلهدن قورتولمقله پك ممنون اولديغنى
كوسه ترييوردى . اصيلزادهلر مرلدانمغه باشلاديلر . قازاقلر
لهليلرله حرب ايدر كن يالكىز اسكى امتيازلرينه نائل اولمق
ولهستانه محاربهلرند يارديم ايتمك اوزره بر متفق صفتيله
كلمش اولان محارب و جنكاور بر ملته لايق حريتى استحصال
ايله ملك انچون سلاحه صاريلش اولدقلىنى ، بر اسير معاملهسى

كودمك ايسته مدكلريني سويله يورلردى . لهليلر قراللريني قازاقلرى نوميد ومايوس ايدى جك بر وضعته سوقغه سوق اتمكه بويوك بر خطاده بولونديلر . بالعكس ، باب عالينك خراجكذارى اولان تاتارلر جمهوريت اراضيسنه آقن ياپارلر سه بونلره قارشى مقابله بالمشه قالفه جق ياخود بعض ولايتلرى اله كچيرمك اوزره ضعيف بر حكومتك موجوديتندن استفاده يه دائما مهيا بولونان روسلره قارشى حرب ايدى جك بر ميليس عسكرينى اله بولوندير مق ايچون قازاقلره حسن معامله اتمك ايجاب ايلردى .

لهستان، قازاقلرى ازمكه اولجه مالك اولديغى بر منبع قوتدن كندى كنديسى محروم براقيوردي . قازاقلرى صوك درجه ياسه دوشوردى و اونلرى باشقه بر حكومته كچمكه مجبور ايتدى . فى الحقيقه ، قازاقلر روسيه يه التحاق ايدنجه آلکسی فهدروويچ كيهفه صاحب اولدى . ۱۶۶۰ تاريخنده عقد ايديلن اوليوا مصالحه نامه سى اسوه چ ايله لهستانى باريشديرمش اولديغندن آرتق شارل كوستاو كى مدهش بر دشمندن قورتولمش اولان لهليلر كنديلرينى ياواش ياواش طوپلاديلر و روسيه طرفنده غائب اتمك فلا كتنه او غر داقلىرى يرلك بر قسمنى استرداد ايلديلر . ۱۶۶۷ تاريخنده چارك موسقوده ياپديغى متاركه شرائطى آراسنده ، بوريستهن هرينك اوتة طرفنده كاڻ بولونان او قرانيا قطعهنك روسيهده

قالماسى وبونهر ك برى طرفنده يعنى غربنده كائن اولان قسكده لهستانه عائد اولماسى ده داملدى . روسلر كيه فى ايكي سنه محافظه ايدى جكار ، صوكره اهللر ويره جكلردى . ايكي حكومه عائد اولان ساپورووى آطه لرى مشترك دشمنلره قارشى هر ايكيلى طرفندن ده مدافعه اولونه جقدى . روسيه ، كيه فك اعاده سندن امتناع ايتك ايچون بر طاقم وسيله لر ايجاد ايتدى . ۱۶۷۲ و ۱۶۷۴ تاريخلرندى تكرر مذاكرات جريان ايتديسه ده بر فائده وىرمى .

ولاديسلاسك زمان اداره سنده اوغراقلرى تضديقات ائناسنده قازاقلرك بر قسمى روسيه كچمشلردى . اوراده غير مزدروع وغير مسكون اراضى يي آجديلر . بر طقم قازاقلرده آلتى بيك كشيدين مركب بر قوه عسكريه وجوده كتيره رك ايران شاهنه عرض خدمت ايتم ايشته ديلر . دون نهرينه واصل اولونجه اوراده چاره تابيع قازاقلره تصادف ايتديلر . بونلر ، كنديلرينه التحاق ايدرلر سه آزاق شهرينى باصوب ضبط ايدى بيلمه لرى محتمل اولديغنى سويله ديلر . بوتشبت تصويب واجرا ايدى . بوموقى الارندن كلديكى قدر تحكيم ايتديلر . بوراده ، كنديلرينك كو-وك سفينه لرى ايچون برانشات دستكاهى ودارالصناعه وجوده كتير ديلر . بوندى دولابى توركلر ايچون اسكيسندن ده مدهش برحاله كيرديلر . ايشته آزاق شهرى روسيه نك انه بوصورته كچدى . لهستان قازاقلرى ،

روسیه ایله لهستان آراسنده کی متار که دن صو کره تورکار طرفنه
 کچهرک اونلری لهستانه قارشى حربه تشویق ایتدیلر. ژاق فازیمیر
 تختدن واز کچنجه کندیسنه خلف اولان میشلده اوندن دها
 بختیار چیقمادی. تورکار قازاقلرکده یاردیمیه ۱۶۷۲ تاریخنده
 قامینیچ قامینیچ شهرینی آلدیلر و ایرته سی سنه عقد ایدیلان
 مصالحه نامه موجینیچ بوراسنی کندی اللرنده آلیقویدیلر.
 اوزماندن بری بوملت و قتیله او قدر خدمتلر ایتدیکی جمهوریت
 دشمن بولونمقدن کری قالمامشدر. آرتق قازاقلر لهستانه عسکر
 ویرمیورلر. بونلرک یرینه و قتیله اولدیغی کبی قازاق نامی آلتده
 الهیلردن مرکب برفرقه بسله نیور و بونلر حقیقی قازاقلر کبی
 تسلیح واکسا ایدیلیور.

روسلر طرفنه کچن قازاقلر ابتدا غایت مساعده مامله
 کوردیلر. حکومتلرینک تشکیلات اساسیه سنده هیچ برشی
 دیکشدرمه یه جکی، هر نه نام و بهانه ایله اولورسه اولسون کندیلرینه
 هیچ برور کو ورسوم وضع اولونمایه جنی سرای نامه اونلره
 رسماً وعد ایدیلدی. بوکا مقابل قازاقلرده روسیه نك خدمتنده
 دائمی صورتده ای برقول اردو حاضر بولوندیرمغی تعهد
 ایدیورلردی. فقط دائماً آتشین و جوال اولان بوقوم لهستان
 حکم و نفوذی کبی روسیه حکم و نفوذی ایله ده ائتلاف
 ایدممدی. حریتنه بر آرتجا و زایدیلر ایدیلر قاریشیق چیقارمغه

مهمیا ایدی. غیر ممنونلرک باشنه کچمکدن باشقه برشی دوشونمه یں
زۇسا۱ کسک دکلدی .

روسار چار آلک ینک قومانداسی آلتنده لهیلرله حرب
ایتدکلری صیراده اوقرانیاده ژورژ آلکسیهویچ دواغوروکی
اوقرانیاده قوماندان ایدی . بوقوماندان قازاقلره حسن معامله
کوستردیکی مدتجه اونلر طرفندن اطاعت و حرمت کوردی . فقط
۱۶۶۵ تاریخنده قازاقلر بر معتاد کندی یرلرینه چکیلیمک
ایسته دکلری زمان روس قوماندانی بونلری جانک ایسته دیکی
قدر سفرده طوته یلمک ادعاسنه قالقدی . قازاقلر اطاعت
ایتمه یه رک رئیسار یله برلکده چکیلدیله . دواغوروکی آرقه لرندن
عسکر سوق ایتدی ، رازین نامنده کی رئیس طوتدی وبونی
در حال صلباً اعدام ایدیلکه محکوم ایلدی . بوشدت روسلره
پک بهالی یه مال اولدی . بورئیسک آتیه ن رازین یاخود
وطنداشلربنک تعبیری وجهله ستانقو رازین نامنده برقاردشی
واردی که اووقته قدر شایان دقت هیچ برشی یایمامشیدی .
قاردشنت اعدامندن او قدر متنفز و متأثر اولدی که انتقامنی
یالکیز دواغوروکی یه حصر ایتمه یه رک بوتون راست کدیکی
روسلری محو ایتمکه قرار ویردی . ایکی سنه حاضرلق کورمکه
مشغول اولدی . پک دیندار اولماقله برابر دینی بروسیله اوله رق
ایلری یه سوردی . براولیا کی تلقی ایدیلن و چارک بالخاصه
مظاهر حرمتی اولان بطریق نیقون فضیحتلرینی تعیبیدن خالی

قالمادينى اكارك كين وخصومتى جلب ايتىدى . بونلر اوقدر
انترىقه ياپديلر كه كنديسى چارك كوزندن دوشورديلر . چار
اونى عزل ايتدى . رئيس دینه قارشى كوستريلن بوحقارت
رازينك هيچ امورنده دكلدى . فقط خلق بوسايله ده بوچارلر
قارشى تحريك ايدميه جگنى دوشوندى . بونده موفق اولدى
وبرچوق قازاقى كندى فكرينه جلب ايتدى . رازين پك
قورناز فكرلى بر آدمدى . طبعنده ظالمك واردى . چهره سنده
بر تحيلق اوقونوردى . قوى و كور بوزدى . پك مكمل سلاح
قوللانيردى . دولغور و كينك كوستردىكى شدتن غير ممنون
اولان قازاقلر كنديسى رئيس اولمغه لايىق بولديلر . حرىتلرينك
انتقامنى آلمغه معطوف اولان بر تشبده قاردشنه ياپش فنا لك
تأثيرى آلتنده بولونان بر آدمدن اى بر رئيس اولمايه جغنى
دوشونيورلردى . قازاقلر نزدلرينه التجا ايدنلر برحق التجا
بخش ايدميه بيليرلردى . روسلرى دها زياده قيزدير مق ايچون
محكمه لرك تعقيب ايتدكارى بوتون ارباب جرائمه حدودلرينى آچديلر
بو قولايلىق سايه سنده برچوق حيدودلر اونلرك نزدينه كلديلر .
ستاقو رازين بونلرى كال ممنونيتله قبول ايتدى . يالكنز
جرملرينك جزاسز قاله جعنى تأمين ايتمكه قالمايارق غنائمدن
كنديلرينه حصه ويردجگنى ده وعد ايلدى .
چارك اون آلتى ياشنده ، اى خويلى براوغلى واردى .
بوكنج شهزادى پك چوق سون چار اوني ولى عهد اعلان

ایتمک ایستهدی ۱۶۶۷ تاریخنده بومناسبتله بویوک شنگلکلر یاپدیردی . بونشئه بک اوزون سورمدی . ولی عهد بر آاز صوکره اولدی . ستانقو بویارلرک چارویچی اولدیردکلری ادعا ایتدی . کندی تصوراته برمانعه تشکیل ایدن بویارلره قارشی قازاقلری سلاحه صاریلغه تشویق ایچون بونی بهانه طوتدی . حاضر- لقلرینی اکیال ایدنجه وولغا یه دوغرو یورودی ، تجارقایقلرینی یغما ایتدی ، متعدد افعال خصمانه ده بولوندی . بو حرکتک اسبابی صورمق اوزره وویوودا بقونه ویچ اعزام ایدیلدی . ستانقورازین بوقوماندانی آستراخان ایله چورنو غور آراسنده نهره آتدیردی ، صوکره یاییق نهرینه دوغرو ایلر یله دی . کندیسنه بعض تکلیفاته ده بولونمق اوزره بر مقدار عسکر وایکی میر آلالی ایله برلکده باشقه بر وویوودا کوندرلدی ایسه ده ستانقورازین ایکی میر آلالی صلب ایتدیردی . یاییق نهرندن بحر حزره کچدی ، تکرار وولغا نهرینه کیردی ، صیدگاه یلری تخریب ایتدی ، تاتارلرک کویلرینی یاقدیردی . صوکره ته کری جهته دوندی . بو شهری اله کچیره مه نیجه ایرانه تابع ممالکدن بعض محملری تخریب ، تجار کمیلرینی یغما ایتدی ، تجارلری اولدیردی ، عجملری روسلره قارشی تحریک ایچون ایران ساحلنده بعض کویلری ییقدی . روسلره عجملر کندیسنه قارشی عسکر سوق ایتدکلرندن بحر حزرده بر قاچ آطه بی ضبط ایله معیتنده کیلری بر باصقین تهلاکه سندن مصون بولوندیردی . فقط ده پولری اولمادیغی جهته بوراده ، آچلقدن

قیرالمق قورقوسی اونی حیلەیه مراجعتە مجبور ایتدی . چارایله صلح یایمغه چالیشدی . روسلر کندیسنی تسکین آرزوسینده اولدقلرندن بر عفو عمومی بخش ایتدیلر . ستانقو رازین یکی بر عهد و میثاق ایله چاره مربوط اولمغی قبول ایتندی . حتی آسترخانه بیله کیتدی . آطه لرده بولوندقلری مدتیجه ایچمهکه مجبور اولدقلری آجی صولردن خسته لانتسیدی . آستراقانده آز وقتده اییلشیدی . یاپدیغی آقینلرده طویلا دیغی پاره لری بوراده بول بول صرف ایتدی . صوکره ، قازاقلریله برلکده دون هری طرفلرینه چکیلدی . وطنه عودت ایدنجه اسکی تصوراتنه تکرار باشلادی . قازاق ملتک چاره اطاعتدن قورتولماسنی ذهننه قویددی . عسیاننه ممانعت ایدنلری محو ایله دی . چارویچک وفاتی بویارلرک خائىلککنه عطف ایتمشدی . چارویچک بویارلرک الندن قاچدیغی ، کلوب کندیسندن حمایه وانتقامنک آلتماسنی طلب ایتدیکنی فرض ایله دی . بطریق نیقون بر مناسه توده محبوس اولمقله برابر بونک قاچدیغی شایعه سنی چیقاردی . ظالم لرک حق سرلغنه قارشى اوده کلوب کندیسنک حمایه سنی رجا ایتمشدی . بری قیرمزی قدیفه دیکری سیاه قدیفه ایله سوسلی ایکی قایق حاضر لاتدی . بطریقک سیاه قدیفه لیده ، ولی عهدکده قیرمزی قدیفه لیده بولوندقلری ظنی هر کسه ویردی . بو پک قابا بر حیلە اولمقله برابر اطرافنه بر چوق آدم طویلا نماسنی تأمین

ایندی . آز وقت ایچنده معیتندە کیلرک مقداری یوز بیکە بالغ اولمشدی .

وولغا اوزرندە زاریچا شهرینی ضبط ایتدی . روس اردوسنک شهری یغما ایچون یولده اولدیغنی ، کندیسنک اونلری قورتارمغه کادیکنی اهالی یه ایناندرمشدی . اهالی بو سوزلره قاپیلهرق شهرک قاپیلرینی آچدیله . ستانقو رازین قوماندانی و شهر خلقندن کندیسنک عصیانى تصویب ایتمه ینلری قتل ایتدیردی . فی الحقیقه زاریچایه کلکده اولان بر اردو واردی . فقط بو، شهرک قازاقلرک انه دوشمه سنی منع ایتمک ایچون ایدی . ستانقو بو اردویه قارشى یورودى ، اونی بوزدی ، کیدوب چورنو غور شهرینه هجوم ایلدی . شهر تسلیم اولدی . مع مافیله بو حرکت قازاقلرک اوراده کی قوماندانی ، ضابطلری وتورکارک یکیچریلری قدر کستاخ بر نوع روس میلایسی اولان سترلیتلری قتل عام ایتمه لرینه مانع اولمادی .

اورادن ، غایت زنکین بر شهر اولان آستراقان جهته دوندی . شهرده اون ایکی بیک کشیلک بر قوه محافظه بولونمقله برابر هر کسی او قدر بویوک بر دهشت استیلا ایتدی که مقاومت عقله بیله کتیرلمدی . اهالیدن بر چوغی ستانقو ایله برابر ایدیلر . عسکرلر ضابطلرندن ممنون دکلدیلر . ستانقونک کوندردیکی ایالک مفرزه لره قاپیلری آچدیله . جوق کچمه دن ستانقو رازین آستراقان شهرینه صاحب اولدی . والی پروفوسو-

روفسكى بر كاپسايه التجا ايتىشدى . اورادن جبرا آلدىلر .
 بر قلهك تپەسەندەن آشاغى آتدىلر . بو وقەدە قاردشى وايكى
 اوغلى دە اولدى . شەردە روس ضابطى اولەرق الە كچنلر
 كافەسى بالطە ايلە پارچەلاندى و آياقلارندەن آصىلدى . اللارندە
 آلەحق پارە بولوندىغى ظن ايدىلنلر كافەسى وحشىانە قتل
 ايدىلدى . عجم ، هندو ، ارمنى ، تورك ، بولغار وساثر تاجرلر
 عاصىلر ك حرص وطمعنە قربان كىتىدىلر . قتل ايدىلن عسكەرلر
 دها آزدى . بونلر ك برچوغى آمرلرندەن غير ممنون اولدقلىرى
 ايچون اونلرە خيانت ايتدىلر ، ستانقونك عسكەرلى آراسىنە
 كىردىلر . ستانقورازىن آستراقاندە يكرمى بيك كشيلىك بر قوۋ
 محافظە براقورق قازان شەرىنەدە عىنى معاملەنى اجرا ايتك
 فكريلە وولغانەرنەن يوقارى دوغرو چىقمەغە باشلادى .
 يولە زاراتوف شەرىنى ضبط ايتدى . بونك واليسىنى ،
 ضابطلرىنى وایلرى كلنلرىنى قتل ايتدىردى . سامارا شەرىدە
 عىنى عاقبتە اوغراىدى . بورادە چارك خزىنەسى ياغمالدىلدى .
 ستانقورازىن سىمبىرسكى شەرىندەدە عىنى شىئى ياپەبىلەجكنى
 ظن ايدىيوردى . فقط وويووداسى متيقظ بولونيوردى .
 ستانقوي كرى پوسكورتدى . ستانقورازىن قاما نەرىنى
 كچەك يردە آستراقان اوزرىنە چكىلدى ، روسىيە آقبن
 قوللرى يوللادى . بونلر پك ايچرىلرە قدر كىردىلر وعظيم
 تخريبات ياپدىلر . ستانقو عسكەرلىرىنى كىندىسەنە دها زيادە بند

ایچون هر حرکتلرینه مساعده ایدیور ، چاره قارشى صداقت
 کوسترمهک قالقان روسلر علیهنده کی خشونت وظلملرینه ،
 حریتسانه حرکتلرینه سس چیقارما یوردی . بو سلفیل آدملر
 نظریده مقدس هیچ بر شی یوقدی . رازین ایشی او قدر
 ایلرییه واردیرمشدی که ولایتلره آدملر کوندره رک خلقی بو-
 یارلردن مخلص ایچون سلاحه صاریلش اولدیغنه دائر بیانانده
 بولونیوردی . بویارلرک کندی اراضیلرنده بولونان کیمسه لره
 قارشى نوستردکلری صوگ درجه ده شدید معامله دن هر کس
 بزکین اولدیغی جهتله شرائط حیاتیه لری اصلاح ایتمک امیدیه
 بو یکیلکه قولاق ویرنلر قولایجه بولونیوردی .

بویارلره قارشى آچیلان بو حرب اونلری سرایله برلشمکه
 هرشیدن زیاده سوق ایتدی . بو عصیان باصدیرلمايه حق اولورسه
 ترک حیاتدن باشقه چاره اولمايه جغنی آکلادیلر . عاصیلره قارشى
 برآز عسکر سوف ایتدیلر . فقط بونلر بویوک موفقیات ایله غرور
 اولمش کیمسه لری مغلوب ایده بیله جک مقدارده دکلدیلر .
 سیمبرسکی شهرنده موفق اولامامقدن صیقیلان رازین ، جنرال
 باراتینسکی طرفندن ده بر مغلوبیه اوغراتلدی . محاربه ده آلدیغی
 یاره لرک ویردیکی اضطرابدن باشقه قوماندا ایتدیکی عسکرک
 هریمتنی کورمک آجیسنی ده دویوردی . فقط جسارتی هیچ
 غائب ایتمه دی . تبدیل قیافت ایدن آدملری هر طرفه داغیلیورلر ،
 بر چوق یرلره آتش ویریورلر ، بو صورتله سفالتی آرتیرمغه

و حکومتی دها منفور برحاله کتیرمکه چالیشیورلردی . ستانقور
رازین بوتون بویارلرک وبالخاصه دولغوروکینک باشنی آچیقدن
آچیغه ایسته یوردی .

دولغوروکینک مزیت واقتداری بویارلری قورتاردی .
موسقوودنک قوه محافظه سی تزید اولوندی . ستانقونک بورایه
کلمک ایستهدیکی بیانیوردی . عوام خلک کندیسنه قاپیلری
آچاسندن ده قورقوبیوردی . اک لزوملی یرلرده قوای محافظه
اعزام ایدیلدی . روس اردوسی آنجق ۱۶۷۸ ایلولنده حاضر
برحاله کله ییلدی . قناز ژورژ آلکسیه و یچ دولغوروکی اردویه
قوماندا ایدیوردی . رازینک خطاسی یغما کرانکه وقت
کچیرمه سی اولمشدر . بوتون معیتده کیلری طوپلایه رق روس
اردوسنک اوزرینه هجوم ایده جکی واونی فائیت عددیه آلتنده
ازه جکی یرده اوفاق مفرزه لرله حرب ایدیوردی . اون بش
بیک قازاقدن مرکب برقوته دولغوروکی هجوم ایددرک بونلری
پریشان ایتدی . محاربه ده قازاقلردن برچوغی مقتول دوشدی .
اسرایه هیچ امان ویریلدی . بونلر یاصلب ایدیلدیلر ،
یاساده جه تپه لندیلر .

پرنس دولغوروکی موردوراتلرک الکاسنده آرساماس شهرنده
قرارگاه و محکمه تأسیس ایتدی . شهرک خارجی چوق کچمه دن
دار آغا جلریله دوناندی . بونلرده اوتوز قرق نعش صالانیوردی .
برطاقم عاصیلرده قازیغه کچیرلمشدر ، یاخود بوغازلانمشلردی .

اۈچ آيدە اون ايكي بيك كشينك محاكمه سى رؤيت ايديلهرك
جلادلره تسليم ايدىلدىلر. دولغوروكينك مفرزه لرى عاصيلرى
آرامق اوزره طرف طرف دولاشيورلردى .

دولغوروكى آرساماس جوارنده عصيانى همان همان كاملا
باصدير نجه قناز قولستاندين زارباتوف رزان دوقه لنى داخلنده
بولونان برقازاق قولنى داغيتمق اوزره ايلريله مك صرىنى آلدى .
قازاقلرك برچوغنى آچىق برميدان محاربه سنده ياخود اونلرى
پوصويه دوشورمك صورتيله اتلاف ايتدى . نزلرنده عاصيلر
بولونان ليسقو سكه نه سى رؤساىى طوته رق حكومه ته تسليم
ايتدىلر . قازاقلر حرب تهلكه سندن زياده طوتولان آرقداشلىرىنىك
اوعرادقلىرى اشكهنجه لردن قورقدىلر . يكي ضايعات يوزندن
طرفدارلرىنىك كوندن كونه آزالديغنى كورن رؤسلىرى آرتق
كنديسنى تحت امنيتده كورمه مكه باشلادى . آستراخانك محافظه سنى
« شيطان بىيغى » لقبى ايله آكيلان بردوستنه براقمشدى .
ستانقو رازين ، قازاقلرك روس سراييله بارىشمق ايچون كنديسنى
فدا ايتمه لرندن قورقديغندن بريرده اوزون مدت قالمغه جسارت
ايدە ميوردى . قازاقلرك خطمانى اوزمان قورنەى ياقولوف ايدى .
چارە صادق قالمشدى . بونك اولادلنى اولان ستانقونك كنديسنة قارشى
اعتماد تامى واردى . فقط ياقولوف صادق تبعه وظيفه سنى ، قرابت
رابطه سنة ترجيح ايدەرك ستانقو يى زارمچاده توقيف ايتدىردى ، اونى
موسقو وده كوندردى . عىنى زمانده ستانقونك قارداشى فرولقاده

دردست ایدیلدی . بوايکی قاردش پاتخته واصل اولونجه
اشکنجهیه تابع طوتولایلر و حکمدار علیهنده حرکته قالمش
جانیلر کی جزا کوردیلر . ۱۶۷۹ سنه سی نیساننده باشلری
کسیلدی و وجودلری پارچه لاندی . استانقونک اولومی بو
عصبانہ خاتمہ چکدی . شیطان بیغی اونک یرینه کچمک و کندیسنی
عاصیلره رئیس اعلان ایتمک ایسته دیسه ده عسکرلری طرفدن
زهرلندی . معیتده کیلر آستراخان شهرینی اسکی حال اطاعتنه
اعاده ایتمک صورتیه عفو لرینی استحصال ایده بیلدیلر . عصاتک
متباقی قسمتک باشنه بر سر سری کچدی . فقط روس قوماندانلری
کندیسنی احاطه ایتدیلر ، قاچه مایه جق حاله کتیردیلر . عصات مغلوب
اولدی . یالکیز ، بالطه لرله مسلح ایکی یوز کشی قدر قور تولدی .
بونلر سیمبرسکییه کیردیلر و چاردن باشقه کیمسه یه خدمت
ایتمک ایسته مدکارینی اعلان ایتدیلر . عفو ایدیله یه جک اولورلر سه
بربرلرینی بالطه ایله پارچه لایه جقلرینی سویلیورلردی . ندامتلری
صمیمی ایدی . بوراسی تقدیر اولوندی . متباقی عاصیلرک
هنوز طوتونمغه چالیشدقلری بعض شهرلرک استردادی خصوصنده
بونلرک یاردیملری کورولدی .

قازاقلرک کافه سی ستانقونک آرقه سی صیرا کیتمه مشلردی .
روسیه یه صادق قالمش بر قسم دایما واردی . ناصل که خطمانلری
یاقولوف اولادلغنی فدا ایتمک صورتیه بونی اثبات ایتمشدر .
دوروسنسقو ، الهستانه قارشى عصیان ایتمش قازاقلرک باشنده

بولوندىغى صيراده ۱۶۷۴ تارىخىندە ، مىشل ويە شىنوويسكىنىڭ
 وفاتىدىن سوڭ كىرە لەستان مىرالى اتخاب ايدىلغان ژان سوپىيەسكى
 ۱۶۷۶ تارىخىندە توركلارلە عقد صالح ايتدى . توركلار ،
 طونە نهرينىڭ اوتە طرفى چىكىلمىشلىرى ، معاھدە نامە موجبىچە
 لەستانە بويىستەن نهرينىڭ غەربىندەكى بوتون اوقرانىيا حوالىسىنى
 ترك ايتىملىرى و دوروسىنىسقىويە تابع اولان جنوبى قىسمى كىندىلىرىنە
 آلىقويىمىشلىرىدى . روس اردوسى توركلار كى تىباعىدىن استىفادە
 ايدەرك ، توركلار كىندىلىرىنە آلىقويىدقلىرى اوقرانىيا قىسمىنى
 اللرىنە كىچىردىلەر . كىذلك مىستىحكىم بر موقع اولان چەرىن
 قاعەسى ايله لەستانە عاىد اولان سائر بعضى موابقى دە روسلار
 ضبط ايتدىلەر . بو مظفرىتەدە ، لەستانىڭ دىشمىنى اولان
 قازاقلىرى تىخرىك ايدىن دوروسىنىسقىودىن دە قورتولمىق امكانى
 تامين ايدىلدى . توركلار چەرىنى استىرداد ايتىمك ايتىستەدىلەر ؛
 خايعات ايله بوسىكورتولدىلەر . فقط ۱۶۷۸ تارىخىندە تىكرار
 اوقرانىيايە كىردىلەر ، روماننا دوفىسكىنىڭ مقاومىتە رغماً ھجوم
 ايله چەرىنى ضبط ايلدىلەر . ايرتەسى سىنە روسلارلە عقد
 ايدەرك كىندى تىختى ھمايەلەرنەدە بولونان قازاقلىرى اونلارە براقىدىلەر .
 روسىيە ۱۶۸۵ تارىخىندە نىدىكىلەر ولەلىلەر كى ايمپراطورلەندە
 توركلارە قارشى ھىربە اشتراك ايتىمك مىجبورىتىندە ولدىلەر .
 پرىنس غالىچىن مەھش بر اردو ايله قىرىم طرفلىرىنە دوغرىو
 بر ھجوم تىشەبىتىندە بولوندى . تاتارلار كى لەلىلەر اىزعاچ ايتىلرىنە

محل بر اقامق ایچون صحنه حربی بوجهته نقل ایتک ایسته یوردی .
 معیتندە اوچ یوز بیک پیاده ویوز بیک سوارى واردی .
 روس اردوسی دشمنه هیچ تصادف ایتدی . بلا مشکلات
 نوغایلرک الکاسنه کیردی . بوراده هر شی خراب ایدی .
 یرد قویه قدر یعنی اللى فرسیخلق مسافه ده نه انسانلر نه حیوانلر
 ایچون ییه جک بولامادیلر . تاتارلر خانى قازاقلرک خطمانى
 ایوان ساموئه لوو یچک نصیحتی اوزرینه بوتدیرى اتخاذایتمشدی .
 بو بر چوق انسان و حیوان غلبه لغنک معروض اولدیغى قیطلق
 بر خیلی تلفاته سببیت ویردی . خطمان ایوان اسیر ایدیلرک
 رتبه سی رفع و سیریا به نفی اولوندى . یرینه قازاق ملتندن ،
 لهستانده تربیه کورمش ، ذکی ، جسور مازدپا تعیین ایدیلدی .
 کندیسنه سنت آندره نشانی بيله ویردیکی مازدپانک
 صداقتنه اعتماد ایدن چار اوقرانیانک محافظه سنى اوکابراقشدی .
 او زمان اوتوز بک قازاقدن مرکب بر قوته مالکدی .
 ملتی آراسنده مهم برعائلهیه منسوب اولان بو آدم پک صاحب
 اقتدار و مزیت ایدی . اسودچ قرالی اون ایکنجی شارلک
 مظفریاتنده کی سرعت او حکمداره قارشى کندیسندە بر حرمت
 و تقدیر تولید ایتمشدی . بر طاقم حریصانه امللره قاپیلهرق ،
 ملتنى بویوندوروقدن قورتازمق ، ملتک خلاصکاری
 و حکمداری اولمق ایچون ، اسودچلیلرک اطرافه ویردکلى
 تلاش ودهشتدن استفاده ایتک ایسته دی . چاره غلبه چالمق

ایچون موسقووه اوزرینه یورومک ایستین اسوچه قرالیله
اوزون مدت مذاکراتده بولوندی . اسوچه قرالی یولی ظن
ایتدیکی قدر قولای بولمادیغی ایچون مازداپا اوکا اوقرانیا طرفنه
کله سنی توصیه ایتدی و قوماندا ایتدیکی اوتوز بیک قازاق ایله
کندیسنه التحاق ایدمک و وعد ایلدی . بو پلان شایان قبول
کورولدی و تعقیب ایدیلدی . مازداپا چاردن ایرلمغه بر وسایله
بولق ایچون اردو سنده کی قازاق اکابرینی، کندیسنه التحاقه
وناظرلرک حرکاتندن شکایت ایچون روس سراینه بر هیئت
مرخصه اعزامنه دعوت ایتدی . یکنی ووناروفسکی بی بوهیئته
مأمور ایلدی . الده ایدیلن بر طاقم مکتوبلردن ده اول
چار مازدیانک ترتیبائی خبر آلمشیدی . چار بر مدت هیچ
بر شبتک فرقنده دکل کی داوراندی . جنرال منچیقوفی
قازاقلرک حرکاتی ترصدده مأمور ایتمکه اکتفا ایلدی .
اسوچه چلیلره التحاق ایتملرینه مانع اوله جق تدابیر اتخاذه
جنرالنه امر ایلدی . فقط ووناروفسکینک مواصلتی اوزرینه
چارک صبری توکندی . اونی حبسه آتیردی .

مازهیا ایشک میدانه چیقادیغنی کورنجه اسوچه چلیلره التحاق
بک زیاده تعجیل ایتدی . دیگر ساحلده بولونان بر اسوچه
قولنه هجوم ایتک ایسته یورمش کی وستا نهرینی کچدی . اوزمان،
آنحق ضابطلردن بعضیلری طرفندن معلوم اولان پلانی عسکرلرینه
خبر ویرمکی کوزه آلدی . عسکرلری بونی قطعاً تصویب

ایتمه یهرك چكىلدیلر . مازەپایی توقیف ایچون مذاکرەدە
لوندقلری صیرادە ایکی بیک کشی ایله اسوہ چلیلرک قرارکاھنە
قاچق امکائی بولدی . قازاقلر جنرال منچیقوفە التحاق
ایدەرك اونك اردوسنی چوغالتدیلر . مازەپانك شریك جرمی ایکی
میر آلائی باتورین شہرینی اسوہ چلیلرە تسلیم ایچون . اورایە کیردیلر .
فقط منچیقوف اونلرە وقت راقمادی . بوموقعە قارشى او قدر
شدتلی بر هجوم یایدیردی کہ جبراً ضبطە موفق اولدی . ضابطلری
انکسجە ایله اتل ایتدیردی . عسکرلری قیلیجدن کچیردی و
شہری یغما ایتدیردی . عصیانى تشویق استعدادندە کورون
جوار بعض قصبەلرەدە عینی معاملە تطبیق ایدیلدی . او قرانیایە
جلب ایدیان اسوہچ قرالی ، مازەپانك یایدیغی وعدلرە آلدانمش
اولدی . لووہن ها ئوتپك قوماندا ایتدیکی فرقە کندیسنە التحاق
ایدەمەدن روسلر طرفدن احما ایدیلمشدی . بوندن دولایی
اون ایکنجی شارل پولتاوا محاربەسنە کیریشمک تہاککەسنی کوزە
آلمق مجبوریتندە قالدی . اردوسنك قسم متباقیسنى دە بورادە
غائب ایتدی . کندیسیلە برلکدە بولونان قازاق افرادی
بورستەن آطەلرینە چكىلدیلر . فقط اورادەدە چارك انتقامندن
قورتولامادیلر . چار ، صداقتلرندن امین اولامادیغی بوملتك
خیانتندن دائمی صورتدە قورقەجق بروضعیئتدە بولونمقدن
بیقەرق اونلری ایلریدە آرتق بردهاقلدامایەجق برحالە صومقغە
قرار ویردی . بومقصدلە ، پولتاوا محاربەسندن برمدت صوکرە

مازەپانك شريك جرمى اولان قازاقلار بقیه سنك التجا ایتىش
 اولدیغى بوریستەن آطەلرینە بر قوۋە عسکریه سوق ایتدی .
 قادین وارککە ، اختیار وکنجه باقمان بورادەکی قازاقلارک
 ھېسى قیلیجدن کچیریلدی . عاصیلارک اموالی روسلرە ویریلدی .
 اوحوالی یە رچوق روس عسکری دولدیردیلر . بونلر کیفلری
 سېلدىکی کبی یاشادیلر . بیکلرجه قازاق یوردلرندن آلنەرق
 بویوک پترونک بالطق دە کیزی طرفلرندە یاپدیردیغی انشا آتدە
 قوللانلدى . بونلرک ھان کافەسى اورالردە ترک حیات یتدیلر .
 خطمانلری سرائە کیتمکە مجبور اولەرق ۱۷۲۲ تاریخندە عودتەندن
 سوکرە وفات ایدنجه بومأموریت الغا ایدیلدی . خطمانلغک
 نفوذ واقتدارى پک واسع اولدیغنه حکم ایدیلمشدى .

روسیه سرائی قازاقلری تماماً سائر تبعه موقمنده بولوندىرمەغە
 عزم ایتىش کورونیوردی . فقط برنجی پترونک وفاتی بوتصورک
 اجراسنی بر مدت توقیف ایتدی . قاترینانک زمان اداره سنده
 قازاقلارک امتیازلرینک تجدید واعادە ایدیلەجکی وعد اولوندی .
 مع مافیە ، خطمانلرینک مقرى اولان باتورین شہری پرنس
 دو منچیقوفە ویریلدی . اونلرە باشقە بر خطمان تعینى ایچون
 ھېچ استعجال کویتلمدی . رسمی صلب ایدیلش اولان مازەپادن
 سوکرە بر خطمانلری اولمشدى . بو ، ایوان ایلئەویچ
 سفورسپاسکی ایدی . مازەپایە قارشى کوستریلن سدت بو خطمانى
 اسودچ قرالیلە باریشمە سوق ایلمشدى . اسود چ قرالى ابتدا

کنديسە خيانت ايدە جك ديه بوندن شېه لىمىدى . فقط صوكره
اعتماد كوسترمىدى . اونك خيانتدن متفرا اولان قازاقلر صوكره
كنديسە روس سرائىنك نە قدر ظالمانە معاملە ايتدىكى كورونجه
آجىمىشلردى . بونلرى كندى طرفنە جلب ايتك اسودچ
قرالى اچون مشكل برايش اولمادى . ايشتە چارى دە قازاق
ملتى ازمكە سوق ايدن سبب بويدى .

روسيە ايله لهستان آراسىندە عقدايدىلن مقاولات موجبە
لهستان حكومتى بوريستەن نهرينك غرىبندە كائن اولان
او قرانيا اراضيسىنە كاملاً صاحب قالمىدى . فقط قازاقلر
بورايە صاحب اولدىغى زمانە نسبت ايدىلىرسە بو حوالى اليوم
غایت پريشان بر حالەدەر . اليوم حقيقى قازاق الكاسى عدا اولونە .
بيله جك حوالى بوريستەن ياخود نيه پريش نهرينك شرقندە كائندر .
كيه فك همان همان قارشيسىندە بوريستەن نهرينە دو كولن
وست نهرندن اليوم قازاقلرى قريم تاتارلرينك اراضيسىندن
تفريق ايدن سامارا نهرينە قدر امتدار ايدر . ديكر طرفدن دە
بوريستەن نهرندن بيه لغرود شهرينە و دونەچ سەويه رسكى
نهرينك منبعلىرىندە كائن داغلرە قدر تمتد اولور . حسابجه
تقريباً الشمس آلمان فرسخ طولندە و همان همان عيني عرضندە
بر الكا ديمكدر .

بوتون بو الكا قوجه بر صحرادن عبارتدر . بر چوق
كوزل نهرلر هر طرفى اروا ايدر . لطيف اورمانلرى واردر .

بناءً عليه صوك درجه ده منبت وحياته الزم شيلرله مالی اولديغی
قولايجه تخمین ایديله بیلیر . هر دورلو حبوبات، سبزه ونباتات،
توتون، بالومی، بال او قدر مبدول صورتده استحصال
ایدیلیر که روسیه نك بر قسمك احتیاجی ده بو سایه ده تأمین
اولومقده در . او قرانیا مرعاری پك ای اولدیغی ایچون
بوراده کی مواشی جسامت اعتباریله آوروپانك اك بویوکیدر .
بر او کوزك بلنه ال یتیشدیره بيلمك ایچون اوزون بویلی اولمغه
احتیاج وارددر . بوراده کی نهرلرده هر دورلو بالق یتیشیر .
آو حیوانانی ده عینی صورتله مبدولدر . آوروپانك اك زنکین
قسمی اولمق ایچون بو النكانك ده کیزله مواصله سنی تأمیندن
باشقه بر شیء احتیاج یوقدر .

بو النکاده طوغله دن بنایه پك آز تصادف ایدیلیر . شهرلر
وقصبه لر روس طرزنده اخشابدر . قازاقلر اوزون بویلی
ومتناسب انداملی کیمسه لر در . قسم اعظمك بورونلری
قارتال واریدر . کوزلری ماوی، صاچلری قویو، کوردوشلری
سربستدر . غایت کوربوز، ماهر، یورولمق بيلمز، جسور
و عالیجنابدرلر . حریتلری هر شیءه تقدیم ایدرلر . حریتلری
محافظه خصوصنده عقل و خیاله کلمه یه جك درجه ده اهتمامکار
وفداکار داورانیرلر . فقط ثباتسزدرلر، ایکی یوزلیدرلر،
حیله کاردرلر، عیاشدرلر . قادینلری کوزلدر، متناسبدر، اجنیلره
قارشی پك لطفکاردرلر . قادینلر وار ککلر اهلیر کی

کینیرلر . یالکیز قالپاقلری له سرپوششندن برآز فرقلیدر .
سلاحلری قیلیج و توفیکدر . عسکرلری منحصرأ پیادهدر .
لسانلری روسجه ولهجهدن مرگبدر . مع مافیة روسجهیه
چوق یاقلاشیر ، افادهلری غایت نازک اولدیغی تأمین ایدیلیور .
قازاقلر روسیهده کی شکلده خرستیان دینه سالکدرلر .
مع مافیة ایچلرنده چوق مقدارده قاتولیکده واردر . سیریا ایله
مناسبات تجاریهلری آرالرینه لوتر مذهبنی ده ادخال ایتشددر .
قازاقلرک بعضیلری بو مذهبی قبول ایلشیلردر . مازدپا اون
ایکنجی شارلاک نزدنده بولوندیغی صیراده بو مذهبی قبول ایتش
کی کورونیور . چونکه چار برنجی پترو بیاننامه لرنده
کندیسنک اسمنی ذکر ایدرکن کافر و بی دین دیمکدن
گری دورمازدی .

یولتاوا محاربه سنک نتایجی قازاقلرک قوتنده بویوک بر تشوش
حصوله کتیردی . مع مافیة ، بو ملت حقنده صوک یازلمش
اثرلره نظرأ قازاقلر هر بری اوچر بیک کشیدن مرکب
اون ایکی ملی آلائی وجوده کتیرمکده درلر . بو آلایلره
قازاق ملتندن برر میرآلائی قوماندا ایتمکدهدر .

دون قازاقلرى

دونىكى قازاقلار غرب طرفىدىن كلەرك كىلوقا شەرىنىڭ قارشىسىدا دون نەرىنىە منصب اولان كىلوى دوتەچ نەرىنىڭ جنوب ساحلىدىن دون نەرىنىڭ پالوس مەئوتىدە دو كولىدىكى آغزىە قدر اولان يىلردە دون نەرى قىيىلارنىدە ساكن اولورلار . بونلردە اوقرانىا قازاقلارى ايله همان همان عىنى بويدەدرلار . ظاهراً اونلارە بىكوزرلار . تمايلات وتصور اعتبارىلەدە اوتەكى قازاقلار كىيىنلرلار . قاديىنلرى وار كىكلرى على العاده روسلر كى تلبس ايدرلار . فقط اونلار قدر عبوس دكلدرلار . پىك متشبت برر دە كىز حىدودى ، غايت ماھر برر خىرىسىزدرلار .

تاتارلار بوتون قاپچاق الكاسنى ضبط ايتدىكلرى تارىخىدە شىمىدىكى دون قازاقلرىنىڭ اجدادلىرى پالوس مەئوتىدە ساحللىرىنىە و دون نەرىنىڭ منصب طرفلارنىدەكى آطەلرە چكىلمىشلردى . دە كىز جىدكە ھىچ علاقەلىرى اولمايان تاتارلار اونلرى تعقيبىدن مجتنب داورانمىشلردى . قازاقلار ارادە صىرادە تاتار كويلرىنىە دوغرىو يوللادىقلرى قوتلارە تاتارلرى از عاجدن خالى قالمايورلردى .

فقط تاتارلار ك قوتى انحطاطه باشلادىغى زمان قازاقلار روسلار ك
 آچىقدن آچىغه تاتارلار له معارضه ايتدكلرىنى كوردرك بوتون
 قوتلريله تاتارلار له يوكلنمكدن كرى دورمادىلر ، دون ساحللىرىنى
 اشغال ايتدىلر . اليوم ايشته بورالرده مقيم بولونيوزلر . چار
 ژان واسيلوويچ مؤخرآ كندىسىنى كوسترمكه باشلايخه دون
 قازاقلارى همان همان بورىستهن قازاقلرىنىك عىنى شرائطله ۱۵۴۹
 تارىخنده اونك تحت حمايه سنه كىردىلر . صوكره لرى ، لهستانك
 حمايه سنى قبول ايتدىلر . فقط طبيعتلرى اقتضاسى بردورلوراحت
 دورامادقلرندن صيق صيق عصيان ايدىيورلردى . ستانقو
 رازىن حقنده ويردىكمز تفصيلاتده بونك برمثالنه تصادف
 ايدىلشدر . ساپوروفسكىلر كې بونلركده برخطمانلارى واردى .
 فقط برنجى پترو تخته چىقدقدن صوكره بومأمورىتى لغوايتمك
 مناسب كورولدى .

دون قازاقلارى روسلار كې اورتودوقس مذهبىنه سالكدىلر .
 فقط مسائل دىنيه ده غايت جاهلدىلر . دون نهرى بوينده برچوق شهر
 وقصبه اشغال ايتمكدە درلر . نهر ك ساحللىرى صوك درجه ده منبتدر .
 نهر ساحلندن ايجرىلر له دوغرو يك اوزاقلاشمازلر . چونكه
 بر چوق يرده انى صويوقدر . اورمانه ايسه هيچ تصادف
 ايدىلر . دون قازاقلارى مواشىلريله وزراعت ايله كچىنيرلر .
 فقط باشقەلرىنىك صيرتندن ياشامق فرصتى هيچ قاچيرمازلر .
 سلاحلىرى ساپوروفسكى قازاقلرىنىك عىنىدر . بونلرك عسكەر .

لری ده یالکز پیاده دن عبارتدر . حتی عسکری سفر لرده سواری
بر قازاق کورمک نادر در . دون نه رینک صول ساحلنده
و وولغا نه ری اوزرنده زاریچا قربنده باشلایان و تو یا شهرینک
قارشیدسند دون نه رینه منتهی اولان سپرک جنوبنده کائن بوتون
شهر و قصبه لری دائمی صورتده منازعه حالنده بولون دقلری
قوبان تاتارینک هجومه قارشی ترصین و تحکیم ایدیلش بر حالده در .
بو قازاقلر عمومیتله شهر قوای محافظه سی و شهر لرمدا فعه سی
ایچون ایی ر عسکر در لر ، کندیلرینی دائره اطاعته ادخال
ایچون یاپیلان معاملات شدیدده دن صو کره یازیش خطرده لره
نظراً قوتلری اعظمی قرق بیک کشی یه بالغ اولاییوردی .

يایق قازاقلری

يایق قازاقلری ، تاتارلر وطنلرینی استیلا ایتدکلی زمان
بحر حزر ساحلرینه چکیلمن قاپچاق سکنهسی نسلندن گلکده.
درلر. اوراده ساحل ایله يایق و وولغا نهرلری آراسنه داغیله رق
اولادقلری بالقلرله وحیدودلقله کچینیورلردی . نهایت یاواش
یاواش طوپلانه رق بو حوالیده تاتارلرک حکم ونفوذی آزالغه
باشلا نیجه کیدوب يایق نهرینک جنوب ساحلرینی اشغال ایتدیله.
روسلر آستراخان حکومتی ضبط ایتدکن صوکره کندی
اختیارلریله روسلره تابع اولدیله. بوقازاقلرده همان همان اوتنه کی
قازاقلر کیدرلر . فقط حیاتلری دهه بسیط اولدیخی و هر طرفلرینی
احاطه ایدن تاتارلرله صبق صبق قیز آلوب ویردیکلری جهته
سائر وطنداشلری قدر یاقیشیقلی دکدرلر . مع مافیه اساس
اعتباریله هم خارجاً هم تمایلات واعتیادات اعتباریله ینه سائر
قازاقلرک عینی عد ایدیله ییلرلر. علی العاده قابا بیاض چوخه دن
دار قوللی بر اثواب کیرلر . بو قوللر باجاقلرینه قدر دوشر .
قیشین اوزرلرینه قویون پوستندن اوزون کورکلر کچیرلر .

چیزمه‌لری روس مشینندن یاپمیشدر . فقط عجملرک چیزمه‌لری
طرزنده یاپمیشدر . کلاهلری یوص یووارلاقدر . کنارلری
کورکاید . بو قازاق قولنک قادینلرینک اثوابی ارککلرکککندن
فرقلی دکلدر . یالکیز قادینلرک اثوابی ده‌ا اوزون وده‌ا دارد .
قادینلر یازین باش آچیق کیزلر .

یاییق قازاقلری یاییق نهرینک صاغ ساحلی بویجه ۵۰ عرض
درجه‌سندن نهرک بحر حزره منصب اولدیغی نقطه‌یه قدر
اولان بویوک کویلرده اقامت ایدرلر . زراعتله ، بالقجیلقله
ومواشیلریله کچینیرلر . قومشولری نزدنده یاپدقلری آقینلرده اله
کچیره بیلدکلری شیلریده بونلره علاوه ایدرلر . لسانلری
تاتارجه ایله قالموچهدن وکندی اسکی لسانلرندن مرکبدر .
بو خصوصی لهجه‌یی جوارلرنده کی مختلف تاتارلرده آکلارلر .
قاره قاپاقلر وقاساچیا اوردان تاتارلری ایله دائمی صورتده جدال
ایچنده بولوندقلرندن بوتون کویلرینی اونلره قارشى مدافعه
ایده بیله‌جک برحاله قویمق ایچون سپرلی هندکلرله تحکیم
ایتمشلردر . قیشین ، نهر بوزطوتدیغی زمان ، بوتون موسم
مدتجه اولرنده قاپالی قالیرلر . بواثناده تاتارلر اسیر آلمق
فکريله کویلر جوازنده دولاشوب دورورلر . فقط ایی موسم
عودت ایدنجه قازاقلرکده صیراسی کلیر . قاییتلرینه بینوب
تاتارلری آرامغه کیدرلر . بحر حزرک بوتون شرق ساحلنی
دولاشیرلر ، چوق کره هم دوستک هم دشمنک اموالنی

ياغما ايدرلر . بو مقصدله دائما بر چوق حاضر قايقلىرى واردور .
 بو قايقلىك هر برى اوتوز قرق كشي طاشيه بيلر . قيشه
 دوغرو بو قايقلىرى قارهيه چكرلر و كويلرندە قابالى يرلردە
 محافظه ايدرلر . سـلاحلىرى قيايـيـچ ، اوق ويايدر . بويوك
 پترويك زمان سلطنتندن صـوـكـرە اسلحه ناريه قوللانمغه
 باشلامشلدور . بونى آنجق قيش موسمنده استعمال اتمهلىرى
 ايچون كنديلرينه مساعده و يرلمشدر . بحر حزر اوزرندە
 ياپدقلىرى آقنلردە سـوـ استعماله اوغراته جقلىرى ايچون يازين
 اسلحه ناريه استعمال اتملىرى ممنوعدر . سـلاحلىرى كنديلرينه
 تاتارلره قارشى حسن مدافعه ايدە بيلملىرى مقصديله قيش
 باشلانغيچندە توزيع اولونور . نهرلك بوزلىرى چوزولمكه
 باشلار باشلاماز بو سـلاحلىرى يايىق نهرينك صاغ ساحلندە
 منصبدن قرق و درست مسافهده كائن يايىقسقوى شهرينه
 كوتوروب اعاده اتمكه مجبوردرلر . بو شهرده اقامت ايدن والى
 يايىق قازاقلرينى تفتيش صلاحيتنى حائزدر . هر سـنه روسيهيه
 ويرمكه مجبور اولدقلىرى ويركويى اونلردن حيوان ، بال مومى ،
 بال و مواشى شكننده اخذ ايدر . بو قازاقلرك مىلى رئيسلىرى
 واردور . بورئيسلر اونلرى اسكى عادتلرى دائر دسندە اداره ايدرلر .
 قازاقلر شيمدى ، قسم اعظمى اعتباريله ، روسيهده كى كى
 اورتودو قس مذهبنه سالكدردلر . مع مافيه اسلاميتدن و بپرسلكدن
 بر چوق اعتقادات محافظه اتمشلدور . جسوردردلر و سائر بوتون

قازاقلر کبی غایت ای پیاده عسکریدرلر . یاییق قازاقلری
 دیگرلری قدر کورولتوجی دکلدرلر. قونتایشک تبعه سی اولان
 قالموقلرله ای کچینرلر . بوقالموقلر یازین کندیلرله تجارت
 ایتمک اوزره یاییق نهرینک شرق ساحلنه کلرلر . یاییق
 ساحللری او درجه ده منبتدرکه بر پارچه ذرع ایدیلیرسه
 حیات ایچون لازم اولان شیئی مبدولاً تأمین ایدر . تقریباً
 اوتوز بش سنه دن بری ، بو نهر منبعلرینه دوغرو چیقیله جق
 اولورسه بر چوق اورمان ، حتی میشه آغاجی بولوندیغی
 آکلاشلمشدر . بو کشف قازاقلرک چوق ایشنه یارامشدر .
 چونکه اولجه کراسته فقدانندن مضطرب اولیورلردی . شیمدی
 یازین کیدوب کافی مقدارده آغاج کسورلر وهر بری اوچ
 درت یوز آغاجدن مرکب بویوک صالار حالنده یاییقسقویه
 و بحر حزره ایندیریورلر . یاییق قازاقلری تقریباً اوتوز بیک
 محارب چیقارا بیلیمکده درلر .

آلتنجی جلدک صوکی

فهرس

اون يدنجى كىتاب

- ۱ — ايران موغوللارنىڭ ۱۲۵۸ سەنەسىدىن ۱۳۵۵ سەنەسىگە
 سەنەسىگە قەدەر تارىخى . . . سۈرىيە مەھارباتى . . . خەستىيانلىق
 ئىنقىلاپ . . . پاپايە كۆندۈرۈلۈپ ھىيئەت سەھەرت . . . بومو غوللار
 خەستىيانلىق . . . تانارستان خانلىرىدىن آيرىلىپ ئورۇسلاستى
 قەبۇل ابدىيلىرى . . . چوبايان سەلەسىنىڭ تەسىس و تارىخى . . .
 موغوللارنىڭ انقىزى ۱۷
- بەغداد شەھرىدە موغوللار خەلف اولان ايلطانلىرى
 ۱۳۵۶ سەنەسىدىن ۱۴۱۰ سەنەسىگە قەدەر تارىخى . . .
 ۷۷ . . . تيمورلەنگە سۈرىيە ھۇجۇمى . . . بەغدادنىڭ تەبىئىي
 عراق غەربىدە ايلطانلىرى خەلف اولان قارە قويونلى
 تۈركمەنلىرىنىڭ ۱۳۸۷ سەنەسىدىن ۱۴۹۶ سەنەسىگە قەدەر
 ۹۸ تارىخى
 آشاغى ارمنستان و مەزوپوتامىيەدە قارە قويونلىرى
 خەلف اولان آق قويونلى تۈركمەنلىرىنىڭ ۱۴۰۶ سەنەسىدىن
 ۱۵۰۲ سەنەسىگە قەدەر تارىخى . . . بۇرغۇنىيەدە سەنەسى،
 ۱۰۵ سەنەسى
 ۲ — چىڭتاي موغوللارنىڭ ۱۲۳۲ سەنەسىدىن ۱۳۶۹ سەنەسىگە
 ۱۱۲ . . . سەنەسىگە قەدەر تارىخى . . . تيمورلەنگە مەقسەت اقبالى
 ۱۵۹ . . . كاشغەر ياخۇد كۆچۈك بۇخارا موغوللارنىڭ تارىخى

اون دوقوزنجی کتاب

- خوارزمده کی اوزبك خانلرينك تاريخى .- ايران
شاهلر بله و بويوك بخارا خانلر بله محاربه لرى . . . ۳۴۷
آوروپاده قازاق نامى آلتنده معروف اولان وموغللار
طرفندن تاتارستاندن طرد ايديلن قاپچاق اقوامنك مزشائى
واخلاق وعاداتى .- مختلف قسىملره آيرىلارى . . . ۴۵۸
ساپورووى قازاقلرى ۴۶۰
دون قازاقلرى ۴۹۱
يايىق قازاقلرى ۴۹۴

آلتىنجى جلدك صوكى

DATE DUE

To renew
call 292-3900

[illegible]

The Ohio State University
Form 10620

MAIN STACKS

stx

D141

G8193

1923

v.6